

119 387

~~654~~

7.33

OK 62-1771



FRANCISCI GLISSONII

In Inclyta Cantabrigia Academia Medicina
Professoris publici & Collegii
Londinensis Socii,

OPERA

MEDICO - ANATOMICA,

in unum corpus collecta, &

TRIBUS VOLUMINIBUS

comprehensa.

Cum Indicibus necessariis.

VOL. II.



LUGD. BATAVOR.

Apud PETRUM VANDER AAR,

MDC XCI.

Contenta hoc volumine
Anat. Hepatis.

NEDERL. MAATSCHAPPIJ
TER BEVORDERING DER
GENEESKUNST

FRANCISCI GLISSONII

*In Inclita Cantabrigia Academja Medi-
cina Professoris publici & Collegii
Londinensis Socii,*

ANATOMIA
HEPATIS.

Cui præmittuntur quædam ad rem Ana-
tomicam universe spectantia.

*Et ad calcem Operis subjiciuntur nonnulla
de Lymphæ-ductibus nuper repertis.*

Editio novissima, prioribus emendatior.



LUGD. BATAVOR.

Apud PETRUM VANDER Aa,

MDC CXI.

THEATRALISCHES
KUNSTWERK
VON
J. H. VON
S. M. VON

ANATOMIA
HISTORIA

DE
HUMANI CORPORIS
STRUCTURA

ET
VITAE
HISTORIA



ADAM SMITH

NEDERLANDSCH
TER BEVORDERING DER
GENEERKUNST

Almæ Matri

CANTABRIGIÆ
ACADEMIÆ CELEBERRIMÆ,

ORNATISSIMOQUE

Medicorum Londinensium

COLLEGIO,

Sibi æternum colendis,

FRANCISCUS GLISSONIUS

Hanc suam

Hepatis Anatomiam

GRATITUDINIS ERGO, OFFICIOSE

D.D.D.

CATALOGUE

OF THE

LIBRARY

OF THE

UNIVERSITY OF

OXFORD

PRINTED BY

J. CLARKE, STATIONER

AND

BOOKSELLER

IN

ST. MARTIN'S

Lectori Benevolo.



Am annus decimus tertius elapsus est, postquam (ita jubente celeberrimo Medicorum Londinensium Collegio) mihi publice prælegendi munus incubuit. Quo tempore id sedulo operam dabam, ut hepate carne sua exuto, penitio rem illius fabricam detegerem: factumque adeo est, ut observationes plurimas, quarum in hoc libello sit mentio, tunc temporis proponerem. Placuit Amicis præsentibus rei novitas, & quæ inde verisimiliter in rem Medicam profecturæ esset utilitas; mihi que acriter institerunt, ut quæ intra privatos Collegii cancellos exhibuissem, quamprimum id conmode fieri posset, publici juris facerem. Ego vero tenuitatis meæ probe conscius, tum etiam negotiis aliis varie districtus, ut iis morem gererem, hæcte-

nus à me impetrare non potui. Nuper autem, cum à curis Academicis, rebusque meis privatis plusculum otii suppeteret, sciremque Prælectionum illarum editionem etiamnum expeti; volui tandem amicis cordatisque Viris obtemperare; eorum sententiæ securus, qui, nisi quod ipsi faciunt, nihil rectum putant. In eum finem itaque rem totam in ordinem redegi; passimque hic illic, factò diverticulo, disceptationes aliquot vel novas, vel pleniores institui: interque alia, in ipso operis exordio, de lymphæ ductibus paulo fusius egimus. Quæ in re si quid dictum sit, quod iis, quæ antea in Tractatu isto à me asseruntur, dissentaneum videatur; nolim me illico levitatis aut inconstantiae reum agas; quoniam vix aliter fieri potest, quam ut sententia, quam recens amplexus fueris, veterem aliam aliquo modo sugillet. Neque

Lectori Benevolo

que tamen commodum arbitratus sum, nova necdum plene stabilita, veterem sententiam retractare. Utcunque, pauca (ut arbitror) hujus generis occurrent, iisque facile, opinor, venia habebitur. Profecto id vere testari possum, me haud leves quasque verisimilitudinum umbras hic temere scctatum esse; verum omnia, quantum licuit, ad rei ipsius trutinam fideliter exegisse. Et si quando (quod cuilibet, loca avia semitamque minus tritam peragranti, facile eveniat) à scopo aberraverim, id tu mihi, spero (LECTOR Candide) humaniter condonabis. Sunt certe in his nonnulla adhuc, quorum incertitudo atque perplexitas altam mentibus nostris caliginem offundunt: quæ tamen plurima, nisi male hariolor, ventura prope diem ætas in apricum proferet. Dubia autem hujusmodi, non nisi hæsitanter asserui; & interdum eo

Lectori Benevolo

finē à me proposita sunt, ut felici-
rioribus ingeniis ad hæc Naturæ
arcana porro eruenda calcar adde-
rem, idque facient expeditius, si
exuta inveteratæ opinionis larva,
rem ipsam penitus indagaverint,
Hæc, amice L E C T O R, in limi-
ne præmonitus, ædiculam ipsam,
si libet, ingredi.



TOTIUS OPERIS SYLLABUS.

*Prolegomena quædam ad rem
Anatomicam universe spectantia.*

CAP. I.

Anatomix definitio & subjectum.

pag. 1.

Nominis ratio. *ibid.*

Operatio principalis ad eam spe-
ctans. *ibid.*

Ejusdem differentia. *2*

Operationes alie. *ibid.*

Finis hujus Artis. *ibid.*

Quæ sint in Anatomia observanda, *3*

Illius subjectum. *ibid.*

& definitio. *6*

CAP. II.

Primæ corporis humani divisiones.

pag. 7

Distinctio nominis. *ibid.*

Illius divisiones tres. *7, 8*

Earundem consensus. *ibid.*

Reductioque ad dichotomiam. *ibid.*

Divisio quarta. *9*

* 6 CAP.

CAP. III.

Solidarum five fixarum partium divisio. pag. 10

Distinctio partium triplex. ibid.

Quousque sibi consona. ibid.

Methodus procedendi in ejus explanatione. 11

CAP. IV.

Notionum, materiæ & formæ partium, explicatio. p. 11

Quanam sit partium materia. ibid.

Quæ forma earundem. 12

Convenire eas in genere cum materia ac forma artificialibus. ibid.

Definitio earundem communis. ibid.

Tam Ars quam Natura in materiam agit formamque producit 13

In quibus Ars & Natura conveniant, ib. aut discrepent. 14

Materia naturalis definitio propria. 15
ejusdem divisio. ibid.

Formæ naturalis definitio propria. ibid.

CAP. V.

Quid notiones istæ, similare, dissimilare, organicum, & inorganicum significant. p. 15

Definitur pars similis. 16

item dissimilaris. 17

Simi-

Similitudo in partibus similaribus requi-
sita. ibid.

Diversitas in dissimilaribus. ibid.

CAP. VI.

De distinctionis partium simila-
rium, organicarum atque in-
organicarum origine. p. 18

Partes tum similes tum dissimiles
fundantur in materia. ibid.

Organica & inorganica in forma. 21

CAP. VII.

Quomodo partes similes, totam
partium materiam repræsen-
tent; & organicæ earundem
formam. p. 21

Ultima partium materia est tantum
similaris. ibid.

Materia dissimilis caret unione natu-
rali. 23

Partes organica totam formam absor-
bent. 25

Usus distinctionis partium in similes
& organicas. 27

Objectioni satisfit; ex triplici vasorum
consideratione. 30

CAP. VIII.

De partium similarium natura rea-

<i>Definitio partis similis.</i>	ibid.
<i>Definitio Elementi.</i>	31
<i>Elementum est, vel intermedium vel ultimum.</i>	32
<i>Intermedia elementa sunt multiformia.</i>	ibid.
<i>Mistorum separationes varia.</i>	33, 34
<i>Vis, qua similia suis similibus congregantur.</i>	ibid.
<i>Elementa ultima.</i>	37
<i>Elementa chymica & Aristotelica inter se comparantur.</i>	39

CAP. IX.

De partium similarium divisionibus.

<i>Artes sunt, vel excrecentes vel informata.</i>	ibid.
<i>Haec dividuntur in spermaticas & sanguineas.</i>	ibid.
<i>Spermatica in { molles, duras, & tensiles }</i>	40
<i>Tensiles in { membranosas, fibrosas, & ex utrisque compositas }</i>	42
<i>Census partium membranosarum & fibrosarum.</i>	ibid.
	Par-

Partes ex fibris & membranis composi-
ta. ibid.

Partes laxiore sensu { pingues,
sanguinea dicta, musculosas, & } 43
dividuntur in { parenchymata.

Parenchymata in { sanguinea & } 43, 44
{ phlegmatica.

CAP. X.

De partium organicarum essentia
reali. P. 45

Quinq; partes forma organica. ibid.

1. Situs ibid.

2. Magnitudo. 46

3. Numerus. ibid.

4. Continuitas. 47

5. Figura.

qua est vel { interna. } 48

Figura interna partes ibid.

Cavitas. } ibid.

Meatus. } 49

Pori, sive permeabilitas } ibid.

Ramificatio. } 53

Circa cavitate quid inquirendum. } 41, 48

Quid circa meatum. } 49

Quid circa poros & permeabilitatem, 49

Duo genera permeabilitatis, ibid.

Utraque plurifariam inter se conveniunt.

51

Estque illius idem finis, & consimiles mor-
bi, nempe obstructions. ibid.

Harum tria genera. 51, 52

Quid circa Ramificationem. 53

Figura

ANATOMIA HEPATIS.

CAP. I.

Dicendorum ordo. p. 55

CAP. II.

De situ hepatis. p. 57

Hepatis situs generalis. ibid.
 ejus gibbum. ibid.
 Cavum. ibid.

Tumores situm illius variant. 58

ejus ligamentum { *primum* } 59
 { *secundum.* } 60
 { *tertium.* } ibid.

Alia ejusdem connexiones. 61

Motus illius obscuri. 62

Affectiois hystericae exemplum. 64

Inflatio ventriculi. 66

Hepatis adnascencia. ibid.

*Non idem est omnium hepatis partium
 motus.* 67

Quaestiones quatuor discutienda. 69

CAP. III.

Quæritur primo , Cur hepar. supre-
 mum in abdomine. locum oc-
 cupet? p. 70

Erorrefellitur. ibid.

Vera causa assignantur. ibid.

CAP.

CAP. IV.

Quæritur secundo, Cur hepar potius in dextro, quam in sinistro hypochondrio, positum sit?

Aorta & vena cava non debebant in eodem latere collocari. p. ibid.

Oportuit aortam esse in sinistro, & cavam in dextro. 72, 73

Hepar situm suum à corde mutuatur. 74

Cordis positura. 75

CAP. V.

Quæritur tertio, Cur in homine (& ad ejus normam, in aliis quoque animalibus) hepar semper in dextro hypochondrio situm sit. 77

Inquirendi occasio. ibid.

Causa hujus situs efficiens. 78

Causa finalis. 79

Causa alia. ibid.

item alia. 80

CAP.

Quæritur quarto, Utrum situs hepatis in dextro latere, plus roboris, motuique expediendo promptitudinis, huic lateri, quam alteri conferat? p. 81

Comparatio laterum. ibid.
Influentia hepatis in latus dextrum ibid.

$\left\{ \begin{array}{l} \text{Lienis,} \\ \text{Pancreatis} \\ \text{Omenti,} \\ \text{Ventriculi,} \\ \text{Aorta,} \end{array} \right\}$	82
	ibid.
	in sinistrum. 83
	ibid.
	84

Hepar plus roboris suo lateri confert, quam alia partes, lateri opposito. 84

Gentium in ea re consensus. 85
ibid.

CAP. VII.

De magnitudine hepatis. p. 90

Magnitudo relativa. ibid.
Partium mensura. 91
pondus. 92

Hepatis longitudo. 93

Latitudo & crassities. 94

Pondus medium. ibid.

Ponderum discrimina. 95

Interna lubricitas. 96

Hepatis diminutio. 100

Ejusdem tumores; ibid.

Horum

<i>Horum communes causa.</i>	ibid.
<i>Affluxio & obstructio.</i>	ibid.
<i>Affluxionis tres causa.</i>	101
<i>Atque obstructionis totidem.</i>	ibid.
<i>Tumores calidi.</i>	ibid.
<i>frigidi.</i>	102
<i>Tumores parenchymati ejus peculiare</i>	103
<i>Calculi in poro bilario.</i>	104
<i>Hydatides in tunica hepatis.</i>	105

CAP. VIII.

De partium hepatis numero. p. 106

H epar est unicum.	107
<i>Aliene plurimum discrepat.</i>	ibid.
<i>Cur non geminum factum sit.</i>	108
<i>Cur lobis careat.</i>	109
<i>Partes hepatis similes, earumque enumeration.</i>	110
<i>Partium integrantium defectus.</i>	112
<i>Redundantia.</i>	ibid.
<i>Observationes duae, de morbis hepatis in numero partium aucti.</i>	113, 114

CAP. IX.

De hepatis continuitate. p. 116

C ontinuitas tunica.	ibid.
<i>Laesiones continuitatis tunicae & parenchymatis.</i>	117
<i>Solutionis hujus periculum.</i>	ibid.
<i>Causa,</i>	118
<i>Vulnera,</i>	ibid.
<i>Par-</i>	

<i>Partium divulsio.</i>	119
<i>Parenchymatis</i> { <i>Contusiones</i>	120
{ <i>Erosiones.</i>	121
{ <i>Obstructiones</i>	122
<i>Solutio continuitatis in vasis.</i>	124
<i>Vasorum hepatis vulnera.</i>	125

CAP. X.

De figura hepatis : & primo generatim de figura illius externa.

p. 128

Totius hepatis figura externa. 129

Quibusnam comparari possit. ibid.

Ovi segmento adumbratur. 130

a quibus determinetur. 131

Rationes sive regulae sex, figuram hepatis determinantes. 131, ad 137

Regulae praedictae humano hepati applicantur. 138

Quaritur cur hepar humanum sit indivisum. ibid.

Hepar toti trunco quodammodo conforme est. 139

Qualisnam sit trunci in homine figura. ib.
ejusdem figura utilitas. ibid.

Postulata quadam utilitatem eam demonstrantia. ibid.

Ex illis illatio. 142

Quid longitudinem ac latitudinem hepatis definiat. 142, 143

Quidque crassitiem atque ovalem figuram. 143, 144

Hepatis flexibilitatem aliqualem, sed minorem

<i>morem quam in aliis animalibus, requiri,</i>	145
<i>Aliquot hepatis humani privilegia, ejus flexibilitatem promoventia,</i>	145, 146
<i>Cavitas hepatis in homine minus profunda est, quam in multis aliis animalibus,</i>	149

CAP. XI.

De partibus quibusdam figuræ hepatis externæ, deque earundem causis.

p. 150

<i>De hepatis gibbo.</i>	ibid
<i>Cavo.</i>	151
<i>parte sinistra.</i>	152
<i>dextra.</i>	153
<i>De fissura hepatis.</i>	ibid.
<i>Inequalitates in cavo hepatis.</i>	154
<i>Hepatis Portæ.</i>	155
<i>lobus.</i>	156
<i>ejus usus.</i>	ibid.

CAP. XII.

De figura hepatis interna: ac primum de vasis bilariis extra hepatis conspicuis, iisque univ ersim consideratis.

p. 158

<i>Vasorum hepatis divisio.</i>	159
<i>Vasa fellea foris conspicua recensentur.</i>	ibid.
	<i>Eorumque</i>

Horam ab internis ejusdem generis vasīs
differentia. ibid.

Et cum hisdem communiter. 160

CAP. XIII.

De vesicula fellea. p. 161

Eius figura. ibid.

Connexio duplex; quarum prima,
nempe illa cum hepate, diversimode
firmatur. 162

Vesicula fellea radice. ibid.

Harum insertio. 163

Vesicula officium. 165

CAP. XIV.

De meatu cystico. p. 166

Altera vesicae biliaris connexio. ibid.

Annulus ejus fibrosus. 167

eiusdem usus. ibid.

Meatus cysticus valvulis destituitur. ibid.

Ductus illius amplitudo. 168

CAP. XV.

De Poro bilario, quatenus extra
hepar conspicuus est. p. 169

Pori biliaris dignitas. 170

capacitas. ibid.

Objectioni respondetur. 171

Porus iste valvulis caret. 171, 172

eius longitudo & amplitudo. ibid.

CAP.

CAP. XVI.

De Ductu communi. p. 172

Ilius proportio ad meatum cysticum
& hepaticum. ibid.

Connexionis modus 173

Valvulas nullas habet. ibid.

Ejusdem insertio in intestinum ibid.

Regressum omnem praepedit. 175

Insertionis hujus discrimina in variis
animalibus. 176

CAP. XVII.

De Vasorum felleorum, extra he-
par positorum, actione atque
usu: eaque super re Laurentii
sententia primum expendi-
tur. p. 178

Inquirendorum methodus. ibid.

De actione atque usu hepatis sententia tri-
plex. 179

Opinio Laurentii examinatur, & ad
tres propositiones reducitur. ibid.

Quarum prima perpenditur. ibid.

Ejusque fundamentum convellitur.

182

Valvula rejicitur. ibid.

Observatio illius enervatur. ibid.

Non viderat valvulas quas descri-
psit. 183

Porus biliaris recte in intestinum a-
peritur. 185

Erroris

	<i>Erroris ejus occasio.</i>	187
	<i>Observatio retorquetur</i>	189
271	<i>Propositio secunda refellitur;</i>	190
	1. à <i>meatus cystici angustia.</i>	ibid.
	2. à <i>ductus communis ampli-</i> <i>tudine.</i>	192
	3. à <i>propriis vesica felleæ ra-</i> <i>dicibus.</i>	193
	4. à <i>perpetua ejusdem plenitu-</i> <i>tudine.</i>	ibid.
	<i>Tertia illius propositio expenditur.</i>	195
	<i>Attractionis organicæ quatuor modi.</i>	196

CAP. XVIII.

Fallopîi sententia examinatur. p. 199

E *Adem quinque propositionibus*
exponitur. 200

Quarum prima & secunda admit-
tuntur. ibid.

Tertia, solum ex parte vera est. 201

ut & quarta, ibid.
atque etiam quinta. 202

CAP. XIX.

Tertia opinio, Julio Fasolino attri-
buta, & à Riolano comprobata
perpenditur. p. 203

I *lla tribus propositionibus comprehen-*
ditur, ibid.

Qua-

<i>Quarum prima partim conceditur,</i>	<i>ES</i>
<i>partim refellitur.</i>	204
<i>Secunda quoque ex parte recipitur.</i>	205
<i>Restrigitur autem.</i>	207
<i>Tertia propositio examinatur.</i>	210
<i>Eademque partim recipitur.</i>	211
<i>partim rejicitur.</i>	ibid.

CAP. XX.

*Sententia Autoris de prædictarum
partium usu, propositionibus
duodecim comprehensa. p. 212*

PROPOS. I.	{	<i>Vesica fellea semper plena est. ibid.</i>
		<i>ejus res rationes. 213</i>
		<i>Quomodo à vesica uri- naria discrepet. ibid.</i>
PROPOS. II.	{	<i>Vesicula ea dilata amplius recipit. 215</i>
PROPOS. III.	{	<i>Repletur naturaliter à radicibus suis. 216</i>
PROPOS. IV.	{	<i>Vasa reliqua fellea sunt etiam bilis promptuaria. 219</i>

Vesicula plus solito re-
pleta, ad excretionem
stimulatur. 220
 PROPOS. V. { *Vnde id fiat. 221*
 { *Non fit tamen excre-*
 { *tio totalis. ibid.*

PROPOS. VI. { *Motus bilis naturalis*
 { *quis sit. 222*

 { *Insertionis obliqua*
 PROPOS. VII. { *clausura affluentem*
 { *bilem repellit, 225*
 { *Id quomodo fiat,*
 { *ostenditur. ibid.*

 { *Clausura illa à com-*
 { *pressione fit validior*
 { *227*
 PROPOS. VIII. { *Hujusq; rei causa. ib.*
 { *Ut bilis in vesiculam*
 { *resiliat, duo requi-*
 { *runtur. 229*

PROPOS. IX. { *Regurgitatio isthac*
 { *tandem facit irrita-*
 { *tionem. 230*

 { *Bilis non pedetentim,*
 { *sed collectim effluit.*

 { *231*
 PROPOS. X. { *Differentia insertionis*
 { ** ureterum in vesicā,*
 { *Et ductus communis*
 { *in intestinam. 233*

PRO-

PROPOS. XI.

{ Effluxus isti ut plurimū
cessant durante co-
ctione, & de ea re
Fallopīi sententia
rejicitur. 235
Causa alia finalis 237

PROPOS. XII.

{ Bilis congestio ex usu
est. 239
idq; tripliciter. ib.

1. Obstat putredini. ibid.
2. Obstructionem & sanguinis coagula-
tionem impedit. 240, 241
3. Hujusque depurgationi conducit, alli-
ciendo ad se sanguinem biliosum,
quo expurgetur. ibid.

*Hac alleclatio sive attractio similis asse-
ritur.* ibid.

Quibus mediis perficiatur. 241. 242

*Effluvia, excitare possunt corpora graviora
ad appetendam unionem cum corpore a-
lio; at bajulare non possunt.* 243

Nostra de hac re sententia 244

*Tria ad hanc attractionem requi-
runtur.* ibid.

*Haud adeo occulta est, ut intelligi
non possit.* 245

Qualis nam sit attractio. ibid.

Cur dicatur similis. 246

Dicta presenti negotio adaptantur.
247

*Objectioni, de promiscuo sanguinis mo-
tu in arteriis, respondetur. 248,
ad 252,
Propositionum harum elenchus. ibid.*

CAP. XXI.

Dux administrationes Anatomicæ,
quarum opera vasorum felleo-
rum in hepate vestigia clarius
innotescant. p. 253

A dministratio prima. ibid.

Instrumentum illi inserviens. 254

Eodem utendi modus. 255

Quanam sint observanda in ejus usu.

256

Administratio altera. ibid.

*Quæ, ut à Spigelio proponitur est man-
ca. 256, 257*

Ejusdem modus alius etiam mutilus. ib.

Administratio Autoris. 259

CAP. XXII.

Summa eorum, quæ de interna he-
patis figura dicenda restant. p. 260

*Q*uomodo figura parenchymatis inter-
na dignoscatur. 261

Hepatis vasa. ibid.

Quo ordine tractanda veniant. 262

CAP.

CAP. XXIII.

Rationes quædam communes,
quibus vena Cava, vena Portæ,
& Porus bilarius inter se con-
veniunt. p, 263

C O m m u n i t a s	{ prima.	ibid.
	{ secunda.	267
	{ tertia.	ibid.
	{ quarta.	268
	{ quinta.	274

CA P. XXIV.

Differentiæ, quibus in excranando
hepate, vasa ejus primo intuitu
ab invicem distinguantur. p. 280

U T i l i s e s t h u j u s m o d i d i s c r i m i n a -
t i o ibid.

e j u s q u e v a r i i m o d i	{ primus.	ibid.
	{ secundus.	281
	{ tertius.	ibid.
	{ quartus.	282
	{ quintus.	ibid.
	{ sextus.	ibid.

Proportio ramulorum capillarum
Portæ & Cava est quodammodo
aqualis. 283

CAP. XXV.

De Vasorum horum in hepate distributione : & primum de illa Venæ Portæ. p. 284

Undenam vasorum in hepate distributione ordiendâ sit.	285
distributio Portæ.	286
Radices hujus extra hepar.	287
A ventriculo.	ibid.
A liene, pancreate, omento.	288
Venarum hamorrhoidalium usus & origo.	ibid.
Radices Portæ ab intestinis & mesenterio orta.	289
Distributio Portæ intra hepar.	290
Sinus ejusdem.	291
Canalisque venosus.	293
Primus.	293
Rami Portæ	{
Secundus.	
Tertius, quartusq; &	
Quintus.	
s. num.	ibid.
Distributionis horum aequalitas.	295
ejusdem usus.	296

CAP.

CAP. XXVI.

De radicum five ramorum venæ
Cavæ in hepate distributione.

p. 297.

R *Adices vena Cava.* ibid
Quonam versus in iisdem san-
guis fluat. ibid.

Ex toto hepate aqualiter oriuntur.

297, 298

Harum capillarium coitio in ramu-
lum, ramulorumque in ra-
num majorem. 298

Ramorum truncus. ibid.

Rami. { *minores.* 299
maiores. 300

CAP. XXVII.

Quomodo Porus bilarius in hepate
distribuatur. p. 302

P *Ori bilarii truncus, hujusque distribu-*
tio. ibid.

Figura exprimens distributionem Porta
et Porus bilaris, detracta capsula. 303

Equalis terminatio capillarium porus bi-
larii in toto hepate. 306

CAP. XXVIII.

De distributione capsulæ, venæ
Portæ atque poro bilario com-
munis. p. 307

Capsula hæc cur diversimode ap-
pelletur. ibid.

Illius	{	Origo.	308
		Dignitas.	ibid.
		Connexio.	309
		Distributio.	ibid.

CAP. XXIX.

De Arteriæ hepaticæ distributione. p. 310

Ejus ortus. ibid.
Capsulam Portæ ingreditur. ibid.
Illius { Distributio. 313
Terminatio. ibid.

CAP. XXX.

De Nervorum in hepate distributio-
ne. p. 315

Eorum { Exortus. ibid.
Distributio. 316

Galenus, dum hepatis sensum duntaxat
hebetem concedit, defenditur. ibid.

CAP.

CAP. XXXI.

De Vasis aquosis, five Lymphæ-
ductibus ad hepar spectanti-
bus. p. 319

Eorum primi Inventores. 320
Hac vasa Afellio errandi an-
sam dedisse. 321

CAP. XXXII.

De Vasorum in hepate connexioni-
bus, iisque primum, quibus
Porta & Porus bilarius mutuo
conjunguntur. p. 323

Tria connexionum genera. ibid.
Quorum primum est illud quo Porta
cum Poro bilario conjungitur. ibid.
Interque ea vasa nullam esse anastomosen,
experientia & ratione probatur. 323, 324
Connexionis horum vasorum veri usus red-
duntur. 325

CAP. XXXIII.

De Venæ Portæ & Cavæ in hepate
connexionibus, quæ secundum
genus earum constituunt. p. 327

Connexionum hujus secundi generis tres
species. ibid.
Anastomoses in illis nusquam reperiri. ib.
Connexiones istæ quibus in locis occurrant
& quales sint. 328

** 5

Quæ-

<i>Quomodo Anatomici à tribus illis connexionum generibus, anastomoseon specie decepti fuerint.</i>	330.
<i>Quomodo primum harum genus iis imposuerit.</i>	330, 331
<i>Quomodo secundum.</i>	332
<i>atque item tertium.</i>	333
<i>Autorum de hac re testimonia.</i>	335
<i>Bartholini sententia perpenditur.</i>	337
<i>Experimentum egregium.</i>	344
<i>Connexionum harum usus.</i>	346
<i>Tertium connexionum genus non immediatum, nempe inter vasa biliaria & ramulas Cava.</i>	347
<i>De Tabulis sive figuris excarnato hepatis adscriptis.</i>	ibid.

monita; { *primum.*
secundum.
tertium. } 348

Tabulae ista hepar à parenchymate suo liberaturum exhibent. 349

Figura prima sinistram hepatis partem tum vasis representat. ibid.

secunda, gibbam hepatis partem & vasa ibidem sita explicat.

350

CAP.

CAP. XXXIV.

De actione atque usu hepatis : &
primum universe de quarumli-
bet partium actione & usu , de-
que methodo in dicendis propo-
sita. p.351

DE actionis ususque partium discrimi-
ne. ibid.
Usus duplex. ibid.
Activus , & passivus. ibid.
Activus est, vel publicus, vel privatus. 352
Num agens naturale quicquam in usum
publicum moliatur. ibid.
usus privatus. 354
Dividuntur quoque actiones & usus, in
similes & organicas. 358
Dicendorum methodus. 356

CAP. XXXV.

Num Hepar sanguificet. p.357
Vterum sententia tres proponuntur ,
& refelluntur. 357,358
Prima ratio eas conjunctim rifiutans ; Ne-
que Cor, neque Hepar, neque Venas
primum sanguinem conficere. ibid.
Quidem sanguinem primum efficiat ;
359
& quomodo. 360
Rubedinis ejus causa, calor & motus 362
Qua causa variis instantiis confirman-
tur. 363,364
** 6 Quid

- Quid deinceps sanguificationis opus per-
 petuet. 366
 Secunda ratio prædictis omnibus sententiis
 adversaria, 367
 Nullam harum partium sanguini satis
 assimilabilem esse. ibid.
 Quod confirmatur tribus argumentis,
 atque etiam experimento. 368, 369
 Objectioni contra experimentum hoc al-
 lata respondetur. 370
 Probatum sanguificationem esse actionem
 similem. 372
 Chyli & sanguinis discrimina. ibid.
 Hepar particulatim à sanguificandi mune-
 re eximitur. 375
 Primo, quod hepar pallescat post primi san-
 guinis generationem. 375
 Deinde, quod vena lactea ad hepar non
 distribuatur. 377
 Venarum lactearum duo esse genera. 378
 Hepati cordique diversa esse munia. 382
 Rationes peculiare ob quas cordi sangui-
 ficandi officium denegatur. 384
 Peripatetici reconciliantur in gratiam. 388
 Vena singulatim sanguificandi munere
 privatur. 389
 Quomodo vena sanguinem conservet. 390

CAP. XXXVI.

Num hepar sit origo, siue principium venarum. p. 391

T Ractationis ordo. ibid.

Principii definitio. 392

Varia illius significationes. ibid.

Ad tria genera reducuntur, 393

Principii terminationis, duo alia genera, 395

Ad prædicta reducuntur distinctiones principii secundum Galenum. 396

Vena habent principium continuationis. 397

scaturiginis. 398

finale. 401

Quo sensu dicatur cor in reliquas partes principatum obtinere. 402

Sanguis est principium venarum efficiens. 403

Materia & forma earundem. 405

Expenditur sententia Galeni, 406

& peripateticorum. ibid.

CAP. XXXVII.

De totius hepatis officio. p. 409

Quid officii nomine intelligendum veniat. ibid.

Usus nobilis ac publicus hepati concessus. 410

Nempe sanguinis depuratio per bilis secretionem. 411

** 7

Qua-

Qua de re propositiones quatuor expen-
duntur. ibid.

CAP. XXXVIII.

Propositio prima. Bilem esse excre-
mentum. p. 412

I *lius elementa, è quibus constat.* ibid.

qualitates. 414

amorum. ibid.

color. ibid.

Atrabilis 415

Humor biliosus non nutrit. ibid.

CAP. XXXIX.

Propositio secunda. Calorem vitalem,
jugi sanguinis coctione bilem
necessario producere. p. 415

Q *uid gustus, ad modum productionis*
ejusdem cognoscendum, contribuat.

416

Quomodo idem promoveri queat. ibid.

Gustus praeipue à spiritibus afficitur. 417

Vox spiritus liberatur ab ambiguitate. ibid.

Mercurius est, vel pinguis, vel mater. 419

Mercurius macer non constat ex mistura
phlegmatis & spiritus oleosi. ibid.

Sententia hujus rationes. ibid.

Uterque Mercurius descenditur. 420

Spirituum sulphureorum discriminat. 422

Spirituum, aliorumque elementorum sta-
tus triplex. ibid.

Primus, Fixationis. 423

Se-

<i>Secundus, Fusionis.</i>	ibid.
<i>Tertius, Volacilitatis sive exaltationis.</i>	ibid.
<i>Quomodo status isti ad gustū referantur.</i>	424
<i>Acor dulcedinis pracedaneus fundatur in spiritu salino etiamnum fixo.</i>	ibid.
<i>Non tamen summa fixatione</i>	426
<i>Amarities ab initio orta in quo fundetur.</i>	427
<i>Dulcedinis origo.</i>	428
<i>Illam pracedunt, sed non immediate, vel astrictio vel asperitas, vel sapor ex utri- sque mixtus.</i>	429
<i>Eam immediate pracedunt, vel aciditas vel insipiditas.</i>	430
<i>Tria insipiditatis genera.</i>	431
<i>Quibus mediis spiritus reddantur volatiles et fugitivi.</i>	433
<i>Li omnes avolantes, vi fermentationis, vap- pam post se relinquunt.</i>	ibid.
<i>Simplicis autem exhalationis vi, liquorem acidum.</i>	434
<i>Amarities altera, qua dulcedinem sequi- tur, adustionis proles est.</i>	436
<i>Quomodo dulcia amarescant.</i>	437
<i>Applicatio predictorum ad generationem bilis ex sanguine.</i>	438, 439
<i>Qui fiat ut spiritus sanguinis dulces profu- giant.</i>	439
<i>Exhalationis eorundem series à primo us- que nutritivo.</i>	441
<i>Quantos sumptus natura faciat ut vitam tueatur, à priore demonstratur.</i>	443
<i>item à posteriore.</i>	ibid.
<i>Transpirationis insigne momentum.</i>	ibid.
<i>Ex-</i>	

<i>Excrementorum sanguinis generatio, bilis natura explicanda conducit.</i>	445
<i>Capitis hujus summarium.</i>	447

CAP. XL.

*Propositio tertia. Sanguinem biliosum
præcipue ad ventriculum & inte-
stina ferri; bilemque in eo tran-
sиту ad facilem à sanguine separa-
tionem faciendam inclinari.* 448.

*Congregatio similium conceditur & asse-
ritur.* ibid.

Quousque eadem in sanguine procedat. 449

*Bilem versus ventriculum & intestina pel-
lici.* 450

*Cur sanguis biliosus ad has partes propella-
tur, cum bilis ipsæ dissimilis sit.* 451,
452

Pituitam in intestinis à bile separari. ibid.

*Objectioni, circa deductionem bilis versus
ventriculum & intestina, satisficit.* 452

*Cur sanguis biliosus non recta ducatur ad
hepar per arterias, sed circumducatur
per venas.* 453

*Parenchyma hepatis agere ferret arteria
impetum.* ibid.

Tres aliæ hujus circumductionis utilitates
454, 455

CAP.

CAP. XLI.

Propositio quarta. Sanguinem biliosum, non debere ad Cavam reduci, nundum separata bile. p. 456

H *Epar solum huic separationi destinari.* ibid.

Quo itinere sanguis ad portæ truncum perveniat: & cur inde in Cavam non immediate transferatur. ibid.

Proprium hepatis officium evincitur. 458
ejusdem dignitas. 460

CAP. XLII.

De vasorum peculiarium, ipsiusque parenchymatis actionibus atque usibus particularibus: & primum de iis, qui à Porta, ejusque capsula communi atque arteria hepatica præstantur. p. 463

P *Ortam arteria affinem esse.* ibid.
Eandem aliquo modo pulsare, 465

Nervum hepaticum, mediante capsula, illam pulsationem promovere. 466

CAP. XLIII.

De parenchymatis actione atque usu particulari. p. 469

P *arenchymatis hujus dignitas.* ibid.
Parenchyma hoc coli viscem præstare. ib.
Colaturam

<i>Colaturam esse vel artificialem, vel naturalem.</i>	470
<i>Hujus varia genera.</i>	ibid.
<i>Colatura ad excretionem tendens, est triplex.</i>	471
<i>Naturales colaturas includere actionem similem.</i>	472
<i>Partes organica separationi huic inservientes.</i>	ibid.
<i>Similares partes eidem officio destinatae, quomodo operentur.</i>	473
<i>Dari partes parenchymatis non modo sanguineas, sed & biliosas.</i>	474

CAP. XLIV.

De actione & usu radicum Cavæ, porique bilaris, atque etiam nervi hepatici. p.475

Usus vena Cava, & poris bilaris. ibid.
Ad poris bilaris usum quid, & quantum contribuat vasorum felleorum irritatio.

476

Usus nervi hepatici, & quid conferat ad hanc irritationem. 477

Qua vel originalis est, vel per consensum.

478

Consensus hujus causa.

479

eiusdem usus.

480

CAP.

CAP. XLV.

De actione & usu Lymphæ-ductu-
um, five canalium aquosorum.

p.482

Certum est eosdem humorem aqueum
abducere. ibid.

Nec minus constat, quonam eundem trans-
ferant. ibid.

Dubitatur vero, unde primum is in hepar
adveniat. 483

Pars ejus maxima accedit per arterias. ib.

Reliquum per alia vasa. 484

Quanam ea sint. 485

Nervi scilicet. ibid.

Non autem vas aliquod quinti generis. 486

Hujus sententia argumenta. ibid.

Contra eandem scrupuli moventur. 487

1.^o Inde sequi, non omnes partes sanguine
nutriri. 488

Quod evincitur. ibid.

Quia sanguis multis partibus nutrien-
dis est dissimilis. ibid.

Quia isque minus fixus & permanens
est. 489

Quia partes ipsas depradatur. 491

Quia ista ab initio ex sanguine haud
facta erant. 494

Quanam partes sanguine minime nu-
triantur. 495

Quae ex sanguine consistunt. 496

2.^o Eandem sententiam, succi nutritio
distributionem nervis attribuere. ib.

Eandemque rationibus confirmatus. 497

Apar-

A partium absumptione in paralyfi. ibid.

Ab usu emplastrorum cephalicorum in phthifi. ibid.

A macie eorum qui sanguine abundant. 498

*A rore, è nervosarum partium vulg-
ribus, stillante.* ibid.

A strumarum origine. ibid.

A generatione seminis in testiculis. 499

A fractorum ossium conglutinatione 502

*Ab albuminis generatione in utero gal-
lina.* ibid.

*A nutritionis inaequalitate in Rachiti-
de.* 503

Tria praecipue obijciuntur in contrarium. 504

1. Nervos cavitate manifesta desti-
tuti. 505

2. Eosdem in defunctis inanes esse. 507

3. In viventibus transversim sectos,
nihil liquoris effundere, nec ab
injecto ligamine intumescere. 508

*Quibus, ordine quo proponuntur, res-
pondetur.* 505 ad 508

3.0 *Ex hac opinione colligi, nervos succum
nutritivum alicubi imbibere.* 509

*Non haurire eundem è musculis, mem-
branis, tendinibus.* ibid.

Nec ex ossibus. ibid.

Neque è corde, pulmone aut renibus. 510

Nec magis è pancreate. ibid.

An cerebrum eum suppeditet. ibid.

Et quo-

Et quomodo.	§ 11
An à ventriculo Et intestinis sufficiatur	ibid.
Objectioni ab exilitate sexti nervorum paris ducta respondetur.	ibid.
Insigne illius conjugationis cum aliis paribus Et nervis commercium.	§ 12
Fallopium, hujus paris descriptio.	ibid.
Ejus cum aliis nervis triplex connexio.	ibid.
1. per plexus.	ibid.
Eorundem communitates.	§ 13
2. per associationes.	ibid.
quarum duo sunt genera.	§ 14
3. per inosculationes.	ibid.
Connexionum harum usus.	§ 15
An nervi succum nutritium è ventricu- lo hauriant, non definitur.	§ 16
Quid lien huic muneri contribuat.	ibid.
Lienis bubuli dissectio.	ibid.
Vasorum illius quatuor genera.	ibid.
Arteria, Et vena.	§ 17
Earum distributiones Et connexiones.	ibid.
Tenuitas tunica vena splenica.	ibid.
Ejusdem foramina, Et horum ramifica- tiones.	§ 17, § 18
Nervi splenici.	§ 18
Fibra nervosa lienis.	§ 19
Eidem vas excretorium peculiare deesse.	ibid.
Cur tot nervi in liene reperiantur.	§ 20
Et quorsum tot nervosa fibra.	§ 21
Obiter ostenditur, quo potissimum medio paris	

- partis alienijus usus proprius innorescat. § 21
- Fibras istas, lienis usum indicare. § 22
- Easque, liquorem aliquem ex eodem elicere. ibid.
- Non quidem verum succum alibilem, sed ejusdem duntaxat vehiculum. § 23
- quod in vicinos nervos transferunt, § 24
- qui impuritates ejusdem in glandulas renales derivant. ibid.
- Glandula renales humorem unum ab alijs secernunt. ibid.
- Non tamen à sanguine. § 25
- Quisnam usus sit plexus glandulis illis vicini. § 26
- Quid nervis cum glandulis sit negotii. § 27
- Glandularum divisio, respectu habito ad nervos. § 28
- Glandula excretrices earumque usus. ibid.
- Glandularum reductricum usus. § 29
- Glandula nutrititia. § 30
- An glandula mesenterij sint nutritia. ibid.
- Venarum lactearum duo genera, § 31
- Cur primum eorum in mesenterij glandes terminetur. ibid.
- Non fit id ob chyli alterationem aliquam, sed secretionem potius. § 32
- Quod separatur, non esse excrementum, nec materiam in venas reducendam, sed ipsum succum nutritivum. ibid.
- Per quam viam is auferatur. § 33
- Tres glandulas lumbares eidem usui destinatas esse, ibid.
- Atque

Atque etiam thymum in junioribus animalibus.

533

Tria obijciuntur in contrarium.

534

1. lienem & glandes esse membra valde diversa.

ibid.

2. lienis officium esse, melancholiam aservare.

ibid.

3. Glandulas ac lienem minores esse, quam ut huic muneri sufficiant.

ibid.

Objectioni prima responderetur.

535

Glandulis istis ac lieni satis inter se convenire. Et qua differunt diversa obire nomina.

ibid.

Ad 2. dam objectionem negamus, Lienem melancholia deputatum esse.

536

Tertia objectioni satisficit, Solidas partes haud multum alimenti exigere.

ibid.

Sanguini vigecuplo plus, quam illis impendat.

ibid.

Item non necesse esse, nervos omnem latitatem lymphaductibus suggerere.

540

Quarta difficultas circa motum succi nutritii.

542

Humores in vasis quinque modis moventur.

ibid.

1. Instar fluminis eodem semper decurrentis.

ibid.

2. Cursu, intermedia quiete, interrupto.

ibid.

Quoniam alimentum statim à pastu feratur.

543

Quisnam sit illius motus, tempore somni.

ibid.

& quis, sopore finito.

544

3. Hu-

3. Humores moventur reciproce, scil.
prorsum & retrorsum in iisdem
vasis. 545
4. Moventur elective seu attractio-
ne simili. ibid.
- Estque attractio hujusmodi validior in
nervis, quam in arteriis. 546
- quia humor in iis placide movetur. ib.
- Et quia fibra nervorum faciunt, ne hu-
mores diversi in iisdem concurben-
tur. ibid.
- Ac denique quia nervi frequentes con-
nexiones inter se habent. 547
- Electivi hujus motus utilitas. ibid.
5. Humores concitantur ab irritatio-
ne, cujus tres sunt causa. ibid.
- Plenitudo. 548
- Acrimonia. ibid.
- Vigoratio nervorum. ibid.
- Qua dicta sunt, referuntur ad lymph-
ductus, nervosque qui in hepate repe-
riuntur. 550
- Lympha-ductuum horum progressio, &
depletio. 551
- Liquoris illius utilitas. 552

PROLEGOMENA

quædam ad rem
ANATOMICAM
universæ spectantia.

CAPUT I.

Anatomia definitio, & subjectum.



Νατομή, sive Ανατομία, Nomi-
indefinitè sumpta, dissec- nis ra-
ctionem quamlibet signi- tio.
ficat; subjecto autem cui-
piam peculiari, certæque
inethodo adstricta, *Artem*

quandam, sive *artificialem dissectionem*
denotat: nimirum, quâ in subjecti pro-
positi, omniumque ejus partium perfe-
ctam, quoad fieri potest, notitiam dedu-
cimur.

1^o. Dissectionem dixi *artificialem*: nam
licet & aliæ quoque plurimæ operationes
sint, quæ ad Anatomem spectant; illa ta-
men præcipua est, reliquisque fere omni-
bus administrandis occasionem præbet.
Non est autem animus, cæteras quaslibet
operationes, quæ ad perfectiorem subjecti
cognitionem faciunt, excludere; (hæc e-
nim, cum Artis hujus finis sit & scopus
primariûs, distinguere debet ac determi-
nare, quænam ad eam pertineant, & quæ
A secus.)

*Anato-
mia
opera-
tio prin-
cipalis.*

secus:) sed hoc tantum volo; ut, dum præcipuam operationem, unde ars tota denominationem suam mutuatur, exprimo, aliquo saltem modo generaliter Artis hujus naturam indigitem; accuratorem ejus descriptionem post pauca exhibiturus.

*hujus-
que dis-
feren-
tia.*

Porrò, artificialis hæc dissectio, non *manuariam* solum, sed etiam (& quidem præcipue) *mentalem* comprehendit. Quamvis enim illa ordine prior sit, utpote quæ ad alteram necessariò deducat; hæc tamen præcipue artificem *Anatomicum* denominat, locumque habet in corporibus tam vivis, quàm demortuis: nec quisquam cadaverum dissectionem manu factam expetit, nisi quatenus corporibus viventibus dignoscendis lumen præfert; ut nempe per mentalem partium designationem, earum rationem tam in vivis, quàm mortuis reddere queat.

*Opera-
tiones
aliæ,*

Quares, fortè, quænam sint illæ aliæ operationes, quæ, præter hanc manuariam & mentalem dissectionem, ad hanc artem pertineant? Respondeo, varias minoris momenti huic subservire: utpote, partium *commensurationes*, *ponderationes*, *inflatus*, *injectiones liquoris alicujus per siphonem*, *extensiones*, *ligaturas*, atque item alias.

Finis.

II^o. Finis dissectionis *artificialis* non est, ut subjectum, quod quis aggreditur, quoquo modo *minutatim* dividat; sed ut *perfectam* illius, singularumque ejus par-
tium





tium *notitiam* assequatur. Quod ut felicius præstet, artifex observat,

1^o. Universalem totius *structuram*, omnesque ejus proportiones, pulchritudines, & defectus universales; simul etiam generales *communitates*, & *differentias* cum aliis animalibus, ac præsertim individuis aliis ejusdem speciei. *Quænam in hac arte obscuranda.*

2^{do}. Partium singularum *conformationem*, & *texturam*, una cum particulis earum similaribus, sive elementis: *Proportionem* etiam, quam partes inter se & cum toto collatæ obtinent: *communitates* porro, & *differentias* unius ejusdemque partis, in variis animalibus, aliisque individuis ejusdem speciei; *Comparisonem* quoque & *discrimen* unius alicujus partis, cum cæteris ejusdem individui: denique, varias partis cujuslibet *sympathias*, & *antipathias*.

3^o. Varias singularum partium *facultates*, *actiones* & *usus*.

Anatomicus itaque diligenti horum scoporum prosecutione, principalem Artis suæ finem assequitur; absolutam nempe subjecti sui cognitionem: de quo nunc breviter agendum est.

II^o. Subjectum hujus Artis, prout latius *Subje-* aut strictius accipitur, ita quoque vocis *Sum* hujus, *Anatomia*, significationem variat. *ejus*,

1^o. Si tam liberali sensu accipiatur, ut *sensu* corpus omne mixtum in se comprehen- *laxiore,* dat, (siquidem hoc in elementa sua, è quibus constituitur, divisibile est) tum & ars

Chymica, *Anatomia* nomine dignabitur; utpote quæ elementa (ut vocant) mixtionis ab invicem separet; spiritum nempe, oleum, phlegma, salem, & caput mortuum. Et profecto video Chymicos quosdam *Anatomia Spagyrica* nomine plurimum gloriari; quod quidem hoc sensu *Arti* illi merito attribui potest, licet alias id fiat valdè impropriâ vocis acceptione.

*Minus
laxo,*

2^{do}. Potest subjectum *Anatomia* sumi laxâ admodum (angustiore tamen, minusque impropriâ, quam prius) significatione; nempe ut sit corpus omne, quod conformationem aliquam, sive variam partium compositionem obtinet. Quo sensu res artificiales *Anatomia* notioni subalternari possunt; nimirum automata, quorum partes & ab invicem seungi, & de novo inter se componi queunt. Plantæ quoque in hunc censum veniunt; variâ enim partium texturâ, & differentiis constant: & proculdubio ex accurata earundem dissectione, utiles valdè observationes nobis exsurgerent; præstaretque in illis (inferioris licet ordinis) rebus examinandis operam impendere, quam in transcribendis (ut sæpe fit) aliorum laboribus, inutiliter ætatem transigere. Quippe hoc pacto, ignavarum apum more, aliena duntaxat alvearia expilamus, nihilque bono publico adjicimus.

*Præcisius
re,*

3^o. Subjectum *Anatomia* adhuc contractius sumi potest, ut *animalium* duntaxat corpora suo ambitu complectatur; atque

que hoc sensu , bruta pariter ac homines scrutamini Anatomico subijci rectè dicuntur. Imò vero sola bruta istius partis artis, quæ *vivorum dissectio* appellatur , subiecta æstimanda sunt. Flagitiosum enim foret atque impium , hominem *vivum* scientiæ solius adipiscendæ gratiâ discindere. *Chirurgia* autem operationes, veluti membrorum amputationes, abscessuum apertiones, vulnerum ulcerumque inspectiones , aliæque non absimiles, licet arti huic plurimum ex usu sint , rudiores tamen minusque accuratæ sunt , quam ut *Anatomia* nomine insigniri debeant.

4. Subiectum Anatomici maximè proprium, est corpus humanum cum omnibus suis partibus. Non est quidem negligenda aliorum quoque animalium dissectio ; cum ea multifariam huic inservire possit ; sunt tamen illa subiecta huius artis *extranea*, dumtaxat , proprioque subiecto (hominis nempe dissectioni) famulantia.

Laurentio equidem non assentior , qui non totum corpus , sed solummodo *partes* eius subiectum Anatomici esse statuit. Quoniam enim à divisione totius exordientes, ad singularum partium subdivisionem descendimus ; causam nullâ video ; cur non *totum* : perinde ac *partes*, Anatomie subijci merito dici queat. Nam certè, *quicquid dividitur ; habet rationem totius*. Præterea, ars hæc non solum considerat partes absolute ac per se sumptas , sed in relatione ac

proportione mutuâ ad se invicem, atque etiam ad totum. Concludendum igitur, corpus humanum, quatenus est totum quid in partes divisibile, unâ cum omnibus istis partibus, esse adæquatum Anatomix subjectum.

Defini-
tio.

Ut itaque, quæ jam dicta sunt, paucis recolligam; *Anatomia est ars, qua per artificiales dissectiones, commensurationes, ponderationes, insitus, injectiones per siphonem, ligaturas, aliasque utiles operationes, corporis humani singularumque ejus partium structuram, proportiones, complementa, defectus, elementa, communitates, differentias, sympathias, antipathias, facultates, actiones, atque usus luculenter explicat; quantum saltem ingenio humano assequi conceditur.*

Quâ definitione manifestè constat Anatomix artem, licet sedulâ multorum doctissimorum Virorum operâ ingentes profectus secerit, ad summum tamen perfectionis culmen haud ità pertigisse, quin à recentiorum quoque industriâ ei plurimum superaddi possit. Et quoniam eadem amplis adeò limitibus diffunditur, ut ab unius cujuscunque diligentia complementum ejus ultimum expectari nequeat; optandum sanè foret, ut cuicunque animus in hujusmodi studium propensus contigit, is unam aliquam ejus partem, sive experiendi processum, ad ultimum fatigium perducere summis viribus conaretur.

retur, quò jam pridem inventis aliquid saltem laudabilis incrementi accederet. Quicumque enim, favente Numine, indefatigabili suâ industriâ veritatem aliquam prius incognitam in apicem protulerit, nã ille jure meritoque artis hujus *Auctor* æstimandus fuerit.

CAPUT II.

Prima corporis humani divisiones.

IN ipso statim limine præmonendum est, *Distin-*
 Excrementa corporis in partium ipsius *dispo-*
 census non venire; nullumque propterea *nitio*
 iis locum in divisionibus à nobis faciendis competere. Et cum aliqui, partium nomine, eas solum intelligant, quæ communi totius corporis animâ præditæ sunt; (ut revera strictâ vocis significatione, id istis solis convenit) idcirco humores & spiritus, quos inanimes esse arbitrantur, ab earundem numero excludant; nos, ne hîc lites frustra seramus, partium nomenclationem ad ea omnia extendemus, quæcunque in corpore contenta vitæ aliquo modo inserviunt. Quâ vocis acceptione admissâ, varîæ occurrunt corporis divisiones.

1^o. *Hippocrates* dividit corpus in ἰσχυρὰ, *Divisio*
 ἰσχυρὰ, & ἐνδομήνη: in partes continen- *illius.*
 tes, contentas, & imperum facientes. *6. epid.*

2^{do}. Vulgò dividitur in partes solidas, *sect. 2.*
 humores, & spiritus. *2^{da}.*

3^a. 3^o. *Laurentius* dividit, in nutrienda,
l. 1. c. nutrientia, & impellentia.

18.
illarum
consen-
sus. Atque hæc quidem tres divisiones, licet
orientur à diversis rationibus formaliter
distinctis; omnes tamen, re ipsâ, corpus di-
vidunt in partes easdem. Partes enim *solida*,
haud aliæ sunt, quam *Hippocrati* conti-
nentes dictæ; & *Laurentio*, nutrienda. Simi-
liter etiam *humores*, (quorum numero chy-
lus, sanguis, cambium, & semen in corpore
superstes, accensentur) cum partibus *Hipp.*
contentis, & *Laurentii* *nutrientibus* conve-
niunt. Denique *spiritus* (quibus exhalatio-
nes quoque sunt congenere) ab *Hippocra-
ti*, *impetum facientibus*, & *Laurentii*, *impel-
lentibus* haud discriminantur. Adeò ut di-
ctæ hæc divisiones inter se realiter consen-
tiant, rerumque earundem varias dunta-
taxat rationes repræsentent.

redu-
cuntur
ad di-
choto-
miam. Notandum ponò, divisiones has, mu-
tatis terminis, reduci posse ad dichoto-
miam: nempe si divides in partes *termina-
tas*, sive propriis suis limitibus contentas; &
interminatas, quæ non consistant nisi ter-
minis alienis. Divisio hæc apud plurimos
Anatomicos magni fit, idque meritò; quo-
niam partes solidas, ab humoribus & spi-
ritibus insignitè discriminat. Nihilominus
cum humores oculi nobiliores sint, locum-
que digniorem mereantur, quàm ut inter
ceteros communes corporis humores nu-
merentur; visum est aliam porrò divisio-
nem comminisci, in qua illi ordinem suum
cum

cum solidis partibus obtineant, & tamē ab aliis humoribus & spiritibus manifestē distinguantur.

Est autē ea, in partes *stabiles*, loco certo fixas; in *vagas*, seu fluitantes; & in *volatiles*, sive fugitivas. Partium stabilium nomine eas intelligo, quas *Galenus* per πῆρες sive locos explicuit: (atque ita divisionem hanc, saltem aliquatenus ipsi *Galenō* debeo:) definiri autem possunt, *Partes*, quibus certa aliqua in corpore pēsitura conzigit: in quo censu sunt partes solidæ, & humores oculorum; siquidem & isti, si à debito situ dimoveantur, dislocati jure dici possunt: non possent autem, si loco certo fixoque, in corpore destituerentur.

2o. Partium erraticarum sive fluitantium in numero, est sanguis, cum reliquis humoribus; qui sive sursum, sive deorsum, sive in alterutrum latus ferantur; locis tamen suis moti, aut luxati dici nequeunt, quoniam si natura certis limitibus haud terminantur: idēque manifestē ab oculi humoribus distinguuntur.

3o. Partes fugitivæ sive volatiles, à me dictæ, sunt *spiritus*, & *exhalationes*; quæ suspiris in corpore loci appetentes, unidiquaque per poros evolant, & continuē absumuntur.

Dixi antea, partes stabiles sive fixas propriissimē à *Galenō* πῆρες πῆρες, i. e., locorum nomine appellari; (licet aliqui, partem, particulam, membrum, & locum, tanquam synonyma, pro iisdem habeant.)

quippe iis solis certus aliquis locus & positio designatur ; cùm sanguis , & spiritus huc illuc vago incertoque motu oberrent.

Anatomiae vero parum negotii est cum partibus , quas vel *fluidas* , vel *volatiles* nominavimus : quoniam in corporibus mortuis , aut non reperiuntur , ut *spiritus* ; aut homogeneae cum sint , dissectioni anatomicae non subjiciuntur , ut *sanguis*. Praecipuum itaque ejus opus fuerit , fixarum sive solidarum partium recta dissectio , & discriminatio.

C A P. III.

*Solidarum , sive fixarum
partium divisio.*

Distin- **P**artes solidae , stabiles , seu fixae , ab
tiopar- *Antiquis* dividuntur in *similares* , & *or-*
tinum *ganicas* , Recentiores autem Anatomici ,
triplex , divisionem hanc denuo bipartiantur
nempe in partes *similares* , & *disimilares* ;
ac postea , in *organicas* , & *inorganicas*.

sibi con- Differentiae istius componendae ergò ,
sona has partium distinctiones haud revera sibi
invicem *contrarias* , sed habitâ variâ earum-
dem partium ratione , solummodo *diver-*
sas esse statuo. Partes enim , ratione suae
materiae , rectè distribuuntur in *similares* ,
& *disimilares* : ratione autem *formae* , non
minus rectè in *organicas* & *inorganicas* :
cumque

cumque materia & forma sibi invicem contradistinctæ sint. Veteres meritò utranque hanc partium distributionem in unam redegerunt; nempe in partes *similares*, & *organicas*: nomine *similarium*, intelligentes ea omnia quæ ad partium *materiam* spectant; & *organicarum*, ea, quæcunque ad *formam* attinent.

Quo autem hæc dilucidè magis constent; aperiam,

1^o. Quid per *materiam*, *formamque* partium intelligendum sit.

2^o. Quid vocabula illa, *similares* & *dis-similares*, *organica* & *inorganica* partes significant.

3^o. Quomodo distinctio partium in *similares* & *dis-similares*, in earum *materia* sita sit; & divisio in *organicas*, & *inorganicas*, in earundem *forma*.

4^o. Qua ratione *similiares* partes solæ universam *materiam* referant; & *organica*, totam *formam*. Ut hoc pacto, divisio illa Veterum clarius innotescat.

C A P. IV.

Notionum, materia, & forma
partium, explicatio.

Materia nomine, hic non intelligimus *Quæ-
nam sit
partium
mater-
ria*
materiam physicam, seu formam physicam
contradistinctam; materia enim hæc,
de qua nunc agitur, materiam illam una

cum formâ suâ complectitur: nec forma similiter, quam hic volumus, est *physica* illa, de qua Philosophi solent agere; neque illa etiam, quæ ad quartam speciem prædicamenti qualitatis pertinet; licet hæc illam quodammodo comprehendat: sed materia & forma hujus loci, universim conveniunt cum materiis illis, in quas artifices (utpote subiectum artis suæ) agunt; formisque iis, quas in illas introducunt. Idque etiam ex definitionibus earum clare constat, ut ulteriore operâ non sit opus. Oportet enim, ut quæcunque generali aliquâ, sive communi definitione comprehenduntur, eadem pariter in universali sive communi aliquâ naturâ conveniant. Primum itaque communes earum definitiones tradam, ad peculiare illarum differentias postea descendurus.

Materiæ igitur definitio generalis est, *ut sit corpus, aptum fingi & formari ad scopum agentis*. Ita plumbum est materia idonea efficiendæ glandi, non autem efformando gladio: ridicula enim res foret, artificem, fabricandi gladii causâ, plumbo uti; siquidem materia illa esset incapax formæ ejus, quam sibi proponit; non autem formæ glandis si modò hanc formare institueret.

*qua
forma,*

Formæ autem definitio generalis est, *ut sit modificatio quadam ab agente in materiam introducta, quâ usus destinato commodè inservit*. Ita plumbum in glandis formam reductum, aptum est quod è sclopeto explodatur;

datur ; qui ufuseft , ob quem effingitur.

In utraque hac definitione , mentio fit *Agens*,
agentis , quod materiam præparet , for- *est ars*,
 mamque introducat ; potestque id esse vel *vel na-*
 ars , vel natura : ut ità definitiones prædi- *tura* :
 ctæ utrique convenient.

Natura enim non minùs in materiam a- *in qui-*
 git , quàm artifex : & quemadmodum hic *bns com-*
 materiam sibi eligit aliquando unam sim- *veni-*
 plicemque , putà ferrum , æs , argentum , li- *ant* >
 gnum , lapidem &c. aliquando plures ex his
 simul , prout operis conditio postulaverit :
 ità pariter & natura , interdum corpus sive
 materiam aliquam similem sçligit , in
 quam agat ; interdum verò res varias simi-
 lares simul affabre compingit , easque o-
 mnes in unam molem formamque redigit.
 Interim tamen materiæ electio (sive ea
 simplex , sive composita fuerit) designatæ
 formæ semper est aptissima. Eatenus ita-
 que , ut patet , inter utiunque agens conve-
 nit ; quòd animo sibi subjecta ea acquirere
 fatagant , quæ possint esse futuri operis ma-
 teria commodissima.

Præterea , quemadmodum artifex mate-
 riam suam ità præparat , ut præfinito à se
 fini optimè respondeat ; sic natura similiter
 materiam quoque suam affabre disponit ,
 & in proportionem ejusmodi deducit , quæ
 operi faciundo maximè convenient. Atque
 hæc utrobique materiæ præparatio , eam
 formam præducit , quæ utriusque proposito
 peculiariter inserviat.

Unde facillè videas , quàm appositè materia & forma artificum ; naturæ quoque materiam formamque exprimant ; & quatenus ea inter se conveniant. Superest , ut eorum jam discrimina exponamus.

discre-
pent.

Primò igitur , *Artifex* materiam suam à Natura prius (& fortè in alium finem) præparatam accipit , forteque suâ contrarius sit oportet , qualiscunque demum ea fuerit. *Natura* verò delectu exquisitiore utitur ; ideoque ipsamet sibi materiam parat , operi proposito planè accommodam ; nec , in ea perficienda , unquam deficit , nisi casu aliquo præpediatur.

2.^o Materia Artifici sæpe superflua , sæpe mutila , & , quoad proportionem debitas , inconcinna obtingit : Natura autem (nisi fortè alicunde impediatur) semper opus suum ad perfectionem summam perducit. Sin verò extrinsecus aliquando à proposito sibi fine inturbetur , prout majus minusve tale obstaculum contigerit , ita pariter plus minusve ab usitata perfectione desciscit : unde monstrorum origines , & formationes , aliquando nobilissimæ , aliquando dubiæ indolis exsurgunt.

Certum est itaque , artem , similiter ac naturam , agere universè in materiam communis essentiae ; producique generatim hinc atque illic formam ejusdem naturæ ; licet speciatim ea differentia intersit , quam jam diximus.

Addam duntaxat , clausulæ loco , de-
finiti-

definitiones peculiare materiæ & formæ, in quibus Natura sese exercet.

Materia peculiaris, quam Natura in opere faciendo seligit, definiri potest, *Materia de qua natura formæ recipienda idoneam sibi præparat; eamque propterea nec copiose, nec parcè nimis congerit, nisi casu aliquo impedita fuerit.* Materia definitio.

Materia instiusmodi est duûm generum; nam alia est seminalis, alia nutritia: utramque Natura iusto pondere ac mensurâ reponit, perficitque; prout in præcedenti definitione dictum est. divisio.

Forma, quam natura introducit, definiri potest, *Forma, quantum materia fert, perfectissima; naturæque scopo maxime accommoda; nisi fortè aliquid advenerit, quod hujus consilium inturbaverit.* Definitio forma.

C A P. V.

Quid notiones istæ, simile, dissimile, organicum, & inorganicum, significant.

PARTES similes, dissimiles &c. considerari possunt vel *notionaliter*, vel *realiter*. Hic verò logicè duntaxat, sive notionaliter de iis agam; physicè sive realiter postea suo loco de iisdem tractaturus.

Priusquam autem progredior, observandum censeo, dictas hasce differentias

Galeni.

Galeno etiam aliquatenus innotuisse.

Hic enim aliquando partes similares vocat *ὁμοιομερῆ*, & *ὁμογενῆ μέρη*, similes & cō-
generes; aliquando *στοιχεῖα*, elementa. Priorē
nuncupatione notionalem, posteriore au-
tem physicam earum naturam exprimens.

hist. an.

1. c. 1.

Defini-

tur pars

simila-

ria.

Aristoteles, partis similis definitionem
(quoad sensum ejus logicum, sive notio-
nalem) accuratam exhibuit; ubi ait, eam es-
se, aptam dividi in particulas sibi similes.
Ubi termini relationis sunt, pars, & particu-
læ ejusdem: aded ut nihil referat, utrum
pars hæc rebus aliis sit similis, an dissimi-
lis; modò ea cum suis particulis ejusdem
naturæ fuerit. Ità caro, licet ossibus dis-
similis, non propterea tamen dissimilis
dicenda est: neque enim cum alienis corpo-
ribus instituenda est comparatio, sed cum
sui ipsius minoribus particulis, quæ sunt
ejusdem naturæ cum toto. Quippe singu-
læ, etiam minimæ, carnis particulæ (non
minùs quàm ipsa tota) sunt caro.

Observare interea libet, partem simila-
rem planè eandem esse cum *toto homogeneo*
Logicorum. Quamvis enim pars similis,
habitâ totius corporis ratione, revera pars
sit; ratione tamen particularum, in quas
ipsa dividi potest, est totum-quid. Quippe
omne divisibile, quâ tale, & totius naturam
obtinet. Et quemadmodum pars similis
est, totum *homogeneum*, ità etiam pars dis-
similis est totum *heterogeneum*. Nam ut
illa definitur, apta dividi in partes similes,
sic

sic hæc quoque dicitur apta secari in partes *item*
 Dissimiles. Differunt nempe solum modo *dissimila-*
 ratione similitudinis, & dissimilitudinis; *laris*
 cæteri autem termini relationis sunt iidem.

Quare agendum nunc est, de ipsa simi-
 litudine, aut dissimilitudine, unde partes
 similes aut dissimiles appellantur: ni-
 mirum, quæ similitudo requiratur, ut par-
 tes similes; quæve dissimilitudo, ut cæ-
 dem dissimiles nuncupentur.

Similitudo hæc non est alia, quàm *iden-* *Simili-*
titas specifica; scilicet ut res sint ejusdem *tudo in*
 essentiae & naturæ. Licet enim veteri axio- *partibus*
 mate dicatur, *Nullum simile est idem*, id ta- *simila-*
 men de numerica solum identitate, non *ribus ra-*
 autem de specifica intelligendum est. Si- *quisita.*
 quidem omnia corpora similia partes
 sortita sunt naturâ ac genere sibimet ipsis
 consimilia: quælibet enim pars aquæ est a-
 qua; singulæque carnis partes, sunt caro;
 idque tum nomine, tum re ipsâ: idemque
 etiam de reliquis quoque corporibus simi-
 laribus dictum puta.

E contrario verò, dissimilitudo illa, quæ *diversi-*
 partes efficit dissimiles, est partium si- *tas in*
 mul conjunctarum *specifica diversitas*. U- *dissimi-*
 bicunque enim totum, ejusque partes, di- *laribus.*
 versæ naturæ fuerint, necesse est corpus sit
 dissimile: atque ita caro, tendo, fibræ,
 membranae, nervi, venæ, atque arteriæ,
 musculum constituunt, corpus nempe dis-
 simile.

Atque hæc paucula de notionibus *simi-*
laris

laris & dissimularis, dicta sunt : superest, de notionibus *organics & inorganics*, verbo agam.

Res aliqua organica, sive instrumentalis dicitur, cum apta atque idonea reddita est, quæ agenti opus faciendum inserviat : Et è diverso, inorganica est, instrumentique nomine indigna, quæcunque agenti cum usum non suppeditat. Quippe organi, sive instrumenti ratio est, non ut ipsum per se aliquid molitur, sed ut agenti alii operam suam accommodet.

C A P. VI.

*De distinctionis partium similarium,
& dissimularium, organicarum,
atque inorganicarum origine.*

*Partes
tum si-
milares
tum
dissimi-
lares
fundan-
tur in
mate-
ria.* D Istinctio partium in similes & dissimiles (secundum *Argerterium*) fundatur in earum materia ; in organicas autem & inorganicas, deducitur ab earundem formâ. *Laurentio* quidem hæc distinctio non placuit, quòd revera eandem neutiquam intellexerit. Est enim assertio verissima, uti videre est tam in artificialibus, quàm naturalibus materiis ac formis. Ex gr. Cum artifex materiam aliquam simplicem eligit, in quam agat ; (ut puta faber, ferrum) materia operis ejus per se est corpus simile, nec formæ cujuscpiam accessione

sione opus habet, ut tale evadat: sin autem faber ferrum hoc in formam aliquam peculiarem (nempe clavis) redegerit, idem subito formæ hujus adventu fit organum. Est tamen etiamnum organum hoc, sive clavis, ratione materiæ suæ, corpus simile; non minus certe quam antea: superest enim eadem materia, ferrum scilicet, quod (ut omnibus notum) est planè simile. Idem igitur corpus potest eodem tempore & simile esse, & organicum: Quippe eadem clavis, (ut diximus) ratione materiæ, est similis; formæ autem suæ respectu, est organum. Quod partes itaque sint similes, id materiæ debent; quòd autem organicæ, id formæ acceptum referunt. Læsâ enim aut destructâ clavis forma, organum quoque illico læditur, aut destruitur; manet tamen interea materia similis. Unde constat, partes dici similes, solius materiæ ratione; organicas verò, quoad formam superadditam.

Res quidem hæc videtur satis manifesta: ne tamen scrupulus aliquis supersit, adnectam exemplum simile in operibus naturæ. Os nempe est pars similis, ratione materiæ suæ; quælibet enim pars ossis, est os: sin autem respiciamus *formam* à Natura ei donatam, qua proportionem istam atque aptitudinem adipiscitur, ut cum aliis ossibus debite articuletur, adeoque variis actionibus atque usibus inservire possit; hac profecto ratione *organum* est; ejusque

ejusque formam si destruxeris, simul organum esse desinet : manente tamen interea materiâ simili, quæ antea formæ illi substrata erat.

Superest, agamus de partibus *dissimilibus*.

Quandocunque opifex varia subjecta tractat ; materia, in quam artem suam exercet, est dissimilans ; etiam priusquam forma ei introducta fuerit ; ideoque *non dissimilare*, non minùs hujusmodi materiæ congruit, quàm *non simile*, modò materiæ simplici convenerat. Exemplo res fiet illustrior : *Automatopæus* horologium è chalybe, ære, argento &c. exstruit ; materia hujus est dissimilis ; neque enim chalybs, æs est ; neque, æs, argentum. Artifex hæc in organum concinnat, nempe *horologium* ; idq; accedente ei formâ debitâ ac peculiari ; manente tamen interim materiâ dissimilari, qualis opifici ab initio contigerat.

Similiter, inter res naturales, manus è diversis materiis componitur, nimirum carne, ossibus, tendinibus &c. quæ materiam ejus, eamque dissimilantem, constituunt : fit autem *organum*. à forma. Tolle hanc, manumque frustatim concide ; & organum simul abstuleris, superstitè (quæ prius aderat) materiâ dissimilari. Clarè itaque liquet, varias materias hic non minùs propriè *dissimilares* dici, quàm antea simplex materia *similis* cognomento appellabatur.

Con-

Concludendum igitur, distinctionem partium in similes & dissimiles, in materia solâ (nulla formæ ratione habitâ) fundatam esse: partesque organicas à forma constitutâ, quam Natura in materiam illam introduxerit.

Organicas autem & inorganicas, in forma.

Quodnam autem, ais, est partium inorganicarum fundamentum; aut ubinam illa sitæ sunt?

In forma, inquam, etiam ipsæ fundantur; non tamen positivè, sed privativè solummodo: quippe earum natura, quâ talis, merè privativa est; esse enim in organicum perinde est, atque esse informe.

Et de his quidem hætenus. Superest, veterum sententiam explicem, super distinctione partium in similes & organicas.

C A P. VII.

Quomodo partes similes, totam partium materiam representent; & organicae, earundem formam.

Quamvis superiùs à nobis dictum sit, partes tam similes quàm dissimiles in earum materiâ fundari, eandemque æquè dissimilem esse posse, ac similem; ultima tamen partium omnium materia, non nisi similis existit: partes enim quælibet dissimiles ulteriore semper resolutione, ad similes tandem reducuntur. Ideoque à Galeno partes duntaxat similes

Ultima partium materia est tantum similis.

lares dicuntur στοιχεῖα, *elementa*; αἰσθητὰ στοιχεῖα, *sensibilia elementa*; & ἐλαχιστα στοιχεῖα, *elementa minima*. Quasi iis nominibus velit, partes similes solas, physicè acceptas, nomen elementorum, sive materiæ partium mereri; esseque illas ultima, sive minima saltem sensibilia elementa, è quibus corpus constituitur.

Porro, vox hæc *dissimilis*, nihil aliud significat, quàm materiam hujus vel illius partis esse varii generis: quænam autem sit diversorum eorum generum essentia: sive natura realis; aut quænam differentia, specierum in dictis partibus varietatem constituent, non exprimit: sed id solum agit, ut materiam partis ad dictam illam notionem perducatur: adeò ut vox hæc *dissimilis* haud aliter capax sit definitionis, quam prout est *notio secunda*. Enimvero natura primaria sive realis, ad quam notio refertur, consistit in materiis diversis: variae autem essentiae (ut cuilibet notum est) unâ aliquâ physicâ definitione comprehendi non possunt; aliter enim pars una definitionis, alteri contradiceret, eamque everteret. Ideoque quemadmodum à nobis dictum est, omnem partium materiam reduci posse ad *similarem*; ità quoque jam asserimus, debere eam necessariò illuc reduci, ante quam natura ipsius realis vel definiri, vel distinctè intelligi possit. Quippe realis essentia materiæ similis absolutè integrèque in natura existit, potestque

testque idcirco ipsa definiri , & intelligi. Aliter autem (ut diximus) se res habet in materia dissimilari. Ex.gr. Caro , os & tendo , è materia similari constant, potestque eorum quodlibet singillatim definiri, & intelligi. Sin autem carnem , os , atque tendinem unâ aliquâ essentiali definitione complecti cupias , mirificam fanè inde compositionem effeceris.

Quæres autem, quomodo igitur materia *dissimilari* intelligi possit : Ego vero respondeo , *quod talis sit* , per definitionem ejus notionalem intelligi posse : *quid* autem ea *sit* , scire non posse , nisi per resolutionem ejus in partes similes è quibus componitur, perque earundem similium definitiones. Differentiæ enim similium definitionibus expressæ , varias earum naturas usque ad eò explicant, ut super iis notionalis dissimilium appellatio commode exstrui queat.

Dices porro , materiam dissimilem habere in natura existentiam realem ; ac propterea definitionis quoque realis esse compotem. Habent quidem , fateor , res illæ , ad quas nomen dissimilari refertur, realem existentiam ; ipsa vero existentia illa destituitur unione naturali , quæ ad perfectam definitionem apprimè est necessaria.

Materia dissimilari caret unione naturali.

Objicies præterea, materias dissimiles, in ipsis corporis partibus exstruendis in unitatem coire. Coëunt certe; attamen uni-

tas ista à *formâ*, non autem
ris provevit: uti ex variis
 tum definitionibus claret
 taque unio istæc à forme
 priè ad organa pertinet
 etas illas materias. Cane
 ne propriè dictâ, nec
 quàm *totum quid aggr*

Atque hinc fortè est
 (in reali partium confu
 bus partim ad organa
 bus unitatem & distri
 partim etiam similari
 in quarum definitione
 essentia continetur. Si
 vel illud organum è
 neribus compositum
 simul enumeratis, ac
 addat distributionem
 quam ex in organo
 etò supererit, quod
 partis cognitionem re

Id solum ulteriùs
 lam esse *dissimilare*
 dictioni nihil adjici
 nem quandam no
 nim, dicere parti
 lares partes in se co
 si dicas, eandem e

Similiter, qui
 milarium definitio
 & dissimilariu
 pe dissimilariu

idem superexstrua-

obis dicta sunt, id se-
 ptes nempe rectè di-
 gnicas; potest au-
 uci, quæ & idem de-
 um singularem, ne-
 illinctionis ostendat: *Ufus*
 res humano corpori *distin-*
 m horum generum *tionis*
 vel similes, vel *partium*
 eodem redit) ad *in simi-*
 formam. Est istuc, *lares &*
 confesso, ut pro- *organi-*
 ceat. Hinc itaque *cas.*
 otius corporis mor-
 vel similes vel or-
 fanitas omnis ad eas-
 at; ideóque in reali-
 (quatenus illæ sa-
 um sunt) *dissembla-*
 ent, utpote quæ no-
 taxat inserviant; nec
 mittuntur, cum istæ
 periantur, sed solum-
 nicarum partium expli-
 ferant. Veterum ergo
 res similes & organi-
 usum in Medicina ob-
 notionalis, sive illu-
 denegandus est duabus
 à Recentioribus tradi-
 , quoniam absque ha-

tiam formæ significat : nulla autem corporis humani pars planè omni forma destituitur ; nec fieri ullo modo potest , ut pars quæpiam solida , simul sit & *informis* , & *instabilis*. Si itaque in corpore humano partes inorganicæ nullæ reperiantur ; necesse est , ut nomen hoc (*organum*) totam in se partium formam comprehendat.

Idque etiam pensitatis enumeratisque formæ partibus , luculentius patebit : nempe , si situm , figuram , magnitudinem , numerum , & continuitatem partium consideraverimus : quæ omnes (nemine diffidente) *organum* nomine manifestè comprehenduntur. Et revera *organum* idem significat , quod *forma* ; nisi quòd ulterius *materiam formatam* simul indigitet.

Denique , defectus illi , qui in forma partium quomodocunque contingunt , sunt iidem prorsus cum morbis organicis. Ità luxatio est morbus organicus , & in iisdem defectibus consistit , quibus forma partis luxatæ , nempe in situ & figurâ vitiatæ.

Quapropter concludendum est , partes organicas præ se ferre totam formam , quemadmodum similes materiam totam referunt : & , per consequens , distributionem partium in similes & organicas , à Veteribus traditam , optimo fundamento inniti : altero scil. ejus membro , materiam ; altero , formam exprimente : qui termini satis inter se oppositi sunt , ut
distin-

distinctione prædicta iisdem superextruatur.

Quæ hætenus à nobis dicta sunt, id separatum evicerunt, partes nempe rectè dividi in similes & organicas; potest autem ulterius ratio adduci, quæ & idem demonstraret, & simul usum singularem, necessitatemque hujus distinctionis ostendat: *Ufus* nimirum, morbos omnes humano corpori *distinctionis* accidentes, ad alterum horum generum referri, scil. ad partes vel similes, vel *partium in similes & organicas*; sive (quod eodem redit) ad partium materiam, aut formam. Est istuc, opinor, apud omnes in confesso, ut probatione ulteriore non egeat. Hinc itaque sic colligo, si omnes totius corporis morbi pertinent ad partes vel similes vel organicas; tunc certè & sanitas omnis ad easdem illas partes spectat; ideoque in reali partium consideratione, (quatenus illæ sanitatis morbiive subjectum sunt) *disimiles* locum nullum habent, utpote quæ notioni explicandæ duntaxat inserviant; nec magis *inorganica* admittuntur, cum istæ in corpore nullibi reperiantur, sed solummodo clariori organicarum partium explanationi facem præferant. Veterum ergo distinctio (in partes similes & organicas) sola realem usum in Medicina obtrinet. Usus tamen notionalis, sive illustrationis, haud denegandus est duabus illis distinctionibus à Recentioribus traditis; præsertim, quoniam absque ha-

rum comparatione , divisio illa Veterum haud dilucidè distinctèque satis intelligi potest.

Atque hic quidem finem huic negotio imponerem, nisi superesset scrupulus primum amovendus; Nimirum, nervi, venæ, & arteriæ, à *Galeno* interdum partibus similaribus, interdum verò organicis annumerantur. Ità factum; nec secus, quàm oportuit. Id autem ut clarius constet, expedienda primum est vocabuli hujus *similaris* ambiguitas: pars enim aliqua similaris dicitur, vel *simpliciter*, vel *secundum quid*. Similaris simpliciter, & per se, est ejusmodi, quæ semper talis manet, quocunque demum modo dissectionem ejus institueris: similaris autem secundum quid, licet uno dissectionis modo in partes similes dividatur, alio tamen distribuitur in dissimiles. Ex. gr. funiculus ex aureis argenteisque filis contortus, si denuo in illa resolvatur, verè dissimilaris dici debet; at verò si eandem transversim dissecueris, quælibet ejus, etiam minima, segmenta, ejusdem naturæ & definitionis erunt cum toto; atque adeò secundum hunc divisionis modum, erit corpus simile. Idem pariter de venis, arteriis, & nervis judicandum est: licet enim revera per se sint dissimiles, talesque propterea à *Galeno* habeantur; si tamen factâ transversim sectione, easdem consideraveris, quælibet earum particula, idem nomen, eandem-

eandemque naturam , ac definitionem cum toto obtinet ; adeoque una atque eadem definitio omnibus totius corporis nervis , alia arteriis , atque item alia venis omnibus convenit. Ac propterea secundum transversam hanc sectionem , verè similes æstimantur. Atque hoc ipso sensu à *Galeno* pro similaribus haberi , vel indeliquet ; quòd , ubi de harum partium compositione & textura agit , easdem perpetuò dissimilaribus annumeret ; similaribus autem accenseat , quoties eas tanquam materiam communem , sive aliorum organorum elementa considerat. Namque hoc pacto sectione transversâ dividuntur , suntque (ut diximus) reverà similes.

Præterea , cum sit communis nervi definitio , quæ cuilibet nervo in quacunque corporis parte conveniat , (idemque de venis & arteriis dixeris) frustra , imò non citra tautologiam fuerit , in singularum partium dissectionibus repetere , quanam sit nervi , venæ , aut arteriæ natura communis. *Demonstratâ enim semel earundem texturâ ac definitione , hæc postea , citra errorem ullum , reliquis quoque corporis partibus convenerint.* Ideoque , ne inanis contingat ejusdem rei iteratio , singularum partium nervi , venæ , & arteriæ , ad generalem similarium contemplationem referendæ sunt ; siquidem quælibet earum in quovis organo , eandem genericam definitionem obtinet : ac

propterea (quatenus sunt materia partium communis) meritò *similares* appellantur; licèt ratione essentiae & compositionis peculiaris, sint verè dissimilares.

Obje-
ctioni
respon-
detur.

Objicies forsitan, nervos, venas, & arterias in diversis corporis partibus distributionem quoque diversam sortiri. Nec posse propterea simul & semel definiti. Ego autem respondeo, easdem hac ratione esse organicas, non autem similaribus aut dissimilaribus accensendas. Et ut universim dicam; possunt hæ partes triplici ratione considerari.

Primò enim, si essentiae, sive naturæ earum propriæ ratio habeatur; quoad materiam, sunt dissimilares; quoad formam autem, organicae.

2.ª Quatenus sunt materia communis aliarum partium, eatenus pariter sub natura ac definitione communi comprehendendi debent; ac propterea etiam tanquam similes habendæ sunt. Id ipsum ab *Argenterio* (licèt obscurè) dictum est; & à *Laurentio* (qui neutiquam intellexit) maiè refutatum.

3.ª Si considerentur secundùm earum in peculiares quasque partes distributionem, eo certè modo, tanquam organicae solum reputandæ sunt; earundemque descriptio, ipsarum in peculiari hac vel illa parte formationem duntaxat respicit.

Atque ità hætenus (nisi fallor) auctoritatem Veterum ab objectionum scrupulis libe-

liberavi: idemque clypeus aliis quoque similibus telis propulsandis suffecerit. Reliquum igitur est, ut partium similarium & organicarum naturam *realem* expediam.

C A P. VII.

De partium similarium natura reali.

NOtionalis partium similarium & organicarum consideratio ex prædictis innotuit: nunc porro de *reali* & *physicâ* earum consideratione agendum est. Atque hac ratione pars similaris definiri potest, *Corpus mixtum uniforme, eaque elementorum proportionem, & qualificationem contemperatum, quibus organo illi idoneum redditur, cujus constitutioni à natura destinatur.*

Densitas partium singularis.

Est, inquam, corpus *mixtum*: licet enim pro elemento simplici habeatur; (idque tum ratione organorum, quæ inde extruuntur, tum dissectionis anatomicæ, quæ divisionem ejus ulteriorem non admittit:) in physica tamen ipsius consideratione *revera* mixtum quid est, partesque diversi generis in se complectitur. Enimvero nulla pars corporis animalis est, quæ arte Chymicâ, atque aliis etiam physicis dissolutionibus, ulterius in corpora simpliciora dividi nequeat. Verum his relictis, de elementis ipsis agendum est.

Elementum est, quod rei alicujus compositionem aptum est ingredi. Ità 24. literæ, etque elementum si-

verborum elementa sunt ; & in medicaminum compositione , simplicia quæ eam constituunt , totius compositi elementa dicuntur. Est tamen hæc nominis significatio nimis laxa : strictior itaque definitio hæc fuerit : *Elementum est pars substantialis , apta nata qua cum aliis elementis unisatur. mixtumque naturale constituat.*

*estque
hoc vel
inter-
medi-
um, vel
ulti-
mum ;
inter-
media
elemen-
ta sunt
multi-
forma.*

Horum duo sunt genera , *intermedia* nempe , & *ultima*. Atque ad illa quod attinet , differentias eorum solum attingam , mox de ultimis æcturus.

Elementa *intermedia* sunt varii generis ; possuntque , citra mutuam repugnantiam , diversimodè proponi. Oritur enim hæc diversitas , à vario corporum mistorum dividendi modo ; uti clare constabit , ubi præcipua varietatum harum genera recensuerimus.

Primò , modus separandi res mixtas maximè usitatus , facilisque , est per *colaturam* , quocunque demum modo ea instituat ; sive per manicam , aut lacinias , aut chartam emporeticam , aut alutam , aut ligna , &c. Atque huc etiam spectant *clarificationes* cum albuminibus ovorum , lacte , &c. item *expressiones* ; nempe succorum , ex herbis ; vini , ex uvis ; olei , ex amygdalis ; &c.

2^{do}. Mixta corpora separantur ab invicem vel per *subsidentiam* sive *descensum* , vel per *innatationem*. Ita *facula* discedunt à succis tenuioribus , & *cremor* à lacte secer-
nitur.

3^o. Par-

3^o. Partes commixtæ sejunguntur per *magisterium* : nimirum , cum aliud quid iis affunditur , quod uni eorum magis quàm alteri sit familiare ; unde fit , ut partes , unitæ antea , ab invicem secedant , novum hunc hospitem amplexuræ : quemadmodum in faciendo *magisterio* corallorum & perlarum , in præcipitati confectiōe , atque etiam in lactis coagulatione usu venit. Fit quoque interdum separatio huiusmodi per solam qualitarum alterationem ; sicut in urinarum turbatione , & salium crystallizatione , &c. contingit. Et in his omnibus , primæ statim separationi *magisterium* attribuo : perficitur enim postea segregatio illa , vel per *subsidentiam* , potestque ad superiorem ordinem referri ; vel per *unionem magneticam* , septimæque classi accenseri debet.

4^{to}. Elementa ab invicem sejunguntur per *distillationem* ; quod etiam referri potest *sublimatio* ; & fuliginis etiam , fumique & rebus combustis *exhalatio*.

5^{to}. Fiunt corporum mixtorum separationes per *extractionem* ; veluti in *tinctures* , in salium prolectione , in decoctis , iusculis , &c.

6^{to}. Separatio fit per *fermentationem* : quemadmodum in vino & cervisiâ recentibus evenit , ubi flos , sive spuma (utpote fermenti pars levior) summum petit ; tartarus autem , sive facies (pars scilicet gravior) , in imum subsidunt ; interea dum li-

quorū limpidus medium vasis occupat. Atque huic separationis modo, *putrefactio* aliquatenus affinis est.

7.^{mo} Separationes quædam fiunt per *congregationem*, vel *attractionem magneticam*, sive *similarem*. Ita nempe (scobs ferri ab admixtis sordibus, magnetis ope, liberatur; (licet hujusmodi mixtura non nisi improprie talis dicatur.) Ità quoque consimilis naturæ partes facile inter se congregantur, relictis aliis, quibuscum illis minùs convenit; uti videre est, in salium granulatione; in crystallizatione sacchari; in generatione mineralium, dum materia metallica per cetera quædam intervenia mineras adit, terramque proximam, ceu sibi alienam, deserit; in materiæ lapidificæ accessu ad rupes, dum succus lapidescens casu aliquo liquatus, lapidibus illis, quibus maximè affinis est, denuo affigitur. Unde etiam verisimile fit, lapides pretiosos, putà adamantem, crystallum, &c. quandiu in mineris suis fuerint, non minùs crescere, quàm lapides alios vulgares. Utrùm autem incrementum hujusmodi, vera augmentatio appellari debeat, an minùs; non est hujus loci statuere.

Peculiaris ista attractio, & (per consequens) separatio, ob singularem ejus subtilitatem, qualitati magneticæ occultæ vulgo adscribitur: etsi fortassis haud amplius hæc contingat, quàm quod veteri
adagio

adagio fertur, *Simile simili gaudet*. Id certè constat, qualitatem hanc in *animalibus* maximè conspicuam esse, eademque etiam habere organa huic usui destinata; quod occultæ actionis naturæ minimè convenit. Quicquid sit, nolim adhuc quicquam de hac re definiriè dicere.

Variae plantæ in eadem area confitæ, sibi quæque diversum ac peculiarem succum eligunt; idque radicum ope, quibus in hunc finem donantur. Animalium quoque pars quælibet alimentum sibi congruum attrahit, retinetque; excrementa vero, sive partes inutiles rejicit. Hoc pacto chylus separatur ab excrementis; bilis, à sanguine; & ut vulgò creditur, ab eodem sanguine (testiculorum operâ) semen; & lac quoque, uberum intervenitu. Vitellus ovi pariter ac albumen, è sanguine (à quo tamen plurimum discrepant) oriuntur; saltem si sanguis commune omnium partium alimentum dicendus est. similiter in plantis (ut putà arboribus) succus quidam peculiaris cortici accedit, alius trunco, foliis alius, fructui item, semini, ossibus, & glumæ, singulis alius contingit. Ità quoque in tumoribus frigidis, humores sæpè congeruntur, inter quos, cæterosque corporis humores, mirum quantum interfit: quemadmodum in meliceride, atheromate, & steatomate, congestiones melli, ceræ, & sevo per similes, interdum reperiuntur. Quis sin-

gula hujus generis enumeret? Paucula hæc duntaxat in eum finem recensui, ut inde cōstet, quàm variæ rerum divisiones fieri queant, nisi distributio earum reducatur in ultima elementa. Ideoque haud existimandum est, *Galenum* reliquas sanguinis differentias præclusisse, cum massam ejus in quatuor humores (qui certè non sunt ultima ejus elementa) distingueret; sed credidisse potius, distributionem hujusmodi, praxi medicæ exercendæ maximè ex usu esse: uti reuera purgationum, aliarumque evacuationum indicationibus optimè inservit; ac propterea ab omnibus medicinam dogmaticè facientibus retinetur. Quippe in sanguinis depuratione, haud nobis animus est eundem in ultima ipsius elementa resolvere, ut ità redundantium elementorum partem superfluum à reliquis separemus, totamque adeò massam ad justum mixturæ pondus reducamus; (id enim fieri nullo modo potest:) sed id agimus, ut elementa ea investigemus, (sufficitque, si *intermedia* solum fuerint) quæ tuto, commodeque à reliquo sanguine separari queant; quo hic defæcator, vitæque utilior evadat. Ejusmodi sunt quatuor isti humores, feliciter quidem & proficuè admodum à *Galeno* excogitati, licèt Chymici quidam ei ineptè obstrepant, quod eosdem, quinque suis principiis repugnantes arbitrentur; ~~etiam tamen reuera in~~ nequaquam adven-
sentur.

sentur ; uti neque *Aristotelis* quatuor elementis : quoniam (ut diximus) haud elementa ultima , sed intermedia solum reputantur. Posset nihilominus forsitan haud incommode quatuor *Galeni* humoribus quintus insuper annumerari ; nempe humor sive succus venenosus & malignus , eique contrarius alexiterius & benignus ; (quibus præterea si cui *succum nutritium* accensere placuerit , per me licebit :) quos impræsentiarum duntaxat nomino , uberiori fortè alibi de iisdem acturus. Id nunc solum dixisse suffecerit , posse scil. corporum in elementa intermedia divisiones varias institui ; idque citra ullam ad se invicem repugnantiam , aut contradictionem.

Quod ad mistorum corporum in elementa ultima divisionem attinet ; existimem , sententiam Chymicorum esse verissimam , nempe quinque principia ab iis dicta , puta spiritum , oleum , salem , aquam sive phlegma , & caput mortuum , sive terram (ut vocant) damnatam , esse partes ultimas in quas res ullæ vel ingenio vel industriâ humanâ dissolvi queant. Nihilominus fortè abstractione mentali quis ulteriorem divisionem comminisci possit ; saltem credat , divisionem illam haud esse ultimam , quoniam (ipsis quoque Chymicis fatentibus) salium , oleorum , ac spirituum varia reperiuntur genera , quæ in elementis rerum simpliciter ultimis nemo unquam admiserit.

Elementa ultima

Illud vero in excusationem regeri possit; principia Chymicorum convenire in natura generali, licet communibus quibusdam qualitatibus (quod & ipsis quoque elementis diversimodè contingit) discrepare ab invicem videantur. Sunt enim communes quædam qualitates, quarum vel absentia, vel præsentia, speciem necessariò haud variat: ipsaque Chymicorum elementa plus minusve hujusmodi qualitatibus obnoxia sunt; quales sunt fixatio, fluiditas, volatilitas, &c. quibus fit, ut virtute pariter ac nomine mutationem subeant, manente fortè interea naturâ communi, quâ priùs fruebantur. Atque hoc pacto forsitan spiritus naturalis, sit vitalis, & hic demum, animalis; superadditis nimirum insignitis quibusdam impressionibus. Ad eundem modum, quælibet plantâ proprio spiritu gaudet: nam licet omnes in natura communi conveniant, fieri tamen potest, ut diversarum plantarum spiritus, nonnihil salis aut sulphuris subtilioris admistum habeant, eoque nomine variè ab invicem distinguantur. Ideoque, quamvis spiritus illi, arte Chymicâ educti, maximam partem verè tales dicendi sint; possunt nihilominus misturam aliquam heterogenam sortiri, ob quam puri & puri spiritus dici nequeant. Utcunque, malim dictis hisce principiis, quæ ad oculum liquent, praxique verè respondent, acquiescere; quam ulterius inquirendo, notionibus
qui-

quibusdam mentalibus inniti, quæ fortè mera commenta fuerint; saltem res sint theoriæ solum, non autem praxi ullo modo inservientes.

Commodissimum itaque mihi videtur, *Elementa Aristotelica, Chymicorum* principiis conciliare, inque gratiam mutuo reducere. Sic nempe *Aristotelis elementum* ignis, proportionem respondet Chymicorum spiritus ær, oleo; aqua, phlegmati; terra, sali simul & capiti mortuo: quippe Aristotelici, conflagratis rebus (ut quatuor sua elementa elucidarent) terram, à sale, in eadem nidulante, neutiquam separabant, sed utrumque habebant pro uno eodemque elemento: ac propterea quatuor eorum elementa ad quinque Chymicorum principia commodè extendi queunt, si modo cineres (utpote heterogeneos) in salem terramque divideris.

Agendum nunc esset de *dispositionibus* sive *qualificationibus* corporum similium: numerus autem earum major est, & consideratio fusior, quam ut proposito nostro impræsentiarum conveniat. Merentur sanè tractatum aliquem peculiarrem; cumque fortè aliquando cum bono Deo expediam. Est quidem res ardui moliminis, & quâ scruposiorē aliam haud facile invenias; eadem tamen magni momenti est, artibusque omnibus & scientiis plurimum lucis allatura.

Finit

Finità jam partium similarium definitione, de earundem divisione paucula obiter dicenda sunt.

C A P. IX.

De partium similarium divisionibus.

PARTES similes, latè sumptæ, dividi possunt in *excrecentes*, & in animâ totius *informatas*. Partes, *excrecentes*, in homine, haud adè multæ sunt: nempe pili; cutis callosa, in partibus labori plurimo assuetis; (utpote in volis manuum, pedumque plantis;) eaque unguium pars, quæ crebrò præciditur.

spermat- Partes *informata*, dividuntur vulgò in *spermatice*, & *sanguineas*. *Spermatice*, latissimè sumptæ, nullâ communitate inter se convenire videntur, quâ à sanguineis partibus discriminantur; nisi quod frigidiore ac pallidiores appareant; videaturque de humore pituitoso, aut *melancholico* plurimùm participare.

Harum Dividuntur partes *spermatice*, in *molles*, *divise* *duras*, & *tensiles*. Partes molles sunt, cerebrum, cerebellum, medulla spinalis, & humores oculorum.

Partes *dura*, & *tensiles*, hisce inter se communitatibus conveniunt: 1.^o Sunt firmiores, magisque invicem coherentes, quàm vel carnosæ, vel partes molles jam dictæ; idèoque in his præcipuè positum.

positum est totius corporis robur; nec
 continuitas earum faciliè dirumpitur. 2.^o
 Sunt etiam partibus sanguineis durabilio-
 res: quippe in inediis, morbisque diutur-
 nis, absumptis jam plurimum partibus car-
 nosis, ipsæmet tamen antiquam propemo-
 dum proportionem retinent. 3.^o Ut conti-
 nuitas harum partium solutu difficilior est;
 ita soluta semel, haud ad eò faciliè denuò
 coalescit: certè nunquam simpliciter (ut
 ajunt) secundum primum scopum; sed, in
 juvenibus, per simplicem agglutinationem;
 in adultis autem, per cicatricem, vel
 callum. Denique, ut partes hæ non ita
 faciliè dissipantur; sic quocunque modo
 dissipatæ, eadem non nisi ægrè, Longo-
 que tempore restituuntur denuo: fitque
 utraque hæc difficultas tantò semper ma-
 jor, quantò ætas animanti provector ac-
 cesserit.

Dura partes sunt ossa, specialiter sic di- *dura*
 cta, cartilagine, ossa laryngis, os cribri-
 forme, dentes, incus, malleus, & stapes,
 atque etiam ungues. Numnam autem hæc
 omnia specie inter se differant, non est hu-
 jus loci definire.

Hoc quidem omnes à partibus *tensibi-*
libus discrepant, quòd duriores sint, mi-
 nusque flexiles; friabiliores etiam, & fra-
 giles potius, quàm scissiles: redintegran-
 tur quoque per callum, non autem per
 cicatricem; ut in partibus *tensilibus* fieri
 solet.

Partes

*Quæ ten-
siles,
quæ
perro
divi-
duntur
in mem-
brano-
sas,* Partes *tensiles*, sive *ductiles*, dividuntur in membranosas, fibrosas, & ex utrisque compositas.

In controverso apud quosdam Anatomicos est, utrum membranæ esse possint, quæ fibris careant? Ego verò ejusmodi reperiri arbitror; nempe membranam adiposam, piam matrem, & fortasse pleuram etiam, ac peritonæum; licet hoc manifestè fibrosum sit, ubicunque intestinis & ventriculo tunicas largitur. Huc etiam fortè referendæ sunt musculorum membrana communis; & propria; cuticula item, & cornea. Haud præfrectè tamen dixerim, cunctas hasce membranas fibris destitui: id solum mihi à ratione alienum videtur, dicere, membranas omnes fibris suis præditas esse, licet hæ nobis sint inconspicuæ: cum tamen, nisi oculorum testimonio, nulla hujus rei nobis contingere possit notitia.

fibrosas, In *fibrosarum* partium censu, sunt fibræ musculorum, tendinum, & ligamentorum; cordis etiam, & fortasse renum. Penis manifestè fibrosus est; præsertim duo ejus corpora nervosa: uti & nervi cujuscunque medullium, fibræ naturam induit.

*Quæ ex
utrisque
compo-
sitæ,* Partes ex fibris & membranis compositæ, sunt cutis vera, dura meninx, nonnullæ oculorum tunicæ, item tunicæ ventriculi, intestinorum, vesicæ utriusque, urinariæ & biliaræ, ureterum, ductuum bilario-
rum,

rura , peculiaris vasis pancreatis ; atque etiam nervorum , venarum , & articularum.

Dicta partium divisio in *spermaticas* , & *Partes sanguineas* , haud omnes totius corporis *sanguinea dis-* partes suo ambitu comprehendit ; nisi sanguineas dictas laxiore nominis significatione accipiamus. Harum igitur nomine *videtur in* intelligimus pinguedines , carnes musculorum , & parenchymata.

Partes pingues sunt , cutis adiposa , *o-* pingues mentum , pinguetudo renum , cordis , & musculorum ; item medulla in ossium poris , & cavitatibus.

Posset fortè musculorum caro ad *muscu-* parenchymata referri : verùm non est animus impræsentiarum eâ de re quicquam anxie inquirere. Est quidem hujus generis carnis parva varietas ; lingua tamen , & diaphragma , à cæteris musculis , discrepare videntur. Ad hunc quoque censum cuticula , respectu mediocritatis temperamenti , referri potest.

Parenchymata , sunt succi concreti sive *o- pa-* congesti circa radices vasorum quibus *renchy-* propriantur. Horum nonnulla ad sanguinem solum referuntur ; alia ad sanguinem pituitæ commistum ; aliqua , melancholiæ portiunculam admistam habent ; & quædam fortassis nonnihil bilis.

Sanguinea parenchymata sunt , cor , pulmones , & renes. Hepar , etsi sanguine potissimum abundet , bilis tamen aliquan-

quantulum ejus parenchymati in ipsa humoris bilarij segregatione admiscetur. Lien quidem vulgò, succo melancholico scatere creditur; mihi autem in ejusdem excarnatione, nihil unquam tale videre contigit.

Parenchymata *phlegmatica*, sunt pancreas; glandulæ mesenterii; renes succenturiati; thymus; amygdalæ faucium, & laryngis; glandulæ colli, axillarum, atque inguinum: glans pituitaria; fibræ carnosæ ventriculi, & intestinorum; utriusque sexus testiculi; parastatæ, ac prostatæ; glans penis; & mammillæ. Nec negaverim, cerebrum, spinalem medullam, & humores oculorum, ad pituitosa hæc parenchymata non incommodè referri posse. Non est autem ex proposito nostro, accuratam aliquam harum partium distributionem exhibere, sed generatim solum de iisdem quædam dicere: plenius verò de illis agemus, si fortè nobis aliquando continget, similiarium partium constitutionum omnium propositam disquisitionem absolvere: hinc enim perfectæ earum definitiones, atque differentiæ elucescent. Hæc autem interea de reali partium similiarium essentiâ dicta sunt.

CAP. X.

De partium organicarum essentia reali.

Dixi suprâ , in definitione ejus notionali, *organum esse partem actioni alicui, sive usui, virtute sua forma, inservientem.* dicendum restat, quænam accidentia realia formam illam compleant, cujus munere finem sibi à natura destinatum exequatur.

Sunt autem accidentia ista numero *Acci-*
 quinque: nempe, situs, magnitudo, nu-
 merus, continuïtas, & figura. *dentia*
realia

Figuram quidem ultimo loco recensuimus; non quidem, quòd dignitate cæteras formationis partes non antecellat, *organ*
 sed quòd præ cæteris omnibus describi difficulter possit. Accedit, quòd, citra organi mutilationem, reliquæ formationis partes satis conspicuæ sint; figura autem absque aliarum injuriâ, primò ostendi nequeat. Ideoque in postremum locum eandem rejecimus. *formam*
constitue
entia;

1.º *Situm* quod attinet; consideran-
 dum venit, primò, cur pars aliqua in hac
 vel illa corporis regione locum suum ob-
 tineat. 2.º Quibus aliis partibus sit vici-
 na; quasque connexiones cum iis habeat:
 tum etiam, quid commodi ei, vel incom-
 modi indè accedat. 3.º Ostendenda est ve-
 ra partis positio in corporibus viventibus;
 quantumque in mortuis variet; si modò
 diffc-

differentia ulla reperiatur. 4.^{to}. Mutatis variè corporis posituris, monstrandum est, quomodo situs partis alicujus, citra luxationem ullam, diversimodè repræsentari queat. 5.^{to} Indicare licet, quantum luxationes partium usitatæ, ab iis discrepent, quæ raro eveniunt. 6.^{to} Demonstrandum est, quomodo luxata membra in locum debitum restituenda sint, si modò id fieri possit; sin minùs, unde id contingat. 7.^{mo} Dicendum, quodnam sit situs partium discrimen, in aliis aliisque animalibus, atque etiam in ejusdem speciei individuis; hujusque rei ratio assignanda est.

Magnitudo; 2.^{do} Quod ad organorum *magnitudinem* spectat, ea non minùs pondere, quam mensurâ æstimanda est. Nempe appenso, dimensoque toto corpore, videndum postea, quam proportionem organum quodlibet cum eo habeat: idque in diversorum generum animalibus faciendum est: observatis simul singulorum differentiis. 2.^{do} Varietas eadem in aliis quoque ejusdem speciei individuis observanda est: scilicet in pinguibus, & macris; adolescentibus, & senibus; maribus, & fœminis, &c. 2.^o Discrimina in morbis perpendenda veniunt: veluti in tumoribus, tabe, ariduiâ, contractuiâ, & similibus.

numerus; 3.^o Quod ad *numerum* partium pertinet; videndum, primò, quotuplex is sit; scil. num simplex, duplex, triplex, &c. 2.^{do} Num

2^{do}. Num in omnibus pariter animalibus idem sit numerus, an secus; simul etiam ratio similitudinis, aut discrepantiæ reddenda est. 3^o. Abundantia, & defectus partium observandi sunt, comparatione factâ cum monstris: quippe monstrosus habetur, organis; præter naturæ consuetudinem, vel donari, vel destitui. 4^o. Perpendendum, quomodo partes excrescant, aut deficient, relatione habitâ ad sanitatem, vel morbum. Nævi enim in numero partium abundant; non sunt tamen fortassis ad morborum classem referendi.

4^{to}. De partium *continuitate*, inquirendum, primò, Quænam partes *continuitatem* suam faciliè, & quæ difficulter amittant. Ita enim parenchymatum *continuitas* faciliè solvitur, non item vasorum; præsertim, si, vulnus punctim non autem cæsim illatum fuerit. 2^{do} Investigandum, qualisnam unio acquiratur denuo, & quam ægre eadem comparari possit. 3^o. Dispiciendum quinam sint effectus vulnerrum, (cæsim, vel punctim infligatorum;) abscessuum, ulcerum, fracturarum, anastomoseon, exudationum, &c.

5^{to}. Agmen hoc claudit partium *figuræ*; & *figura* estque eadem *formationis* pars principalis. 1^a; Nonnulli, omnia sub hoc titulo comprehensa, *conformationum* nomine indigitant; quasi ea cunctas formæ partes in se complecteretur: quod certè non fit. Quapropter

pter, si visum fuerit, exprimendæ hujus rei gratiâ, tam latâ vocis significatione uti; evitandæ homonymiæ ergô, termini ejus necessariò arctandi erunt, & dicenda *conformatio specialis*. Meâ tamen sententiâ, vocabulum hoc *figura*, latè sumptum, (quatenus nempe figuram tum externam, tum internam comprehendit) solum suffecerit: præsertim cum autores, & veteres, & recentiores, vocem hanc significatu illo accepisse constet. Dividam itaque organi figuram, in externam, & internam.

quæ est,
vel ex-
terna

1.° *Figura externa* (quantum res finit) per formam aliquam cognitam, nobisque familiarem exprimenda est; veluti per ovalem, triangularem, &c. aut per similitudinem quandam aptam, notamque, quâ cum alio aliquo corpore conveniat: debetque, in unaqualibet ipsius descriptionis parte, ratio haberi vicinarum partium.

vel in-
terna;
cujus-
sunt
variae
partes;

II.° *Figura interna* separatim exhibenda est, secundum diversas ejus partes; quales sunt, cavitas, meatus sive ductus, porositas, & ramificatio: quibus addenda sunt accidentia utrique figuræ, tum externæ, tum internæ communia; nempe asperitas, & lævitas.

nempe
cavi-
tati.

1.° In partis alicujus *cavitate*, quærendum, primò, Quid, & quantum usitatè contineat? 2.° quantopete siphonis ope, vel flatu extendi queat? 3.° quantum, & quomodo eadem constringi possit? 4.° Cui usui inserviat? 5.° Quibus morbis sit obnoxia?

obnoxia ? 6^{to}. Quibusnam aliis partibus respondeat ?

2^{do}. In *meatu* sive ductu , notamus ,
1. analium amplitudinem ; nempe ,
qua proportionem convenient , tum hic ,
qui accipit ; tum ille , qui emittit. 2^{do}. Eo-
rundem apertionem , & clausuram. 3^o. Ma-
teriam in iis contentam : unde scil. can-
dem acceperint , & quo deducant. 4^{to}. Quâ
proportionem cum aliis meatibus compara-
tur. 5^o. Quibus morbis sit obnoxius.

3^o. Partium *poris* , earundem quoque
permeabilitatem adjunxi ; quoniam hæc
fortassis , quam illa , latius extenditur.
Quippe in natura duo videntur esse transi-
tionum genera ; unum , per poros ; alte-
rum , per ipsam partium substantiam.
Numnam autem divisio isthæc proba sit ,
an secus , impræsentiarum quidem non li-
tigabimus ; verum illam solum proposui ,
ceu dignam quæ ulterius expendatur : in
eumque finem modos quosdam generales
adnectam , quibus de veritate illius in par-
te qualibet peculiari constare possit.

*Quibus
modis
innotescit.*

Primò igitur , tubi optici sive microscopii in auxilium adducenda sunt ; citra quorum operam poriusque aded exiles sunt , ut neutiquam in dissectionem Anatomica cadant. Quinetiam (ut , quod verum est , fatear) ne tuborum quidem illorum ope quicquam hætenus , quod realem eorum existentiam certo adstruat , conspicari licuit. Ut cunque , duplex in hæc

re potest contingere fallacia : altera , dum vasis alicujus minoris rupti vel incisi cavitas , aut venæ arteriæve capillaris evulsæ alveolus pro poro accipitur : altera , dum foveola aliqua , rima , aut inæqualitas substantiæ , partiumque fortuita interruptio , pro poris habentur.

Alterum meatuum horum dignoscendorum adminiculum est , vel injectio per siphonem, vel inflatio. In corporibus mortuis, utile fuerit, liquorem aliquem calidum & colore adventitio tinctum injicere; præmissio semper partium diuturniore foru; qui etiam in inflationibus commodè usurpari poterit. Quænam aliæ observationes per hujusmodi injectiones institui possint, postea, cum de hepate agemus, uberiùs dicetur. Hic solum addam, (quod ad poros particulatim spectat) si liquor injectus, partis alicujus habitum penetrans, eundem totum *æqualiter* tinxerit; videtur adesse *Instantia Crucis*, quâ indicatur, fluxum illum non fieri per poros, sed per ipsam partem substantiam: sin autem *discretim* innumerabilia duntaxat veluti puncta infecerit; clarum indicium est, poros ibidem reperiri.

Tertium in hac re subsidium est, partium ipsarum ponderatio. Nam etiam si densitas & raritas solæ certissima sint majoris minorisve ponderis argumenta; sæpe tamen fit, ut corpora leviora pluribus

bus poris donentur: verum quibus de corporibus, aliàs æqualis densitas aut raritas contigerit, indubitanter dixeris; quânto quælibet porosa magis fuerint, tantò etiam leviora existere.

Denique, aliud addam hujus rei specimen, deductum à partium congenearum ad invicem comparatione; prout illæ nempe in ejusdem speciei animalibus minoris majorisque ætatis deprehenduntur. Quippe in junioribus, *permeabilitas* proculdubio est expeditior; & tamen in illis, quàm in senioribus, pauciora videas *porositatum* vestigia.

Et ut porò suppositioni huic de duplici *Utrum-*
transitu (nempe per poros, atque ipsam *que per-*
corporis substantiam) aliquantisper inhæ- *meatio-*
ream; dico, utrumque inter se multifariam *nis ge-*
convenire; adeò, ut quæ de uno eorum *nus pla-*
affirmantur, de altero etiam (pauculis mu- *risari-*
tatis) commodè intelligi possint: quippe *am in-*
finis, siue usus alterutrius est communis; *ter se*
nimirum ut motibus ad sanitatem requisitis *conve-*
liber transitus concedatur. *niunt:*
estque

Possunt quoque motus isti bifariam vi- *illis*
riari; idque utrique permeationis hujus *idem*
speciei ex æquo competit: quemadmodum *finis,*
evidenter constabit, si modò cuncta ob- *et con-*
structionum fluxionumque genera, qui- *similis*
bus alteruter horum transituum obnoxius *morbi,*
est, rectè perpenderit. Nam

1°. Si obstructio contigerit à materiæ *arditate,* siue permeandi ineptitudine;

sicuti tiporos faciliè occluserit , ita & partium quoq; substantiam non minus promptè oppilaverit. Et vice versa, si materia debito ocyus feratur ; non solum perniciouser nimis per poros ; sed & substantiam ipsam transierit.

2°. Si obstructio facta fuerit , ob partium *angustiam*, aut constrictionem; idem quoque similiter in partium substantiâ evenerit , ob hujus condensationem , vel incrassationem. Pariterque è contrario , *amplitudo* sive laxitas pororum nimia , *raritati* seu attenuationi substantiæ partium respondet , ob quarum utramlibet fluxio immoderata faciliè oboriatur.

3°. Si pororum *aspecto* superficialia obstructionem invehat ; eandem quoque & interna substantiæ partium asperitas haud difficulter induxerit : Atque contra , quemadmodum superficialia pororum *lubricitas* , fluxionis causa esse potest ; sic & interna substantiæ lubricitas , eandem faciliè conciverit.

Quamobrem , cum medicinam facientes , in assignandis morborum causis , eas sæpe obstructionibus atque fluxionibus acceptas referant ; quæstio isthæc , numnam in poris , an in ipsa partium substantia contingant ; principia eorum neutiquam turbaverit ; nec curatio magnopere varianda fuerit , sive huic , sive illi causæ morbus adscribatur.

Præterea , quod ad poros & permeabilitatem

litatem partium attinet, inquirendum est, *Mater-*
 quænam sit *materia* pertransiens: scili- *ria per-*
 cet, num *exhalatio* (ut flatus, vel hali- *trans-*
 tus, qui transpiratione insensibili cutem *sens,*
 penetrant;) an *liquor* (veluti sudor, qui *varia*
 etiam cutem permeat;) an *substantia so-*
lida, sicuti lapides vel arenulæ, quæ in-
 terdum renes, & fortassis alias nonnullas
 partes, pertranseunt. De liquoribus etiam
 observandum est, numnam transmittan-
 tur *integrè* (quemadmodum sanguis, qui
 ex arteriarum finibus propulsus, per par-
 tem intermediam in venarum oscula in-
 greditur;) an *per colaturam*, sicut u-
 rina in renibus à sanguine secernitur.
 Animadvertendum quoque, quinam co-
 lati humores sint *profici*, & qui *excre-*
mentitii.

Ultimo, investigare oportet, ad quam-
 nam *constitutionem* quælibet permeatio
 pertineat; num scil. ad naturalem, an
 vitalem, an animale: & quænam
vasa, vel in importanda, vel in auferen-
 da materiâ, eidem famulentur.

4^{to}. Partium *ramificatio*, non nisi diffi- *ramifi-*
 cultur explicatur; sæpeque requirit ca- *catio.*
 rum *excarnationem*, atque alias etiam ar-
 tes, quibus nobis innotescat. Observa-
 re itaque oportet, 1^o. quænam sit trun-
 cus communis (vel qui trunci sint, si
 plures adfuerint) quæque illius divisio-
 nes, ac subdivisiones, donec ad capil-
 lares perventum fuerit. 2^{do}. quænam sit

communis trunci latitudo , relatione habitâ ad aliquos vel omnes simul ejusdem ramulos. 3°. quæ alia vasa eundem continentur ; quomodoque eadem huic connexa sint , & ab ipso distinguantur. 4°. quoniam fluxus in singulis vasis tendat ; & quæ vasa alia aliis respondeant. 5°. quæ vasa aliis occurrant , vel eadem deculſent ; atque utrum anastomoses mutuas fortiantur , nec ne , &c.

asperitas & lævitas.

Asperitas & lævitas , sunt figuræ accidentiæ communia , earumque ratio in unaquaque hujus specie habenda est. *Asperitas* provenit à superficiè *inequalitate* ; quâ fit , ut corpora contigua sibi invicem *adhaereant*. Contra autem , *lævitas* à superficiè *aqualitate* fluit ; facitque ut corpus aliquod ab alio facillè *dilabatur*. Inquirendum itaque est, 1°. Quanam earum sit parti *naturalis* ; & quamobrem ? 2°. Quomodo pars aliqua (respectu asperitatis , aut lævitatis) à naturali suâ constitutione immitetur ; & quo pacto quis mutationi ejusmodi mederi queat ? 3°. Quinam *effectus* utramvis harum in peculiari illa parte subsequantur ?

ANA-

ANATOMICA

HEPATIS.

CAPUT I.

Dicendorum ordo.



Vltimum mihi est, agere de
Hepate: ipsoque statim in
 limine dicendorum me-
 thodum proponam. De
 partibus eius similaribus,
 non conabor nunc ali-
 quid exquisitè dicere: quoniam constitu-
 tiones corporum similes haud adè di-
 lucidè hactenus explicatæ sunt, ut defini-
 tio partis similis idonea inde procudi
 possit, aut differentia aliqua afferri, quæ
 una earum à reliquis omnibus corporibus
 sufficienter discriminetur. Quamobrem si
 deditâ operâ negotium istiusmodi aggre-
 derer; necesse equidem foret, singula
 alicujus momenti verba peculiari ac proli-
 xâ digressionem explicare; ut ita similis
 cujuscunque corporis definitio pro modu-
 lo nostro clare elucesceret. Hujus autem
 incommodi evitandi causâ, nolui de his
 quicquam in hoc opere destinato agere:
 operamque in id præcipuè impendi, ut de
 partibus hepatis *organicis*, quantum in
 nobis, planè ac luculenter constet. Inter-

dum tamen & de illis quoque obiter quædam disceptabimus; quoties nempe dabitur occasio, & probabilis conjectura nos ad id faciendum induxerit.

Constitutiones hepatis organicas quod attinet, illæ à me bifariam dividuntur; nempe in totius hepatis, & vasorum eidem famulantium. Conformatio totius hepatis, in se complectitur, 1^o. Ejus situm: 2^{do}. Magnitudinem: 3^o. Numerum partium: 4^{to}. Continuitatem: & denique, Figuram. De quibus omnibus eandem serie acturi sumus.

Quoniam autem *figura*, præ cæteris omnibus conformationis partibus, latius patet, majorisque momenti est; eandem porò in *externam*, atque *internam* dividemus. Hanc verò quod attinet, sciendum est, illam à vasorum texturâ atque distributione proficisci; adeoque haud aliam ejus descriptionem expectandam esse, quam quæ ex vasorum per hepar dispersorum structura necessariò intelligitur.

Præterea, quia isthæc hepatis vasa partim etiam foris conspicua sunt, agam de iis primò, ususque illorum pariter annexam: proximo loco interiora vasa aggrediar; factaque ipsorum enumeratione, eadem mox inter se conferam; simul etiam communiter & differentias eorum exhibebo; posteaque descriptiones illorum particulares proferam: quibus peractis, ad actiones atque usus eorum deveniam.

niam. Atque in his expediendis, rejiciam
primò errores, qui de iis jam olim invalue-
runt; ac deinde verum atque universale to-
tius hepatis officium adstruam: ultimoque
tandem singularum illius partium actiones
& usus particulares ordine percensebo.

CAP. II.

De Situ Hepatis.

HEpar in elatiore præcipuoque imi ven- Hepatis
 situs ge-
 neralis
 tris loco situm est: nempe proximè dia-
 phragma, in dextro hypochondrio, quod
 veluti adimplet; indèque versus sinistrum
 latus porrigitur, paulo ultra cartilaginem
 ensi formem.

Pars ejus *gibba*, mediante peritonæo, ejus gib-
 bae
 spuris dextri lateris costis, maximæ dia-
 phragmatis parti, & posticæ dextri hypo-
 condrii sedi, latè contigua est; circa dex-
 tum latus spinæ, ad quam transversim
 protenditur, cedit venæ cavæ ibidem se-
 ptum transversum pertundenti, ejusdem-
 que descensum inter posticam sui partem
& spinam munit.

Cava hepatis pars (præcipuè sinistra) cava
 pylorum, ventriculique partem superio-
 rem & anteriorem amplectitur; uti etiam
 partem aliquam omenti. Pierunque ta-
 men pars quædam vesicæ biliaris, ipsum
 hepar, & ventriculum (qua in pylorum
 desinit) interjacet. Dextra pars cavæ

imponit. Rem ipsam verò penitiùs adverte-
 tens, haud difficulter tumores istos inter-
 noverit: qui enim ad hepar pertinet, ela-
 tior est, ventriculique regioni vicinior, &
 eidem magis incumbens, quàm lienis tu-
 mor queat; nisi hic prægrandis fuerit, mo-
 dumque omnem excesserit; quo casu
 ipsemet suà sponte innotescit; nempe vel
 mole suâ inusitatâ; vel distentione pon-
 derequè in latere sinistro; vel etiam, quòd
 sinistrorsum inferiùs descendat, quam he-
 par ullo modo possit.

Tumores in concava posticaque hepatis
 parte, tactu haud distinctè deprehendun-
 tur; in istis tamen, plenitudo aliqua hypo-
 chondrii dextri, digitorumque ibidem sub
 costis nobis impressioni renitentia quæ-
 dam major solito, occurrunt.

Ligamenta, quorum operâ hepar lo-
 cum situmque debitum servat, sunt tria Ejus He-
gamen-
tum pri-
mum.
 præcipuè: quorum primum, hepar dia-
 phragmati alligat, diciturque *suspensorium*; tum pri-
mum.
 quòd ejus potissimùm ope grave hepatis
 pondus sustineatur, nè deorsum ruat. Li-
 gamentum hoc, non solùm extimæ hepa-
 tis membranæ affigitur; sed etiam paren-
 chyma ejus penetrat, & communi vaginæ
 sive involucro rami venæ Portæ (quæ ve-
 na umbilicalis eidem continua est) validè
 adnectitur.

Credo, hanc ligamenti hujus in hepate
 radicationem, à me primò inventam esse;
 idque jam ante annos duodecim, quo

tempore (cum publicè mihi , in Collegio Medicorum Londinensium , de hepate agendum esset) jecinora aliquot carne vasis circumfluâ exutum ibam. Visaque primum dicta jam radicatione , mirabare quidem, eandem Anatomicorum hæcenus diligentiam effugisse. Eoque magis, quod annexus ejusmodi , rationi videretur maximè consentaneus. Enimvero, si ligamentum illud exteriori duntaxat hepatis membranæ adhæreret ; periculum esset , ne levi aliquâ de causa, (hepate, præ pondere sui, deorsum lato) eadem à parenchymate divelleretur,

secundum.

Secundum hepatis firmamentum , est vena umbilicalis in ligamentum mutata; & priori directè opponitur. Egre ditur è fultura hepatis, & in umbilico terminatur. Quidam affirmant , ligamentum hoc , casu aliquo præcisum vel disruptum, citra aliam ullam noxam , repentinam mortem asferre. Quod mihi minus verisimile videtur , nisi simul fortè convulsio contigerit , quæ tendinosis & nervosis partibus vulneratis facillè supervenit.

tertium

Tertium ligamentum est , quo hepar cartilageni ensiformi adhæreret. Est autem illud tenue, flaccidum, robustum tamen, & latum; proficisciturque , inquit *Spigelius*, à membrana quâ hepar succingitur. Revera haud aliud videtur , quam membranæ illius duplicatio quædam ad dictam cartilaginem usque protensa : hepatis enim parenchyma non ingreditur , sed illius

membr.

membranæ solum adnectitur ; cui etiam longo satis ductu adnascitur ; ne , vialicunde illatâ , tunica illa faciliè ab hepate recederet : in quem finem quoque ligamentum hoc flaccidum , ductile , extendique aptum natum est ; neque enim totius hepatis ponderi sustinendo inservit , sed præsertim , ne in hoc illudve latus variè fluctuet , aut spinam versus dilabatur.

Sunt etiam alia hepatis firmamenta , *Alia* quæ potius connexiones sive continuationes cum aliis partibus aut vasis , quam *eiusdem* *con-* *nexiones.* ligamenta dixeris. Ita nempe venæ cavæ affigitur , mediantibus peritonæo , ramisque cavæ per hepar dispersis. Adalligatur quoque sive mesenterio , sive omento , mediantem membranâ illa , quæ venæ Portæ poroque bilario in hepar deferendis inservit. Intercedente etiam vena portæ , connectitur mesenterio , intestinis , ventriculo , omento , lieni , & pancreati : poro etiam bilario ductuque communi , jejuni principiorum arteriæ ramulo , cæliacæ arteriæ : & duorum nervorum operâ , sexto eorum pari. Omentum præterea exiguæ protuberantiæ (quam *Spigelius* lobi nomine dignatus est) in fima ejus parte , adjungitur. De connexionione illius cum vesicula fellicâ , postea dicemus.

Tam variis connexionibus stabilitum , hepar , haud faciliè sua sede deturbatur ; estque totalis ejusdem dislocatio

re, conspicuum erit; si modo, in liberali inspiratione, manum umbilico imposueris. Idemque inde porro evincitur, quod inspiratio nulla fieri queat, quamdiu musculi abdominis validè contrahuntur: ut cuilibet, ubi libuerit, experiri licet; resque ipsa manifestè patet, in conatu valido egerendi, mingendi, crepitum vel ructum emittendi, durante quippe huiusmodi nisu, inspiratio omnis intercipitur.

Deinde vero in expiratione, musculi abdominis fortiter contrahuntur; motusque adeo contrario, hepar & diaphragma denuo in locum pristinum attollunt; unde contractâ thoracis capacitâ, spiritus necessariò eliditur foras.

Contractio istæ musculorum abdominis in expiratione (præter ea, quæ jam diximus) vel inde luculenter dignosci potest; quod spiritum vehementer efflare nequeamus, nisi, forti musculorum abdominis compressione, intestina intus sursumque adigantur; uti cuilibet constabit, si modo, tempore expirationis, manum ventri admoverit.

Atque ab hac hepatis sursum deorsumque mobilitate contingit, ut idem in demortuis, quàm in vivis, aliquantò altius positum reperiatur. Nempe fato functis ventriculus, hepar, & diaphragma sursum, quantum eorum connexiones sinunt, propelluntur; partim, ut hoc pacto

pactio pectoris imane impleatur, quod aliàs, recedente è pulmonibus spiritu, contingeret; partim etiam, quòd musculi abdominis post obitum frigescentes, simul rigidiores magisque tensi evadant; unde fit, ut viscera inferiora vehementiore nisu sursum agantur, quàm ut diaphragma ei motui resistendo sit, partesque istas (quantum vincula & connexiones sinunt) superiora versus impellant.

*Affectio-
nis
hysteri-
ca ex-
emplum*

Alteram harum causarum, exemplo affectionis hystericae haud incommodè illustraveris. Licet enim verum sit, uterum ipsum esse partem in hoc morbo principaliter affectam; nihilominus vel per sympathiam, vel à vaporibus ab utero elatis, musculi abdominis unà afficiuntur; iidemque, ut malum hoc excuriant, vehementi nisu contrahuntur, intestina fortiter comprimunt, tantaque violentiâ sursum adigunt, ut diaphragma indè motum suum deorsum versus expedire nequeat, unde suffocatio huic morbo familiaris advenit. Arbitrantur vulgò mulieres, uterum ipsum ascendere, spirandique hanc angustiam inducere. Non equidem negaverim, quin uterus (durante hoc malo) sursum, deorsum, & in latus alterutrum nonnihil torqueri queat: si tamen media, quibus motus ejusmodi cieatur, ritè pensitentur; fatendum prosectò erit, nec tam validè sursum agi, neq; tam altè ascendere posse, ut diaphragmatis motum ad inferiora impediat. Idcirco assero, veram

causam.

causam cur septum transversum, hoc modo ab ascendentibus intestinis opprimatur, à vehementi omnium musculorum abdominis compressione proficisci: unde necessario (ut dictum est) diaphragma vi sursum attollitur, spiritusque unà exturbatur foras. Morum autem musculorum dum dico, haud sanè voluntarium illum intelligo, sed convulsivum, eumque omnibus abdominis musculis communem. Contingunt quidem aliquando, fateor, in passione hysterica, ante aut post suffocationem plenariam, particulares quidam horum musculorum convulsivi motus; nempe in uno aliquo musculo, aut etiam parte ejus quadam peculiari, viz. in nonnullis illius fibris; adeò ut convulsio ejusmodi, ab his in illas ejusdem musculi fibras replet, indeque pedetentim in alterius cujuspiam musculi partes similiter transferatur. Et quoniam convulsio istiusmodi, fibras peculiare, quas obsidet, instar nodi aut tumoris aliquis attollit, locumque variè mutat, inde factum, ut tum ægræ ipsæ, tum alii etiam tumorem hunc mobilem extrinsecus sentientes, matriçi ipsi variam hanc loci commutationem adscribant. Verùm cum fieri nequeat, ut uterus tam validè in dictos musculos incurrat, ut inde nodus ejusmodi excitetur; multoque minùs, ut huc illuc diversimode vagetur, quemadmodum hic fieri perspicuum est, (ut jam alias rationes taceam, huc non afferendas;) certum arbitror.

vagum.

vagum hunc tumorem ab uteri ipsius in partem illam insultu minimè provenire; sed esse duntaxat partium quarundam muscutorum abdominis peculiarem mobilemque convulsionem; quemadmodum jam dictum est.

Nolim tamen quisquam existimet, me velle, generalem sive particularem huiusmodi muscutorum abdominis convulsionem, integram morbi huius idæam comprehendere, omniaque symptomata ejus ab hac sola causa proficisci; sed ita habeat potius, non esse nostri instituti, de singulis huius morbi partibus agere, nec quidem de convulsivis hisce motibus; nisi quatenus intestina, simulque hepar ipsum sursum adigunt.

*Inflatio
ventri-
culi.*

• Ventriculus quoque flatu distentus, hepar sæpe sursum in diaphragma impellit adeò, ut respirationis libertatem impediat. Idem pariter præstat magnitudo hepatis nimia (qualis Rachitidi familiaris est;) & ingentes in imo ventre tumores, veluti in ascitidè; unde fit ut hepar & diaphragma sursum coacta, similiter respirandi difficultatem inferant.

*Hepatis
adnascen-
tia.*

Denique stomachus cibo potuque repletus, situm hepatis aliquatenus variat, idemque sursum & in latus dextrum impingit, quemadmodum & coli, tenuiumve intestinorum inflatio, anteriorem jecoris crepidinem attollit, simulque posticas ejusdem partes in spinam illidit.

Est

Est morbus hepatis peculiaris, qui motui ejus haud parum obest, consistitque in connexionibus illius cum nothis costis: dicitur autem *Adnascencia hepatis*. Angli *Tiber-grown* appellant; quam non ignoro, nomen hoc à multis irregulari nimioque hepatis incremento attribui, quale in Rachitide contingere solet. Hujusmodi adnascencia, sive adhæsiō ejus, non solum respirationi incommodat, sed & exercitia, motusque hepatis privatos imminuit, quibus ad varios humores secernendos, eosdemque in vicina loca deturbandos excitatur; quibusque fit, ut obstructionibus, humorum pravorum congestionibus, accretionique nimiae minus sit obnoxium. Quippe motus (ut cuilibet notum est) attenuat, excretricem stimulat, humorumque concretionem, atque congeriem prohibet.

De motu hepatis, hoc solum addam Non
 amplius, finemque huic proposito impo- idem est
 nam. Non omnes hepatis partes pari mo- omnino
 tu cientur; sed primo, partes ejus antero- hepatis
 res, exterioresque magis moventur, quam partium
 quæ dorso vicinæ sunt. Nihil enim est, motus
 quod motui earum impedimento esse queat, præter venam umbilicalem; quæ non adeò tensa est, quin faciliè huic usui sese accommodet. Adde, umbilicum ipsum, hepatis motus sursum deorsumque versus una sequi: quamprimum enim hepar sursum meat, umbilicus simul introfertur, adeo

adeo ut ligamento huic laxius spatium concedatur, quò minùs ascendenti hepatis reluctetur similiter, in hepatis descensu, umbilicus antèrìus protruditur; parumque admodum anteriorum extimarumque ejus partium motui incommodat: è contrà verò spina locum nullum cedit; ideòque partes illi proximæ acriùs moventur. Præterea, pars antica diaphragmatis, quàm postica, magis sursum deorsumque mobilis videtur; quippe in sternò, acutiorem angulum, quàm in dorso, efficit: & certum est, ibi motum ejus maximè reperiri, ubi circumferentia ejus cum partibus thoracis ambientibus angulum maximè acutum constituit. Enimvero, si omnibus partibus thoracis circumcirca ad angulum rectum adjungeretur, non posset, in contractione sui, ullo modo deorsum ferri; adeòque motu hoc, thoracis capacitas arctaretur potius, quàm extenderetur. Quoniam igitur in sui contractione propterea deorsum fertur quia partibus thoracis vicinis ad acutum angulum adnectitur; necesse est, ut, ubi angulum maximè acutum constituit, ibidem quoque quàm maximè descendat; &, per consequens, minimùm moveatur, ubi connexio ejus ad angulum rectum proximè accedit; quod partibus ejus, spinæ primùm, dein sternò connexis, evenit. Porro, hepar, posticâ suâ parte, venæ cavæ firmiter alligatur; ideòq; ibidem, præ cæteris locis omnibus, maximè quiescit; reliquæq; partes cui libet.

libet motui cedunt potius, quàm ut sedes illa ullo modo inturbetur. Adeo, ut locus ille, ubi hepar venæ cavæ adjungitur, sit veluti centrum motûs reliquarum ejus partium, & sedes totius hepatis quàm minimè mobilis. Denique, medium diaphragmatis mediastino firmiter connectitur; ut eâ parte deorsum ferri ægrè queat. Ideoque arbitror (ut dictum est) diaphragma in extremis sui partibus facillimè moveri, cum nulla ligamenta ibidem adsint, quæ illarum motum impedian, septumque transversum nothis costis ad acutos magis angulos conjungatur; unde fit, ut hepar iis in locis motu liberiore concitetur. Concludo itaque, hepar in anterioribus extremisque suis partibus facillimè moveri; minùs, in partibus posticis, iisque quæ spinæ incumbunt; minimùm verò, ubi venæ cavæ adhæret.

Superfunt adhuc nonnulla de situ hepatis inquirenda

Quæ-
stiones

1. Cur hepar supremum in abdomine locum occupet?
2. Cur potius in dextro, quàm in sinistro hypochondrio positum sit?
3. Utrum ratio aliqua assignari possit, cur, in homine & similiter in brutis quoque animantibus, in dextro semper latere reperiatur.
4. Num situs hepatis in dextro latere, eidem plus viriû aut promptitudinis ad motum conferat, quàm lateri adverso?

4. discutienda.

De his omnibus paucis agam, & suo ordine.

CAP.

CAP. III.

Quæritur idò. *Cur hepar supremum in abdomine locum occupet?*

Error

Quæstionem hanc nonnulli supervacaneam arbitrabuntur; quòd, quemadmodum in civili locorum assignatione, prima sedes digniori conceditur, ità & hic pariter supremum in abdomine locum hepatis (utpote viscerum nobilissimo) deberi autument.

refellitur,

Regula verò ista in naturalibus haud est perpetua. Aliàs enim vesica fellea, urinariæ, maximæque intestinorum parti præferenda esset; & omentum, mesenterio anteponendum; renesque succenturiati ipsis renibus digniores æstimandi. Admittenda itaque solum hæc regula est, quando & alia simul commoda sese offerunt; quemadmodum in isto hepatis situ evenit. Quippe non modò hepatis dignitas, hanc prærogativam postulat; sed & aliæ causæ graviores, hic inquirendæ, eandem necessario requirunt. Sunt autem illæ potissimum tres.

Vera
causa
assignatur.

1. Quia gibba hepatis pars; concava diaphragmatis superficièi aptissimè respondet. Si verò alia viscera ibidem locata fuissent, necessario hiatus aliquis intercessisset, quem natura ægè patitur.

2. Hepar alibi positum, minus commode

modè ventriculum atque intestina amplexu suo fovisset : neque etiam aliis partibus æquè cum hepatis cavo convenisset , atque istis , quæ nunc illi subjacent ; quæ molles & ad cedendum aptæ cùm sint , eisdem instar pulvinaris , (in erecto præsertim homine) substernuntur.

3. Quòd tenera & friabilis hepatis substantia , collisus compressusque duriores , non sine damno maximo patiatur : ideòque , ut ea effugeret incommoda , æquum erat loco tutissimo poni ; nempe proximè sub diaphragmate , ubi costarum notharum muro defenderetur ; & à prædictis malis libera esset. Estque hæc ratio cæteris præferenda.

CAP. IV.

Quæritur 2^o. *Cur hepar potius in dextro, quàm in sinistro hypochondrio positum sit ?*

UT secunda hæc quæstio clarius intelligatur , concedendum primò arbitror , non potuisse aortam simul & venam cavam , commodè in eodem corporis latere locari : ità enim de pulchritudine & symmetriâ , (quæ in utriusque lateris proportionali similitudine magnopere consistit) plurimùm decederet : nec posset , ut par est , calor è corde emanans , utrique corporis lateri pariter communicari. Plurima

Aorta & vena cava non debant in eodem latere collocari.

rima quoque incommoda, talem vasorum sursum deorsumque distributionem necessariò comitarentur; ut cuilibet perspicuum est.

His itaque, aliisque similibus malis evitandis, natura utrumque vas; alterum dextro, alterum sinistro lateri attribuit, adeò ut ambo latera sibi invicem æquipollegant, mutuaque inter ea (quantum saltem partium harum diversa natura patitur) similitudo obveniat. Aorta quoque vicinitate & calore suo Cavam fovet: & utranque commodissimè spina dorì tutatur; quæ cum sit veluti centrum motûs animalis, ipsa minimùm movetur, optimeque cavet, nè vasa istæc nimium extendantur, aut subitò contrahantur, ac breviora fiant; quas motuum vicissitudines vasa illa ægrè tulissent, neque uspiam alibi ab earum injuriâ æquè tuta fuissent. Quippe ea minimùm moventur, quæ centro motûs vicina sunt. Concludendum itaque, venam cavam & arteriam magnam, non potuisse commodè in uno eodemque corporis latere constitui, nec uspiam rectius collocari, quàm ubi nunc sitæ sunt.

*Sed oportuit
aortam
esse in
sinistro.*

2.º Ut res hæc luculentius constet, asserimus porrò, debuisse arteriam magnam in sinistro vertebrarum latere, venam cavam autem in dextro ferri. Licet enim cor præcise in mediò thoracis situm credatur, (quod aliquo modo verum est) ventriculus

trculus tamen ejus sinister, manifestè sinisterorsum vergit, dexterque in latus oppositum exponitur. Oportebat itaque necessario, arteriam è sinistro ejus sinu oriundam idem latus servare; venamque cavam dextro cordis ventriculo continuam, dextrorsum descendere. Quippe naturæ (quæ omnia sapienter instituit) haud congruum erat, vasa hæc decussatim è latere in latus frustra transferre, eorundemque distributionem hoc pacto difficiliorem magisque incommodam efficere.

*Or ca-
vam in
dextro.*

3°. Præsuppositis iis, quæ jam diximus; debuisse nempe arteriam magnam in sinistro latere locari, & venam cavam in dextro; affirmamus tertio, factum esse necessario; ut hepar in dextro latere situm suum obtineat. Nam primo, hepatis (præ cæteris omnibus partibus) minima cum arteriis, intercedit familiaritas; quarum una solum eaque perexigua à ramo cæliaco ad ipsum pertingit. Incongruum verò foret, tam grande viscus arteriæ magnæ vicinum constituere, cum qua tamen exiguam admodum habiturum esset affinitatem; partesque alias longius amovere, quæ ramos ampliores à dicta arteriâ mutuantur, majoreque cum eadem necessitudine gaudent. Deinde metuendum, ne Arteria magna, violentâ sua pulsatione, noxam aliquam teneræ friabilique hepatis constitutioni inferret, si ambo in eodem latere ponerentur: hepar

D

enim,

enim , præ magnitudine sui , necessario arteriæ , eo modo jungeretur , quo nunc venæ cavæ adhæret ; quippe hypochondrium sinistrum , nullo relicto spatio inani , prorsus impleret. Porro , plurimum hepatis cum vena cava intercedit commercii , ramique hujus prægrandes in illud disseminantur. Si autem in diverso latere sita essent , rami illi incommodè , imo vero ineptè (siquidem propius iter est) per anfractuosa illam semitam ad hepar pertingerent. Denique , haud parva est hepatis cum sanguine venoso familiaritas ; & verisimile est , illa sese mutuo fovere ac refocillare. Quoniam igitur vena cava per dextrum latus deferenda erat , debebat certe & hepar quoque idem latus occupare.

*Hepar
situm
suum à
corde
mutua-
tur.*

Objicies forsitan , situm hepatis haud deducendum esse à vena cava , sed debere potius hujus situm illius posituram sequi : siquidem (ex sententia communi) vena cava ex hepate oriunda est , idèoque determinatus hujus locus requiritur , antequam illa efformata fuerit. Respondeo (omisâ interim disceptatione de venarum origine) venæ cavæ necessariam insignemque cum dextro cordis ventriculo affinitatem intercedere ; parti scilicet hepate longe nobiliori : debuit itaque illa sic collocari , ut cordi quàm aptissimè inserviret. Enimvero æquum est , ut hepar potius cordi , quàm hoc illi sese accomodet. Et ut verum sit ,
hepar

hepar dignitate venæ cavæ præcellere; tamen necesse est, ut ambo de suo jure concedant, ubi cordis res agitur, cujus utilitati utrumque obsequitur. Ad primatum autem hepatis quod attinet, (præteritâ impræsentiarum, ut diximus, quæstione de venarum origine) assero, venas ratione *visitas* hepatis saltem coætaneas esse; neque hujus formationem prærequiri, ut illæ ab eodem oriantur. Quinetiam, licet id concedatur, congruum tamen erat, ut vena cava situm cordi conformem obtineret, utpote quod (in naturæ saltem intentione) utrique præcesserit. Quippe non modo situs, sed & existentia eorum haud alia ratio fuit, quam ut cordi adminicularentur: ideoque hepar & vena cava, situm suum à corde potius accipiunt, quam ut huic legem aliquam statuunt. Debet itaque, cui situs harum partium veram rationem reddere est animus, hepatis posituram, ad illam cordis; non autem hujus legem, ad illius normam exigere.

Si quis porro quærat, cur præcipuus cordis ventriculus in sinistro latere, sequior autem in dextro locetur? haud statim ad jecur recurrendum est, circulusque in causarum assignatione instituentus; sed penitus potius inquirendum, numnam aliæ laterum corporis differentia reperiri queant, quæ situm cordis diversimode respiciant; idemque huic (quam

*Cordis
positura.*

nunc obtinet) posituræ præfiniant ? Debent tamen istæ differentiæ esse ejusmodi , quæ non planè à præsentis cordis situ dependeant : alias enim positio eorum potius à corde petenda esset , quàm cordis situs ab eorum positura definiendus. Idcirco si finxeris , sinistrum cordis ventriculum in latus dextrum , pariterque dextrum in lævum latus transferri , cogitandum una necessariò est , arteriam magnam , venam cavam , hepatis , ventriculum , lienem , pancreas , omentum , &c. simul de loco in locum transiisse. Quod ubi feceris , nulla ratio ab iis deduci poterit , cur ventriculi cordis , in primo homine , ad eum modum efformari non potuerint. Quippe partes hoc pacto transpositæ , haud minus belle , commodeque munus suum (quo nunc funguntur) obiiissent. Nam reliquæ corporis partes geminæ cum sint , in quocunque latere ventriculum cordis alterutrum constitueris , eodem proisus modo easdem respiceret. Concludo itaque , nihil fuisse in protoplasto discriminis , quo minus cor , dictæque partes in utrolibet latere collocari potuerint ; nihilque in animali extitisse , cuius gratiâ Creator ventriculum cordis præcipuum sinistro potius lateri , quam dextro attribueret , præter ipsius beneplacitum , voluntatemque liberam , qua sic fieri voluit.

Si quis hanc situs cordis in protoplasto deter-

determinationem, casui fortunæve potius, quam Creatoris voluntati adscripserit; is secum cogiter, cunctis omnino animalibus (quorum corda bisariam excavata sunt) ventriculos istos eodem modo, quo in homine reperiuntur, obtigisse: effitque id planè contrariæ sententiæ stabilimentum. Fieri enim nequit, ut incertus casus tot tamque diversorum animalium corda ad eandem normam fabricaverit. Fortuna igitur ab hoc negotio excludenda, adstruendaque est unica summi Creatoris voluntas. Haud equidem mihi in more est, neque etiam æquum arbitror, quenquam, in rerum naturalium indagine, ubi secundæ causæ in promptu sunt, ad primam statim confugere: verum in quæstione proposita, ubi de protoplasto agitur, in quo nulla ratio inveniri potuit, quæ Creatorem ad hunc potius ventriculorum cordis situm, quàm ad illum fabricandum impelleret, mera ipsius voluntas assignanda erat.

C A P. V.

Quæritur 3^o. Cur in homine (& ad ejus normam in aliis quoque animalibus) hepar semper in dextro hypochondrio situm sit?

Quæstio hæc oritur ex eo, quod novissimè à nobis dictum est; nempe perinde

Inquærenda occasio.

inde fuisse, in utronam latere dexter cordis ventriculus, vena cava, hepar, &c. in protoplasto sita essent. Quoniam autem hepar, vena cava, exteriorque cordis ventriculus in dextro latere semper reperiuntur, resque similiter in aliis animantibus sese habet; quærat merito aliquis, utrum immutabilitatis, similitudinisque hujus ratio aliqua reddiqueat? Licet enim (ut diximus) causa nulla esset, cur dictæ partes in protoplasto situm hujusmodi obtinerent; possit tamen fortè ratio aliqua inveniri; cur hoc in posteris ejus perpetuo contingat, cæteræque animantes omnes eandem normam sequantur.

*Causa
rei efficiens,*

Primò itaque, quoniam genus omne humanum, similitudine quadam ab eo derivatum est, qui prior extitit; necesse est, tam expressa hæc prototypi vestigia, à patre in filium continuè transferri; nili forte vis plastica casu aliquo sive ab impedimento externo, in situ partium constituendo turbetur. Quod si evenierit, partes à communi naturæ regulâ desciscences, anomalæ saltem atque imperfectæ, si non & monstrosæ, æstimandæ sunt. Petitur quidem hæc ratio à causa efficiente; suntque etiam aliæ à finali deductæ, haud negligendæ tamen, siquidem sapientiam & providentiam Creatoris in hac rerum gubernatione demonstrant.

finalis,

2^{do}. (Estque ratio finalis) partes istæ situm.

tum suum uno perpetuoque tenore servant, ut tam in vivis, quàm demortuis, factâ corporum dissectione, de partium omnium situ indubitate constet. Enimvero si istæ fortuito, modò in dextro, modò in sinistro latere collocarentur, situs earum haud ad eò certò cognosceretur, arque artis Medicæ interest; ipsaque Anatomia de situ harum partium in viventibus, & nondum dissectis, nihil explorati nobis relinqueret.

Tertia ratio, situs partium in brutis *item* cum homine analogiam præcipuè respicit. *alia.* Quam-primum enim Creator partium harum positionem in homine præfinierat, æquum erat ut earundem situs in brutis quoque ad consimilem normam adaptaretur; quantum saltem ipsarum partium natura permetteret. Nam licet bruta ante hominem creata fuerint, Naturæ tamen intentione homo prior exitit, eidemque illa famulantur: ac propterea quantò propius ad domini sui imaginem accedunt, ejusque usui inserviunt, tantò quoque nobiliora & perfectiora habenda sunt. Inter alia vero commoda, quæ situs partium in brutis cum homine conformitas secum apponit, haud leve æstimandum est, quod arti Anatomicæ plurimum conferat. Quippe cum cadavera humana nec omni tempore, neque ubique locorum in promptu sint, potest hujus artis cupidus ob eam, quam diximus, partium ani-

malium conformitatem inter se, ipsa brutorum dissectione, ad imperfectam saltem aliquam situs partium in corpore humano cognitionem pertingere. Eoque validior hæc ratio est, quod omni ferè ævo nonnulli superstitiosi adeò reperti sint, ut nefas esse crederent, cadavera humana discindere.

¶ alia. 4^{ta}. Ista situs partium immutabilitas, seu fundamentum à natura constituitur, quo latus dextrum à sinistro distinguatur. Quamvis enim ex decreto humano, latera illa satis distingui potuerint; quoniam tamen discrimen hoc à solo hominum consensu natum esset, (non autem ab aliqua ipsorum laterum differentià) potuisset idem temporis tractu, & in dissitis longè regionibus, prorsus aboleri, aut immutari adeò, ut latus dextrum fortè sinistri nomine aliquo loco aut tempore veniret, & termini illi (dextrum, sinistrum) eatenus incertæ significationis redderentur. Ideoque certam hanc & definitam partium in homine pariter atque aliis animalibus positionem, dictæ laterum nomenclaturæ inservire arbitror. Et cum hepares, præ cæteris partibus, latus unum ab alio discriminet, idem quæstionis hujus (nempe de situ hepatis) ansam præbuit. Quoniam autem situs illius, in quibuslibet animalibus, in dextro semper latere reperitur; oritur inde sequens dubitatio.

CAP. VI.

Quæritur 4^{to}. *Utrum situs hepatis in dextro latere, plus roboris, motuque expediendò promptitudinis, huic lateri, quam alteri conferat?*

UT quæstio isthæc rectius intelligatur *Compa-*
 comparanda est influentia hepatis in *ratiola-*
 latus dextrum, cum influxu illo, qui à *ternum.*
 ventriculo, liene, omento, & pancrea-
 te, sinistro lateri communicatur: quippe
 partes istæ hepatis sunt *α'λλήλοποι*. Nec du-
 bitandum, quin hepar in dextrum, quàm
 in sinistrum latus, potentius influat; & si-
 militer lien, ventriculus, pancreas, &
 omentum, sinistro lateri influxus suos ma-
 jorem in modum impertiant. Accensen-
 dus porò lateri sinistro calor ille, qui à
 magna arteriâ, sinistroque cordis ventri-
 culo profluit.

Virtus autem sive influentia hepatis, *Influen-*
 consistit vel in temperie, vel in vapore sive *tia he-*
 exhalationibus ejusdem. Temperies ejus *patis,*
 videtur moderatè calida & sicca, leniter *in latus*
 adstringens, fovens, firmanisque partes *dex-*
 vicinas, nihilque prævæ noxiæve qualitatis *trium.*
 in se continens. Similiter & vapor illius
 temperie affinis est; &, quandiu sanitate
 fruitur, nil nisi bonum atque utile, fir-
 mitudinem ac vigorem partibus vicinis
 afflat. Ut verum hic sit adagium il-

D 5

lud,

lud , *Aliquid boni , ob vicinum bonum:*
nempe toti lateri dextro , ob hepatis vicini-
niam , bene est.

Lienis,

in fini-

strum.

Ex adverso autem , lienis , pancreatis ,
omenti , & ventriculi virtus viresque cum
hepate comparandæ sunt. Probio quidem
à quibusdam lieni datum est , quasi ipsi
cum spurco & cænoso duntaxat sanguine
res esset , & sedes melancholiæ existeret ,
acidoque humori in ventriculum effun-
dendo per vas breve venosum inserviret.
Alii vero contra tantis laudibus extulêre ,
ut hepatis munus illi adscriberent. Quod-
cunque autem ejus officium fuerit (de
quo impræsentiarum non litigabo) existi-
mo certe , influentiam ejus in partes cir-
cumstitas , hepatis influxui congenerem
esse. Quoniam vero (in corporibus sanis)
hepar quadriuplo (& fortasse sextuplo)
lienem magnitudine exuperat ; oportet
etiam virtus ejus , lienis efficaciam tan-
tundum antecellat. Ideoque reliquæ
partes in sinistro latere sitæ , in subsi-
dium advocandæ sunt , ut hepatis huic
præstantiæ æquipollean.

et de

pancre-

atis.

Pancreatis quidem temperies videtur
humida , laxa , flaccida , & moderatè ca-
lida ; estque vapor illius necessario con-
similis , nempe humidus & relaxans. Hu-
mor quoque , quem de se emittit , videtur
eiusdem temperiei esse , scilicet lenis &
lubricus , minimumque adstringens : ut
ab illius effluviis parum admodum solidi-
tatis,

tatis , roboris , aut firmitudinis , partibus vicinis expectandum sit.

Omentum similiter (è pinguedine fere compositum) emolliendis , humectandisque partibus præcipuè conducit , parumque stabilitatis iisdem attribuit.

Ventriculus ipsemet , licet nervis fibrisque abundet , eoque nomine robur præseferat , longe tamen minus , quam hepar , calidus habetur ; siquidem is calorem suum fere omnem à partibus proximis mutuatur. Præterea , vapores sive exhalationes ab eodem elatæ , haud prorsus ab illius substantia , aut tunicis prodeunt , sed maximè à materiâ in iisdem contentâ : unde sæpe fit , ut incommodæ & noxiæ potius , quam beneficiæ evadant. Quippe inanito ventriculo , sæpe supersunt humores viscosi , pastusque præteriti reliquiæ (abductis jam partibus purioribus in corporis alimentum) unde locis vicinis plusculum afflatur incommodi. Quinetiam eodem pleno existente , cibisque probis saturo , cum tamen hi minus adhuc coctione assimilati sunt , vapores inde elati aliquandiu crudi & heterogenei manent , partesque proximas relaxant. Adeo ut utrobique beneficium , quod iis à ventriculo accedit , damnum ab eodem illatum vix compenset.

Ex iis , quæ hætenus diximus , inferre licet , majus longe commodum dextro

lateri ab hepate advenire, quam sinistro ab iis partibus quæ hepati oppositæ sunt: ac propterea, plus etiam roboris in illo latere, quam in hoc reperiri: nisi forte arteria magna in sinistro latere sita, aliquid fecerit in contrarium. Quæ de re nunc videndum est.

atque
Aorta,

Fatendum quidem est, arteriam magnam plus solatii virtutisque sinistro lateri tribuere, quam dextro à vena cavâ afferatur. Haud admodum magni tamen discriminis res est, ac cuius primò statim intuitu videatur. Primo enim, rami arteriæ magnæ utroque versum exporriguntur, artusque (in quibus robur corporis potissimum consistit) hic & illic pariter de iisdem participant; adeo, differentia omnis in ipsius trunci situ deprehendatur. 2^do. Ipsemet truncus ejus parum admodum à media spina recedit; ideoque haud multo plus roboris uni quàm alteri lateri inde affluit. 3^o. Tunicæ illius multò crassiores densioresque sunt, quàm quibus vena cava induitur, adeoque sanguinis in se contenti vaporem potentius coërcent. Quare crediderim, influentiam horum vasorum in partes vicinas per halitum aut vaporem, utrobique seicè æqualem esse, præcipuumque ejus discrimen constare in diverso caloris actualis gradu, quem illa partibus circumscriptis imperiunt. 4^{to}. Minor quoque hæc sit differentia, ob viciniam venæ cavæ cum

arte.

arteria magnâ , quæ descendens (antequam bifurcatur) eandem supergreditur , unde calor Cavæ invalescit. 5. 10. Sinistro cordis ventriculo dexter æquipollet : uterque enim corpus unicum constituit , quod in medio situm est , & à lateribus æqualiter distat. Neque etiam porro alterutrius ventriculi vapor capsulam cordis penetrat : unde virtute pares redderentur , etiamsi aliàs discrimen aliquod inter eos intercederet. Præterea , ut sinister ventriculus altero est calidior , ita etiam parietibus crassioribus circumvallatur ; ut , manu impositâ , calor utrobique nullo discrimine percipiatur ; multò vero minùs circumpositâ capsulâ , quæ utrunque ventriculum æqualiter respicit.

Subductis igitur utrinque calculis , faciliè constat , differentiam illam (quæ ab arteria magnâ , sinistroque cordis ventriculo oritur) minoris momenti esse , quàm ut discrimini , quod ab hepatis in dextro latere positione nascitur , sit æquiparabilis : ac propterea etiam plus roboris atque agilitatis masculis actionibus edendis , in dextri , quàm sinistri lateris artubus reperiri.

Idque indè porro innotescit clariùs , *Gentis* quòd apud plerasque gentes , omni ævo , *um in* locoque validis & operosis actionibus *ea ra-* expediendis dextra manus adhibeatur , *confer-* eademque sinistra in subsidium dun- *stus*

taxat adveniat. Quum enim nec instituto, neque imitatione aliquâ mos iste invaluerit, maneatque in tam diffitis locis, variisque temporibus, firma omnium in hac re consensio; intelligi necesse est, subesse in Natura fundamentum aliquod, cui actio tam uniformis innitatur. Nec videtur fundamentum aliud substrui posse, præter dictam lateris dextri aptitudinem, quæ ab hepatis ibidem situ originem ducit.

Objectioni.

Objicies, reperiri nonnullos, qui non minùs gnaviter & expeditè lævâ manu utantur, quàm alii dextrâ solent, &, ut hi sinistrâ minùs valent, ità illis dextram manum imbecilliorē esse. Unde probabiliter saltem quis deduxerit, latera inter se usu duntaxat & consuetudine distingui. Inque ulteriorem hujus rei confirmationem, dici possit, infantes sæpe & pueros, naturâ duce suaque sponte, lævâ manu crebriùs quàm dextrâ uti; usumque hunc (nisi à nutricibus tempestivè corrigatur) in consuetudinem postea & veluti naturam abire: quod dextri lateris ad motum promptitudini, magis quàm sinistri, parum convenit.

Porro, quamvis brutis etiam (quæ utrunque latus necessariò æqualiter exercent) hepar in dextro latere situm sit, ea tamen utrobique pari robore donantur. Indicio probabili, diversitatem hanc in hominibus, à disparili usu atque exercitatione.

tatione unius lateris, præ altero, originem trahere.

Ut clariùs objectionibus his respondeam, duo primùm concédenda sunt *respon-*
(nempe distinctionis ergò) quæ tamen *deur.*
prædictis neutiquam adversentur.

1. Amborum laterum naturale discrimen, rectivè præ sinistro robur, haud adèò infigne esse, quin facilè à perpetuâ sinistri lateris, magis quàm dextri, exercitatione superari queat. Quod ab objectione præmissâ perspicuè evincitur.

2. Fatendum est, sinistrum latus nonnullis actionibus aptius, quàm dextrum, convenire. Sunt enim actiones masculæ, & fœminæ: illæ soliditatem, firmitudinem, & robur partium spectant; hæ autem potius mollitiem, teneritudinem, facilemque earundem sensum respiciunt. Validi, sibi que constantes motus, ad masculas actiones pertinent: sensuum autem acumen, lassitudo, & instabilitas, ad fœmineas referendæ sunt.

Quoniam igitur dextri lateris artus (ut dictum est) naturâ suâ solidiores, firmioresque sunt, quàm qui in latere adverso situm suum obtinent; necesse est, eosdem quoque masculis actionibus obeundis magis idoneos esse: debentque, ex altera parte, sinistri artus esse teneriores, delicatiores, atque alterationibus magis obnoxii, & consequenter acutiore sensu polle-
lere. Quippe sensuum agilitas & acumen
à facilitate

à facili in eos objectorum impressione
provenit , quæ à constitutione partium
tenciâ facileque alterabili dependet. Di-
ctum vetus , *Aurium mollior sinistra* :
est scilicet , ob teneritudinem , ad au-
diendum promptior , quàm dextra. Si-
militer existimo , si qua inter oculos est di-
versitas , sinistrum dextro perspicacitatem
esse , & fortè etiam certum magis , si
quando collimantes aciem nostram in
rem aliquam defigimus. Referunt faciæ
paginae , *Benjaminitas* tantæ olim peri-
tiæ fuisse , ut vel capillum lapide è funda
Judic. projecto attingerent. *Benjaminus* , dex-
20. 16. *tra manus filium* significat : illi verò di-
cuntur sinistram manu usi. Crediderim cer-
tè , illorum in collimando dexteritatem ,
partim à sinistri oculi perspicacitate pro-
fectam , partim etiam diligenti eorum
consuetudini tribuendam esse. Scævæ
quoque cum dextrâ manu utentibus præ-
lio commissi , plerunque plus possunt. Id
autem casu duntaxat evenit : quod nempe
illi cum talibus pugnare soleant , hi verò
rarissimè cum sinistram utentibus manus
conferant.

*eadem-
que li-
mita-
tur.* His ita positis , licèt fatear , discrimen
alterum inter se exiguum esse , & ro-
bur dextri lateris faciliè à continua sini-
stri exercitatione superari , sinistrumque
latus in foemineis quibusdam actionibus
dextro præpollere : haud concedendum
tamen , utrumque latus in masculis actio-
nibus.

nibus perficiendis naturaliter æquale esse; siquidem dextrum latus, quàm sinistrum in huiusmodi munere est præstantius.

Idque porro vel indè constat, quòd etsi amborum pedum in homine æqualis usus est, dexter tamen sinistro præcun-que firmior, robustior, magisque masculus reperiatur.

Quod ajunt, puerulos suâ sponte sæpe sinistram manu uti: sciendum, id, ubi even-nerit, non propterea fieri, quòd aptius rem aliquam sinistram prehendant, vel perinde iis sit quâ manu utantur; sed casu aliquo cogi, sinistram potius quam dextra uti: nempe si res tractandæ (ob incuriam) sinistræ manui frequentius quàm dextræ offerantur; vel si infantes sæpius, in dextrum latus decumbant, aut sinistram mammam sugant; quibus fit, ut (impeditâ dextrâ) lævâ manu liberius utantur; aut si nutrices puerulum frequenter brachio sinistro circumferant, (ut solent, quòd ipsis manus dextra negotiis obeundis parata sit;) namque eo pacto, libera manus dextræ exercitatio à corpore nutricis continuo præpeditur, dum lævâ (prout iis libitum fuerit) utuntur.

Quod ad ea attinet, quæ de brutis allata sunt; ut dem, artus eorum plerunque in utroque latere æqualiter exerceri; haud concedam tamen, eosdem æqualis utrobique roboris esse. Observatum quippe ab agasombus, malum sinistro
alicui;

alicui pedi illatum , plus damni æquo afferre , quàm si idem adverso pedi contigisset : quia nempe leve incommodum dextro pedi infligendum , ab ejusdem lateris præstantiore robore compensatur ; auge- tur verò à loci imbecillitate , si lævo lateri incussum fuerit. Idemque similiter discrimen in aliis quoque animalibus , à pecora- riis animadversum est. Concludendum igitur , constitutam esse aliquam à Natura laterum differentiam ; dextrumque la- tus ob hepatis præsentiam , sinistro viri- bus , masculisque actionibus exequendis præcellere.

C A P. VII.

De Hepatis Magnitudine.

*Magni-
tudo re-
lativa.* Magnitudo partium , quæ in Anatomi-
cam considerationem cadit , non tam absolutam , quàm relativam sive compa-
rativam earum quantitatem respicit. Quo-
niam enim diversarum specierum anima-
lia , magnitudine inter se immensum dis-
crepant ; similis quoque & variarum eo-
rundem partium diversitas (saltem pro-
portione aliquà) expectanda venit.

Quorundam animalium cor , aut alia pars quæpiam , aliorum integra corpora plus quàm millies excedit : tale est cor bo-
vinum, si cum toto acari corpusculo com-
paretur.

Præ-

Præterea, id una eademque animalium specie, ætatis discrimen, magnam earundem partium differentiam apportat: nempe viri manus, ab illa pueri plurimum diferepat.

Videtur itaque partium magnitudo, in quam potissimum Anatomia inquit, consistere in proportionem quadam, vel partium ad totum, aut partium ipsarum inter sese, in eodem animali; vel totius, partiumve diversorum animalium comparatarum ad se invicem, citra exclusionem tamen magnitudinis absolutæ, quæ comparativæ fundamentum est.

Partium magnitudo & proportio, dignoscitur vel mensurâ, vel pondere.

Mensura explicat partium dimensiones: *Partiū mensura*, nempe earum longitudinem, latitudinem, & profunditatem sive crassitiem. Earum vero partium magnitudinem certius metimur quæ inter se comparatæ eandem figuram sortiuntur: cujus generis sunt intestina, scilicet rotunda, cava, & in longum protensa, idque in omnibus ferè animalibus; & similiter partes omnes congeneres in animalibus ejusdem speciei, utpote plerunque uniusmodi figuræ. Quotiescunque autem partes (quamvis congeneres) figuris diversis constant, haud adeò commodè proportionem earum mensurâ aliquâ expediuntur. Poterit enim, verbi gratiâ, hepar anguinum humano hepatis longitudine æquale esse, & tamen
ad.

ad centesimam hujus magnitudinis partem non accedere. Utile itaque fuerit, in definienda partium magnitudine, haud mensuram solum, sed & pondus earum assignare.

Et pondus.

Pondus denotat materiae copiam, in toto, vel parte aliquâ quam appenderis: explicat etiam proportionem corporis alicujus integri, ad aliud integrum; partis quoque unius, ad aliam; & totius, ad quamlibet sui partem. Eaque omnia ad amussim præstaret, nisi sanguis plus minusve in parte hærens, aut excrementum aliquod, vel humor, materiae alia, incertitudinem aliquam afferrent. In cujus rei remedium, partes illæ quæ ventriculis sive cavitatibus majoribus donantur (in quo censu sunt cor, ventriculus, intestina, vesica, &c.) facile ab inhærente sanguine, aliave materia liberari possunt, ac deinde errore quàm minimo appendi. Præstiterit autem forsitan, partes alias solidiores & cavitatibus ejusmodi destitutas, integras primò, & citra sanguinis secretionem ullam appendere. Quippe congèneres partes, ut plurimum, plus minusve sanguinis in se continent, prout magnitudine inter se pares imparesve fuerint: ideòque nec proportio illarum magnopere incerta redditur, etiamsi eadem unâ cum sanguine ponderentur.

Quoniam tamen haud certò dignosci potest, quantum pars quælibet, & sanguis in

in eadem contentius, seorsum pendant, si pars illa unà cum sanguine appendatur; utile fuerit, (examinato simul utriusque pondere, partem frustulatim discindere, aquâ calidâ abluere, & frequenti digitorum attritione sanguinem inde omnem exprimere, carnemque denuò appendere: hoc pacto enim facile constabit, quanti ponderis caro sola sit, &, per consequens, quantum sanguis ipse pendat, quem his artibus ex eadem eduximus.

Atque hæc quidem de magnitudine partium universim à nobis dicta sunt; præcipue quoniam media earum magnitudo, & usitatæ ad se invicem proportionales, nec mihi, nec aliis cuiquam (quod sciam) satis hætenus perspectæ sunt. Feci quidem experimenta aliquot, adhibitis pondere simul & mensurâ: sed forte nulla in constitutionibus mediis, nec in ullis quidem tam crebra, ut conclusionibus inde certò deducendis sufficiant. Ideoque defectus hujus supplendi ergò, rationes quasdam exhibui, quibus quis instructus, semet (datâ aliquando occasione) facile in hoc negotio expediat.

Longitudo hepatis, in convexa ejus parte, major est quàm in cava; siquidem illa instar arcus, hæc verò chordæ instar sese habet. Idemque similiter de latitudine ejus dictum puta.

Cavi hepatis longitudo (quoad mihi saltem experiri licuit) proxime respondet inter-

*Hepatis
longi-
tudo.*

*Latitudo,
& crassities;*

intervallo, quod cubitum carpumque interjacet. Latitudo ejusdem, manus serè longitudinæqualis est; & crassities, cum tali altitudine commensus proportionem obtinet. Debent autem hæc de adultis potius, quàm de recens natis intelligi.

*pondus
medi-
um.*

Medium hepatis pondus, uti & dimensiones illius mediæ, in optima sanitatis constitutione, in statura etiam ætateque mediis inquirendæ sunt. Quantum hactenus quidem indagine assequi potui, totius corporis pondus tricies & sexies hepatis pondus exuperat: estque sanguis totus ejusdem corporis pars circiter duodecima.

Die decimo-octavo mensis Decembris, anno 1650. Mulieris cujusdam in Collegio Medicorum Londinensium dissectæ totum corpus libras 108. mercatorias pendit: hepar illi erat trium librarum & sex drachmarum pondo: totius itaque corporis gravitas, hepatis pondus tricies & quinquies pendeat, & præterea drachmas 174. quæ dimidio hepatis ponderi æquales sunt, minùs unciis duabus & quinque drachmis. Nata erat annos circiter viginti quatuor; eratque, pro corporis magnitudine, procerior. Pauloque antea, die scil. vicesimo quarto mensis Octobris ejusdem anni, canem juvenem, vegetum, gracilem, & pusillum appendi; eratque jecur ejus, proportionem habitâ ad totum corpus, majus multò, quàm hactenus

Ætenuſ in homine aliquo obſervaverim: pendebat enim totius corporis partem viceſimam quartam.

Pondus hepatis, cum totius corporis pondere collatum, in hominibus macilentis, & magnis venis præditis, majus eſt, quàm in pinguibus, iſque quibus minores venæ contigerunt. Eorum quippe calor acrior, temperieſque cholerae & aduſtioni vicinior eſt, ideoque majoribus quoque vaſis felleis iis opus eſt, quibus bilem excernant; & conſequenter, hepar grandius adſit oportet. Præterea, adauſtâ reliqui corporis pinguitudine, hepar tamen nihilo pinguior redditur; ac propterea pluſculum huic de priſtina proportione decedit.

ponde-
rum
discrimina.

Pondus hepatis in pueris, comparatione factâ cum toto corpore, majus eſt, quàm in adultis. Videturque id neceſſariò contingere; ut ſanguis eorum deſectior, lenior, dulciorque ſervetur, atque adeò nutritioni magis idoneus, & tenellæ partium ipſorum conſtitutioni aptior reddatur. Hepatis enim munus eſt, partem ſanguinis mordacem acremque foras excernere: ideoque idem quò grandius (modò ſanum) fuerit, cò rectius quoque hoc munus expedit.

Crediderim ſanè, hepatis pondus in viris pariter ac ſceminis, ad totum utriuſque pondus eandem proportionem obtinere. Licetur in viris (utpote naturâ calidioribus)

ribus) aliquantò majus credatur ; quoniam tamen sanguis in muliere mitior requiritur , idque partim ratione constitutionis propriæ , partim etiam (& quidem præcipue) uteri gerendi , infantemque lacte nutriendi causa ; videtur huic hepar , respectu corporis proprii , haud minus quam viro obtigisse. Hepatis enim officium est , (ut diximus) sanguinem mitem & temperatum reddere ; talisque quoniam in muliere potissimum requiritur , eidem quoque vel hoc nomine , hepar grandiusculum , non minus quam viro ob calorem eximium debebatur. Unde factum , ut uterque sexus eâdem ferè ejus proportionem gaudeat.

Jecinora Eunuchorum , præsertim in adolescentia castratorum , pari cum viris aliis proportionem habita , minoris ponderis sunt. Ità similiter hepar caponis , quàm galli , minus pendit. Animalium quoque aquatiliū hepata terrestrium jecinoribus minora sunt. Hujusce autem rei causæ fortè fuerint , 1.^o caloris defectus , de quo jam diximus 2.^o humiditas & interna lubricitas sanguinis , quibus fit , ut hepar faciliore negotio pertranseat , minusque in itinere resistet , quam in aliis animalibus fieri solet ; ideoque : parcius quoque , (quam in istis) apponitur , corporisq; substantiæ assimilatur.

Objeccio

1. *collis-*

est ,

Objiciat aliquis , cum sanguis in omnes partes æqualiter distribuatur , oportere quoque eandem de incremento suo æqualiter


liter amittere. Respondemus autem ; partes quasilibet , ob jam dictam lubricitatem , minus crescere ; cæteris tamen partibus minus inde incommodi) quàm hepatis accedere. Quippe caro musculoſa & tendines in capone minores, quam in gallo reperiuntur ; ſuntque etiam membranæ in eodem tenuiores : capota-
men (quam gallus) faciliùs pinguedinem iaduit , quæ ab ejuſmodi lubricitate non tam impeditur , quam promovetur ; oritur n. à partibus ſanguinis pinguioribus extravasatis, & in cellulis quibuſdam membranarum adipofatum reconditis ; quæ membranæ , dum à dicta lubricitate relaxantur , excipiendis ejuſmodi corporibus magis idoneæ redduntur. Veterinariis obſervatum eſt , equum ſpadonem , ſi quando pinguedinem ſuam amiſerit , eandem denuo levi negotio reſarcire ; ſin autem musculoſæ carnis iacturam aliquam fecerit , illam non niſi difficulter longòque tempore redintegrari denuo. Equus autem non caſtratus , perinde hancatque illam recuperat. Jam verò lubricitatem ſanguinis , magis impedire hepatis, quam aliarum partium, incrementum ; vel hinc mihi veriſimile videtur , quòd humor quilibet lubricus hepatis (præ cæteris omnibus partibus) parùm congruat, adeoque eidem nutriendo minus idoneus ſit : eſt n. hepar pars friabilis ; humores autem lubrici , in ſubſtantiam friabilem haud

*Ofimi-
liter
alia,*

facile condensantur, sed potius in viscidam. Possit quis denuo reponere, lubricitatem sanguinis majorem in foeminis, quam in viris reperiri; & illis nihilominus, pro corporum proportionem jecinora esse non minora, quam viris; ut à nobis modò dictum est.

Respondeo autem 1. ° nimiam sanguinis asperitatem incremento corporis non minùs obesse, quam lubricitatem eam quæ modum exceßerit; inter hæc extrema verò consistere qualitatem illam, à qua nutritio promovetur. Addo 2. ° virorum sanguinem asperitate potius, quam lubricitate abundare; eidemque præterea superadditam esse acrimoniam sive feritatem quandam corporis nutritioni parùm amicam, utpote quæ à miti potius & leni sanguine adjuvetur, ac promoveatur. Quoniam igitur sanguis in viris asperior, simulque acrior & biliosior, quam in foeminis, reperitur; concedendum etiam videtur, sanguinem mulierum non minùs commodè, quam virorum, nutriendo hepatis conducere. Dico 3. ° virorum ac mulierum sanguinem lubricitatis ratione, haud multùm à se invicem discrepare; licet eâ qualitate mulierum sanguis aliquantulùm præpolleat. Quamvis enim sanguis mulierum, virorum sanguine sit frigidior, humidior, mitior, atque lenior, (quæ omnia nutritioni plurimum conferunt) potest idem tamen cum modica





modica asperitate conjungi; uti revera in mulieribus, puerisque integrâ valetudine utentibus contingit; quemadmodum ex sanguinis eorum ad nutriendum promptitudine facile liquet: unde, habitâ magnitudinis ratione, habitiores sunt, & carne (quàm viri) copiosiore gaudent. Ideoque, licèt fatear, sanguinem mulierum (quàm virorum) lubricum magis esse; non est tamen ea qualitas adeò exuberans, ut eundem hepati nutriendo reddat inidoneum: neque enim tanta est, ut enervet aut relaxet facultatem retentricem, veluti in eunuchis & castratis animalibus evenit. Denique, ad pisces quod attinet, tertia ratio (eaque finalis) assignari potest, à prima conformatione desumpta: cum enim illi in elemento frigido humidoque ætatem transigere debuerint, natura prævidit, haud tanto iis (ad humorem biliosum à sanguine separandum) hepate opus esse, quanto terrestria animalia indigent; ideoque prima hepatis rudimenta (comparatione cum reliquis partibus institutâ) minora in illis, quam in istis posuit.

Objiciat adhuc fortè quispiam, hepar *item* in *Rachitide* laborantibus prægrande esse, *tertia*, & tamen sanguinem eorum lubricitate plurimâ donari. Ille verò simul intelligat; differentiam illam ad inæqualem sanguinis distributionem referendam esse; sicuti in libro de *Rachitide* nuper edito, disputatum est.

*Hepatis
dimi-
nutio.*

Magnitudo hepatis rarò ob morbos imminuitur, sed sæpe grandescit magis; quippe, aliorum parenchymatum more, quasi congestione quadam nutritur; & materia nutritarùs eidem continuò suppediratur; facillimeque obstructionibus obnoxium redditur. De prima harum rationum, actum est in libro de Rachitide, pag. 129. posteriores autem, ex magna sanguinis (ejusque haud adeò puri) hepar pertranseuntis quantitate, confirmari possunt. Sanguis enim omnis à tribus magnis arteriis (nempe à cæliaca, à mesenterica superiore atque item inferiore) protrusus ad ventriculum, intestina, lienem, pancreas, & mesenterium; reducitur, mediante venâ Portæ, in hepar, & per istud in venam cavam diditur. Adeò, ut nutrimento distitui vix possit; sed obstructionibus potiùs obnoxium sit, quæ partem aliquam nunquam imminuunt, sed eandem potiùs majorem ac pleniorẽ reddunt. Valeant itaque stolidi illi Uromantes, qui, ex sola urinarum inspectione, de abditis morbis nescio quæ garriunt, heparque sæpe ad fabæ parvitatem absumptum prædicant.

*ejusdem
enim-
res;*

*horum-
que cau-
sa,*

Tumores hepatis qualescunque, sunt morbi conformationis in magnitudine aucti; communesque eorum causæ, sunt *affluxio* materiæ, & *obstructio*; quæ pariter & aliorum omnium totius corporis tumorum communes causæ sunt.

Affluxio.


Affluxionis causæ communes, sunt 1.^a *affluxio*.
 Nimia materiæ mobilitas. 2.^a partis mit-
 tentis validior impulsio. 3.^a recipientis ex-
 pulsio tardior. De quibus impiæsentia-
 rum haud plura addam.

Obstructionum causæ admodum variæ *obstru-*
 sunt, easque etiam ad tria genera reduxi-
 mus: 1.^{um} est, ineptior partis permeabili-
 tas. 2.^{um} materiæ ad permeandum inepti-
 tudo. 3.^{um} est partis à plenitudine oppres-
 sio. Inepta partis alicujus permeabilitas,
 oritur à frigore, à rebus adstringentibus,
 à nervorum vigore & tensitate aliquo
 modo nimis, à compressione, à ligatu-
 râ; à contusione denique, vel luxatione.
 Materia ad penetrandum inepta reddi-
 tur ob ejus duriem, copiam, aut figu-
 ram; à frigore etiam; & stupore, sive
 qualitate narcoticâ, denique, à crassiti-
 e, & visciditate. Oppressio ob plenu-
 dinem, evenit à victu pleniore, ab in-
 termissis exercitiis, & ab evacuationum
 quarundam suppressione, sive istæ à na-
 tura, sive à consuetudine oriantur, sive
 aliter etiam proficua fuerint. Nempe
 causæ tumorum évidentes, ad horum
 generum aliquod referri possunt, ante-
 quam effectui alicui producendo idoneæ
 fuerint.]

Calidi hepatis tumores, inflammatio-
 nes dictæ, oriuntur ab impetuosa præfer-
 vidæ materiæ affluxione, una cum aliqua-
 li partis obstructione. Tumor hujusmodi

facile in abscessum desinit ; qui si in hepate contigerit , certam mortem prænuntiat : ideoque Medicis quam maximè curæ est , ut ne ad hoc malum morbus deveniat. Quoniam tamen istiusmodi inflammationes , in duros sæpe , & curatu difficiles tumores abeunt ; non minùs illis cauto opus est , nè nimio opere infrigidantibus utantur ; nè , dum suppurationem arcere , & inflammationem amoliri conantur , materia in tumorem contumacem indurescat , qui facile in confirmatum atque incurabilem scirrhum transeat.

Frigidi, Frigidi tumores hepatis , sunt vel in ejus parenchymate , vel in vasis , vel in tunicis , vel in eorum duobus , pluribusve. Universales quidem tumores fortè ad omnes simul hepatis partes extendi queant ; quemadmodum in tumore illo hepatis œdematoso evenit , qui aliquando causa , interdum effectus , & nonnunquam concomitans hydropis , praviq; corporis habitûs existit. In hoc affectu , totum hepatis parenchyma , spongiæ instar , æqualiter intumescit , serosusque humores undiquaque imbibit : quinetiam vasa & tunicae ejus laxantur valdè , atque humectantur , crassioresque multò evadunt , quam naturæ earum conveniat. Hoc malo affectum hepar , interdum in immensam molem excrescit , sæpeque usitatum pondus triplo , atque etiam amplius excedit.





excedit. Possunt etiam tumores particulares ad prædicta omnia partium genera extendi, licet totis illis nunquam communicentur. Plerunque tamen uni eorum generi, præ cæteris, appropriantur: atque hac ratione à nobis jam perpendendi veniunt.

Tumores hepatis parenchymati peculiare, tribus modis contingere possunt: nimirum, vel ab impedito sanguinis transitu è finibus capillarium venæ Portæ, in ultima venæ cavæ capillamenta, per ipsius hepatis substantiam: vel ab humoris biliosi restagnatione, quod is è Portæ finibus, in pori biliarii oscula minus expeditè pertranseat: vel ob utriusque hujus transitûs commune aliquod impedimentum.

Horum tumorum primus, minatur atrophiam, vel saltem nutritionem diminutam: alter, icterum flavum, aut nigrum, sanguinis immunditiem ægrè curabilem, variasque inde oriundas ægritudines præfagit: tertius autem utrumque jam dictum malum affert. Non quidem quasi à quocunque levi tumore, morbi omnes jam dicti necessariò ingruant, sed quod à talibus initiis ad eos primum iter sit.

Sunt certè jam dicti tumores hepati maximè usitati & familiares; & quoties minus solito affligunt, generali *obstructionis* nomine appellantur. Suntque præterea alii

quidam tumores, qui videntur ad hepatis parenchyma referendi; viz. struma, steatoma, meliceris, & atheroma. Quoniam autem non tam hepar adaugent, quatenus est corpus continuum, quam diversi corporis additamento; eosdem potius ad *num-merum* partium (ad quem pertinent) retulimus.

Est tumor quidam particularis, qui ovium lue serosa affectarum jecinoribus crebriò contingit; videturque ad hepatitis parenchyma spectare, & ad tertiam modò dictam classem pertinere. In medio hoc tumore, cavitas quædam aquâ plena reperitur, in qua vermiculi lati hospitantur, figurâ quidem rhombi piscis, sed minores multò, scilicet vix pollicaris longitudinis.

Peculiares quoque tumores in poro bilario reperiuntur; quibus fit, ut tunica ejus sextuplò major solito conspiciatur, substantia illius flaccescat, minusque tenax evadat, & dissecta mollis casei speciem præ se ferat. Hujusmodi tumores in excarnando hepate (præsertim bovino) sæpe reperi. Plerunque in ramuli parte aliquâ occurrit lapidea quædam substantia perforata; idque vel in ipsa tumoris sede, vel saltem in ejusdem confinio. Substantia hæc lapidea, interiora vasis (in quo moratur) fistulæ instar offert. Tempore circiter quadragesimæ, aut Paschæ, inò antea in jecinoribus bovinis sæpe

*Calculi
in poro
bilario.*

sæpe mihi visi huiusmodi tubuli, tantæ longitudinis, ut (si modo integri eximi potuissent) plurimas pori bilarii ramificationes continuatâ lapideâ serie (coralli instar) retulerint: vasis autem tam firmiter agglutinantur, ut, citra rupturam eorum, aut lapidis (sunt enim ambo friabiles admodum) separari indè ægrè queant. Sunt hi lapides iis, qui in vesicula felleâ reperiuntur, planè congeneres, & figurâ solum discrepant.

Novi complures, qui lapidum huiusmodi fragmina ingenti quantitate per alvum eliserint: quorum locum genitalem haud alium fuisse existimem, quàm vasa biliaria, in quibus tubulus ejusmodi lapideus fortè natus, & frustillatim comminutus, per porum bilarium in intestina delabi, indeque per alvum excerni potuerit. In quam sententiam accedo libentius, quòd videam boves hyberno tempore (quândo fœno aut stramine pascuntur) lapideæ huiusmodi materiæ plurimum congerere, adèò ut hepar eâdem planè confertum reperiatur; vernâ autem tempestate (quam primum novo gramine vescuntur) eandem rariùs inveniri. Solvuntur nempe, & exturbantur hi lapides à recentis graminis succo; quod, nisi per alvum, fieri nullo modo potest.

Contingunt etiam aliquando in hepatis tunicâ tumores particulares, videlicet di-

*Hydatidæ
des in
tunica
hepatis.*

ctæ; suntque pustulæ aqueæ, vesiculis illis non absimiles, quæ ab emplastris epispasticis excitari solent, sed elatiores paulò; utrobique nempe summa pelliculæ tenuitas, & aquæ copia. Sunt hi tumores in ascitide familiares: & fortè eveniunt in membranosis nervosisque partibus; quòd vasa lympharum recursui destinata, munere suo segàiter fungantur: indeque fit, ut pars aquæ illius in transitu hærens, exudet in cavitatem ab initio perexiguam, efformatam in membranosa partis substantiâ; eadèmq; ex novo materiæ affluxu paulatim auctâ, cellula quædam in hepatis tunicâ oboitur, tandemque tumor ille, quem diximus. Atque hæc quidem de magnitudine hepatis dicta suffecerint.

C A P. VIII.

De partium Hepatis Numero.

TItulus iste ad hepatis quoque *quantitatem* aliquatenus spectat, quanquam diversâ planè ratione à superiore: quippe magnitudo est quantitatis continuæ, numerus verò discretæ: illa partium molem atque proportionem inter se, pondere & mensurâ æstimat; hic autem partium integralitatem, redundantiam aut defectus earundem enumeratione perpendit.

De *numero partium*, quatuor modis *questio* institui potest.

1. *Utrum*

1.º Utrum sit pars simplex, an duplex, triplexve, &c.

2.º Utrum naturâ suâ sit continuum, an in lobos divisum?

3.º Utrum materies, sive elementa, è quibus componitur, omnia quidem, nec tamen plura, adsint?

4.º Utrum partes ejus integrantes justo numero consentiant; an verò aliquid vel desit, vel superfluat?

1.º Considerandum venit, num hepar sit simplex an duplex, an etiam triplex? &c. fatendum quidem, plurimas corporis nostri partes esse geminas: quasi homo constitueretur è partibus duabus paribus (dextrâ scil. & sinistrâ) sibi mutuò respondentibus, lineâque albâ, & spinâ dorsi, ad invicem conjunctis. Hepar tamen in homine est unicum, nec in eo solum, sed & in aliis omnibus animalibus, quibus hæc pars distinctè formata contigit. *Est unicum cum tribus par.*

Quod aliqui existimant, lienem esse veluti exiguum hepar, vel (ut *Arist.* ait) οἷον ἰσθμὸν ἢ πύλον, haud alio fundamento innixum est, quam quòd in sinistro latere situs, ceu antagonista, hepatis in dextro latere locato respondeat. Cætera verò plurimum à se invicem discrepant: Nam *De part. an. l. 13. c. 7. Et à liene plurimò discrepat.*

1.º Numerosæ & prægrandes arteriæ lienem adeunt, multò hepatis arteriis majores; licet hepar lienem sextuplo magnitudine excedat.

2.º Nulli rami venæ cavae in lienem di-

tribuuntur: in hepar verò plurimi, & insignes ingrediuntur.

3.^o Lien, nec vesiculam felleam sibi annexam, nec porum biliarium quoquo versum in se distributum habet.

4.^{to} Ramus splenicus è vena Portæ in lienem pertingens, nihil illorsum defert; sed fluxio omnis à liene horsum instituitur; sicut ex ligaturis, in vivorum dissectionibus; & in defunctis, injectionibus factis, liquidò apparet. Rami autem, qui è Portæ in hepar tendunt, humores, quos continent, illuc deducunt: quemadmodum similiter experientibus palàm est. Concludendum igitur, hepar esse unicum; & lienem alterius hepatis vicem neutiquam supplere, aut ejusdem cum eo speciei esse, ut nonnulli opinati sunt.

*Cum non
gemi-
num fa-
ctum
sit.*

Dixerit aliquis: Unde igitur factum, ut pulmones, renes, testiculi &c. geminantur; hepar verò non item?

Respondeo, 1.^o Debuit arteria magna esse unica; ut sanguis, quem complectitur, unitus magis & vigore plenior evaderet; vis enim unita fortior. Debuit similiter & vena cava esse singularis, ut in dextro corporis latere, arteriæ magnæ in sinistro sita fieret *αριστερά*; quemadmodum jam antea, *de situ hepatis*, à nobis dictum est. Et per consequens, hepar etiam, quod cum venâ cava in eodem latere locandum erat, perinde atque illa, unicum fieri oportuit.

2.^o Si.

2^{da}. Si duo jecinora essent, deberent necessario (renum instar) sibi invicem opponi; alterum nempe in dextro, alterum in sinistro hypochondrio: adeoque nullus lieni locus idoneus relinqueretur, cujus officium est, ventriculi alteram partem amplecti.

3^a. Debuit vena Portæ esse unica; nisi eadem opera duo item mesenteria, & consequenter duos intestinorum ordines, cum multis aliis parergis, incommodis, atque obstaculis, admiseris; quæ à naturæ prudentia aliena sunt. Concludo igitur, sapienter & necessariis de causis hepar unicum, non autem duplex, in animali fabricatum esse: & si quando geminum in ullo reperiatur, id inter monstrosa, naturæque legi contraria opera reputandum esse.

II. Altera partium hepatis consideratio est, utrum id naturâ sua sit indivisum, an vero in lobos discissum?

Habet quidem manus quinque digitos, suntque pulmonibus diversi lobi; quinetiam animalium quadrupedum, aviumque jecinora ferè omnia in fibras distinguuntur: hepar autem humanum uno quasi & continuato ductu conspicitur. Fissura enim, per quam vena umbilicalis egreditur, minor est, quam ut inde partes vicinæ fibrarum appellationem mereantur: multoque minus duæ illæ exiguæ eminentiæ in cava he-

*Cur id
bis ca-
reat.*

patis parte sitæ , quæ πύλαι sive portæ à Veteribus dicebantur , & parum admodum à reliquo ejus corpore discernuntur , loborum nomine dignandæ sunt. Protuberantiam autem illam quod attinget , quâ mediante hepar omento annectitur , quamque *Spigelius* lobum appellavit ; etiamsi hoc nomen illi concedatur , nulla tamen ratio est , cur à tantilla parte totum hepar in lobos findi dicendum sit. Quamobrem autem hepar humanum , haud perinde , atque aliorum animalium , in lobos divisum fuerit ; postea , ubi de *figura* hepatis agetur , causas assignabimus.

*Partes
hepatis
similares.*

III. Tertia numeri partium hepatis consideratio est , utrum elementa , partesve similes ad compositionem ejus necessariae , omnes adsint , nec tamen aliqua superfluat. Cui rei commodius expediendæ , partes illas (de quibus tamen , qua similes sunt , exquisitè agere non est animus) hoc loco enumerabimus. Sunt autem vel externæ , vel internæ. Externæ censentur ,

1. Membrana , à peritonæo.
2. Ligamentæ.
3. Vesica fellis.
4. Arteriæ }
5. Venæ } cysticæ gemellæ.
6. Nervus cysticus.
7. Canales aquosi.

1. Parenchyma.
2. Rami Portæ.
3. Radices pori biliarii, & vesiculæ felleæ.
4. Portæ & pori biliarii Vagina, sive capsula communis.
5. Rami cavæ.
6. Arteria hepatica.
7. Nervus hepaticus.
8. Canales aquosi.

Crediderim equidem, vitam animalis, cum ullius harum partium similarium carentiâ, consistere vix posse: nisi fortè (lusu quodam naturæ) cysticæ gemellæ, singulares & majores reperiri possint, ut ita binorum vasorum officium singulæ expleant. Possit enim hic, nec incommodè forsitan, numeri defectus ipsa vasorum amplitudine compensari.

Fieri tamen potest, ut ab illato vulnere, aut ulcere, aut alterius alicujus mali adventu, pars aliqua horum elementorum desideretur: quoniam tamen unius solius elementi læsio ejusmodi vix contingere potest, morbos eorum ad proximam considerationem, (ubi partes elementares, quarum hic meminimus, sub integrali ejusdem composito comprehenduntur) transferendos censeo.

I V. Ultima numeri partium consideratio est concreta, includitque partes elementares modo recitatas, tanquam abstractas, è quibus conflatur. Quæris ni-

*Partiū
inte-
gran-
tium de-
fectus.*

mirum, utrum partes hepatis integrantes (è quibuscunque tandem elementis componantur) omnes ad amissim adsint; an vero aliquæ desint, aut superfluant? Si enim partes illius omnes, sine defectu aut abundantia, adfuerint; dicendum est, hepar (numeri partium ratione) integrâ sanitate frui: sin autem pars ejus aliqua vel vulnere abscissa, vel ab ulcere erosa, vel, ob defectum aliquem congenitum, particula sui (quam naturaliter habere debuit) manca aut mutilata fuerit; fatendum est necessario, adesse morbum in numero partium deficiente.

Vulnera tamen, atque etiam ulcera, ad continuitatis solutionem primario pertinent; huc vero referuntur, quatenus pars erosa vel abscissa desideratur. Appositio quoque sive restitutio qualiscunque partium aliter defectivarum, huc reducenda est: talis est alibi narium, auriumve curtarum restitutio; labiorum leporino more fissorum unio; ulcerum quoque sive fistularum per sarcotica expletio.

*abun-
dantia.*

Similiter, si hepar, naturæ vitio aliquo aut redundantia, plures partes obtinuerit, quam ad integram ejus constitutionem naturaliter requirantur; istæ profecto tanquam morbi in numero partium superfluo æstimandæ, & fortasse à monstri naturâ haud alienæ fuerint. Præterea excrescentiæ quælibet in hepate, cujuscunque generis fuerint, ad numeri partium superfluita-

fluitatem referendæ sunt : quales sunt hyperfarcoses , aut fungi , in vulnere aliquo , aut ulcere hepatis prognati ; si tamen illic nasci possint ; siquidem vulnera ejus aut ulcera citius interemerint , quam ad ejusmodi supercrescentiam deveniant. Carnositates etiam , quæ in nonnullis ductibus excreſcunt (eisdemque vel arctant , vel occludunt) si in hepate contingerent (quanquam fortè ibi nunquam generantur) morbis in numero partium accensendæ essent. Glandulæ autem , & strumæ , aliique tumores qui in cysti continentur , veluti meliceris , artheroma , & steatoma , hepatis nonnunquam accidunt : & licet magnitudinem ejus auctam aliquo modo respiciant , quoniam tamen hepar augment additione novarum partium , earumque quæ ad ipsum naturaliter nequaquam pertinent , morbis in numero partium jure merito annumerantur. Horum autem tumorum , quoniam raro occurrunt , coronidis vice , exemplum unum atque alterum annexemus.

Retulit mihi D. Regemorterus, *Observat.*
eius , Vir sanè eximius , mihique , dum *variol*
 viveret , intima familiaritate conjunctissi- *prima.*
 mus , is in aperto cadavere viri cujusdam
 (qui per aliquot annos ingenti struma, jux-
 ta imam inferioris maxillæ regionem , la-
 boraverat) reperisse hepar intus forisque
 innumeris glandulis , pisi fabæque magni-
 tudine , reſertissimum : eadem transver-
 sim.

sim sectæ; nihil prorsus humoris effundebant; verum ex gypsea quadam pituita compositæ, in figuram substantiamque adenibus per similem condensabantur; indeque hepar in ingentem molem, atque immane pondus excrevit; adeo, ut duplo majus, triploque gravius solito conspiceretur.

altera.

Vidi quoque ipsemet atheroma majus multo, quam quispiam in hepate innasci posse, facile crederet. Scilicet de vicesimo quarto Januarii, annoque (ex nostro computo) 1650. cadaver *Thomæ Wilsoni*, annos circiter triginta nati, publicè in Collegio Medicorum Londinensium dissectum est; finitoque triduo Prælectoris munere, ac remotis arbitris, priusquam cadaver terræ mandaretur, ego & Collega alter reversi sumus; in eum finem, ut singulas corporis illius partes appendere, quamque quælibet pars cum toto proportionem obtineret, intelligeremus. Hoc dum agimus, hepatisque separationem à diaphragmate (cui latè adnascbatur) molimur; nondum aperto eo (Prælector enim aliarum partium indagini omnem curam impenderat, illud verò nè attigerat quidem) tumor amplius, atheroma dictus, comparuit. Situs erat in gibba hepatis parte, proximè posticam diaphragmatis regionem, juxta venam cavam: figuræ erat rotundæ, & pugno prope modum æqualis; à reliquo hepatis paren-

renchymate liberatus , pependit uncias quinque , drachmas sex , & grana tredecim : tunica ejus sive cystis , cuti veræ crassitie erat comparabilis. Materiæ duo genera in se complectebatur , utrumque crassum valdè , & minimè fluidum ; alterum gelatinæ instar translucidum , alterum verò cremori spisso aut albæ puliculæ persimile. Dicebatur homo diarrhæâ laborasse ; quod frequens iis malum est , quibus hepar obstruitur. Certum profectò erat , venam Portæ haud expeditè adcò , atque oportuit , sanguinem per hepar traduxisse. Quippe non modo hepar ipsum plenius majusque solito apparebat ; sed & pleræque venæ mesentericæ , intestinorum , ventriculi , & præsertim lienis , magnopere intumescebant , passimque ceu varicosæ conspiciebantur. Quibus abunde constituit , sanguinem non nisi difficulter è vena Portæ in cavam rediisse. Idque eo magis verisimile videbatur , quod non constaret hominem alio aliquo morbo laborasse , nihilque aliud incommòdi sese offerret ; licet , ejus inquirendi gratia , omnia hepatis vasa ab ipso parenchymate liberaverim. Quapropter certum mihi videbatur , tumorum hunc vix aliter hepar offendisse , quam quod præ magnitudine sui idem comprimeret : cysti enim propria atque ampla continebatur , cui cum partes hepatis proximæ necessario locum cederent , ab iisdem pariter vicinæ aliæ ar-

sta-

Etabantur : unde necessario factum est , ut transcursus sanguinis per hepar plurimum impediretur , adeoque non solum hepar ipsum, sed & omnes venæ Portæ rami copioso sanguine distenderentur; quemadmodum in jam dicto corpore apparuit. Intercluso itaque hoc pacto libero sanguinis com meatu ; necesse est , humores in intestina regurgitent ; cui rei si segnem lymphæ per obstructum hepar transITIONEM addas , facile diarrhœæ jam memoratæ causam inveneris : eandemque si quis arte aliqua compescuisset , deteriora (procul omni dubio) symptomata induxisset.

CAP. IX.

De Hepatis continuitate.

DE hepatis continuitate , haud multa consideratione digna sese offerunt. Quæ nobis occurrunt , ea paucis attingam. Partes , quas diversimodè respicit, sunt ejus tunica , parenchyma , & vasa.

*Conti-
nuitas
tunica,*

Tunica hepatis continuitas , aut discontinuitas (si ita loqui fas) minoris momenti est , quàm quæ ad parenchyma , aut vasa illius pertinet. Pars enim ipsa minus nobilis est , actionesque & usus ejus indigni sunt , qui cum parenchymatis aut vasorum actionibus & usibus comparentur.

Præ-

Præterea, vasa in tunicam distributa per-
exigua sunt; adeo, ut sanguis per illa
nec magnopere foras effluere, neque ad
partem ipsam affluere copiose queat: à
quorum alterutro periculum alias insurge-
ret.

Tunicæ hujus continuitas bifariam lædi *Conti-*
potest; nempe vel ipsarum tunicæ par- *nuitas*
tium ab invicem separatione, vel divulsio- *tunica.*
ne tunicæ à parenchymate: horum au-
tem malorum posterius plus damni ap-
portat, nisi forte à mera inflatione pro-
cesserit; quippe tunicæ hujus usus præci-
pius in eo consistit, ut hepar ab injuriis
protegat.

Continuitas parenchymatis, debilis ad- *et pā-*
modum atque infirma est; siquidem sub- *renchy-*
stantia ejus friabilis valde, minimeque te- *matia.*
nax existit. Crediderim sanè, parenchy-
ma hoc, si aliorum ope destitueretur, præ
cæteris omnibus æqualis duritiei partibus,
ægerimè se tutaturum. Nisi enim mem-
brana à peritonæo orta ipsum arctè com-
plecteretur, vasaque per totam illius
substantiam disseminata, mutuisque pas-
sim nexibus invicem copulata, idem fir-
miter constringerent; facilè profecto, levi
alicunde vi illatâ, non modo rimas age-
ret, sed & fiustillatim dispergeretur.

Permagni quidem refert, ut parenchy- *solutio-*
matis hujus continuitas servetur integra; *nis hu-*
quoniam quicquid sanguinis ex arteriis in *jus peri-*
lienem, pancreas, omentum, mesen- *culum,*
terium

terium, ventriculique & intestinorum tunicas effunditur, per venam Portæ reducitur, nec in venam cavam transmitti potest; nisi parenchyma hepatis pertransierit: tum etiam humoris fellei à sanguine separatio, haud alibi, quam in hoc parenchymate instituitur. Sunt autem illa momenti maximi.

Unde liquet, læsa quomodocunque parenchymatis cujus continuitate, cessare illico ibidem, ubi damnum illatum est, segregationem bilis à sanguine; & utrumque hunc humorem ruptis vasis una commixtum, in partium hiatum delabi, fierique illic noxiam eorundem stagnationem: quæ mala, continuitatis parenchymatis hujus solutionem necessario consequuntur.

causa,

Causæ hujus solutionis, possunt esse vulnera, aut partium hepatis *divulsiones* qualescunque; item *contusiones*, *erosiones*, *obstructiones* cum materiæ affluxu.

vulnera,

I. Vulnera si cæsum infligantur, vix fieri potest, quin vasa lædantur; sin punctum fiant, poterunt vasa fortuito evadere. Sunt quidem necessario vulnera illa mortifera maximè, quæ vasa pariter & parenchyma discindunt: illa tamen quoque periculo haud carent, à quibus parenchyma solum læditur. Sanguis enim ad ea loca affluens, impurus est, & bili commixtus, nec facile evacuari potest: vel si id contingat, partes tamen ab invicem
disjuna-

disjunctæ (friabiles cum sint, glutineque illo careant, quo aliæ partes faciliè denuo coalescunt) ægre admodum consolidantur.

Partium hepatis divulsio à causis ex-^{partium}ternis, vix contingere potest citra abdo-^{divul-}minis penetrationem, nisi magna vis il-^{so.}lata fuerit; atque hoc pacto *vulneris* nomen meretur. Fortasse vis aliqua externa, modo ingens fuerit, parenchyma hepatis (ob illius friabilitatem) lacerare, ac dirumpere queat; illæsis interea (ob naturam illarum lentam ac sequacem) partibus exterioribus. Vidi aliquando in gibba quorundam jecinorum parte rimas & hiatus majusculos, qui fortè à partium extremarum violentiore complicatione ortum duxerant: quemadmodum & panis frustum nimia incurvatione diffringitur. Rimis istis, siue fissuris (quo tempore mihi eas videre contigit) natura medelam attulerat: non quidem facta agglutinatione, aut cicatrice, sed tenuis pelliculæ superinductione, qua utrumque fissuræ latus obduxerat; manentibus tamen labris sejunctis, licet illa sese mutuo attingerent.

Potest etiam divulsio partium parenchymatis ab *inflatione*, eaque interna, proficisci; quamvis id raro contingat, & (si aliquando evenerit) humorum in cavitationem illam influxio subito consequatur. Sunt hujusmodi inflationis causæ præcipuæ,

puzæ , sanguis flatuosus , & præpedita transpiratio. Obstructiones etiam cum materiæ affluxu , divulsionem interdum produxerint ; uti mox dicetur.

*Paren-
chyma-
tis con-
tuso-
nes.*

11. Contusiones in parenchymate hepatis sunt valdè periculosæ , præsertim si magnæ fuerint. Sanguinis enim transitus per partes contusas difficulter peragitur, simulque etiam separatio humoris fellei plurimum impeditur. Deinde , sanguis restitans tumorem efficit , tandemque forsân inflammationem , morbum scilicet hepatis periculosissimum : quippe si eadem in suppurationem desinat , spes omnis conclamata videtur ; sin indurescat, cachexia , icterus , atrophia , aut hydrops præforibus sunt. Conandum quidem enixè , ut tumor ejusmodi discutiatur : verum hic labor , hoc opus est. Fortè discutientium ope , sanguinis effusi , & , ubi contusio facta erat , restagnantis pars aliqua à vesicæ felleæ ramusculis capillaribus ad ea loca pertingentibus (haud aliter sanè , quam aliæ ejusdem sanguinis partes à venæ cavæ osculis) absorberi queat ; possintque adeò tria ad hujusmodi discussionem concurrere ; nempe transpiratio insensibilis , & materiæ extravasatæ partim in cavam reductio , partimque excretio illius in porum biliarium. Licet enim ex communi naturæ instituto , porus biliaris , præter humorem felleum , nihil ex hepate effe-
rat ; si quid tamen hoc pacto præter na-
turæ

turæ ordinem evenerit, haud videtur ratio commoda assignari posse, ob quam extrema illius capillamenta ociari debeant; præsertim materiâ illuc decumbente, & quasi in oscula eorum sponte influente. Vidi in aperto cachecticæ mulieris cadavere, vesiculam felleam aquoso humore, sero lactis persimili, refertam; eratque is (si gustantius fides) saporis minime amari, sed insipidi potius. Quod mihi argumento est, vasa fellea nonnunquam alium humorem (si forte obvenerit) præter bilem, in intestina deferre: arbitrorque, læso ex contusione aliqua hepate, sequi posse, per vomitum aut alvum, sanguinis ejectionem; quod nimirum porus bilarius (magno ægri commodo) partem aliquam sanguinis hepar opprimientis in se recipiat, & ad intestina deducat; unde vel motu peristaltico inverso, sursum; vel, eodem regulariter se habente, deorsum feratur.

III. Solvitur etiam parenchymatis hepatis continuitas ab *erosione*; quemadmodum in ulceribus ejus videre est. Quippe *erosiones*, ulcera non solum vulneribus, contusionibus, suppurationibus, aliisque antecedentibus continuitatis solutionibus adveniunt; sed & erosionem aliquando immediate consequuntur, nullo alio dissolutionis genere præcedente. Imo vero fieri non potest, ut solutio ulla continuitatis in ulcus abeat, priusquam partium ab
F invicem

invicem separatum erosio aliqua accesserit. Ulcus enim tria in se complectitur; solutionem nempe continuitatis, partis substantiæ jacturam, atque erosionem. Si quid horum absit, ulceris essentiam haud perfecte obtinuerit. Enimvero solutionem continuitatis, una cum defectu in numero partium, facile sine ulcere reperiatur; quemadmodum in vulnere recenti cum particulæ alicujus abscissione videre est. Si autem eorum alterutri erosio supervenerit, vulnus statim in ulceris naturam degenerat: adeo ut ulcera à vulneribus aliisque continuitatis solutionibus, erosione potissimum distinguantur.

Lues venerea, scorbutus, variolæ, & forsan lepra, ut & venena quædam, sanguinem usque adeo acrem reddere possunt, ut hepar inde erodatur, atque exulceretur. Requiritur tamen etiam in hoc genere (antequam hepar corrodere possit) prævia quædam dispositio in tono ejus, quæ firmitudinem ipsius debitam, partiumque coherentiam debilitet, enervetque adeo, ut facilius hoc implicari queat.

*Alique
obstru-
ctiones.*

I V. Denique, obstructions in parenchymate hepatis cum affluxu materiæ, si magnæ fuerint, subitoque invaserint, facile continuitates solutionem in eodem parenchymate induxerint. Nam si ingens obstructio adfuerit, necesse est, prohibito vel impedito sanguinis transcurso, tumorem nasci; atque cum plerumque, in
majore

maiore obstructione , majorem ; cumque pars hæc friabilis admodum sit , atque extensioni inepta ; facile fit , ut partibus à tumore plus solito distentis , parenchyma rimis dehiscat. Quemadmodum enim disruptio aliqua foris adveniens , partes ab invicem divellit ; ita pariter distentio à causâ internâ (modo partes , ultra quam extendi aptæ natæ sunt , vehementer distrahantur) idem effecerit. Factâ autem semel in parenchymate hepatis vel minimâ rimulâ , materiæ novæ affluxus eandem facile in ampliorem hiatum dilataverit. Quod si obstructioni quoque inflammatio accesserit , idem malum multo potentius ingruet ; siquidem materia cum impetu majore affluit.

Hoc pacto apostemata ab initio fiunt , augentur , ac denique rumpuntur. Obstructio nimirum humori affluenti remoram facit , qui propterea in tumorem excrescit ; & hic tandem , factâ circumquaque distensione , cavitatem aut rupturam efficit ; quæ , accedente nova materia , perpetuo augetur , donec aperto abscessu pus effluat.

Subita quoque obstructio (licet tumorem alias forte haud ita magnum excitaverit) solutionem continuitatis in hoc parenchymate effecerit. Nam si rem quampiam pedetentim extenderis , (accedente præsertim interea foris aliquo) ulterius multo dilatabitur , quam si vim ei subito in-

tuleris. Quoniam igitur repentina obstructio, subito tumorem efficit; parsque confestim distenditur, si subitaneus tumor inceserit; rapida hujusmodi distentio, vel eo nomine continuitatis solutionem induxerit; quam distentio major, sed & tardior, non queat. Etenim si distentio lenta fuerit, & cunctanter invaserit; sanguis inibi impactus, fortu suo partem reddit dilatabilem, ut citra rupturæ periculum eadem fusiùs extendi possit. Quæ fortè causa fuerit, cur hepar sæpe, absque insigni aliquâ continuitatis solutione, in immensam molem excrescat. Atque hæc quidem de parenchymatis hepatis continuitate dicta sunt. Causæ autem illius continuitatis, haud incommode, plus minusve, ad reliquas quoque hepatis partes referri possint; si modo variarum ejus partium varias quoque qualificationes animo recolueris.

*Solutio
continuitatis
in vasis.*

Diximus modo, parenchymatis hepatis, quam ejus tunicæ, continuitatem majoris momenti esse: hic addimus, vasorum ejus continuitatem, illam parenchymatis, dignitate superare. Neque enim prædicta solum pericula (nimirum aliquale impedimentum recursus sanguinis, & segregationis biles à sanguine) læsam vasorum continuitatem consequuntur; sed & unio eorundem difficilior multo perficitur: fibrosa enim cum sint, dissecta huc illuc re-
jungi

jungi possint. Attamen, quemadmodum
continuitatis vasorum hepatis solutio dif-
ficilius sanatur: ita quoque potentioribus
causis opus est, ut eadem contingat:
ideoque licet omnes solutionis continui-
tatis causæ, quæ parenchymati evenire
possunt, vasorum quoque continuitati
aliquatenus conveniant; quoniam tamen
horum robur, reliquas omnes injurias,
præter vulnera, ut plurimum repel-
lit; de his solum paucis agendum cen-
seo.

Vulnera hepatis, si vasa majora disse- *Vaso-*
cuerint, mortifera habentur. Idque mihi *rum he-*
vel eo magis verisimile videtur, quod san- *patis*
guisilla vasa rapide percurrat: quapropter *vulnera*
(præterquam quod fibræ transversim *ra,*
sectæ redinte grationi ineptæ sunt) tria
magna mala necessario eveniunt. 1. Fit
totius corporis debilitas, ob jacturam san-
guinis. 2. Vasorum fines aperti servan-
tur, impediturque eorum coalescentia, ob
jugem sanguinis effluxum. 3. Sanguis
in abdomen effusus putredinem induit,
& gravia symptomata apportat: accedit-
que huic malo, quod sanguis ibidem sta-
gnans ægre educi queat.

Fit sæpe in vulneribus hepatis, ut san-
guinis plurimum per alvum deijciatur.
Merito itaque quærat aliquis, quonam
ductu sanguis ille ad intestina pertingat?
Crediderim sane, in ejusmodi vulneri-
bus, non solum venarum, sed & por-
tilarum.

bilarii ramulos discindi. Imo vero fieri vix potest, ut ramus aliquis venæ portæ adscindatur, quin simul etiam pori bilarii pars proportionalis amputetur; siquidem in eadem communi capsulâ continentur, ut postea dicitur. Præciso igitur pori bilarii ramulo aliquo (cui id officii à natura datum est, ut bilem in ductum communem, indeque in intestina deferat) sanguis in eum decumbens, facile eodem curriculo in jejunum penetraverit. Natura profecto lacessita, nova sæpe ac mira conatur: ut verisimile omnino sit, eandem in hoc casu, per oscula pori bilarii à vulnere hiantia, extravasatum sanguinem efferre.

Ante annos aliquot, generosi Juvenes, post enata jurgia, (ob vindictæ scil. gloriæ) singulari certamine decertabant; factumque est, ut alter alterum sub imam sterni sedem, trium digitorum latitudine à cartilagine ensiformi versus dextrum latus, gladio perfoderet. Nempe, cum ille, inclinato paulum antrosum pectore, dextrum latus aliquantulum obverteret; mucro pectus ipsum haud alte penetrans mox deorsum in abdomen, & sinistrum versus ad spinam usque adactus est. Idem ictus duas sterni cartilagines, in dextro latere discidit; & deorsum vergens, diaphragmatis ambitum perforavit; indeque, recta tendens, gibbum cavumque hepatis, & ventriculum juxta pylorum, iterum
atque

atque iterum perforavit ; tandemque ensis
mucro spinæ dorsi , paulo subter diaphrag-
ma , illisus est. Juvenis quidem primum
animo defectus , mox quæ in ventriculo
erant, sed cruenti nihil, evomuit : & quod
miseris magis , licet diebus septem super-
viveret , & interea quotidie vomeret ,
nihil tamen sanguinis , toto eo tempore ,
per os eiecit : per sedem vero noctu atque
interdiu ingentem coagulati sanguinis
copiam , una cum alvi facibus profudit.
Quinetiam enemata , quæ in eum finem
crebro indita erant , eodem semper plu-
rimum tangebantur. Mirati itaque ve-
hementer sumus , undenam sanguis iste
proflueret : dissecto autem post obitum
corpore , omnia , ut jam dictum est , in-
venimus ; nihil vero sanguinis in ventri-
culo ejus repertum est. Hujus igitur rei
hanc causam fuisse nunc arbitror , quod
vulnera ventriculo inflicta , sanguinem
omnem in abdomen deponerent , nullum
autem in ventriculi cavitatem infunde-
rent. Idque equidem credo libentius ,
quod aliter causa fontica asserri nequeat ,
cur nihil sanguinis in ventriculo reper-
tum , aut per vomitionem eiectum sit ;
tum etiam , quod ventriculi venæ inter
externas : non autem internas illius tuni-
cas prerepant ; unde saltem constat ,
fieri posse , ut vasa illa foras , non autem
in cavitatem ventriculi sanguinem suum
effundant ; denique , quod in hoc cade-

vere, fere sanguinisque plurimæ libræ in abdomine repertæ fuerint, quorum pars aliqua è vulneribus ventriculi (foras non intro stillantibus) promanare potuit. Quid autem de intestinis dicendum est, quæ sanguis grumofus impleverat; præsertim cum de aditu nullo constaret, per quem illuc pertingeret? Ego certè (si quis nunc meam sententiam requirat) sanguinem illum è vulnere hepatis, per vasa poribilaria transversim scissa profluxisse arbitror: eo nempe modo, quo jam diximus.

C A P. X.

De Figura Hepatis: & primò generatim de figura illius externa.

Figura hepatis dividitur in externam & internam figuram.

Vasa hepati annexa, nempe vesicula fellea, porus biliaris, meatus cysticus, & ductus communis, aliquo modo ad externam hepatis figuram referri possunt; quatenus nempe foris conspicua sunt. Quoniam tamen radices eorum primæque origines (quarum ope corpus unum continuum constituunt) intus in hepate reperiuntur; descriptionem eorundem, tantisper differemus, donec de *interna* figura agendum erit.

Figura externa, vel universim, vel particulatim considerati potest; & utroque modo

modo quædam animadversione haud indigna occurrunt : quæ tamen , si cum internâ figurâ comparentur , (in qua primum hepatis artificium consistit) minoris sanè momenti appareant.


Universa hepatis figura externa tantopere ab aliis omnibus corporibus naturalibus discrepat , ut vix quicquam reperiri possit , quod commode illius imaginem repræsentet. Nos tamen , ut memoriæ aliorum (& præsertim novitiorum , qui forte humanum hepar nunquam viderint) consulamus ; similitudines ejus aliquas , licet imperfectas , exhibere conabimur.

Primo , rhombus piscis , vel potius , quibus bini , alii aliis impositi , figuræ hepatis partes aliquas (quamvis obscure) referunt : nimirum illius planitiem , substantiæ continuitatem , & longitudinem latitudine majorem ; figuram quoque ejus ovali proximam : marginesque sive extremitates ipso medio tenuiores : denique , partes rhombi , caudæ viciniores , hepatis tenuitatem illam exprimunt , quæ ventriculo incumbit ; capiti autem proximæ , crassam eam hepatis partem referunt , quæ in dextro hypochondrio reperitur.

2. Chymici totum hepar massæ croci metallorum peculiariter præparatæ conferunt , eoque nomine *hepar antimonii* appellant. Quippe idem fere illi , qui & hepati , color : pars etiam altera con-

vexa, altera concava conspicitur: est quoque in medio sui crassior, juxta oras vero depressior; adeò ut totius hepatis figuræ imaginem quandem præ se ferat.

3°. Tota hepatis figura haud inepte comparatur segmento obliquo albuminis ovi coctione indurati; quemadmodum in ovo AB videre est, quod dividitur lineâ CDE.



Ab hoc ovi segmento tota hepatis figura haud male adumbratur. Primo enim corpus continuum cum sit, figuram hepatis indivisam refert. 2°. Sinus D fissuram illam exhibet, per quam vena umbilicalis in hepar ingreditur. 3°. Lævor ejus, superficiem hepatis æqualitatem exprimit. 4°. Convexum A, gibbam hepatis partem; lineam CDE, ejus cavam imita-

imitatur: medium hujus segmenti, gibbi hepatis crassitiem; extrema vero illius ora, crepidinis hujus tenuitatem, simulque ovalem superficiem præ se fert. Denique gracilis & angusta ejus extremitas A E D, parti illi hepatis respondet, quæ ventriculū obtegit; quæ alterâ angustior ac tenuior multo est, & in acutam crepidinem cuneatur; pars vero segmenti latior & crassior, partem illam hepatis depingit, quæ superne in dextro latere situm obtinet, estque alterâ parte crassior, amplior, & obtusa magis.

Postremo, hepar bovillum humani hepatis imaginem quandam gerit, & noviter in arte. Anatomica institutis (quibus hominis dissectionem videre necdum *Hispani* contigit) exemplaris vice esse possit: Est *lib. 1.* enim (ut ait Arist.) in bove; jecur continuum, & humano persimile.

Expositâ jam universâ hepatis figurâ, rationes proximo loco adducendæ essent, ob quas hepar figuram hujusmodi nactum sit. Quoniam vero diversis animalibus variæ jecinorum figuræ obtigerunt, & fortassis causæ omnium communes eadem esse possunt; haud incongruum fuerit, primo rationes quasdam generales figuris jecinorum omnium communes proponere, ac deinde easdem humani hepatis figuræ particulatim applicare.

I. Prima ac præcipua ratio, figuras omnium jecinorum determinans, hæc

F. 6

est;

*Et ad
quibus
deter-
minat
est.*

est; nempe, ut eas formas induant, quæ ipsorum facultatibus; actionibus, atque usibus singillatim optime conveniant. Neque enim figura partis cujuscumque approbando est, nisi scopis primariis, quorum gratiâ pars instituta erat, respondeat: ejusmodi autem sunt actiones & usus: ideoque necesse est, ut figura iisdem subserviat, aut saltem non adversetur. Fate-mur quidem, regulam hanc præcipuè atque immediate figuram hepatis internam determinare, externam vero haud immediate definire, sed indiscriminatam relinquere: quoniam tamen externa internæ subservit, & utraque scopis jam dictis obsequitur, oportet regulam hæc cæteris omnibus regulis siue rationibus imperet, quæcunque vel externam vel internam figuram particulatim definiunt: & quamvis figuram externam, ejusque varia discrimina haud immediate respicit; positis tamen aliquando diversis aliis cujuscunque animalis conditionibus, earundem operâ regula quoque hæc figuris omnibus (quascunque in diversis eorum jecinatoribus reperire est) efformandis limites præscribit.

II. Regula altera est, ut figura sufficientem materiæ quantitatem in se complectatur, adeo ut nihil desit, nihil superfluat. Absque enim debitâ hujusmodi materiæ proportionem, actionibus usibusque, secundum regulam priorem requisitis, perficiendis haud adæquate succede-

rit.

rit. Objiciat aliquis, hanc materiæ proportionem, hepatis magnitudinem potius, quam figuram spectare. Ego vero respondeo, rem ita sese habere: desumitur quippe regula hæc à justa hepatis magnitudine, quatenus ipsius figuram respicit. Puta enim certam cuique parti magnitudinem deberi; oportet sane figura eandem alicubi totam amplectatur: ac propterea, si figuræ pars aliqua exiguam materiæ quantitatem in se continuerit; necesse est, aliæ ejusdem partes majorem comprehendant. Ex. gr. si in hepate sex lobi fuerint, & quatuor eorum majusculi extiterint; oportet profecto duo reliqui minores sint; quoniam materia haud satis copiosa superest, quæ horum magnitudinem cum illorum amplitudine exæquet: quemadmodum in hepate cuniculi sive porcelli Indici videre est. Nam si necessitas postulaverit, ut loborum unus aliquis prægrandis sit; similiter necessarium fuerit, ut reliqui lobi pari proportionem minuantur. Si hepar in longitudinem productum fuerit, oportet aliquid de illius latitudine, aut crassitie, aut utraque præcidatur: sicut in jecinoribus anguis atque viperæ contingit. Sin vero tum longitudine, tum latitudine pusillum fuerit; necesse est profunditas sive crassities ejus, illarum defectum compenset; quale hepar bovillum cernimus. Quippe, secundum hanc regulam,

materia omnis conformationi hepatis conveniens, alicui figuræ ejus parti attribui debet. Est enim regula hæc, non minus quam superior, certa & irrefragabilis; neutraque earum externam figuram immediate definit; sed ambæ rationes alias intermedias requirunt, quarum interventu eandem determinent.

III. Tertia regula desumitur ab usitata naturæ consuetudine, qua solet unione & continuitate rerum delectari. Ob hanc nempe causam, hepar semper continuum, atque indivisum in lobos cernitur; nisi aliæ quædam peculiates conditiones, in nonnullis animalibus divisionem ejus postulerint. Adeo ut, quotiescunque animalis cujuspiam hepar in lobos dissecatur, ratio aliqua hujusce divisionis requiri possit; & quidem ejusmodi, quæ aliis animalibus (quibus hepar indivisum obtigit) non conveniat. Fatendum enim continuitatis appetentiam, (quæ regulæ hujus fundamentum est) haud adeo esse immutabilem, quin figuris quibuscunque in particularibus animalibus locum cedat, modo istæ totius utilitati magis fuerint consentaneæ. Ideoque plurimis animalibus (non obstante hac regula) hepar in lobos finditur; quod divisio ejusmodi, quam continuitas, eorum naturæ sit magis idonea. Divisionis autem hepatis, variarumque illius formarum rationes, regulis proxime sequentibus demonstrantur.

IY. Quarta

I V. Quarta regula figuram hepatis determinans, est, ut ea partibus omnibus circumvicinis, & totius corporis trunco, actionibusque eorundem conveniat. Cæteroquin enim nec tam commode, atque opus erat, in trunco corporis hospitaretur; nec partibus vicinis operam debitam præstaret. Nam si pars contenta, continenti parti minus accurate adaptatur; necesse est, altera alteri molesta sit, ejusque actionibus atque usibus aliquo modo incommodet. Similiter, si hepar figuram vicinis partibus nullo modo conformem haberet, non posset certe (prout illis ex usu est) auxilio suo prodesse. Quantopere autem hepar vicinarum partium commodis sese adaptet, ex cuniculorum jecinoribus luculenter constat; in quibus dextra fibra dextro reni locum cedit, sinuque amplo excavatur, quo illum excipiat. Ad eundem pariter modum in aribus, sinister hepatis lobus ventriculo ita incumbit, ut hiatus alias faturos prorsus expleat: supremaque in iis loborum pars cavitatem eam efformat, quâ cor, capsulamque ejus ad amussim amplexatur. At enim, inquires, hepar præ cæteris vicinis partibus nobile viscus est; ideoque æquum videtur, ut illæ huic inserviant, non autem hoc illis morem gerat. Sciendum vero, naturam in partium ad se invicem conformatione, non tam partium ipsarum nobilitatem, quam totius utilitatem (ob quam

illæ

illæ extructæ sunt) respicere. Quapropter si pars nobilior, sine proprio incommodo, ignobiliori gratiam eam facere possit; nobilitas in hoc negotio haud magni penditur; præsertim si, absque ejusmodi concessione, pars ignobilior haud ad eam commode efformari queat. Nihilominus verum est, partem mobilem ignobiliori, cum actionum usuumque suorum damno, nunquam cedere, sed tunc solum de jure suo remittere, cum, citra officii sui injuriam aliquam, figura ejus hoc vel illo modo indiscriminatim sese habere potest. Quoniam igitur (ut in prima regula dictum est) actiones & usus hepatis haud ex propria naturâ atque immediate figuram ejus externam definiunt, sed aliorum commodorum respectu, in quorum censu hoc quidem est potissimum; asserimus, externam hepatis figuram (in rebus functioni ipsius indifferentibus) partibus circumjacentibus, totique corporis trunco adaptari: præsertim, si harum quæpiam certæ alicui figuræ necessaria adstricta fuerit.

V. Regula quinta: Debebant omnia jecinora fieri aliquatenus flexibilia: siquidem (ut de situ hepatis diximus) hepar haud plane est immobile, neque etiam cunctæ ejus partes æqualiter moventur: ideoque (si nequaquam inflecti posset) morâ unâ aliquâ ejus parte & quiescente alterâ, necessario dirumperetur. Fieri enim
aliter

aliter non potest, quin corpus inflexibile, simul vel totum moveatur, vel totum quiescat, vel in medio motæ & quiescentis partis termino huc illuc diffiliat. Eadem hæc regula exsequenti porro confirmatur.

VI. Denique, hepar ventriculo, & intestinorum parti (sive plenæ, sive exinanitæ) adaptandum erat. Comprenderetur hæc regula ab ea quam quarto loco posuimus; id solum addit amplius, debuisse eam hepatis figuram contingere, ut prompte aperiri claudique posset, prout nempe ventriculus atque intestina vel repleta essent, vel deplerentur. Necesse enim est, stomacho atque intestinis plenis existentibus, figuram simul hepatis dilatari; exhaustis vero iisdem, hanc coarctari denuo: licet in animalibus (quibus hepar continuum est) discrimen hoc multo minus quam in aliis reperiatur. Regula hæc quoque præcedentem confirmat: nisi enim hepar aliquatenus flexibile esset, non posset ventriculo atque intestinis vacuis plenisque commode applicari. Excludit etiam figuram sphaericam, aut utrinque convexam: ventriculus enim cibo turgidus, cum necessario rotundus sit, si hepar similiter parte illâ, quæ ventriculo proxima est, in gibbum extumesceret; non possent viscera illa sese invicem aliter fere quàm in puncto contingere; quod & ventriculi concoctioni noceret valde.

*Regula
prædi-
ctæ hu-
mano
hepati
appli-
cantur.*

valde , & hepatis ipsi plurimum obesset.
Expediâ jam universim figuræ hepatis
ratione ; superest , easdem regulas hu-
mano hepatis speciatim applicemus ; omis-
sis tamen duabus prioribus , quæ ad ex-
ternam illius figuram haud immediatè
pertinent.

Tertia itaque regula affirmat figuram
hepatis continuam (nisi alia quædam ob-
stiterint incommoda) esse perfectissimam ;
adeoque homini , animali maximè perfe-
cto , convenientissimam. Cœpta erat mo-
veri quæstio , (cap. de numero partium
hepatis) cur hepar humanum continuum
extructum fuerit , non autem in lobos di-
visum , ad instar jecinorum plerorumque
aliorum animalium ? quoniam vero quæ-
stio hæc propriè ad figuram hepatis spe-
ctabat , eandem in hunc locum distuli-
mus. Tertia hæc regula rationem idoneam
reddit , cur hepar in homine , aliisque
animantibus (quibustale contigit) figuræ
continuæ reperiatur : quia tamen regula
istæc haud ad eò perpetua est , quin ali-
quando (postulante id maiore aliquo com-
modo) secus evenire possit ; docendum
porro , figuram huiusmodi continuam hu-
mano hepatis neutiquam esse incommo-
dam , etiamsi aliis animalibus obfuisset ,
quorum jecinora in lobos divisa sunt. Uti-
litates autem istæ , à tribus posterioribus
regulis modò dictis deducendæ sunt : nem-
pe à 4^{ta}. 5^{ta}. & 6^{ta}. sed potissimum à quar-
ta,

ta , cui propterea præ cæteris diutius immorandum est.

Quarta autem regula requiritur , ut figura hepatis , partibus omnibus circumpositis , & totius corporis trunco respondeat. Quoniam autem circumpositæ partes hic loci non ad integram hepatis figuram , sed ad partes ipsius duntaxat referuntur ; de ea re postea , ubi de partibus figuræ hepatis agendum erit , tractabimus : interea vero de humani hepatis cum ipsius corporis trunco conformitate disceptabimus : idque ut faciam rectius , figura illius trunci necessario introspicienda est ; quatenus nempe figuræ hepatis legem imponit.

Assero itaque , totum humani corporis truncum , respectu totius corporis , latior^{qualis-}em quidem esse , sed minus profundum^{nam sit} , longumque , quam in plurimis aliis animalibus reperitur. Veritas hæc probatione nulla indiget , cum sensus ipsius testimonio evidenter constet : necessitas tamen figuræ hujus in homine , aut saltem convenientia atque utilitas admirabilis , digna est quæ ulterius à nobis perpendatur. Nonnulla itaque indubitæ fidei postulata de hac re proponam : & corollaria quædam obvia inde deducam.

Primò igitur concedendum arbitror^{Postula-} (quod nemo sanæ mentis negaverit) totum^{ta qua-} humani cordis truncum eâ amplitudine^{dam,} extrui debuisse , ut viscera omnia in
 eodem

eadem locanda comprehenderet, nihilque spatii præterea abundaret, aut deficeret. Indeque constat, si quid de latitudine ipsius detraxeris; tantundem illius longitudini, aut profunditati addendum esse; quoniam aliter dictis omnibus visceribus excipiendis nequaquam sufficeret.

2^{do}. Pro concessio habeo, voluisse naturam, ut homo binis pedibus erectus incederet: unde sequitur, si truncus ejus in ulteriorem longitudinem extendere-tur, debere necessario eundem simul magis gracilem atque imbecillem evadere, adeoque erigendo corpori minus idoneum: alioquin enim majoris capacitatis esset, quam partes in eodem continendæ necessario requirant. Enimvero si cavitatem aliquam quoad longitudinem ipsius ampliaveris, haud ablatâ simul pari ejusdem vel latitudinis, vel profunditatis, vel utriusque mensurâ; necesse est, plura, quam antea, in se continendo sit, adeoque visceribus in eo recondendis haud adæquate respondeat: quod postulato primo refragatur. Ac propterea natura, ut inutilem illam gracilitatem, imbecillitatemque evitaret, truncum humani corporis abbreviare maluit, quo se facilius erectum tutaretur. Atque hanc causam esse arbitror, cur homini (habitâ magnitudinis ipsius proportionem) præ cæteris animalibus fere omnibus, spina dorsi inter cervi-

cervicem & os sacrum exiguâ intercapedine protendatur.

3°. Confessa mihi res videtur ac manifesta, dorsi vertebrae in eum finem fabricatas esse, ut truncum integrum erectum sustineant, ejusdemque ponderis veluti centrum sint. Quod aliter sane eveniret, si pectus amplâ profunditate extructum esset; pondus enim illius omne antrorsum vergeret, corpusque eodem inclinaret. Ideoque videre est, vertebrae in homine ad trunci ipsius centrum fere pertingere, costasque, statim ab illarum cum vertebrae dearticulatione, retrorsum tendere; adeò ut spina (quæ in bestiis acuminata cernitur) convallis instar subsidat: ut scilicet totius trunci onus vertebrae tum prorsum tum retrorsum ex æquo incumbat, parique libramento sustentetur.

4°. Haud dubium est, brachia homini quoquo versum moveri debuisse; extrorsum nempe protendi, pectus versum incurvari, complicari mutuo, aliterque inflecti, ut organa organorum essent: quæ omnia (si pectus homini, bestiarum more, prominens contigisset) haud commode fierent. Canes enim, equi, oves, &c. (quorum pectus carinatum est) nec se pedibus anterioribus amplecti possunt, neque eosdem late (ut homines brachia solent) distendere; multoque minus ad alia omnia idonei sunt, quibus manus nostræ inserviunt. Quippe prominentia pecto-

ris intermedia (ut diximus) necessario expeditis mutuisque eorum operis exequentis impedito esset. Quinetiam homini, dum erectus obambulat, obstaculo fuisset, quo minus vestigiis suis prospiceret, tutoque & sine celsipitatione incederet. Neque etiam tam commode infantes ulnis amplecti, aut tam concinne uberibus lactare potuisset. Quæ mala omnia natura provide amolita est, dum pectus homini in latitudinem potius, quam in longitudinem, aut profunditatem expandit.

Denique, res liquida est, conjugalem totum homini fuisse perfectissimo ritu celebrandum; eo nempe modo, qui animali ratione prædito optime congrueret. Id autem haud aliter fit, quam mutuis arctisque amplexibus, dum utrinque pectora pectoribus jungunt, atque oribus ora; verbisque, osculisque, animas veluti commutant, aut commiscunt. Quæ sane tam convenienter fieri non possent, nisi homini pectus latum ac depressum, minimeque acuminatum (brutorum exemplo) extructum esset.

*Ex dictis
illis il-
latis.*

Ex dictis clare constat, debuissè necessario humani corporis truncum, in latum potius, quam in profundum expandi; sequiturque (ex regula 4^{ta}.) necesse esse, ut hepar aliquatenus latitudini ac profunditati illius respondeat. Et quia trunci latitudo (ut jam diximus) ipsius profunditate

tate major est ; debet necessario ea hepatis dimensio , quæ trunci latitudini responderet , *longitudo* ejus appellari , quoniam alterâ dimensione est productior ; eaque pro *latitudine* haberi , quæ illius profunditati est commensurabilis. Major enim cujuslibet rei dimensio , *longitudo* ejus dicitur ; transversa vero , *latitudo* appellatur. Quoniam igitur trunci latitudo , profunditate illius fere altero tanto major est , hepatisque *longitudo* eidem aliquo modo conformari debet ; necesse profecto est , ut hepatis *longitudo* , ipsius *latitudinem* excedat.

Hoc pacto , ais , hepatis *longitudo* ipsius *latitudine* duplo major esset : cum tamen res aliter sese habeat. Atque ita quidem , inquam , contigisset ; si modo hepar à latere ad latus usque pertigisset : quoniam vero in sinistro latere aliquantum spatii relinquitur , quod à liene ventriculique vicina parte impleatur ; *longitudo* hepatis totam trunci *latitudinem* non occupat , neque ad duplum ipsius *latitudinis* accedit ; sed proportionem fere sesquialteram obtinet.

Præterea , definitis hoc modo (per trunci *latitudinem* ac *profunditatem*) hepatis *longitudine* atque *latitudine* ; necesse est , ex regula secundâ generali modo dicta , de ipsius crassitie quoque manifeste constet. Quippe oportet , ut materia omnis ad debitam illius magnitudinem requi-

requisita , alicubi in eodem disponatur : ideoque quicquid ejus in longitudinem aut latitudinem non abit , necesse est in crassitiem absumatur. Atque hoc pacto in trium hepatis dimensionum notitiam pervenimus.

Porro , ovalis hepatis superficies , à truncicavitate definitur : cavitatem intelligo inferiorem , quæ abdomen dicitur , constatque figura ovali , sed depressoire. Cavitati , inquam , huic *ovalis* , nempe segmento illius superiori , oportuit hepar configurari. Enimvero hepar (ut de situ illius dictum est) in abdomine proxime subter diaphragma locandum erat , adeoque superiori cavitatis illius segmento adaptandum ; utpote quod ab eodem exacte impleri debuerit , & consequenter , figuræ ejusmodi ovalis depressioris veluti segmentum esse. Hujusmodi autem ovalis figuræ segmentum , esse quoque in ambitu ovale ; ex ovi segmento constat , cui modo totam hepatis figuram comparavimus , quodque cavitatis illius , in qua hepar hospitatur , segmentum adæquate refert : ideoque ambitus sive crepido hepatis , ovalis quoque constituenda erat.

Denique , ob hanc hepatis cum cavitare , in qua degit , conformitatem , nulla occasio sive convenientia exoritur , ob quam natura illud in lobos dividere debeat ; ac propterea eatenus figura continua , utpote perfectissima , eidem concedi potest , qua-

quatenus alia commoda sive utilitates non dissentiunt. Res tamen hæc ad quintæ sextæque regulæ normas porro exigenda est.

Quinta itaque regula generalis postulabat, ut hepar esset aliquo modo flexibile: *Hepatis flexibilitas.* Fatemur quidem, figuram continuam per se minus eâ inflecti posse, quæ in lobos distinguitur; homini vero haud opus erat, ut hepar illi, ad aliorum animalium exemplum (quorum jecinora in lobos divisa sunt) omni ex parte æque flexibile contingeret. Atque hujusce rei duplex ratio occurrit: altera, quod pleraque animalia, quorum jecinora in fibras dissecantur, spina admodum flexibili donentur. Ita nempe canes, feles, cuniculi &c. (quorum hepar divisum est) spinas valde flexiles habent, easque facile vel antrorsum, vel ad latus alterutrum, in spiras contorquent: qui sane motus majorem hepatis flexibilitatem requirunt, quam in homine reperiatur; cujus spina stabilior esse debuit, ut corpus majore firmamento erectum conservaret. Altera ratio (& forte magis universalis) cur hepar humanum minore flexibilitate indigeat, mox dicetur, ubi de sexta regula porro quædam adnotabimus.

Interea vero privilegia duntaxat quædam recensēbimus, quorum opera humanum hepar, etiam si minime in lobos diremptum fuerit, convenienter tamen in-

flecti possit. Et in eorum numerum longitudo hepatis referenda est, quæ latitudinem ipsius exuperat: corpora enim oblonga, facile incurvantur. Hepar humanum, ob dorsii latitudinem, in amplam longitudinem protenditur; dum pierisque aliis animalibus (quorum jecinora divisa sunt) truncus corporis non minus profundus, quam latus, contigit, adeoque hepar pari ferè latitudine atque longitudine sortita sunt, carentque hoc longitudinis privilegio, quo facilius inflectiqueant. Neque aliter incommodum hoc aptè compensari potuit, nisi hepatis in lobos partitione. Sunt porò tria alia privilegia, ob quæ hepar humanum facile inflecti aptum natum est, quæ hic solum nominasse suffecerit. 1. Anticæ, sinistraque crepidinis tenuitas, quibus locis potissimum incurvari debuit. 2. Fissura, quam vena umbilicalis ingreditur. 3. Inæqualitates, quæ in hepatis cavo passim reperiuntur. De quibus posthac uberius dicetur, cum de figuræ hepatis partibus (ad quas propriè spectant) tractabimus.

*ejusque
cavitat.*

Regula sexta requirit, ut hepar ventriculo atque intestinis adaptetur. Quod sanè fieri nequit; nisi illud aliquo modo inflecti possit: alias enim ventriculo atque intestinis vacuis, plenisque, haud convenienter applicaretur. Quippe ventriculo pleno existente, oportet hepar illi incumbens cavum suum expandat; eodemque
mox

mox depleto, illud contrahat denuo, & coarctet. Aptitudo tamen hæc (quam diximus) haud tantam hepatis flexibilitatem in homine, atque in aliis animalibus, requirit. Idque ut constet luculentius, rationem eam annectam, quam modo eram pollicitus: nempe hepar, in homine, ut ventriculum & intestina amplectatur, minore cavitate opus habere; quam in iis animalibus, quorum jecinora divisa sunt. In homine enim (ob dorfi latitudinem) satis spatii est, ut hepatis tota moles expansa parumque arcuata, ventriculo atque intestinis incumbat. In iis vero animalibus, quorum hepar in lobes dirimitur, haud tantum spatii reperitur, quantum materiæ, constitutioni hepatis eorum debitæ, continendæ satis sit; nisi simul hepar illis, ad fornicis modum, super ventriculum atque intestina incurverur. Ideoque profundâ illius cavitate opus erat, ut materiæ pars ea, quæ superne ob arctam loci latitudinem excipi commodè non poterat; deorsum, in abdominis longitudinem profundere- tur: quod equidem, citra insignem hujusmodi cavitatem, non contingeret. Quippe ratum habeo, debuissè hepar inter peritonæum, & ventriculum atque intestina (partes scilicet eorum, quas obtegit) collocari: cumque crepidines illius longè in abdomen ferantur, necesse erat, ingens cavitas in medio ipsius efformaretur, qua partes jam dictas exciperet. Nimi-

rum, si massam farinaceam, hepatis amplitudini parem, in lata aliqua parumque profunda patina depseris; figura ipsius plane illam hepatis tantillum excavatam referet; sin vero eandem massam in alta atque angustâ scutellâ subegeris, fundumque illius debitam hepati crassitiem non exceſſerit; ascendet necessario juxta latera, inque medio sui profundam cavitatem exhibebit. Similiter & hepaticongit: ubi illi satis loci relictum est, ut in tenuitatem ejusmodi (quæ flexibilitati ejus debitæ convenit) citra laterum offensionem aliquam, explicari possit; figura eidem fere plana obvenit: quemadmodum in homine videre est, cujus trunci latitudo expansionem hujusmodi facile admittit: ubi vero à lateribus coarctatur (sicut massæ farinaceæ in angusta scutella evenit) non potest in figuram planam explicari, verum necessario per latera diffunditur, cavitatemque altam nanciscitur; quod eorum animalium jecinoribus usitate evenit, quibus truncum corporis angustior rem natura concessit.

Quo posito, addo amplius, Non posse hepar valde excavatum, ventriculo atque intestinis, plenis vacuisque commode adaptari, nisi simul in lobos dividatur. Neque enim hepar fibrosæ substantiæ est, ut extendi facile & contrahi possit; nec corrugationem etiam, aut complicationem ullam admittit. Adeoque necesse est,

est, (ut ventriculi & intestinorum plenitudini ac vacuitati apte respondeat) in lobos dirimatur: quippe hoc pacto, in plenitudine partes hepatis ab invicem recedere, & in vacuitate denuo coire possunt; quod hic solum requiritur.

In homine igitur haud tanta est hepatis cavitas, ut ipsum in lobos dividi necesse sit: & quamvis *Latini* inferiorem hepatis partem, *cavum hepatis* nominent; iidem tamen illam, non minus apto vocabulo, *simam hepatis partem* appellant: quo nomine ejusmodi cavitas indigitatur, quæ sit plano proximo. Hujus, inquam, planitiei, sive minoris profunditatis causa, humanum hepar, citra divisionem ullam, ventriculo atque intestinis tam plenis quam vacuis facile respondet. Repletus enim ventriculus intestina deprimit, totamque hepatis cavitatem fere solus occupat: eodem autem exinanito, major intestinorum pars sursum fertur, dictamque cavitatem adimplet. Adeò ut, plenitudinis & vacuitatis hujus ratione, figura hepatis parum admodum immutetur: haud plus sane, quam dicta illius flexibilitas facile admiserit. Quinetiam variæ hujusmodi accommodationi hepar humanum promptius obtemperat, quod cavitas ejus in longitudinem magis, quam in latitudinem diffundatur. Cum enim longitudo illius maxime flexibilis sit, facile illac vel expanditur, vel contrahitur; quatenus nempe

ventriculo atque intestinis ex usu fuerit. Animadversione quoque dignum est; jecinora omnia continua, magis in longitudinem, quam in latitudinem protendi, simulque parum excavari: tale hepatis con-
tigit homini, bovi, lucio, viperæ, &c. E contra vero jecinora omnia plurimum concava, in lobos dissecantur; quale est hepatis canis, felis, cuniculi, &c. unde ratio prædicta plurimum confirmatur. Atque hætenus de figura hepatis universali dictum est.

C A P. XI.

De partibus quibusdam figura Hepatis externa.

EXternæ hepatis figuræ partes aliquæ ulteriorem disquisitionem postulant: nempe convexitas in superiore, & cavitas in inferiore ejus parte; lateris sinistri, anteriorisque crepidinis tenuitas, cum subtili utriusque margine; lateris dextri, partiumque posticarum crassities; fissura hepatis; ac demum cavi ejus inæqualitates.

*De hepatis
gibbo,*

10. Ad hepatis *convexitatem* quod attinet, ea manifestè à loci (in quo situm est) figurâ dependet, eique perfectè adimplendo sese accommodat. In nullo animali hætenus à me viso, pars aliqua inter hepatis & peritonæum intercedit; illam nempe hu-

hujus portionem, quæ segmentum abdominis cingit, in quo hepar hospitatur. Ideoque superna ejus superficies, dicto jam peritonæo proxima, eidem adaptari debuit, adeoque ovale segmentum æmulari: quippe (ut diximus) totum peritonæum abdomen ambiens, figuram ovalem aliquantulum depressam exhibet: ac propterea, non solum hepar humanum gibbosum est; sed & singuli lobi (etiam eorum animalium, quibus jecinora divisa sunt) parte illa, qua peritonæum respiciunt, in gibbum protuberant. Necesse enim est, ut quicquid cavitati ovali contiguum est, id ipsum toto illo tractu, similem figuram, gibbam nempe, induat.

240. *Cavitas* hepatis videtur ad partes *cave;* eidem subiectas referenda, utpote quas aliquo modo respiciat; ventriculum nempe, atque intestina; quæ ambo, idque in omnibus animalibus, figuram rotundam aliquatenus participant: ideòque inferior hepatis pars excavari debuit, ut iisdem accommodaretur. Animadversione equidem dignum est, non solum totam hepatis figuram, plus minusve, illinc gibbam, hinc cavam extructam esse; sed & lobum quemlibet (etiam in iis animalibus, quorum hepar fissum est) prout convexitate quadam abdomen respicit, ita & cavitatem pariter aliqua donari, qua partibus, quas tegit, obvertitur. Hujus nimirum concavitationis auxilio, vicinas partes arctè

commodeque amplectitur, fœtuque vegeto exhilarat, ac refocillat; quemadmodum, ex regula 4^{ta}. superioris capitis, factum oportuit.

parte sinistra.

30. Necesse erat, sinistrum hepatis lolum, atque anteriorem ejus crepidinem tenuiores extrui, ut (pro occasione natâ) flexiles magis, mobilesque redderentur. Neque enim diaphragmatis solum motui obsecundare par erat, ventriculoque atque intestinis plenis vacuisque cedere, (qua de re jam supra à nobis dictum est;) verum etiam necesse erat, eandem, quoniam aliquantum infra costas descendunt, majoribus incommodis exponi, & ab externo compressu aut impulsu aliquo huc illuc flecti, utpote costarum munimine privatas. Factæ itaque sunt sensim tenuiores, donec in subtilem veluti aciem desinant: quo fit, ut sinistra hepatis pars, cunei instar, inter ventriculum & abdominis cavitatem inferatur, adeoque lacunas & hiatus alias futuros plane expleat. Similiter, anterior hepatis crepido tenuitatem ejusmodi requirit, ut facilius inter intestina & peritonæum abdominis cavitatem vestiens sese insinuet. Enimvero intestinis pariter atque hepati male esset, si quando illa sursum inter peritonæum atque hepar ferrentur: quod incommodum arceatur, dum tenuis hæc crepido peritonæum immediate attingit, atque intestina deprimat.]

Dextrum,

¶ Dextrum hepatis latus , posticasque *dextra* ipsius partes , *crassiores* esse oportuit ; non solum , quod aliter plusculum materiæ , quæ ad magnitudinem ejus debitam requireretur , à figura illius abfuisset ; satisque spatii in iis abdominis partibus , quibus crassities illa respondet , relictum esset ; verum etiam quod partes illæ hepatis , à dorso costisque munitæ , motui , flexibilitati , aliisque injuriis minus essent obnoxie.

4^{to}. Fissura hepatis , quam vena umbilicalis ingreditur , non modo insitioni illi accommodata est , sed etiam hepatis flexibilitati (quâ ventriculo & intestinis repletis aut inanitis , aliisque motibus obsequitur) plurimum inservit. Chirurgi emplastra sua , si locis quibus destinantur minus apte respondeant , centrum versus plus minusve incidunt , ut dextre magis iisdem applicentur : similiter natura (quæ subtilissimæ artis ingenium longe superat) in complurium animalium jecinoribus , prout necessitas id postulaverit , profundas incisuras exsculpit , ut ad operas omnes debitas parata sint , quibus alias (ut pridem diximus) minus commode inservissent. Homini vero , levi hac fissurâ duntaxat opus erat , ut hepar ejus sufficienter vel expanderetur , vel contraheretur , prout ipsi ex usu esset. Nam (ut capite superiore dictum est) in iis jecinoribus , quibus ingens cavitas debebatur , profundæ

quoque incisuræ desiderabantur, unde eadem proprie in lobos divisa dicimus: in homine autem cavitas hepatis exigua cum sit, non alia in eo quam parvula hæc fissura requirebatur.

Ergone (ais) levis hæc fissura in hepate humano, eundem usum habet, quem maiores incisuræ in plurimis aliis animalibus obtinent? Habet, inquam, aliquatenus; eoque modo, quem antea diximus: hoc solum interest, quod parva hæc rimula hepati proprie in lobos eriscundo non sufficiat, quemadmodum à grandioribus incisuris contingit. Quoniam tamen partes hepatis à fissura hac interseptæ, propriis nominibus destituuntur, & ejusmodi nomenclatura ex usu fuerit; licebit sanè, per nos, easdem *loborum* nomine (minus autem propria significatione) indigitare; dicique poterunt dexter & sinister hepatis *lobus*. Idque etiam ab eximio Viro & doctissimo Anatomico *Spigelio* factitatum legimus, ubi ait: *Hepar in medio fissuram habet, in quam vena umbilicalis inseritur, à qua in duas partes (quas lobos posthac semper vocabimus) dirimitur.*

*Bib. 1.
c. 9.*

*Inæ-
quali-
tates in
cavo
ejus.*

5^{to}. In hepatis cavo *inaequalitates* quædam conspiciendæ veniunt; nempe hiatus sive sinus, & protuberantiæ. Sinus isti eundem usum hepati præstant, quem manibus incisuræ solent, quæ in earum volis reperiuntur: nam ut harum auxilio, manus expeditè magis clauditur, atque ape-

ritur ; ita pariter & hepar sinuum illorum beneficio facilius expanditur , & contrahitur : nempe , tuigefcente ventriculo , hepar simul cavitatem suam explicat , ut eum amplectatur ; eademque , depleto illo , ad pristinam angustiam coarctatur denuo. Quorum neutrum facile contingeret , si hepar cavitatibus , & protuberantiis huiusmodi destitueretur : quippe hepar minimè fibrosum , adeoque dilatationi & contractioni parum idoneum est ; ac propterea talibus auxiliis peropus habuit.

Præcipuæ quidem hepatis protuberantiæ sunt tres numero ; quarum duæ à *Galen* *no πύλαι* dicuntur , suntque venæ *Portæ* *hepatis* (quæ ab iisdem nomen suum mutuatur) continentiæ. Videtur cavum hepatis , quam gibbum , injuriis accipiendis magis opportunum ; ideoque protuberantiis hisce maximè indigebat , quibus sese ab earum insultu tutaretur. Ventriculus atque intestina , non solum cibo flatuque distenta , sed potissimum vomitione , singultu , aliisque convulsivis motibus irritata , cavo hepatis vim inferunt : & licet gibbum ejus quoque ab eodem nisu comprimatur , cavitati tamen suæ adequatè adaptatum , vim illatam adeo æqualiter excipit , ut pars ejus aliqua præ cæteris magnopere affici nequeat ; dum interea cavum hepatis , hostibus jam dictus proximum , inæquales atque irregulares eorundem impetus , modo hac , modo illa sui parte sustinet ; eoque

nomine præfidiis nunc dictis opus habuit. De crebro constat, prominentias atque cavitates illi à natura concessas esse, ut facilius à cranii ambientis duritie protegeretur: nec minus verisimile est, inæqualitates hæcæ cavo hepatis in eundem finem contigisse.

Lobus, Tertia in cavo hepatis protuberantia, à *Spigelio* absolute *lobus* appellatur: & revera satis discriminis inter eum ac reliquum hepar intercedit, quo nomen hoc mereatur: minoris tamen momenti pars est, quam ut ejus causa totum hepar proprie in lobos divisum dici debeat. Parvulæ hujus partis *usus* obscurior est, quam quis primo intuitu facile arbitretur. Proponam conjecturas nostras. 1°. Mediante hoc lobo, omentum hepati facile commodeque adnectitur: quippe circa lobi hujus radices, qua reliquo hepati continuatur, omentum quoque connectitur, & duplicaturâ suâ lobum ipsum amplexatur. Connectionis hujus beneficio, hepar (quacunque omentum illi vicinum est) molli pulvinari gaudet; ipsumque omentum loco suo detinetur, ne vel partibus suis, vel intestinis irretiatur. 2°. Lobus hic à natura factus videtur, ut hiatus locumve alias vacuum futurum expleat. 3°. Hujus forsan interventu fit, ut majora vasa à pylori compressionem protegantur. Utcunque, id certum videtur, ejus operâ fossulam in hepate efformari, per quam cava truncus

(qui

(qui alteri hujus lobi parti accumbit) delabitur: idem etiam cavam, ne inter hepar ac spinam comprimatur, protegit. De hoc lobo, ita *Spigelius*: *Lobus exiguus in cava Lib. 2. hepatis parte juxta Portas vocatus situs, c. 6. in ipsam omenti cavitatem totus reconditur, ab aliis Anatomicis nondum descriptus. Hic longe tenuiore membrana, quam reliquum hepar, tegitur; ut omnino credibile sit, à levi injuria facillimè perfringi. Accedit, quod & ipsa substantia mollissima sit; ut cuius patebit, qui parenchyma à venis liberare voluerit, cum vellevi affricatione digitorum discedat.* Hanc doctissimi Viri sententiam non impugnabo, sed ulteriori potius indagini relinquam. Ratiunculam duntaxat addam, cur ita se rem habere probabile sit: nempe lobus iste in omenti duplicatura continetur, eoque pacto ab injuriis plurimum defenditur, ut tunicâ parâ cum reliquo hepate firmitudinis haud opus habeat; potestque simul ab ejusdem laxitate atque pinguitudine reddi tenerior. Ego tamen, etiam si sæpe vasa hepatis parenchymate suo exuerim, discrimen ejusmodi (quale *Spigelius* innuere videtur) nunquam reperi. Fortè id subtilissimo Anatomico obvenerit, quod mihi quoque in excarnandis jecinoribus crebro contigisse memini: nimirum, partes illæ hepatis, quæ ob recentem cocturam plusculum madescunt, teneriores & molliores apparent, quam aliæ, quas jam

sicciores factas ultimo aggressus fueris. Debetque hujus discriminis ratio haberi, si quis de hepatis partis alicujus præ cæteris teneritudine recte judicare voluerit.

Spigelius quoque à partis hujus situ obiter infert, humorem serosum ex jecore in omenti cavitatem faciliè depluere. Quæ res, quoniam ad totius hepatis negotium diversimode spectare potest, infra à nobis tractabitur, postquam de figura hepatis *interna* actum fuerit, quam nunc aggre-
dimur.

C A P. XII.

*De figura Hepatis interna: ac primum de vasis biliaris extra hep-
par conspicui; iisque uni-
versim consideratis.*

INterna hepatis figura consistit in mutua vasorum (in parenchymate suo) complicatione, sive textura ad se invicem. Ideoque figura hepatis *interna*, vasorumque in eodem distributio, absque inani tautologia, separatim tractari nequeunt. Quippe interna illius figura, à variâ vasorum ramificatione atque textura exurgit: dataque semel vasorum omnium, eorundemque texturæ ad se invicem, & cum parenchymate, descriptione; figuram simul *internam* necessariò depinxeris.

Pro-

Pro concessio itaque habeo, ut figura hepatis interna rectè describatur, debere vasa ejus, illorumque distributiones verè ac perspicuè explicari. Expedito enim hoc negotio, nulla alia interna figura, quæ seorsim describatur, supererit. Ideoque proximo loco de vasis hepatis tractabimus.

Vasa hæc vel intus latent, vel foris conspicua sunt.

Fateor quidem, vasa extra hepar posita haud æquè propriè, atque illa, quæ intus reperiuntur, ad figuram hepatis *inter-* *vasa foris hepatis divisio* *nam* pertinere: nihilominus tamen, ob ipsorum cum radicibus suis (quæ in hepate sunt) continuitatem; & propter substantiæ similitudinem, ac specificam cum iis (tunicæ eorum interioris ratione habita) identitatem; propterque usum eorundem communem; haud inepte, uti arbitror, ad eundem censum referri possunt.

Vasa hepatis foris annexa, communi nomine *vasa biliaria* appellantur. Et quoniam illa, citra hepatis dissectionem, *foris* ostendi atque examinari possunt, de iisdem *conspicua* *re-* *censentur.* primo loco agemus. Sunt autem numero quatuor: nempe, *vesicula fellea*, *meatus cysticus*, *porus biliaris*, & *ductus communis*.

Vasis hisce omnibus id commune est, quod tunica à peritonæo nata vestiantur; *communis* *ab in-* *terna* *disse-* *rentia.* qua radices eorum, ramique per hepar dispersi desitiuntur: uti postea in historia eorum particulari constabit.

Tunica.

¶ cum
iisdem
commun-
itates.

Tunica autem horum vasorum *propria* est ejusdem similis substantiæ, cum radicibus ramisque eorum per hepatis substantiam disseminatis: suntque ea omnia sibi invicem continua; siquidem ductui communi, ceu trunco, reliqua omnia, tanquam rami, connectuntur. Propria isthæc tunica (nisi ubi vesiculam felleam obtegat) plus duplo crassior robustiorque est, quam venæ cujuslibet, paræ magnitudinis: est tamen eadem (quam venæ cujuspiam tunica) friabilior, & dilatationi inceptior. Videtur diversæ compositionis esse, ab alio quocunque totius corporis vase; similiter etiam & colore variat, siquidem ex fusco pallidè flavescit. Præterea, in tunicæ hujus textura sive formatione, cum extra, tum intra hepar, id perpetuum est, quod semper (etiam in minimis capillaribus) concava reperiatur: estque cavitas ista à parte una in aliam continua, donec cum *ductu communi*, cavitate nempe amplissima, uniatur.

Habet etiam tunica horum vasorum propria fibras omnis generis; scil. rectas, transversas, & obliquas. Sunt autem, nisi fallor, obliquæ in vesicula fellea copiosiores; transversæ autem, in reliquis vasis. Fibrarum harum auxilio, vasa isthæc omnia plus minusve contrahi, ac dilatari apta sunt: qua de re postea susius dicetur.

Denique, tunica hæc (aliarum fibrosa-
rum

rum partium more) venis, arteriis, nervisque prædita est. Quoniam vero venis arteriisque donatur: indicio est, partes illas sanguine vitali, spirituque irrigari; non autem bile sola nutriri, quemadmodum nonnullis visum fuit: Indéque, quod nervos habeat, concludimus, easdem partes esse sensibiles, dolorique ac irritationi obnoxias. Atque hac etiam de re posthac uberius disceptabitur. Impræsentiarum autem, vasa extra hepar conspicua singillatim aggrediar; initio sumpto à vesicula fellea, utpote quæ primo maximeque perspicue obtutui sese offerat; reliquaque deinceps suo quælibet ordine prosequar.

C A P. XIII.

De Vesicula fellea.

Hanc Græci κύστις χοληδόχου appellant: Latinis, *Vesicula*, sive *folliculus felleus* dicitur. Est autem humoris fellei, quantum capacitas ejus commodè siverit, conduspromusque.

Figura ejus est propemodum ovalis, *Ejus figura.* vel potius pyræ imaginem repræsentat, hujusque pediculum meatus cysticus exhibet. Magnitudo illius (in vesiculis grandioribus) ovo gallinaceo haud multo minor est; longitudo autem duos pollices proximè æquat. Dividitur ipsa in fundum, & cer-

cervicem. Fundum ejus (in situ naturali) inferius propendet, bursulæ instar; paulumque ultra anteriorem hepaticrepidinem protenditur. Vesicula hæc ventriculo atque intestino colo incumbens, utrumque sæpe flavedine tñgit.

conne-
xio du-
plex
quarum
illa
cum
hepate
diversi-
mode
firma-
tur.

Cervix illius, cum hepate, tum meatui cystico connectitur.

Qua hepaticadnascitur, sinus parvulus reperitur; in quo recondita, ut firmitus hepaticadhæreat, variis adminiculis adjuvatur.

1°. Mediante communi tunica à peritonæo oriunda.

2°. Ope tunicæ, quæ ipsi (qua hepar respicit) obtenditur; oriturque à venæ Portæ communi capsula, sive tunica (ut ita dicam) vaginali, quam infra fufius describemus.

3°. Auxilio multarum minutissimarum fibrarum, quæ in hepaticparenchymate radican-
tur; suntque forsitan vesicæ biliaræ vasa capillaria: id certum est, earum interventu, vesiculam hanc cum hepate firmiter connecti.

Vesicu-
la fel-
lea ra-
dices,

Denique, radicum vasorum biliariorum insignis integerque truncus, partem illam vesiculæ ingrediens, ubi fibroso annulo constringitur, connexionis hujus firmitudini plurimum conducit. Truncus iste, licet valde exiguus sit, vixque centesimæ radicum pori biliarii parti æqualis, ramusculos tamen aliquot, & vasa capillaria in
hepa-

hepatis cavum distribuit ; videturque etiam ipsum ramulus quidam venæ Portæ comitari ; quemadmodum pori bilarii radicibus contingit , à quibus cum haud aliter distinxeris , quam quod vesiculam felleam ingrediatur.

Si vesicam bilariam eo animo aperueris , ut trunci hujus in illam insertionis modum intelligas ; cum sane haud facile repereris. Licet enim ductus iste in dictam vesiculam pertundatur , humorque in eam illac delabatur ; in interiore tamen vesicæ superficie , vix vestigium foraminis hujus apparet. *harumque insertio*

Quod equidem creditu arduum cuiquam videri non debet , si modo insertionis ureterum in vesicam urinariam meminerit : quamvis enim truncum hunc amplitudine longe superent , originem tamen eorum ægre inveniat , si , aperta vesica , eandem simili pacto investigaverit.

Optimus (quem nobis hætenus reperire licuit) inveniendi trunci hujus insertionem modus , (si vesicam felleam aperire , ingressumque in illam rimari placuerit) ita instituitur ; nempe , si juxta orificium ipsius prope meatum cysticum , exiguam quandam spongiosamque protuberantiam scrutatus fueris ; in illam enim , uti arbitror , truncus iste haud obscure inseritur. Protuberantia isthæc à *Spigelia* , *valvula* nomine indigitatur ; & revera quidem valvulæ munere fungitur , dum bilis regressum

sum prohibet : est tamen figuræ illius artificium insigne adeo , ut nudum *valvula* nomen texturæ ejus exprimendæ forsitan haud sufficiat. Proximè sanè accedit ad substantiam illam spongiosam , quæ ingressum ductus communis in jejunum intestinum occultit : quem conspiciari licet , si modo intestini latus alterum è regione insertionis illius aperueris. Qua de re posthac dicemus uberius. De dicta jam protuberantiâ hoc solum addam amplius ; cocto aliquantulum hepate , si vesiculam denuo (protuberantiæ hujus inveniendæ gratia) inspexeris , exiguum jam sinum apparere , ubi prominentia antea conspiciabatur. Nimirum , cum truncus hujus vasis (ut in jecinoris excarnatione clarè liquet) loco illi alligetur , in quo protuberantia modo dicta ante coctionem apparuit ; idemque à coctura plurimum contractus sit , breviorque evaserit ; necesse est , partem illam vesiculæ felleæ , cui annectitur , propius ad se attrahat , cavitatemque eo pacto efformet : quemadmodum , si crumenæ parti alicui filum ad alligaveris , atque hoc te. versum adduxeris , foveola quædam ibidem in interiore illius superficie efficitur. Ut in certam trunci hujus , ejusdemque distributionis atque insertionis notitiam devenias , hepar ipsum sua carne exuendum est : quippe hoc modo , numerosæ minimæque fibræ , quæ (radicum instar) vesiculam felleam hepatis

pati adnectunt, in apertum veniunt.

Fieri etiam potest, lusu quodam naturæ, ut truncus iste geminus reperiatur; minimeque, ante insertionem ejus in vesiculam bilariam, uniatur. Vidi enim sæpenumero, in jecinoribus bubulis, duplicem truncum, circa hunc locum, vesicam ingredi. Quinetiam vesicula hæc venis, arteriis, nervis, & canalibus aquosis donata est: Venis quidem duabus, à trunco Portæ, quæ cysticæ gemellæ appellantur; totidemque arteriis, à coeliaca; & præterea nervo exili, à sexto pari, cujus ope pars sensibilis æstimanda est: denique ductus aquosi eandem perreptantes, cum vasis hepaticis congeneribus versus pancreas feruntur.

Vesiculæ felleæ officium quod attinet, *ejusque* de eo nihil dicam, donec reliqua tria va- *offici-*
sa biliaria descripsero. Hoc duntaxat im- *ms.*
præsentiarum addo, radicum ejus, & præsertim trunci majoris in hepar disseminati, idem munus esse, quod pori bilarii ramulis convenit; nempe, ut bilem ex hepatis illis partibus, in quas deducuntur, exhauriant. Hoc solum interest, quod ramulis illis valvulâ nullâ opus fuerit, quæ bilis recursum impedirent; in hoc autem ramulo talis reperiatur. Idque factum videtur, quia bilis in vesicula istâ copiose accumulari debuit; ac propterea exitum illius per meatum cysticum plurimum arctari par erat, ope fibrosi anuli, qui
in

in ipsa eorum connexione adnascitur ; quemadmodum in proximo capite luculentius constabit. Alias enim , si vesicula fellea (ut sæpe fit) ad ejiciendam bilem vehementer extimularetur ; quoniam iter rectum est , bilisque copia semper adest , fieri non posset , quin eadem , summo cum partis illius , in quam vas illud fertur , periculo , reflueret. Irritatio enim , fibrarum omnium contractionem adfert ; unde idem usu venit , quod à compressione aliter contingeret. Jam vero cuivis perspectum est , compressa vesica aliqua , humorem in ea contentum per omnia foramina effluere : adeoque hic pariter , facta simili compressione , bilis non minus sursum in hepar , quam illorsum in meatum cysticum efferretur , si nihil factum esset obstaculi. Hujus vero incommodi avertendi ergo , valvula isthæc sive impedimentum exstructum est. In poro bilario autem remora hujusmodi nihil opus fuisse , ex dicendis planius constabit.

C A P. XIV.

De Meatu Cystico.

*Altera
vesicæ
biliarie
conne-
xio.*

DUctus sive canalis iste progreditur à cavitate vesicæ felleæ , bilique inde evacuandæ (quoties vesicula eadem turgescit) abunde sufficit. Eodem tamen loco , ubi illi conjungitur , fibroso anulo donatur ;

tur; quo fit, ut meatus hic valde arctetur, adeo, ut bilis sua sponte effluere nequeat; indeque, nisi levi compressione facta, aut ob plenitudinem insignem (quæ eodem recidit) haud emigret.

Fibrosus hic anulus accenseri potest vel *annulus* vesicæ biliaræ, cui præcipue inservit; vel *ejus fibrosus.* meatui cystico, cujus ductum angustiores reddit. Perinde enim est, utrum unius principium, an finem alterius statuas; siquidem utrumque interiacet, & ambobus continuatur.

Videtur in eum duntaxat usum extru- *ejus* ctus, ut meatum jam dictum angustiores *demque* reddat, caveatque adeo, ne vesicula fel- *usus.* lea quamlibet levem ob causam exinaniatur. Naturæ enim consultum videtur, ut vesicula hæc semper mediocriter adimpleatur, eamque bilis quantitatem, quam in ea ut plurimum conspiciamus, in se contineat. Idque vel ea ratione certum est, quod in corporibus prospera valetudine utentibus, vesicula hæc semper plena reperiatur: indicio manifesto, rem sese hoc pacto ex naturæ consilio habere. Quo facilius autem vesicula isthæc muneri huic (debitæ nempe bilis portioni retinendæ) sese accingeret, debuit necessario ductus ejus anulo hujusmodi muniri; ut, quoties opus esset, bilem vel admitteret, vel excluderet: quod certe valvulæ auxilio perinde non potuit.

Anatomici quidam in hoc ductu valvulas

*Meatus
cysticus
valvulis
definitur.*

valvas quasdam effinxerunt, unamque hoc ipso in loco statuunt. Crediderim autem fibrosum hunc anulum iis pro valvula imposuisse. Facto enim sæpius periculo, expertus sum bilem, levi digitorum compressione, prorsum retrorsumque inter vesiculam & jam dictum vas fluctuasse, uti etiam inter vas hoc & ductum communem. Quod sane, si valvula aliqua interponeretur, fieri nequaquam posset; quippe alterutri huic motui obicem poneret. Quinetiam plurima hoc genus vasa aperui, valvulam tamen hætenus in nullo eorum sum conspicatus.

*ductus
illius
ampli-
tudo.*

Vasis hujus ductus infra anulum fibrosum multo patentior est, quam in ipso anulo reperitur; quod rem primum intuentibus Naturæ forsitan dissentaneum videatur. Vera tamen, ut opinor, hujus rei ratio est, quod vesicula fellea haud perpetuo exilique profluvio exoneretur; sed confertim, ac per intervalla, bilis plusculum evacuet. Diximus enim jam antea, fibrosum hunc anulum ut plurimum tam arcte occludi, ut bilis sponte effluere nequeat, adeoque ductus hic (de quo agimus) à primario suo officio plerumque serietur; & tunc solum canalıs officio fungi, cum vel ab humoris copia premittur, vel alicunde ad excretionem ejus excitulatur. Utrobique vero anulus fibrosus antea constrictus necessario dilatatur, simulque humoris biliosi effluxus in co-

dena

dem celerior, quam in locis inferioribus, efficitur: ideoque oportet, canalis iste latior multo extruatur, quam ipsius fibrosi anuli hiatus. Quemadmodum enim in deplendis stagnis, per angusta emissaria, aquæ ea copia evomitur, quæ majoribus fossis adimplendis sufficiat; ita pariter & vesicula fellea semetipsam subinde comprimens, apertoque jam strictioris anuli orificio, humoris eam vim effundit, quæ capaciori alias ductui complendo satis sit. Et licet tam amplo canali haud opus esset, si modo vesicula fellea pedetentim continuatoque effluvio exoneraretur; quoniam tamen impetu quodam, ac per temporum intervalla (ut diximus) depletur; necesse erat, meatus cysticus tam subitæ evacuationi exequendæ, tantopere patefceret.

Amplitudo hujus vasis, pennæ gallinæ fere æqualis est; longitudo autem, duarum unciarum reperitur: desinitque, ubi poro bilario ductuique communi conjungitur.

C A P. X V.

De Poro Bilario, quatenus extra Hepar conspicuus est.

Dicitur canalis, sive porus *bilarius*, item meatus, vel ductus *hepaticus*; ad meatus *cystici* discrimen. Si integrum
H intel-

intelligas, primum vas est, per quod humor felleus à sanguine secernitur, & foras extra hepar amandatur.

Peri hiliaris dignitas,

Majoris, longè momenti, quam vesicula fellea, deprehenditur: ejusque ramusculi per hepar dispersi, vesicæ biliaræ capillamentis centuplo plures, nec minoris magnitudinis reperiuntur. Nullum etiam hepar poro isto bilario destituitur; at vesicula fellea plurimis animalibus deest, adeoque minus necessario in subsidium vitæ requiritur.

capacitas.

Canalis hujus in ipso hepate structuram, quamque multifariam atque admirabiliter per totum ejus parenchyma distribuatur, posterius suo loco explicabimus. Ubi autem hepar egreditur, tubulus ejus, quam meatus cystici, altero tanto major est. Et revera radicum illius in hepate ingens numerus (quem modo diximus) videatur non immerito magnitudinem quoque ipsius longè ampliorem exposcere; meatu nempe cystico centuplo majorem. Sciendum autem, meatus cystici hiatum à fibroso anulo constringi adeo, ut poro huic bilario proportionem respondeat; reliquumque meatus cystici ductum ideo latius patescere, quod humor è vesicula fellea per intervalla quædam, non autem effluvio perpetuo protrudatur: quemadmodum à nobis in præcedenti capite uberius dictum est.

Addo etiam amplius, canalem hunc hepatis

paticum, si cum radicibus & ramis suis per hepar dispersis conferatur, humori omni ab iis delato versus intestina transferendo sufficere. Sunt enim radicum earum tubuli perexigui, motusque bilis in illis tardus admodum, adeo ut vas isthoc illis omnibus commodè respondeat.

At enim (inquies) fit interdum, ut vas hujus ramulus aliquis in hepate, ipso trunco ejus exteriore major reperiatur. Est id quidem verissimum: fatendum tamen, id illæsa valetudine nunquam contingere; nec nisi hepate illic loci plurimum obstructo, quo fit, ut licet canal is ipse exterius valde intumescat, tubulus tamen ejus intus arctetur magis, minorque humoris copia illac depluat: ut periculi nihil sit, quin truncus deferendæ bili more solito sufficiat. Neque equidem negaverim, ramulorum horum tubulos aliquos interdum plurimum distendi, fistulisque lapideis offerciri, (non adaucto tamen interea, sed imminuto potius humoris biliosi curriculo) factaque tandem mora diutina, dilatatisque continuè eorum alveis, humorem tandem fracto obice prorumpere posse, & truncum communem aliquandiu sua mole opprimere. Verum istuc & rarissime contingere solet, & naturæ vitio haud vertendum est, si quid præter ipsius institutum evenerit.

*Obje-
ctioni
respon-
detur.*

Quidam poro bilario valvulas assignant:

*Valvula
liacaret.*

unam nimirum prope egressum ejus ex hepate; idque in eum finem, ut ne bilis in hepar denuo regrediatur; alteram vero juxta vasis hujus cum meatu cystico & ductu communi connexionem. Ea autem sententia quotidianæ experientiæ refragatur; sicut multiplici diversorum animalium dissectione probe compertum habeo.

quam
longa
atque
ampla
sit.

Longitudo hujus vasis, ab exortu ejus ex hepate, ad terminum illum quo meatui cystico & ductui communi conjungitur, est circiter duarum unciarum: magnitudo autem, pennæ anserinæ minusculæ æqualis cernitur.

C A P. XVI.


De Ductu communi.

Illius
proportio.

Nomen hoc obtinuit, quod meatibus duobus prædictis uniatur. Quippe ambobus proculdubio inservit, atque amplitudine utrique proportionem respondet: facile enim humorem ab illis delatum ad intestina deducit; estque alterutro eorum major, & aliquatenus ambobus par.

Tria

Tria hæc vasa inter se
conjuncta, literam *Pytha-*
goræ planæ exprimunt. Po-
rus enim bilarius *AC* du-
ctui communi *CD* velu-
ti recta linea continuatur;
meatus vero cysticus *BC*
oblique inter utrumque in-
cidens, angulum cum po-
ro bilario acutum, cum
ductu autem communi
obtusum constituit: quemadmodum in
scemate videre est.



Aliqui hic quoque *valvulas* reperire *valvula-
satagunt*, (nempe inter ductum commu- *las nul-
nem & porum bilarium*, vel inter eum & *las han-
meatum cysticum*) verum irritò conatu; *bet.*
quippe ad oculum liquet, humorem à quo-
libet horum vasorum ad quodlibet co-
rum, perinde sursum ac deorsum ferri.
Nam si, digitorum compressu, humo-
rem ex poro bilario versus ductum com-
munem detruseris, ille quidem illuc fa-
cili negotio delabitur; idemque simili ni-
su fit retrogradus: quod etiam de fluxio-
ne bilis inter vas hoc & meatum cysticum,
haud minus verum est. Adeo ut tres hi ca-
nales, sine ullo obice susque deque sibi in-
vicem pareant.

Ductus communis à prædictis vasis *ejusdem*
exorsus, recta deorsum tendit versus finem *insertio.*
duodeni, aut (si mavis) jejuni initium;
nam eodem hæc res redit; est enim

utriusque intestini limes sive terminus. Et licet intestina hæc aliter quoque ab invicem distinguantur (nempe, quod duodecimum nullis spiris circumplicetur, utpote mesenterio minime annexum) ab hujus tamen vasis ingressu facillime internoscuntur. Ideoque mihi de lana caprina certe videntur, dum hi ingressum ejus ad duodeni finem, illi autem ad jejuni principium statuunt.

Hujus vasis insertio, à nonnullis *valvula* appellatur (& revera officium valvulæ præstat, dum recursum omnem bilis ab intestinis versus hepar præpedit) alii autem, & quidem verius, *obliquam insertionem* vocant; quod eo pacto intestinum ingreditur. Dictio tamen isthæc partis hujus usui, subtilique texturæ explicandæ vix sufficit. ideoque adnitar ut, descriptione ejus allata, de totius fabrica una cum usu ipsius luculentius constet.

Inferitur primo in posticam intestini partem, indeque inter tunicas ejus oblique deorsum fertur. Postquam enim exteriorem tunicam penetravit, inter eam & secundam tunicam, ac duodecimam circiter unciae partem, deorsum progreditur, ibique hanc etiam perforat; interque illam & tunicam interiorem semiunciali fere longitudine prorepit, tandemque hiaturotundo, in intestinum aperitur. Quamprimum autem ductus hic communis
utran-

utranque exteriorem intestini tunicam
 perrupit, adeo laxè cum interior tunica
 complectitur, ut digito huc illuc facillime
 dimoveri queat: hujusque mobilitatis ra-
 tione rem quamlibet ab intestino illapsu-
 ram arcet: quemadmodum id exploratu
 facile est, si modo, aperto intestino, *regres-*
 acum aut specillum exiguum illac immit- *sum ozo-*
 tere coneris. Videbis enim, vario huc il- *nem*
 luc subterfugio, spem omnem penetratio- *præpe-*
 nis eludere; nisi forte statim ipsum cen- *dis..*
 trum illius, stylo tetigeris.

Præterea, ne quid ab intestino in du-
 ctum hunc illabatur, ipsa insertionis obli-
 quitas in causa est: quicquid enim illo vor-
 sum tendit, atque ingredi conatur, id si-
 mul eodem nisu interiores intestini tunicas
 versus exteriorem comprimit, ipsumque
 adeo aditum præcludit: idque eo magis,
 quo vis illata potentior fuerit.

Denique, regressus omnis in ductum
 communem præpeditur à fibris anulari-
 bus, quæ non modo orificium ipsum,
 sed & totum obliquum tractum obsident.
 Quemadmodum enim fibræ istæ anulares
 sese facile extendunt, quoties humor bi-
 liosus diutule repressus copiaque jam ad-
 auctus ad exitum properat; ita quoque,
 elapso semel superfluo humore illo, ex-
 dem penitus connivent, transitumque
 omnem impediunt, donec humoris plu-
 sculum denuo collectum fuerit, quod fores
 illarum effringat. Dari autem ejusmodi fi-

bras anulares , hinc constat : Si intestinum ex adverso orificii hujus aperueris , bilemque in illud digitorum opera adgeris , videbis statim ab exclusâ bile orificium illud sponte sua denuo occludi ; quod sane citra ejusmodi fibrarum opem , fieri nequaquam posset. Similiter , si insertioni huic specillum indideris , idemque mox inde extraxeris ; orificium jam dictum spontaneo motu contrahi cernes. Ideoque crediderim , aditum hunc eo nomine cum anisphinctere convenire , licet minore cum molimine clausura illic peragatur : nempe , si quando ab incumbente humore copioso molestia aliqua illata fuerit , mediantibus fibris hisce anularibus transitum ei concedit , denuoque in angustiam pristinam sese contrahit.

*Inser-
tionis
hujus
discrimi-
na.*

Ductus communis in ove aliter , quam in homine , in intestinum inseritur. Quippe in illa , unciaë integræ spatio inter intestini tunicas prorepat , priusquam in illius cavum aperitur ; tumque fissuram efformat , quæ per intestini longitudinem deducitur. Fissura hæc laxa & spongiosa protuberantia , ab interiore intestini tunica enata , utrinque protegitur : adeo ut , si quidpiam a trinfecus in illam impingat , id eam protinus translabatur , hiatusque occludat. Ipsa tamen insertionis hujus obliquæ in ovibus longitudo , præcipue impedimento est , quo minus aliquid ab intestinis in ductum hunc communem regredia-

grediatur : quoniam enim orificium ejus in oblongam fissuram desinit , fibris ejusmodi anularibus nihil opus erat. Neque etiam insertio hæc in ovibus æque laxè huc illuc oberrat , atque in homine id fieri diximus : ac propterea , quoniam aliis jam dictis auxiliis destituitur , æquum erat , ut itineris longitudo , tunicarumque ad invicem arcta compressio , illorum absentiam compensarent.

Insertio hæc in bubulo genere vix quicquam ab ea discrepat , quam modo in homine descripsimus ; nisi quod illic majora omnia atque conspectiora sint , ipsumque orificium , fibrarum anularium veluti collari muniaur. Ipsa vero insertionis longitudo in bobus , altero tanto , quam in ovibus , minor est ; licet illi corporis mole longe præcellant. Totius etiam ductus communis prolixitas in ove , duplo , quam in bove , major est.

Vasis hujus in homine amplitudo , pennæ anserinæ maximæ æqualis est ; longitudo autem duarum circiter unciarum cum semisse reperitur.

CAP. XVII.

*De Vasorum felleorum, extra hepar
positorum, actione atque usu ea-
que super re Laurentii senten-
tia primum expenditur.*

*Inqui-
rendo-
rum.*

Actiones atque usus harum partium, quatenus cum radicibus suis per hepar disseminatis communicant, tantisper differre visum est, donec radicum ipsarum descriptio allata fuerit. Impræsentiarum vero id solum quærimus, quomodo vesica fellea impleatur, ac depleatur; pariter in quem finem ductus communis stricto adeo meatu in intestinum inferatur; & cur vesicæ biliaræ orificium fibroso anulo muniatur; cui etiam bono humor biliosus in vesicula fellea, ductu communi, meatu cystico, aut poro biliario coacervetur?

*metho-
dus,*

Quæstionum harum priores tres (quomodo nempe vesicula fellea fiat plena atque inanis; cui usui fibrosus ejus anulus inferviat; & cur ductus communis stricta adeo insertionem in intestina illabatur?) haud incommode simul tractari queunt: siquidem opiniones, quæ unam harum respiciunt, à reliquis quoque haud alienæ sunt. Varias itaque Authorum super hac re sententias proponemus, nostrumque tandem de toto hoc negotio proferemus judicium.

Opin-

Opiniones quidem tres præcipuas reperi-
 rio : quarum primam *Laurentius* amplecti-
 tur , eandemque etiam communem sive
 vulgarem esse ait : altera est *Fallopis* : ter-
 tia vero *Isfolini* : cuius *Riolanus* meminit ,
 quamque etiam *Bartholinus* sequitur.

Laurentius quidem sententiam suam fu-
 se exposuit : ego vero tres duntaxat sele-
 ctiores ejus propositiones (quæ totam ali-
 quatenus opinionis ejus summam compre-
 hendunt) paucis perstringam. Afferit ita-
 que.

1º. Porum biliarium habere transitum
 conspicuum perviumque ad vesiculam fel-
 leam , non autem in ductum communem ;
 valvulamque alicubi adesse , quæ bilis im-
 mediatum à poro biliario versus intestina
 descensum impediat.

2º. Omnem bilem , qui è poro biliario
 delabitur , necessario vesiculam felleam adi-
 re , antequam ad intestina ferri queat.

3º. Vesicam felleam , rectarum fibra-
 rum ope , bilem ad se allicere ; atque ubi
 illa aliquantulum oblectata fuerit , eandem
 protinus per idem vas (nempe meatum cy-
 sticum) per quod prius attraxerat , versus
 intestina detrudere.


Non obstante prima propositione, *La-*
rentius fatetur, ductum ab hepate ad vesicu-
 lam obliquum esse , ab illo autem ad inte-
 stina recta ferri. Idque omnes fateantur ne-
 cesse est , nisi oculis suis fidem abrogare
 velint. Quippe vasa illa haud aliter ex-

*Triplex
de ea 1ª
senten-
tia.*

*Lauren-
tii exa-
mina-
tur.
(hist. 2ª
nat. 1. 6.
c. 20. qu-
23. 24)
Et ad
tres pro-
positio-
nes re-
ducitur.*

*quarum
1º. per-
pendi-
tur.*

structa sunt , quàm in apposita figura videre est ; ubi vas A , B , rectum ab hepate



ad intestina ductum exhibet ; A , D , C , vero transitum ab hepate in vesicam felleam repræsentat , qui flexuosus est , angulumque in , D , constituit. Miror itaque *Laurentium* (capite præcitato) asserere , bilem ab hepate recta ad vesiculam ferri. Quin ipsemet (dictorum opinor , oblitus) quæst. 24. ait , *Non potuit recta ferri ille ductus ab hepate ad vesiculam , quia in cavo jecoris erat sita ; descendit ergo meatus , deinde ascendit.* Pro confesso itaque habeo , meatum à poro biliario , recto magis adeoque breviori ductu ad intestinum , quam ad vesiculam felleam decurrere : ac propterea magis recto bilis versus intestina descensui , quam obliquo alius ad vesiculam felleam motui favere.

Neque

Neque illa verba *Laurentii* mihi placent, ubi ait, à jecore ad vesiculam ferri ductum conspicuum, perviumque canalem, non autem à jecore ad intestinum. Quæro enim, qua ratione canalis ab hepate ad vesiculam deductus, altero ab hepate ad intestina delato magis conspicuus dicendus sit? Quippe rectitudo illius (ut dictum est) minor conspicitur, estque quoad amplitudinem cum hoc minime comparandus; nam & ductus communis, & porus biliaris etiam, meatu cystico longe majores sunt. Quomodo igitur ductus iste reliquis est magis conspicuus? Quod iisdem inquires, sit magis pervius. At vero hoc sensu non opus erat dicere, *conspicuum perviumque canalem*; nam posterior vox sententiæ ejusmodi exprimendæ suffecisset. Utramque autem dictionem additam dices, ut inde constaret, porum biliarium conspicuè atque evidenter magis ad vesiculam felleam, quam ad intestina patescere. Redit autem hoc pacto prior difficultas, nempe qua in re evidentia illa consistat? Oportet (uti & dictio sonat) id à sensu manifeste dignoscatur. Oculi autem neutiquam concesserint, transitum liberiores ad vesiculam felleam, quam ad intestina extructum esse. Quapropter necesse est ad valvulam, (quam in ductu communi fabricatam autumat) observationemque male institutam (qua eandem probare nititur) confugiat. Quæ duo, quoniam sententiæ ipsius

mentum fundamenta sunt præcipua, accuratius hic
convel- à nobis expendenda sunt.
litur:

1^o. Concedimus, *valvulam* nullibi
 reperiri, quæ motum bilis à poro biliar-
 io ad vesiculam felleam impediatur: adest
 enim solum angustia quædam prope col-
 lum vesicæ in anulo fibroso; ut superius
 dictum est.

valvula 2^{do}. Afferimus, nullam valvulam,
rejici- aliudve impedimentum adesse, quod bilis
tur, transitum è poro biliario in ductum com-
 munem, adeoque in intestinum prohi-
 beat. Fatemur quidem, viam angustio-
 rem reddi, ubi ductus communis in inte-
 stinum delabitur: id autem incommodi
 non minus descensum bilis è vesicula fel-
 lea, quam è poro biliario respicit. His
 præmissis, ipsam jam observationem (*pul-*
cherrimam ab eo dictam) cui valvula istæc
 innititur, videamus.

observa- Bilis, inquit, ab hepate recta ad vesti-
zique culam primum fertur, & ab ea per alium
illius ductum in intestina expellitur; non autem
enerva- ab hepate primum ad intestinum, & ab
tur: eo ad vesiculam, ut in controversis dispu-
 tabitur contra Fallopium: id enim impe-
 diunt valvula in utroque ductu conspicua:
 eas autem facile deprehendes, si fistulam
 in eum ductum immiseris, qui varie in he-
 par divaricatur: inflata enim fistula, vide-
 bis vesiculam, non intestinum, distendi:
 si vero altero tubulo vesicam inflaveris, in-
 testinum, non hepar, distendi comperies: ita
 per-

parvius erit tibi ab hepate ad vesiculam,
 & ab hac ad intestinum ductus. Ubi mihi
 (ut id obiter dicam) minus placent illa
 verba, per alium ductum: quasi vero vesi-
 cula fellea bilem excluderet per canalem
 diversum ab eo, per quem acceperat; cum
 tamen (ut ipsemet quoque alibi fatetur)
 per eundem meatum cysticum, bilem
 tum accipiat, tum expellat. Possem &
 id illi vitio vertere, duorum cum duntaxat
 ductuum meminisse; cum tamen vel vas
 unum & continuum habendum sit, vel
 tres canales numerandi veniant, qui invi-
 cem jungantur, ubi meatus hepaticus
 & cysticus cum ductu communi concur-
 runt.

Porro magis displicet, dum ait, *Impe-* neque
diunt valvula in utroque ductu conspicua: enim
 quasi valvulas illas, quarum meminit: *vidis*
 propriis oculis conspicatus esset: cum ta- *valvu-*
 men mihi certum sit, illum nec vidisse eas *las,*
 unquam, nec videre ullo modo potuisse: *quas de-*
 facto enim sæpe periculo, clare mihi con- *scribit.*
 stitit, nullas uspiam in toto illo ductu
 reperiri. Et licet verba illa, primo eorum
 intuitu, valvulas istas ab Authore conspe-
 ctas indigrent; penitior tamen eorum
 examine verisimile sit, ipsum eas nun-
 quam vidisse, sed ex observationis scilicet
 consequentia earundem necessitatem in-
 tulisse: idque etiam verba ab eo in mar-
 gine adscripta luculenter testantur, (viz.
Valvula in utroque ductu quomodo à nobis
depre-

deprehensa.) Ut plane credendum sit, nisi præhabita jam dicta observatione, valvulas, illi nunquam in mentem venturas fuisse: quod etiam, eo nomine mihi magis sit verisimile, quia loci in utrolibet ductu, ubi valvulae illae sitae sint, nusquam meminit.

Agam autem armis decretoriis: Si vesicula inflata (ut posteriore observationis illius parte asseritur) distendit intestinum, cur prius dixerat, *vesicam quidem ab inflata fistula, non autem intestinum distendi?* Oportet sane altera pars observationis falsa sit, nisi adhibita interpretatione siue distinctione aliqua, de veritate illius prospexeris: idque ex sequentibus illius verbis factum facile, dum ait, *Si fistulam in ductum hepatis immittas & inflas, videbis statim vesiculam prius inflari, quam intestina.* Ubi jam concedit, quod antea negaverat; nempe ductus hepatici inflationem tandem intestina quoque distendere, vesiculamque felleam inde duntaxat primum dilatari.

Et jam dictis acquiesceremus, nisi porum hepaticum versus intestina omnino impervium esse asseruisset. Quomodo enim iter illud plane obstructum sit, cum ab inflatione pori hepatici, intestina tandem intumescant? Hiæ nimerum est cardo controversiæ: & ut doceam, porum hepaticum immediate (sine deviatione aliqua ad vesiculam felleam) in ductum commu-

nem, adeoque ad intestina patefcere, argumenta à me afferentur longè, quam ipsius jam dicta observatio, luculentiora.

1^o. Si aperto poro biliario stylum indideris, hic facile sine obice ullo per ductum communem ad obliquam ejus in intestina insertionem usque feretur: indeque constat, valvulam nullam toto hoc itinere reperiri. Ac profecto si hic loci daretur valvula aliqua, quæ ulteriorem bilis descensum impediret; ea non minus *Laurentis*, quam contrariam sententiam everteret; imo vero omnium vasorum felleorum munus frustraretur, siquidem illa non nisi per hæc loca bilem suam in intestina effundunt.

*Porus
biliaris
recta in
intestina
num a-
peritur.*

2^{do}. Dissecto poro biliario ab hepate ad usque ductum communem, indeque ad intestina, nullam valvulam aliudve impedimentum toto eo tractu cernes, præter obliquam illam modo dictam insertionem; in qua valvula nulla, sed angusta solum obliquitas reperitur, quæ transitum ad intestina, licet difficilem, haud tamen impervium efficit.

At te sefellit, inquis, loci, in quo *Laurentis* valvula sita est, ignorantio. Ego vero *Arioni* assero, non nisi uno in loco valvulam *satisfieri*.
ullam, quæ muneri ab eo assignato respondeat, reperiri posse: idque etiam hoc pacto haud difficultur evincam: Est
porus



porus biliaris A , meatus cysticus B , & ductus communis D. Dico jam, valvulam à *Laurentio* effectam, secundum ipsius sententiam haud alibi esse posse , quam ubi tria jam dicta vasa ad invicem copulantur , eoque prorsus modo quo res in schemate depingitur , nempe in C. Quippe valvula istæ (ut ille voluit) non solum debuit immediatum bilis transitum in ductum communem prohibere , sed & viam apertam servare , qua bilis tum ad meatum cysticum adeoque vesiculam felleam ascendere , tum inde ad ductum communem atque intestina delabi possit. Quæ omnia valvula C , hic sita præ se fert ; eadem vero si alibi ponatur , jam dictis muneribus nequaquam defungetur. Enimvero si altiore illi locum assignes , non solum bilis decursus à poro hepatico in ductum communem , sed & ejusdem inde
in

in meatum cysticum elutriationem sive transitum impedit; quod sententiæ ejus prorsus adversatur. Similiter, si eandem valvulam inferius statuas, necesse est ductum communem plane occludi, & non modo transitum bilis è poro biliario, verum etiam è vesicula fellea ad intestina intercipi; quod *Laurentius* fieri inficiatur. Est itaque unicus duntaxat locus, ubi valvula (quæ sententiæ illius conveniat) collocari possit; adeoque cuilibet facile inquisitu est, sitne ibi valvula, necne.

Præterea, facta digitorum compressione, bilis ex meatu hepatico in ductum communem atque intestina detrudi potest, sine ullo ejus in vesiculam felleam transitu. Nam si arctiore ligamine meatum cysticum constrinxeris, omnem certe inter porum biliarium & vesiculam commeatum præpedies: poteris tamen interea bilem ex hepate per porum biliarium in ductum communem, ipsaque adeo intestina depellere: quod *Laurentii* assertioni planissimè repugnat.

Denique (ut de re hac clarius constet) quomodo *Laurentii* observatio mutila sit atque invalida, factoque paulo ulterius periculo contrarium per eandem evinci potuerit, aperiam.

Pro concessio habeo, evenisse prorsus *Erroris* quod *Laurentius* hic asserit, nempe ab in- *ejus oc-* flato meatu hepatico intumuisse primum *caso,* vesiculam felleam, ac postea intestinum.

Facile

Facile etiam dederim, facta jam dicta observatione, causæ satis fuisse, cur valvulas ejusmodi ibidem adesse suspicaretur, earundemque ulterioris sollicitus esset indaginis. Quippe vas aliquod aëre inflatum, non modo immediate in cavitatem illam hiat quæ primum inde intumescit, sed interdum etiam in illam solam ita aperitur; in partes vero postmodum inflatas, non nisi prioris mediatione patescit.

Peccavit itaque *Laurentius*, dum ex observatione sua id generatim fieri asseruit, quod casu solum aliquando contingit. Quotiescunque enim dubium aliquod experimentum occurrit, excitare animum debet ad ulteriorem illius investigationem; firmare autem eum, tanquam ipsa jam reperta veritate, non debet.

Dicendum itaque porro, quam in re observationis hujus incertitudo consistat. Afferro igitur, si quando vas inflatum uno duntaxat exitu donetur, partem primo inflatam solam ei immediate adaperiri: verum ubi vas aliquod duabus pluribusve aperturis gaudet, certum est, aërem inflatum singulis earum æqualiter imprimi, vimque illi potissimum inferri, quæ minus renititur. Ac propterea licet pars aliqua ante aliam infletur, haud inde tamen necessario sequitur, partem secundo inflatam aërem ab ea mutuata esse, quæ primo intumuit: possunt enim eundem per diversos canales, quique à se invicem minime depen-

dependeant, accepisse: nempe in hoc casu, pars una quam altera citius intumescit, quod eadem vi illatae impotentius resistat. Idem certe usu venit in praesenti negotio; quippe meatui hepatico duo vasa respondent, meatus nempe cysticus, & ductus communis: inflato itaque meatu hepatico, aer in utrumque jam dictum vas aequaliter influit; adeo ut, si unum eorum altero imbecillius obnitatur, necesse sit id ipsum primo intumescat. Jam vero si resistendi vim, quam in meatu cysticoprehendimus, cum illa comparemus quae in ductu communi occurrit; luculenter constabit, illam in meatu cystico, fibrosi anuli juxta vesiculae felleae introitum positi virtute obvenire; hanc autem in ductu communi, obliquae in intestinum insertioni attribuendam esse; fibrosumque illum anulum, quam obliquam insertionem, vi illatae ut plurimum infirmius obluetari; ideoque licet vas inflatum, aërem perinde ad intestinum atque ad vesiculam impellar, debet tamen vesicula fellea, utpote quae minus renitatur, plerunque primum intumescere.

Ostenfa jam observationis hujus inconsequentia, paucis aperiam quomodo eadem ulterius elucidari potuerit. Nempe si, ligato meatu cystico, porus biliaris infletur, videbis illico intestinum, sine ullo spiritus in vesiculam felleam transitu, intumescere; indicio manifesto, viam
à poro

*obser-
vatio
retor-
quetur.*

à poro biliario ad intestinum (citra ullum ad vesiculam felleam secessum) patescere. Quod iis plane contrarium est, quæ *Laurentius* ex observatione sua deducere voluit. Quare concludimus, primum ejus assertionem veritati esse dissentaneam, bilique transitum concedi ab hepate in intestina, sine necessario aliquo ad vesiculam felleam diverticulo. Videamus jam propositionem illius secundam.

*Propo-
sitis
ad re-
fellitur.*

Ait, omnem bilem necessario vesiculam felleam pertransire, antequam ad intestina pertingat. Innititur propositio istæ priori illi, quam nunc rejecimus; ideoque sublato fundamento, necesse est & hæc moles illi superstructa corruat. Nam si porus biliarius, sine deviatione aliqua ad vesiculam, versus intestinum aperiat; in quem finem quæso tota bilis, priusquam in intestina descendat, ad vesiculam felleam recesserit? In clariorem tamen hujus rei elucidationem, argumenta aliquot annectam.

*à mea-
tus cy-
stici an-
guis.*

1^a. Si omnis bilis necessario in vesiculam felleam fertur, antequam in intestina depleri possit, oportet per meatum cysticum illuc transeat, (nullus enim alius ductus tum poro biliario, tum vesiculæ felleæ communis est) simulque necesse est, per eundem meatum cysticum regeratur; quippe aliud vas non conceditur, quo mediante cum intestinis communicet: adeoque vesicula fellea per eundem ductum & imple-

impletur & inanitur. Fatetur *Laurentius* quæ diximus : vult tamen diversis temporibus istæc peragi. Et veri quidem similitudinem aliquam præ se ferret hæc responsio, si modo vasorum horum proportio aliqua ad id munus occurreret. Quippe meatus cysticus (cui bilem illorum atque horum ferendi officium attribuit) meatu hepatico multo minor est; imo vero canalis hujus, quam illius, cavitates altero tanto major est; ac propterea Natura in meatum cysticum iniqua fuerit, quæ tantundem humoris ab eo auferri postulet, quantum vas duplo majus attulerit. Accedit etiam aliud malum, quod meatus hepaticus (utpote declive vas) bilem recta deorsum facile præcipitet, quæ in meatu cystico ægrius ascendit. Adde amplius, meatum cysticum à fibroso anulo plurimum arctari; ut vix vicesima bilis pars, quæ per porum hepaticum delabitur, illac transire queat. Quinetiam (quod majus est incommodum) porus hepaticus non nisi uno simplici munere defungitur, dum bilem solum ad inferiora deturbat; meatus vero cysticus (secundum illius sententiam) eandem modo suscipit, modo rejicit: debetque adeo, quidquid meatum hepaticum transit, bis per meatum cysticum percurrere. Puta enim 24 horarum spatio bilis uncias duas per meatum hepaticum delabi; oportet sane tantundem, pari temporis intervallo,
per

per meatum cysticum ad vesiculam ferri, indeque eodem itinere versus intestina remigrare. Debuit igitur (ex hujus sententia) meatus cysticus, quam hepaticus, altero tanto major extrui; siquidem æquali temporis spatio, duplici ejusdem generis opere defungitur. Quapropter assero, meatum cysticum (præsertim si fibrosi anuli angustiam pensites) omnino arctiorem esse, quam ut duplici huic muneri sit idoneus; atque ideo bilem omnem, quæ ex hepate per porum biliarium descendit, ad vesiculam felleam (priusquam ad intestina ruit) divertere nequaquam posse.

*à ductu
commu-
ni am-
plitu-
dine.*

2^{do}. Ductus communis, si cum meatu hepatico conferatur, tripla proportionem constat: estque adeo alia vasorum horum inæqualitas. Nam si (ut ille voluit) ductus communis ei usui solum destinatur, ut bilem à vesicula per meatum cysticum delatam, ad intestina deducat; est sane duplo major quam oportuit: quippe si æqualis duntaxat cum meatu cystico magnitudinis extitisset, humori tamen, ab hoc allato, deferendo suffecisset. Haud equidem crediderim, Naturam, in efformandis his vasis, moderationis solitæ decorique tantopere oblitam esse: sed putarim potius, ductum communem, cum meatui cystico atque hepatico simul amplitudine respondeat, utrisque etiam inservire. Est enim ex lege Naturæ, ut ubicunque duo vasa sese

in aliud tertium exonerant, hoc illis amplitudine sit æquale: licetque hinc ad veram usum horum vasorum notitiam pertinere: & quoniam ductus communis ambobus aliis vasis magnitudine par est; credendum certe, bilem ex utrisque delatam in eum depluere; adeoque non omnem bilem primo ad vesiculam felleam deflectere, indeque per meatum cysticum ad ductum communem atque intestina delabi.

3°. Vesicula fellea de se radices in hepate spargit, quas nemo frustra conditas existimaverit; ideoque fatendum, eam ex parte saltem per easdem impleri. In quem enim alium finem extructæ sint? Nemo (opinor) dixerit, illas bilem ad hepate deducere; igitur ab eo accipiant necesse est. Quid autem advehant, nisi bilem? siquidem eadem similari substantia & textura cum radicibus pori biliarii constant; quæ, nemine refragante, bilem ex hepate deducunt. Quare licet casu interdum eveniat, ut vesicula fellea partem aliquam bilis per meatum cysticum è poro biliario exorbeat; putem tamen, eandem ut plurimum ber proprias radices (bilem lente quidem, sed perpetuo stillantes) impleri; & si quando aliquid è poro biliario hauriat, id fortuito solum, ac præter usitatum Naturæ ordinem contingere.

Postremo, si vesicula fellea (ut *Laurentius Fallopius* objicit) semper plena est, quomodo bilem omnem ex hepate per porum biliarium

à propriis
vesicæ
felleæ
radicibus.

et usque
perpetua
plenitudine.

biliarium deciduam in se contineat ? Nul-
lum enim receptaculum jam plenum, hu-
moris novi excipiendi capax est, nisi simul
eodem tempore sese aliorsum exinanive-
rit. Vesica autem fellea, nisi per meatum
cysticum; depleri nullo modo potest; si
igitur per eum ductum (quemadmodum
prædicta opinio adstruit) bilem admittit,
quomodo per eundem eodemque tem-
pore eam amandet foras? Id ipsi quoque
Laurentio videtur fieri non posse; ideoque
diversis temporibus ea munia peragi asse-
rit. At vero qua ratione igitur priori illi
difficultati occurrerit? nempe cavitatem
jam plenam; humorem ultra recipere non
posse, nisi pariter eodem tempore evacue-
tur. Dixerit forte aliquis, vesiculam nun-
quam adeo repletam esse, quin fibrarum
suarum distensione humorem novum ad-
mittere queat. Hoc quidem fortassis ali-
quo modo fuerit verisimile, uti postea di-
cetur; idemque (si ita se res habet) *Fallopio*
quadantenus patrocinator, qui noluit vesi-
culam felleam omnem bilem in se recipere,
sed eam solum, quæ tempore eo, quo
chylus è ventriculo in intestina delabitur,
ex hepate descendit: quod forsitan huius-
modi fibrarum extensione, vesicæque
modica dilatatione, aliquatenus fieri
queat: saltem id factu facilius, quam ut
omnem bilem ex hepate per porum biliarium
decidentem exhauriat; veluti *Laurentio*
visum est. Certum est igitur, vesicu-
læ

tulæ felleæ plenitudinem, quam Laurentius Fallopio opposuit, ipsius potissimum rationibus adversari. Accedo jam ad tertiam illam propositionem, quam de vesiculæ felleæ usu Laurentius exhibuit.

Loco præcitato de vesicula fellea agens, L. 6. c. sic ait: *Unitam & simplicem habet tunicam propriam, sed validam triplici villorum genere textam: intus rectos habet, quibus bilem in se allicit; & obliquos, quibus retinet; foris autem transversos & orbiculares, quibus eandem expellit in* *exponit.* Priora quidem verba non displicent; posteriora autem illa, *intus rectos habet, quibus bilem in se allicit*, haud satis intelligo. Vultne attractionem organicam, an vero similem? Similem, inquires: ibidem enim id ipsum indicat, dum ait: *Sane voluit Galenus familiaritate quadam id fieri, & similitudine nobis incognita. Ut enim magnes ferrum trahit, & succinum paleas; ita bilem, vesicula.* Nisi verba illa addidisset, *rectis bilem in se allicit*; nulla mihi ea de re orta esset controversia; jam vero de organica attractione plane intelligendus est. Quorsum enim aliter *rectarum* solum fibrarum in hac actione meminit, cum omnes fibræ similares omnino substantiæ sint, & actionibus iisdem similaribus inserviant. Ideoque si attractio hujusmodi ad rectas fibras peculiariter spectet, id organice fiat necesse est. Similiter, cum retentionem obliquis fibris attribuit, id ad organicam actio-

20. Ter-
tia illius
proposi-
tio ex-
penditur

Quæst.
23.

nem referendum est: quod etiam in tertio fibrarum genere clarius patet, quarum opera expulsio celebratur; quæ certe, nisi organice, fieri non potest. Repugnant igitur, quæ à *Laurentio* hic afferuntur. Verum & aliis autoribus familiare est, dicere, varias corporis partes *rectis fibris attrahere*: ac propterea, quo pacto quibusve machinis attractio huiusmodi rectarum fibrarum ope perfici queat, inquirendum est: atque in hunc finem omnes *organica* sive *mechanica* attractionis modos recensibimus.

Attractionis organica quatuor modi.

1^o. Igitur assero, attractionem organicam fieri, si res trahens rei attractæ *connectatur*, sive alligetur; atque hoc pacto equus curum ad se trahit. Potestque connectio huiusmodi variis modis institui; nempe ligamine, agglutinatione, continuitate, aut apprehensione, manu scilicet, dentibus, &c. Rectæ autem fibræ nullo horum modorum ad se attrahunt, siquidem ab humoribus trahendis disjunguntur.

2^{do}. Est etiam alius organicæ attractionis modus, qui *suctione* perficitur: in hac enim instrumentum attrahens cavitatem suam dilatat, in quam propterea res proxima maximeque fluxilis illabitur, ut vacuitatis incommodum evitet, sive potius ut universi connexus tueatur. Verum neque hoc attractionis genus ad rectas vesiculæ fibras pertinet, quarum opus est eandem constringere, non autem dilatare.

Nec

Nec sanæ fibræ istæ huic negotio sunt accommodæ ; quoniam vesicula flaccida est, nec latera sua à mutuo ad invicem collapsu servare potest, cum firmioribus ad eam rem fulcimentis opus sit.

Tertium organicæ attractionis genus, id nominis minus cæteris jam dictis meretur : fit autem, cum cavitas, quæ attrahere dicitur, super rem attrahendam veluti irrepit. Ita intestina dici possint chylum, rectarum fibrarum ope, in se attrahere ; cum tamen revera semet in illum involvant. Quippe eodem fere res redire videtur, sive quid rem aliquam in se attrahat, sive id illam supermeet, ita ut eandem cavitate sua complectatur : quare hoc quoque, licet improprie, attractionis nomine dignandum venit. Nihil autem hujusmodi in vesicula fellea reperias, ubi rectæ fibræ solummodo robur illi addunt, quo secundum longitudinem firmetur ; vel, relaxatione sui, aut contractione, eandem longitudinem, quando opus fuerit, contrahant, vel remittant : neutra vero harum actionum in vesicula fellea quicquam facit ad reptilem ejusmodi motum super rem in ipsa contentam ; hæc enim prorsus fluida cum sit, & reliquæ vesiculæ hujus fibræ eandem infrænare stabilemque reddere nequeant, ineptum plane huic motui fulcimentum præbet ; secus quam in intestinis usu venit, ubi excrementa (plerunque solidiora) transversa-

rum atque orbicularium fibrarum motu peristaltico sistuntur adeo , ut rectæ fibræ iisdem , ceu rei immobili , innexæ , sursum deorsumque verumque more repant.

Est denique quantum attractionis genus, reliquis magis improprium, quod *deglutitione* peragitur. Deglutitio tamen revera suctionem includit (adeoque eatenus ad secundum attractionis modum referenda est) qua sine nullam propriæ attractionis speciem in se continet. Fit enim solummodo cavitatis, rem aliquam forinsecus ambientis, occlusionem; atque ejusdem introitus aperture sive relaxatione; motuque peristaltico, quo res deglutienda in hiatus jam factum comprimitur. Nulla autem harum actionum ad vesiculæ fibras pertinet. Quoniam igitur, nisi prædictis jam, refutatisque (quantum ad vesiculam hanc attinet) modis, nihil mechanicæ attrahi potest; assero, vesiculam felleam rectarum fibrarum ope, attractionem ejusmodi *mechanicam* sive *organicam* nequaquam perficere, qualem *Laurentius* illi attribueret visus est. Ad *similarem* autem attractionem quod attinet, de ea postmodum erit dicendi locus. Possent & alia quædam tertiæ illius propositioni, obijci in contrarium; quoniam vero eadem jam (uti arbitror) satis superque vapulavit, ulteriore illius pœna supersedebimus; visuri porro, quam sententiam *Fallopianus* de præsentis negotio amplectatur.

CAP. XVIII.

Fallopii sententia examinatur.

SECUNDA opinio, de qua nunc agimus, *Fallopio* vulgo attribuitur, viro sane industriæ singularis, & cum in causis rerum examinandis, tum experimentis faciendis apprime versato. Ille tamen rem hanc, in *Institutionibus Anatomicis*, adeo exiliter paucisque verbis proposuit, ut sæpe miratus sim, *Laurentium* cum tam animose refutatum esse; quasi copiose ea de re egisset, dataque opera annisus esset, veterum sententiam (cujus *Laurentius* patronus videri cupit) refellere. Quinetiam argumenta nonnulla recitantur, quæ tamen apud *Fallopium* non reperio; ideoque crediderim, vel alia quædam (præter ea quæ vulgo extant) à *Fallopio* conscripta esse; vel *Laurentium* argumenta ea, quæ *Fallopio* adscribit, à discipulis ipsius mutuum esse; honoris tamen majoris existimasse, si clarissimo Præceptore potius, quam obscuro aliquo discipulo, in certamen provocato, sententiam illam oppugnatum iret.

Fallopius, ut dixi, sententiam suam breviter exposuit, ubi agit de hepate, ac reliquis organis nutritioni dicatis. Ego vero eam paulo fusius proponam, prout nempe postmodum, à quibusdam defensa fuit:

idque fiet quinque jam sequentibus propositionibus.

Fallopia sententia quinque propositionibus exponitur. 1°. Afferitur primo, patere transitum rectum ab hepate ad intestina; nempe per porum biliarium, ductumque communem, qui sibi invicem junguntur, & à valvula omni, aliove aliquo obstaculo, quod transitum eum impedire possit, liberi sunt.

2°. Non omnem bilem, quæ ex hepate delabitur, necessario ad vesiculam felleam secedere, priusquam ad intestina pertingat.

3°. Transitum illum rectum ab hepate (qui ex poro biliario & ductu communi continuis constat) obliqua insertione in intestina aperiri, eamque à descendente chylo comprimi adeo, ut effluxuræ alias bili exitus nullus interea temporis concedatur.

4°. Bilem hoc pacto exitu prohibitam, versus vesiculam felleam resilire; huiusque usum præcipuum esse, ut (donec chylus omnis pertransierit) bili diverticulum largiatur.

5°. Non impleri vesiculam felleam, attractionis alicujus virtute, sed à solo bilis recusu; quod hæc nempe, ob compressam, ut jam diximus, obliquam insertionem, in intestinorum cavitatem illabi nequeat.

quarum prima & secunda admittuntur. Prima harum propositionum secundæ lucem affundit, & utramque (ubi *Lam- rentis*.)

rentis sententiam rejecimus) claris argumentis assertum ivimus : ideoque Fallopij opinio haftenus à nobis concedenda est.

Tertia propositio ex parte saltem vera est : quippe in confesso est , obliquam insertionem ita efformatam esse : ut , si quid in intestino illam comprimat , ea mox occludatur ; quod etiam periculum facienti ad oculum constabit. Fas est tamen dubitare , num clausura isthæc adeo firma sit , ut (quandiu chylus aliquis descenderit) omnem omnino bilis delapsum impediat. Putarim enim , id nec necessario , neque omni tempore fieri , sed casu duntaxat aliquo ita interdum contingere. Nam si chylus è ventriculo decidens , obliquam insertionem valide compresserit ; & bilis interea ab hepate descendens , nec quantitate nimia , nec qualitate mordax admodum fuerit ; proculdubio clausura illa reprimendæ bili sufficiet. Sin vero bilis cum impetu descenderit ; aut vasorum felleorum excrettricem facultatem , ob acrimoniam sui , aut copiam , plurimum vellicaverit , fieri potest , ut insertionem jam dictam , antequam chylus omnis præterierit , vi illata aperiat : ac propterea propositio hæc distinctionis limitibus circumscribenda est.

Propositio quarta vere asserit , bilem ab ingressu in intestina prohibitam , ad vesiculam felleam retrogredi : illam autem in hanc solam remeare ; aut vesiculam

tertia ,
solum
ex parte
vera est ,

ut et
quarta ,

bili refluxæ toti excipiendæ parem esse ; aut vesiculam felleam in eum potissimum finem extructam esse , ut bilem (donec chylus præterlapsus fuerit) regurgitantem in se contineat ; à me certe impetrare nequeo , ut credam. Id tamen libenter concesserim , vesiculam nempe felleam (quæ semper moderate plena creditur) partem aliquam exiguam retrolabentis bilis in se recipere posse : tantillum ejus scilicet , quantum vesicula modica distentione , citra irritationem ullam ad violentam excretionem , in se porro admittere commodè queat. Atque eatenus quidem , nec ultra , propositioni huic assentior.

atque
etiam
quinta.

Quinta propositio merito negat , vesiculam felleam , bilem ad se attrahere (modo de attractione organicalis sit) uti à nobis in superiore capite dictum , & opinor , demonstratum est. At vero nequaquam dederim , vesiculam à sola bile , ob occlusam obliquam insertionem refluente , impleri : cum mihi certum sit , eam , ex parte saltem , à radicibus suis per cavum hepatis disseminatis intumescere. Ideoque in hac re etiam scorsum à Fallopio sentio.

CAP. XIX.

Tertia opinio, Julio Jafolini attributa, & à Riolano comprobata perpenditur.

Julius Jafolinus Anatomicus Neapolitanus (inquit Riolanus) *novam nec abjur-* *throp.*
dam de bilis expurgatione opinionem ex do- *l. 2. c. 12.*
ctrina Galeni depromptam proposuit; nec
suffICIENTER eam refutavit Antonius Alva-
res in suis Epistolis, unde sententiam ejus di-
dici, eum ejus liber nondum ad manus meas
pervenerit. Ego quoque, cum nec Jafolini
librum, nec epistolas Alvares viderim, ipsi
Riolano fidem habeam necesse est; ex cujus
narratione, opinio hæc sententiam Lauren-
tis jam à nobis refutatam plane rejicit; opi-
nionis autem Fallopi prioris duas proposi-
tionibus admittit, tres vero posteriores repu-
diant. Sententiæ hujus summam tribus pro-
positionibus expediam: quarum prima est,

1. Excrementa biliosa bifariam ab hepate expurgari: alterum impermixtum, illudque esse tenue & sincerum: alterum vero mixtum, atque hoc crassum & feculentum esse.

*Jafolini
opinio
tribus
proposi-
tionibus
compre-
hendi-
tur.*

2. Vesiculæ felleæ radices in se attrahere bilem impermixtam, tenuem, & sinceram, eandemque in vesicam deferre, unde postea per meatum cysticum in intestina deturbetur: radices autem pori biliaris, bilem mixtam, crassam & feculentam in se allia-

cere, eamque mox per porum hepaticum & ductum communem, canales invicem conjunctos, recta ad intestinum deferre.

3^a. Vesiculam biliariam solummodo radicum suarum fibrosarum per cavum hepatis disperfarum ope impleri; nihil autem à poro biliario accipere, nec quidquam in eam è ductu communi regurgitare.

*quarum
prima
partim
concedi-
tur,*

*partim
refelli-
tur.*

Primam propositionem quod attinet, fateamur quidem, varia esse biliosi excrementi genera, bilemque à bile differre posse, tam ratione sinceritatis & permissionis, crassitiei & tenuitatis, puritatis & sæculentiae; quam ratione coloris, acrimoniae, amaritudinis, aliarumve qualitatium, atque oportere diversas has species à sanguine in hepate segregari, si forte illic cum eodem misceantur. Quoniam autem eadem propositio videtur omnes bilis differentias ad duo illa genera reducere, sincerum nempe & permixtum; facitque tenue & crassum, terminos convertibiles cum sincero & permixto; quasi vero necesse sit, omnem bilem sinceram esse simul tenuem, omnemque humorem mixtum, esse crassum; erroris plane manifesta est. Potest enim humor sincerus esse crassus pariter ac tenuis: & permixtus humor non minus tenuis, quam crassus reperitur. Ideoque genus hoc dicendi est incongruum, si quis vocabula illa, *tenuis & sincerum, crassum ac permixtum*, perpetuo simul conjungat, quod tamen à *Riolano*.

lano factum est, ut dogma suum de duplici vasorum felleorum officio tueretur. Vidi non semel in vesicula fellea, excrementa biliosa tenuia plurimum permista, seroque diluta: vidi etiam illic bilem crassam, quæ nullo modo permixta apparuit, sed potius ob misturæ carentiam (quod nempe seri parum nimis adesset) talis conspiciebatur. Qui medicinam faciunt, pauci sunt qui non aliquando viderint bilem vitellis ovorum similem vomitu rejectam, quam vulgo *sinceram* appellant: placeatne *Riolano* vox illa, equidem nescio; neque affirmaverim, talem omnino è vasis felleis descendisse, nihilque mixtionis in intestinis adeptam esse: id solum assero, fuisse humorem crassum, & minime sæculentum (quod tamen *Riolanus* crasso, ceu proprium, attribuit) cum nulla pars ejus, sæcum more, ab aliis segregaretur, fundumque peteret. Dicam paucis: Licet excrementum biliosum commode dividi possit in mixtum & impermistum, sincerum & fœculentum, crassum & tenue, &c. non debent tamen, neque etiam revera possunt varix hæ species in unam confundi, sine manifesta earum perturbatione.

In secunda propositione, quæ sine *secunda* veritatis damno dari possunt, non illi- *quoque* benter concessero: reliqua vero restri- *ex parte* ctione opus habent. Concedo igitur, fieri *recipi-* posse, ut exiguum aliquod (licet plerun- *suris* que imperceptibile) discrimen inter-

cedat, inter excrementum biliosum quod à radicibus vesicæ felleæ, atque illud quod à poro hepatico secernitur. Qua autem in re discrimen huiusmodi reperiatur, si quæris: respondeo, in eo nempe quod humor plus minusve genuinus sit. Eum vero humorem maxime genuinum intelligo, qui de natura suæ speciei plurimum participat. Atque hoc sensu assero, vesicam felleam humorem biliosum maxime genuinum, porum autem biliarium minus talem ad se elicere: licet discrimen hoc adeo exiguum sit, ut sensui vix innotescat.

Num igitur, inquis, differentia isthæc alio aliquo pacto internoscitur? Ita quidem videtur: nam licet vena Portæ integro suo trunco hepar ingressa, sanguinem, quantum in se est, promiscue in singulas illius partes distribuat; fieri tamen potest electrica quædam sive similis attractio partium sanguinis maximè biliosarum, quæ ipsas alio sum aliàs ruituras, versus cavum hepatis, eamque illius sedem præcipue, cui vesicula fellea affigitur, inclinet. Vesicula enim hæc (cum semper humore bilioso scateat) actionem similem illius hepatis partis, cui adhæret, ab alterius actione discriminat; adeoque biliosarum sanguinis partium actionem similem validiorem (quantum sane in tam promiscuo motu delectus aliquis haberi potest) versus idem latus efficit. Quippe corpora omnia similia, sua-

ptc.

pte sponte (modo sui juris sint) id agunt, ut cum aliis sibi similibus uniantur: ideoque (si quid discrimis adfuerit) humor felleus in vesicula reconditus, sanguinem biliosum eo vorsum magis allicit, & præsertim ad vesiculæ felleæ radices, quas in illam hepatis partem, cui ipsa connectitur, immediate disseminat. Rationi itaque consentaneum est, ut pars bilis purior ad radices illas affluat; licet tam exili id fiat discrimine (ob promiscuum sanguinis è vena Portæ impulsus) ut sensu ægre admodum distingui queat.

Atque hæcenus quidem secundam propositionem admisimus; reliqua autem à vero longe absunt. Quapropter cum vasorum felleorum duplex officium consti-^{refrini-} ^{gitur} ^{autem,} tuat, atque aliud folliculi fellei, aliud pori biliarii radicibus attribuat; nos profecto sententiam eam non amplectimur. Est I^o. enim omnium harum radicum idem munus; nempe ut excrementum biliosum (quodcumque demum id fuerit) à sanguine ad eas fortuito affluente separent: & casu solum utriuslibet radicibus evenit, si his bilem meraciorem, illis autem aliquanto magis permixtam exhaurire contingat. Nam quælibet earum, insita à Natura promptitudine, bilem quamcunque oblata perinde evacuat, nec adiutore alieno ad eam rem opus habet: aliter enim si esset, deberent utriusque generis vasa ad omnes hepatis partes pertingere; ut bilem ab

ab aliis relictam (utpote muneri suo inidoneam) alia protinus absorberent.

Præterea, cum propositio hæc innuat, vesicæ felleæ pariter ac poribiliarii officium ad singulas totius hepatis partes extendi; atque aliud radicum genus ubique bilem tenuem, aliud vero crassam prolicere: istuc omne à veritate longe remotum est. Nam, uti diximus, si utriuslibet munia essent universalia, omnesque hepatis partes respicerent; deberent certe utriusque generis radices ad singulas hepatis partes distribui, ut sic officio vicinæ ad opus suum prompte accingerentur. Quæ enim ratio reddi potest, cur in hanc potius, quam in illam hepatis partem dispergantur, si earum munus ad totam hepatis molem ex æquo spectet? Putabimusne naturam perinde in rem remotam, atque proximam, operari posse? Huiusmodi sane officium ex parte saltem est organicum, & ab organo remoto immediate præstari nequit. Necesse enim est, ut organum vel mediate per aliud, vel immediate per se, rem perficiendam attingat. Radices autem vesiculæ felleæ vix in centesimam hepatis partem disseminantur: adeoque intellectu arduum est, quomodo in partes illas agere possint, à quibus tam longe absint. Similiter, radices pori biliarii non distribuuntur ad eas hepatis partes, ad quas vesiculæ radices pertingunt: indicio manifesto, alias aliarum defectum supplere, earumque

rumque pensum absolvere ; adeoque illas eodem officio fungi ; & radices vesiculæ felleæ, in ea hepatis parte in quam sparguntur , idem munus explere , quod radices pori biliarii in reliquis omnibus hepatis partibus exequentur. Hoc ipsum in hepatis excarnatione luculentius videre est : inde enim constat , totum ejus parenchyma esse substantiæ homogeneæ, ac proinde consimilis naturæ vasis indigere ; liquet etiam , vasa hæc eodem modo distribui, esseque ejusdem constitutionis similis : unde facile quis deduxerit , illa eidem pariter officio in hepate destinari.

Denique , cum propositio hæc videatur affirmare , radices vesiculæ felleæ nullam crassæ & saculentæ bilis partem prolektare , nec porum biliarium similiter quicquam tenuis & meracæ bilis attrahere ; ea manifeste contra verum nititur : Vidi enim sæpenumero in poro hepatico sinceram bilem , nec sensu ab illa in vesicula fellea distinguendam : non raro etiam in ipsa vesicula bilem impuram & permixtam sum conspicatus. Puella quædam jam ante quadriennium in Collegio Medicorum Londinensium dissecta , vesiculam humore pallescentē & propemodum insipido plenam habuit : unde aparet , radices ejus serum quoque bili commixtum (si modo præsto fuerit) in sese allicere. At enim , ais , serosus humor bili tenuitate non cedit , nec minus facile propter-
ca,

ea in vesiculæ radices illabitur : comper-
tumne autem est , bilem crassam ac sæcu-
lentam eodem proficisci ? Imo vero sæpe
bilem crassam & multicolorem in vesicis
felleis reperi : & de sæculenta bile non est
quod quisquam dubitet , cum lapilli crebro
in eadem inveniantur , qui ex sæculenta &
fabulosa materia necessario ortum ducunt.
Quare tandem sic statuo , posse utrumlibet
horum vasorum omne genus biliosi excre-
menti , quodcunque occurrerit , æquali-
ter in hepate separare , atque inde foras de-
ducere.

*Tertia
proposi-
tio exa-
minan-
tur.*

Tertia propositio haud adeo disertis ver-
bis à *Riolano* asseritur ; est tamen opinioni
ejus consentanea , eidemque explendæ re-
quiritur ; imo vero ea , quæ ab illo super hac
re adstruuntur , necessario consequitur : Ait
enim , vesiculam felleam per meatum cy-
sticum evacuari , negatque motum aliquem
contrarium in eodem vase contingere pos-
se : ideoque implicite saltem & per conse-
quens , reditum omnem bilis per hunc du-
ctum inficiatur. *Bartholinus* addit , in col-
lo vesicæ felleæ reperiri valvulas , quæ re-
fluxum bilis per meatum cysticum impe-
diant , quas tamen nemo alius vidit un-
quam ; nec ipse quidem illas à se conspectas
asserit ; atque idcirco earum refutationi
haud ulterius immorabor : hoc saltem con-
stat , eum regurgitationem omnem bilis
per meatum cysticum nullo modo admit-
tere.

Ad

Ad propositionem ipsam quod attinet ; *eadem-*
 concedo , vesiculam felleam , usitato Na- *que par-*
 turæ ordine . radicum suarum ope impleri ; *tim re-*
 & , si quando aliquid per meatum cysti- *cipitur*
 cum accipiat , id fortuito illi contingere ,
 fibrasque ejus tunc temporis consueto ma-
 gis extendi ; nec quidquam in recto bilis
 descensu à poro biliario admittere , verum
 id solummodo ob remoram ei injectam
 obvenire ; quoties nempe obliqua insertio
 præter morem arctius occluditur. Arbitror *partim*
 tamen , fieri posse bilis regurgitationem , *rejeci-*
 ubi valida insertionis illius adstrictio con- *tur*
 tingerit ; partemque bilis refluæ ad vesicu-
 lam resilire posse ; tantum ejus nempe ,
 quantum in vesicula (cum moderata fi-
 brarum ipsius distentione , citra irritatio-
 nem ejusmodi qua ad excretionem stimu-
 letur) ultra solitam ejus plenitudinem ,
 commode diversari potest ; idque ea po-
 tissimum ratione morus , quod sæpe digi-
 torum compressu bilem , perinde sursum
 ac deorsum (nimirum in vesiculam , atque
 extra eam) per meatum cysticum adege-
 rim : unde manifestum est , valvulas , quas
Bartholinus vesiculæ cervici affinxit , plane
 commentitias esse ; posseque , oblata jam
 dicta necessitate , partem aliquam bilis in
 vesiculam recurrere.

CAP. XX.

Sententia nostra de prædictarum partium usu, propositionibus 12. comprehensa.

Recitatis jam, partimque rejectis tribus illis opinionibus, quas Viri docti de implendis vacuan- &que vasis felleis amplexati sunt; reliquum est, sententiam nostram super ea re exponamus. Quoniam vero ipsius humoris biliosi utilitas, aliquatenus cum vasorum usu atque actione conjuncta est; de utrisque simul agam, & sequentibus propositionibus dicam, quid de toto hoc negotio existimem.

Propositio prima.

Vesicula fellea, suapte natura, & quando integra sanitate fruimur, semper moderate plena est. Idque inde liquet, quia in omnibus animalibus (quibus vesicula ista hæc concessa est) cujuscunque demum ætatis aut sexus fuerint, iisdemque vel saginatis, vel jejunantibus, dummodo prospera valetudine utantur, eadem semper plena cernitur: neque id certe ab Anatomico ullo negatum unquam. Quinetiam in fœtu, dum in utero est, repleta conspicitur: & in morbosis constitutionibus rarissime felle vacua est; idque tum etiam præter usitatum

tum naturæ ordinem fieri, apud omnes in confesso est; ut probatione ulteriore nihil opus sit. Quæres autem, unde eveniat, ut vesicula semper hoc pacto impleatur? istuc nimirum structuræ illius ratione bifariam contingit. Nam

1^o. Anulus fibrosus cervicem ejus coarctat adeo, ut humoris nihil inde effluere queat; nisi ipsius vesiculæ contractione aliqua, aut compressu elidatur foras. *ejus rei ratio-nes.*

2^{do}. Vesiculæ hujus tunicæ, tantæ contractioni faciendæ impares sunt, qua latera earum sese invicem contingant: imo vero cavitatem illam, qualem plerunque cernimus dum moderate plena est, haud magnopere amplius arctare possunt. Nam si vesiculæ plenæ humorem omnem ademeris, in capacitatem haud multo minorem sese contrahet, quam antea obtinebat; sed flaccida latera, ulteriorem contractionem fieri nequaquam posse, indicabunt: argumento certissimo, nunquam fieri oportere excretionem totalem; quoniam vesicula, nisi contractione sui, nihil exprimit; siquidem absque illa (ut dictum est) fibrosi anuli interventus effluxum omnem expediret.

Debuit certe vesica *urinaria*, ex naturæ instituto, quoties ad eam rem stimularetur, urinam omnem expellere: ideoque illam, excreto jam lotio, plane contractam cernimus; adeo, ut latera interiora sese mutuo contingant, Et Natura procul dubio *Quomodo à vesica urinaria discedit.*

dubio vesiculam felleam pariter eadem facultate donasset, si modo hæc simili excretioni destinata esset. Neque enim patitur, ut pars ulla flaccida atque enervata jaceat; sed cuique (evacuata semel naturaliter, quam continebat, materia) potestatem sese contrahendi largitur. Quapropter, cum vesicula fellea latera sua interiora undique ad invicem contrahere nequeat, (sine quo tamen auxilio, totalis excretio fieri nullo modo potest) certum est, non debuisse illam unquam ex Naturæ consilio plane exinaniri, sed semper moderate plenam existere.

Obiectio

solvitur.

At enim, inquires, vesicula fellea (testibus Viris doctis quamplurimis) haud raro vacua reperta est. Neque istuc egomet inficior: ex naturæ autem lege id unquam contigisse, omnino pernego. Et revera duas solummodo hujus rei causas comminisci queo: nempe, ut vel à compressione aliqua violenta bilis omnis extra vesiculam propellatur; vel ob insignem fibrosi anuli laxitatem (qua fit, ut bilis ulterius retineri nequeat) sponte illinc excidat. Quorum posterius, sine omnimodo vicinarum partium torpore atque enervatione: haud facile contigerit: ideoque verisimile est, quod à nonnullis observatum dicitur; nempe, à totali hujusmodi bilis evacuatione repentinam mortem subsequutam esse. Utrobique autem talis evacuatio præter naturæ ordinem contingit: neque enim

enim vel à facultate expultrice, vel à spontanea aliqua, aut sollicitata vesicæ contractione perficitur; quod tamen, ut naturæ opera id fieri dicatur, necessario requiritur: ac propterea naturalem vesicæ hujus plenitudinem neutiquam oppugnant.

Propositio secunda.

Licet vesicula fellea semper mediocriter plena sit, ut superiore propositione dictum est, verisimile est tamen, eandem (modo humor, facto obstaculo, illo vorsum recurrat) amplius impleri posse.

Vesicula ea dilatata amplius recipit.

Propositio hæc ipsius sensus testimonio confirmatur: nam licet semper modice intumescat, nunquam tamen naturaliter usque adeo infertur, quin dimidii saltem cochlearis mensuram porro excipere posse videatur. Neque enim distenti folliculi instar indurefcit, sed mollis potius tactuique cedens deprehenditur.

Quæras autem, siquidem uberioris humoris ex capax, cur non aliquando in corporum dissectione summopere referta inveniatur? Id fit, inquam, quia vesicula in ipso mortis articulo à bilis copia plurimum irritata, eandem (nisi forte fibrosus anulus planè obstructus id impedierit) necessario excludit, ut moderate solum plena reperiatur. Profecto cum de vita res agitur, partes omnes, & præsertim quæ humoribus turgent, id opus sese strenue accin-

accingunt, ut, quod ipsis molestum fuerit, amoveant. Ita canis jam suspendio periturus, vesicam urinariam, si modo plena sit, atque interdum intestina quoque, exonerat. Sin vero cervix vesiculæ felleæ ab incuneato calculo, aut aliter obturata fuerit; compertum est, eandem ultra usitatum repletionis modum dilatari: indicio manifesto, posse illam vi adigi, ut consuetos distentionis terminos excedat, adeoque humoris plus solito in se completatur.

Constat etiam alio argumento propositionis hujus veritas: quod nempe fibrosus anulus haud adeo arcte arque pertinaciter constringatur, quin humori huc illuc fluenti locum cedat: quemadmodum, si digitorum compressu periculum feceris, id clare comperies. De hac re autem superiore capite uberius diximus: atque ut propositionis hujus veritas porro clarius innotescat, septima, octava, & nona propositiones ad eundem sunt.

Propositio tertia.

Reple- Quamvis bilis ad intestino ad vesicam
tur na- remeare possit, uti à nobis assertum est; so-
turaliter lenius tamen vesiculam implendi modus, à
à radi- radicibus ejus fibrosis per hepar sparsis per-
estibus fitur. Similiter & porus biliaris natura-
litis. liter radicum suarum per reliquum hepar
disseminatarum opere impletur.

Et radices quidem pori hepatici, bilem ipsi

ipſi ſuppeditare, ab omnibus receptum eſt: veſiculam autem ſelleam eo pacto impleri, priſcos Anatomicos omnino latuit. Neſciebant enim radices aliquas è veſicula in hepar derivari: ac propterea hæud mirandum, ſi huius rei nuſpiam meminerint *Julius Joſolinus* primus omnium, ut videtur, has radices detexit; ſenſitque, veſiculam ſelleam à radicibus ſuis impleri. Propalata primum hac opinione, & alii complures docti Anatomici eandem amplexi ſunt; puta *Banhius*, *Riolanus*, *Bartholinus*, aliique: placuitque illis tantopere, ut inde in contrarium errorem inciderint, putarintque veſiculam ſelleam nullo pacto quicquam per meatum cysiticum excipere poſſe, ſed eandem duntaxat per radículas ſuas impleri. Quod huius ſententiæ veritati conſonum eſt, de eo nunc aliquid dicetur; quod autem ſecus videtur, id antea (ſub finem præcedentis capituli) rejecimus.

Jam ſupra, in veſiculæ ſelleæ deſcriptione, à nobis dictum eſt; truncum hæud ſpernendum, & radicibus pori bilarii congenerem, in eam cavi hepatis partem ferri, cui veſicula annectitur; cervicique huius prope meatum cysiticum continuari; eſſeque porro & alias complures fibras capillares ejusdem generis, quæ in hepate radicatæ, veſiculæ ſelleæ connectuntur. Hæud credendum ſane, vaſa hæc fruſtra condita eſſe, aut alium iis uſum competere,

re, quam qui pori bilarii radicibus communis sit. Quoniam igitur radices pori hepatici in eum finem (quem nulli diffidentur) extructæ sunt, ut bilem ab ea hepatis parte, in quam distribuuntur, foras deducant; æquum sane est, ut radicibus vesiculæ bilariæ idem munus assignetur; nempe ut bilem omnem, quæcunque in angustis suis terminis obvenit, extra hepatis parenchyma eliminent. Quo vorsum autem excludant? Nulli, præterquam vesiculæ felleæ, sunt continuæ; ideoque in cavitatem hujus ingerant necesse est. Hac ratione, opinor, moti Anatomici (quos jam diximus) sententiam hanc prono atque unanimi consensu amplexi sunt: atque ob eandem rationem fatendum est; vasa hæc naturaliter sese in vesiculam felleam exonerare; adeoque hanc ex præstituto naturæ ordine ab iisdem impleri.

Dices forsitan; radículas hæc exiles adeo esse, atque ad tam parvum hepatis ambitum pertingere, ut tantæ cavitati adimplendæ impares videantur. Respondeo: Impletur per exiguum canaliculum ingens cisterna, si in eam aqua guttatim perpetuo influat; nihilque, nisi ad summum plena illa, egrediatur. Idem in vesicula fellea contingit, cujus fibrosi anuli obstaculum nisi elabi sinit, nisi illa prius mediocriter plena fuerit: unde ipsa facile, etiam ab exiguis vestigalibus sustentata, debitam semper plenitudinem conservat.

Propo-

Propositio quarta.

*Ductus communis, meatus cysticus, & vasa
porus biliaris (truncum huius, & maio- ista sunt
res ramulos in hepar dispersos intelligo) bilis
non solum canales sunt biliosi humoris, sed etiam
etiam aliquatenus receptacula.* *promptua-
ria.*

Ex propositionibus prima & secunda facile quis deduxerit, primariam vesiculæ felleæ usum esse, ut sit bilis promptuarium. Hæc autem propositio similem usum etiam reliquis vasis felleis majoribus quodantenus adscribit. Negat enim, ea meros canales esse, & receptaculorum munere aliquo modo fungi asserit. Meri canalis nomine intelligo vas aliquod in quo humor, qui in eo est, in perpetuo fluore sit: receptaculum autem dico, in quo humor ad tempus commoratur & subsistit.

Propositionis huius veritas multifariam elucescet. Nam obliqua insertio multo, quam ductus communis, est angustior, nec bilis per hunc facile affluxuræ quadrantem transmittere idonea est: ac propterea, si merus canalis esset, humorque continue sine mora per eundem descenderet, obliqua insertio necessario opprimeretur, & natura suis rebus male consulisset. Quod inde etiam patet luculentius, quia obliqua insertio naturali quadam promptitudine suapte sponte occluditur: quemadmodum mox in septima propositione dicetur uberius.

Porro ex ductus communis amplitudine rem hanc æstima. Est ille pennæ anserinæ circiter æqualis: si itaque animo perpendamus, quantum humoris, diei unius spatio, per talem ductum continuato effluvio emanare possit: fatendum sane, sanguinem ipsius reliquosque corporis humores omnes (etiamsi copia sextuplo plures essent) exinanitioni huiusmodi minime suffecturos. Quapropter si vasa hæc solummodo *canales* essent, perennique bilis effluxui inservirent, unius profecto diei curriculo, centuplo plus istius humoris efferrent, quam in toto corpore uspiam deprehenditur. Quod certe fieri nequaquam potest: ideoque, licet vasa hæc *canalium* munere fungantur, non semper tamen illi officio inserviunt; sed: quatenus bilem nonnunquam retitantes in se continent, *receptaculi* sive *promptuarii* nomine (uti diximus) appellanda veniunt.

Quædam etiam animalia (veluti equus, cervus, &c.) vesicula fellea destituuntur. Quamobrem, nisi vasa hæc aliquatenus *receptacula* esse concesseris, nihil istius humoris in iis retinebitur; quod, ob rationes duodecima propositione dicendas, plurimum illis incommodaret.

*Vesicula plus solito repleta, ad excretionem stimula-
tur.*

Propositio quinta.

Vesicula fellea plus solito impleta, atque irritata, per meatum cysticum exoneratur.
Quamvis vesicula fellea (ut propositio-

ne

riè prima dictum est) semper mediocriter plena sit, si tamen ultra solitum distendatur, atque humore uberiore (quam illi pro more usitatum est, aut facile tolerare potest) sufficiatur; cogitur necessario semet ipsam potenter contrahere, adeoque fibrosi sui anuli repagula perfingere, humorisque quantum abundat eructare, donec moderatam sui plenitudinem recuperaverit. Sublato enim novo hoc onere, (irritationis jam dictæ causa) vesicula sponte quiescit, finitque fibrosum anulum denuo constringi, atque humorem superstitem exitu prohibere.

Generalis hujus rei ratio est, quia partes omnes sensitivæ (quarum in numero vesicula habetur, utpote nervulum è sexto pari sortita) sunt irritabiles: ideoque simul ac ultra solitum, aut plus quam commode ferre possint, distenduntur, aliter vengerantur, aut lacerantur; oblectari illico incipiunt: & si partes hoc modo irritatæ, fuerint cavæ, membranosæ, atque fibrosæ; necesse est earum resistentia fiat fibrarum omnium contractione, adeoque cavitas illarum arctetur magis, humorisque in ea contenti saltem pars aliqua amandetur foras. Hoc cum vesiculæ felleæ sit commune, fieri certe non potest, quin, oblata simili occasione, idem præstet quod in propositione hac dictum est; bilem nempe superfluum per meatum cysticum expellat.

Unde id
fiat.

*Non fit
tamen
excretio
totalis.*

Quoniam autem vesicula hæc (quem-
admodum in prima propositione dictum
est) latera sua interiora ad se invicem con-
trahere nequit, neque etiam ad multo mi-
norem capacitatem, quam qua moderate
plena fruitur; necesse est, ablata semel hu-
moris abundantia, ab ulteriore contra-
hendi conatu desistat; nec poterit totalem
excretionem efficere. Quamobrem super-
flua bile eliminata, quod ejus reliquum
fuerit, citra renixum ullum in vesicula
commorabitur.

Fit autem excretio isthæc, uti jam dixi-
mus, per meatum cysticum: neque sane
ea de re lis aliqua metuenda est, quoniam
nullus alius ductus, per quem bilis egera-
tur, vesiculæ felleæ connectitur.

Propositio sexta.

*Fluvio
bilis
naturalis.*

*Bilis naturaliter fluit è vesicula fellea in
meatum cysticum; atque è meatu cystico si-
mul & poro bilario, in ductum communem;
indeque per obliquam insertionem, in intesti-
na deducitur.*

Propositionis hujus veritas facile con-
firmatur; enimvero necesse est, humor
felleus vel ad intestina delabatur, vel ab
his sursum versus hepar conscendat: quo-
rum posterius ab omnibus Anatomicis, qui
hactenus aliquid in lucem ediderunt, re-
jicitur; ideoque ad priorem sententiam
stabiliendam minore negotio opus est.
Laurentius quidem ait, bilem è poro bila-
rio

rio defluam, statim ad vesiculam felleam naturaliter ferri: id autem superius refutavimus, nec libet dicta repetere. Rationes duntaxat aliquot annectam, quibus constet, bilem hoc pacto versus hepar nequam ascendere.

1^o. Humor iste plane est excrementi- *proba-*
tius; partibus enim similaribus omnino *tur.*
dissimilis est, iisdemque nutriendis minime convenit: ideoque foras extra corpus proturbandus, non autem penitus in illud admittendus est.

2^{do}. Hepatis officium est, bilem à sanguine secernere: non potest itaque versus hepar fluere; secretionis enim comes est excretio, quotiescunque humor segregatus nutriendo corpori est inidoneus.

3^o. Si humor iste versus hepar feratur, debuit necessario ab aliis omnibus humoribus in intestinis secerni; ut sincerus atque impermixtus obliquam insertionem ingrederetur: quippe bilis mera in ductu communi, vesicula fellea, &c. deprehenditur; ac propterea ab aliis humoribus separata erat, antequam illuc pertingeret. Intestina vero ejusmodi segregationi prorsus inepta sunt; utpote quorum motus peristalticus potius omnia promiscue conturbet.

4^{to}. Si bilis ex intestinis ascendat, necesse est prius in ventriculo aut intestinis generata fuerit; oportet enim existat, antequam moveatur. Generatur autem po-

tius in corde atque arteriis, ab insigni fervore, quo sanguis ibidem æstuat.

310 Si motus iste sit ab intestinis, debet humor ille per obliquam insertionem admitti; quod fieri non potest. quoniam (ut diximus) vas hoc ita labrefactum est, ut nihil ab intestinis recipere queat. Ad dam duntaxat experimentum istuc in huius rei confirmationem: Intestinum hoc, aliquanto spatio supra atque infra obliquam insertionem, digitorum compressu evacua; idemque, ab utraque insertionis parte, vinculo constringe; deinde humorem biliosum digitorum opera è vesicula vasisque bilariis in intestinum deprime. Viam huic motui facile patescere conspiciaberis; nullo autem conamine eundem denuo retrosum adiges. Affero itaque, vasa hæc non ex intestino versus hepar, sed contra ab hepate ad intestina bilem deducere.

*Obje-
ctionis
respon-
detur.*

Attamen nuper regressum aliquem in illis vasis concessisti, inquires. Concessi sane: verum ab obliqua insertionem duntaxat, non autem ab intestinis remeatum illum fieri volui. Neque etiam refluxus iste primario naturæ scopo tribuendus est; sed casu aliquo, nimirum ab obliquæ insertionis occlusionem contingit. Quemadmodum enim motus fluminis naturalis est, qui à fonte ad mare decurrit; non autem ille, quo aqua ab obice aliquo repulsa ad caput amnis refluit; ita similiter motus bilis in
his

his vasis naturalis, nequaquam is censendus est, quem obliquæ insertionis constrictio (ceu objecto vallo) efficit, dum descendentem bilis gurgitem in contrarium repellit; sed ille potius, qui meatibus apertis, remotisque obstaculis, naturæ sponte institueretur; qualis, patente obliqua insertione, ab hepate versus intestina contingit.

Propositio septima.

Obliqua ductus communis in intestinum insertio, angusta est. & ut plurimum sua sponte clauditur; atque interea fluxum humoris in his vasis naturalem præpedit, bilemque retro adigit in ductum communem. & porum biliarium, hujusque majores in hepate ramos, simul etiam in meatum cysticum, & aliquando fortasse in vesiculam felleam.

*Inser-
tionis
obliquæ.
clausu-
ra, as-
suetudine
bilem
repellit.*

Obliquæ insertionis angustia, modo cum ductus communis amplitudine comparatur, cuius facile innotescit, ut probatione ulteriore nihil egeat: nec promptitudo ejus ad constrictionem sui, minus conspicua videtur; nam plurimis à me dissectis animalibus, iisque tum probe saginatis, tum cibo vacuis, nunquam tamen insertionem hanc parulam hiatuve aliquo fatiscentem vidi; nec quisquam alius, quod sciam, eandem sponte de hiscentem reperit. Quin etiam licet, factis sæpe periculo, bilem mutuo digitorum compressu, à ductu communi ad insertionem hanc facile de-

*Id quomodo
fit, ostenditur.*

primerem, atque in intestini cavitatem, vi illata, propellerem; insertio tamen hæc penetrationi ejusmodi aliquantulum semper obluſtabatur. Similiter & stylus tenuis è ductu communi in eam immiſſus, in ipſo ſtatim veſtibulo nonnihil reſtitat, ac difficulter progreditur. Denique, ne fit dubitationi locus, ſæpe inteſtinum è regione hujus insertionis aperui, ſemperque ductum hunc occluſum deprehendi: atque porro, experiendi cauſa, bilis partem aliquam in apertum inteſtinum deturſi, factoque tranſitu, insertio hæc è veſtigio ſeſe coarctabat denuo: unde manifeſte conſtitit, meatum hunc ut plurimum, naturalique facilitate connivere.

Idque propoſitionis hujus priorem partem evidenter explicat: poſterior autem ab eadem luce reſulget. Conceſſo enim, (ut in ſuperiore propoſitione dictum eſt) bilem ad insertionem hanc *naturaliter* ferri; neceſſum eſt eandem, facto ibidem obſtaculo, curſum ſuum remetiri, atque in porum biliarium ejusque ramulos, in meatum quoque cysſticum, & ſorte in veſiculam felleam reſſuere; quemadmodum fluminis gurgēs ab obſecto obice repercuſſus, verſus fontem ſuum regreditur.

Solummodo de veſicula fellea ſcrupulus adhuc ſuperreſt, qui in ſequenti propoſitione ac eximendus eſt.

Propositio octava.

Obliqua hac insertio tanto arctius claudatur, quanto intestini tunica, quas pertransit, validius ad invicem comprimuntur; quoque major clausula ea fuerit, eo etiam vehementior est bilis in vasa jam dicta repercussio.

Clausura
vassa à
com-
pressio-
ne fit
vali-
dior.

Prima hujus propositionis pars cuilibet manifesta est, quoniam insertio isthæc inter tunicas sic compressas fertur; adeoque necesse est, ut tunicæ propius ad invicem accedentes; simul vas intermedium premant, occludantque.

Tunicarum hujus intestini compressionis causæ, tres numerari possunt. Nempe
1. Quarumlibet vicinarum partium intestinum istoc comprimentium plenitudo. 2. Hujus ipsius intestini repletio. 3. Fibrarum illius tunicarum sensitas.

hujus-
que res
causæ

1º. Si qua pars vicina sufferciat aut intumuerit, facile intestinum hoc compresserit; adeoque insertionis hujus constrictio magis obfirmabitur. Ac propterea repletus ventriculus intestinum illud arctare poterit, bilisque transitum compescere: quod idem etiam à tumefacto hepate, liene, pancreate, inflato colo, &c. evenerit.

2º. Impleta intestini cavitate, materia in eadem contenta tunicam interiorem versus exteriorem comprimit, insertionemque hanc oblerat. Ideoque Fallopius,

haud prorsus citra rationem, humorem biliosum in intestinum transire inficiatur, quandiu chylus è ventriculo ad intestina delabitur: licet forsitan natura, cum insertionem huiusmodi fabricaret, *secundario* duntaxat ad hunc usum respexerit.

3^o. Fibrarum, tunicarumque intestini *tensitas* (nam sic loqui libet) constrictionem hanc facile roboraverit; quoniam eandem contractio insertionem istam necessario coarctat. Idcirco experientia comprobatum est, adstringentia epota descendibilis reprimere, multosque ita afficere, quasi arcto aliquo ligamine circumstringantur: quod certe verisimile est insertionis huius, vasisque pancreatici (namque illuc quoque eadem lege obstringitur) arctiore compressione proficisci. Clausis enim horum vasorum emissariis, humores egressu prohibiti, copiaque adaukti, facile affectionem huiusmodi produxerint: reſeratis vero iterum iisdem meatibus, oboritur illico levamen, alvus fit lubrica, atque excrementa uberius fluunt, tum etiam ab humoribus commixtis amplius tinguntur. Ideoque in melancholicis, qui humoribus stipticis abundant, insertiones hæ facile constringuntur; nec nisi copia humorum pressæ, relaxantur denuo: his autem plurimum accumulatis, rumpuntur obices, humores acres delabuntur, atque intestinis clysteris vicem præstant. Hinc fit, ut tales modo

stricta.

stricta, modo libeta vicissim alvo vitam degant.

Quod ad posteriorem hujus propositionis partem attinet, ea priorem necessario consequitur: quemadmodum in antecedenti propositione contigit. Nam ut effectus illic causam suam sequebatur; ita similiter & hic, gradus ipsius effectus, causæ gradibus respondent: præterquam quod in vesicula fellea nonnihil discriminis reperitur. Vesica enim hæc, ubi meatui cystico conjungitur, fibroso anulo donatur; quo fit ut levis quilibet humorum recursus in vesiculam felleam penetrare nequeat: verum duo ad hanc rem, si quando eveniat, necessario requiruntur.

1^{um}. Ut obliqua insertio, quam fibrosus anulus, si me magis claudatur. Quippe alias nulla ratio assignari possit, cur humor interceptus non potius fores in imo claudas (obliquam insertionem nempe) effringat, quam illas in summo (fibrosum anulum scil.) referet. Nam, cæteris paribus, humor qualiscunque erupturiens, deorsum potius, quam sursum, vim suam exerit. Sin vero constrictio inferior tanto, quam superior, validior existat, ut delapsus hujusmodi inæqualitatem superet; necesse sane est, renitentia in summo posita primum cedat: quod solum hætenus determinari potest.

Ut bilis in vesiculam resiliat, duo requiruntur.

2^{du}. Ut humor in vesiculam felleam recurat, oportet ea copia adaugeatur, qua fi-

K. 7.

broso.

broso anulo recludendo par sit. Ideoque crediderim, illud vix contingere posse, nisi ductus communis, meatus cysticus, atque porus bilarius, majoresque illius rami intra hepar summopere pleni fuerint: hoc autem si eveniat, atque obliqua insertio præmenti humori minime cedat; facile pars ejus aliqua (quantum scilicet vesicula, moderata sui dilatatione citra irritationem aliquam, ultra solitum admittere queat) sursum in folliculum felleum irruerit. Idque nodum in superiore propositione relictum solvit.

Propositio nona.

Recur- *Recursum iste tandiu durat, donec humo-*
gitatio *ris vel quantitas, vel qualitas, vasa ad*
isthac *excretionem faciendam potenter irritave-*
tandem *rit: eoque casu, obliqua insertio majori vi*
facit ir- *cedere cogitur, finitque vasa, quod molestum*
ritatio- *est, in intestina deponere: quo facto, mox ip-*
nem. *sa denuo clauditur.*

Nulla pars à natura ita fabrefacta est, ut alterius actiones frustretur. Ideoque existimandum est, appropinquante jam excernendi tempore, vasisque ad secretionem hujusmodi faciendam irritatis, obliquam insertionem eorum vellicationi obtemperare. Alioquin enim, nisi vis excretoria in istis vasis, obliquæ insertionis in contrarium molimini præpolleret, natura utique suis rebus male consuluisse-
quip-

quippe id egit de industria, ut excretio hæc (qua sine, animal haud diu superstes fuerit) suo tempore perficiatur. Fatendum itaque, vasa hæc plussculum irritata, humoris excretioni potentius, quam insertionem obliquam eorundem retentioni incumbere.

Quinetiam humor ipsemet, quo diutius subsisterit, eo quoque maiorem in modum (novæ scil. materiæ accumulatione) obstaculum omne amolitur. Quemadmodum in fluminis alveo objectus obex delabentem aquam repellit; ea tamen accrescit assidue, validiusque obstaculo illiditur, donec ipsum (nisi firmiter renitatur) una secum abstulerit. Ita pariter, & humor biliosus, licet ex hepate pedetentim defluat, impedito tamen ipsius curriculo, ad auctaque simul copia, insertioni huic majore cum impetu impingitur, eandemque tandem recludit. Hæc autem semel ad aperta, haud facile clauditur denuo, donec humor omnis superfluous emanaverit: quo tempore, fluxu jam minore reddito, ad pristinum officium revertitur.

Propositio decima.

Humor felleus haud continenter parlatimque in intestina destillat, sed ex intervallo & consertim in ea illabitur.

Jam supra, propositione septima dictum est, obliquam insertionem interdum ob-

Bilio- non pe- deten- tim, sed colle- tim of- feri: fluit:

Scrari: fluit:

serari: unde manifestum est, humorem biliosum haud perenni cursu emigrare; adeoque ex nona propositione constat, eundem veluti assultim & cum impetu quodam profluere. Nam si humor remaneat, donec vel quantitate vel qualitate molestus fuerit, & tunc subito (fluminis instar, obvia quæque deturbantis) prorumpat; necesse est profecto, uti nunc diximus, confertim ad torrentis modum evacuetur.

Fallit quidem hæc regula bisariam: nempe primo, in summa debilitate atque relaxatione fibrarum (ac præsertim annularium) quæ transitum in intestina præcludunt: quippe hoc modo affectis, bilis facile in intestina guttatim instillaverit; quemadmodum vesicæ urinariæ contingit, è qua, si quando sphincter ejus paralyti laboret, urina sensim & sine sensu assidue elabitur. Fallit iterum, si vasa fellea ad excretionem moliendam summo opere irritata fuerint. Idem enim tunc temporis ductui huic versus intestina contingit, quod in *stranguria* vesicæ urinariæ collo evenire solet, aut sphincteriani in *tenesmo*, sive continuo desidendi conatu. At vero regula à nobis proposita *naturalem* vasorum constitutionem respicit; dum nempe integra valetudine fruimur; non autem, si in morbis, præter usitatum naturæ ordinem, quippiam secus evenierit.

Quærat

Quærat obiter aliquis, num-^{nam} & ure-^{Urina}-^{ter}es, qui vesicam similiter obliqua inser-^{vero} tione ingrediuntur, per temporis inter-^{nu.} valla & confertim inaniantur? Ego vero respondeo: 1°. Insertio ureterum, licet etiam vesicæ tunicas oblique penetret, manifeste tamen ab hac vasorum felleorum insertione discrepat. Ureter enim inter duas solum tunicas irrepit, ductus autem *choledochus* oblique inter tres tunicas inseritur; primum nempe inter intestini tunicam communem & propriam, ac postea inter duas proprias tunicas. Ideoque haud putandum est, quicquid vasorum felleorum insertioni competit, id ipsum statim quoque ureterum insertioni convenire: sed potius verisimile est, prout illa oblique magis atque inter plures tunicas fertur; ita quoque & constrictionem ejus validiorem esse, humoremque biliosum diutius detineri; ac propterea, reclusis foribus, majore postea impetu prorumpere.

2°. Fateor, ureteres sese etiam per intervalla atque affatim in vesicam exonerare; licet spatia temporis intermedia multo breviora sint, & humor minore longe quantitate effluat. Primo enim vasorum horum obliqua insertio, in eum finem talis extructa fuit, ut urinæ regressum omnem prohiberet; quod sine reclusionē sui præstare non potuit; debetque necessario, dum ita clauditur, descensum urinæ impedire: adeoque remotis hisce obstaculis,
urina,

urina, prius coercita, cogitur in vesicam jam, saltem aliquo modo, cumulate proflire. Deinde, vesica quælibet vel minimum compressa, liquorem in ipsa comprehensum huc illuc elidit: ideoque vesica urinaria, quæ, dum recte se habet, perpetuo tensa est, urinamque moderate comprimit, hanc in ureteres (si semper hiarent) necessario repelleret. Opinor itaque, hæc ureterum in vesicam insertiones ut plurimum occludi, & tum demum aperiri, cum urinae copia ad vesicam referendam, quam usitata ipsius vesicæ contractio ad urinam repellendam, plus valet. Quippe hoc pacto nullum unquam regressus urinae aderit periculum; quoniam insertio isthæc perpetuo clauditur, nisi vis ipsi illata (frustra relictante ordinaria fibrarum tensitate) eandem recluserit. Ex dictis igitur conficitur; urinam quoque in vesicam haud continenter, sed ex intervallo, & collect. irrumpere.

Verum, ut ad vasa fellea redeamus, *Galenus* alique Veteres putarunt bilem in iis aliquandiu subsistere, ac dein vicissim subito profluere, ut in intestina confertim irruens, in iis expurgandis clysteris munere fungatur. Neque mihi displicet hæc ratio; etsi forte in quibusdam præcipue hoc verum sit; atque in ullis haud omni tempore æqualiter eveniat. Quidem enim (quorum intestina sensus sunt exquisitoris, ideoque citam alvum habent) bis quotidie ventrem exonerant: nimirum manet pro-

proriente abunde humore eo, qui per somnum diu compescebatur; ac deinde quatuor, aut quinque horis à prandio, bile interea temporis à repleto ventriculo, chylique descensu coërcita. Sunt tamen forsitan aliqui, quorum intestina hebetiora hujusmodi irritationi minus obtemperant. Quinetiam in omnibus ingens discrimen, hujus rei ratione, diversis temporibus exurgit. Ideoque non ausim affirmare, quemlibet bilis delapsus, in omnibus, vel in uno aliquo omni tempore, proritandæ alvo sufficere. Causæ aliæ finales in duabus sequentibus propositionibus expendentur.

Propositio undecima.

Effluxus illi, de quibus in superiore propositione egimus, raro contingunt, quando aut ventriculus repletus est, aut chylus inde versus inferiora demigrat.

Propositio hæc ab octava præcipue lucem accipit, ubi eam evidenter probavimus: hic vero illius solummodo meminimus, ut de finali ipsius causa ulterius constet. Fallopius ait, bilem illic detineri donec chylus descenderit, ut hic ab illius commixtione integer fervetur: quod fieri neutiquam posse arbitratur, si utriusque humor simul eodemque tempore delabatur. Est quidem hæc sententia Veterum opinioni consentanea; nihilominus objici possit, quod eandem haud parum labefactet.

Nimium.

Effluxus
illi ces-
sant du-
rante co-
ctione;
Et de ca-
ve Fallo-
pii sen-
sentia.

reji-
tur.

Nimirum venæ lacteæ haud promiscue humorem quemlibet oblatum attrahunt, multo minus humorem ingratum atque noxium, qualis est bilis, in se alliciunt; sed eum rejiciunt potius, neque in corporis medietullum denuo recipiunt: veluti cernere est in diuturna fame, ubi licet intestina copiosa bile aliisque excrementis abundant, lactes tamen nihil eorum exsorbent, sed jejunæ potius atque inanes permanent. Ideoque etsi humor biliosus cum chylo commisceretur, venæ tamen lacteæ, quæ cum delectu agunt, chylum duntaxat sincerum admitterent, aliosque humores, seu excrementitios, rejicerent.

Idque inde præterea confirmari possit, quod chylus non solum è jejunò, sed ex ileo, atque colo etiam, rectique intestini partibus superioribus eliciatur: siquidem ad ea omnia lactes pertingunt, candidoque succo replentur, qui in illis (perinde atque in aliis vasis à jejunò deductis) suavissimi saporis, ejusdemque naturæ ac substantiæ reperitur. Et tamen chylus, in locis his inferioribus, antequam separaretur, faculentis putidisque humoribus commiscebatur; quemadmodum cuilibet periculum facienti facile constabit.

Imo vero, (quod scrupulum omnem è medio tollit) in iis qui commoda valetudine utuntur, colon, imæque ilei partes excrementi biliosi nonnihil in se continent, quod

quod cum chylo illuc delapso necessario miscetur, idque antequam lactes eo per-
tingentes illum exsugere queant. Qua-
propter assero, naturam de præservando
chylo ab excrementi biliosi in intestinis
mixture, haud adeo sollicitam esse, atque
Fallopium opinatus est; quoniam humores
hæc in infimis intestinis assidue per-
miscet, succumque tamen, sive chylum
delæcatum interea allicit. Quorsum enim
alias venæ lacteæ in ea loca distribuuntur?
aut quomodo chylus inde citra conta-
gium exhauritur? Potest sane chylus, ut-
cunque aliis humoribus permistus, purus
putusque inde separari; neque periculum
à tali mistura metuendum adeo est, ut
natura ejus avertendæ causa singulare ali-
quid moliri debeat; nec certe in eum fi-
nem, uti diximus, quippiam scrupulose
excogitavit. Verum *Fallopio*, & Veteri-
bus ignoscendum est; quod eorum ætate
venæ lacteæ incognitæ essent; sine qua-
rum notitia, haud facile quisquam eorum
sententiam labefactaverit.

Quæres forsitan à me, quam nam igitur *Causa*
aliam causam finalem constituam, ob *alia fi-*
quam bilis, interea dum chylus delabitur, *nalis.*
in vasis suis coëctetur? Ego autem re-
spondeo, præter rationem antehac sub fi-
nem præcedentis capitis memoratam unam
hujus rei causam esse posse, de ventriculus
arque intestina, cum coctioni incumbunt,
interturbentur. Enimvero quiete ea, quæ
con-

consistit in motu tonico æquali omnium fibrarum , chylum æqualiter firmeque comprehendunt , non autem tumultuarie huc illuc agitant ; quo fit , ut opus suum feliciter expediant. Quippe motus inæqualis aut turbulentus , si in ventriculo excitetur , facile vomitum ciet ; sin vero in intestinis contingat dum chylus adest , lienteriam producit ; quorum utrumlibet naturæ instituto quam maxime adversatur. Fac autem , malum hoc ad vomitionem aut lienteriam minime procedere ; ad ea tamen incommoda promptissime inclinatur : quippe nausea atque averfatio , ad excretionem potius , quam ad retentionem & coctionem perpetuo tendunt : nam in quem finem natura ea retineat , quæ ipsi odiosa ac molesta sunt ? Causa autem tumultuosi hujusmodi in ventriculo atque intestinis motus , fit à re aliqua nauseam atque fluctuationem in iis excitante : cruditas vero proculdubio est nausæ perpetua comes. Quomodo enim ventriculus ea bene concoquat , quæ ipsi displicent , quæque à se modis omnibus amoliri conatur ? Ideoque sapienter à natura cautum est , ne bilis , interea dum chylus perficitur , in intestinum ruat. Quippe humor iste evidentissime stomacho atque intestinis invisus est , ac fastidium parit : & licet haud immediate in ventriculum deveniat ; ea tamen est partium illarum , ad quas necessario descendit , cum ven-

ventriculo vicinitas & conspiratio, ut hic etiam facile in eundem conturbationis modum pertrahatur.

Propositio duodecima.

Humor biliosus in vesicula fellea locis que *Bilis*
omnibus jam dictis convasatus, animalis uti- *conge-*
lis est ac proficiuus. *stia ex*

Propositionis hujus veritas propria luce *usu est.*
 clarescit: quoniam enim humor iste à natura (quæ nihil unquam temere instituit) reconditur; necesse est, animali, cui inest, in usum aliquem cedat. Coacervari autem à natura humorem hunc, jam 1^a. 3^a. & 4^a. propositionibus dictum est. In omnibus vero animalibus plus minusve congeritur, prout id speciei eorum convenit: ideoque quibus vesicula fellea contigit, iis copiosiore bile accumulata opus fuit, quam illis, quæ eandem desiderant.

Supereft, ut humoris hujus sic congesti *idque*
utilitates præcipuæ explicentur. Et nobis *triplici-*
 quidem tres occurrunt (etiamsi plures forte fuerint) quarum rationem aliquem reddere in promptu est. Earum duæ hepar particulatim magis respiciunt; tertia vero videtur aliquatenus toti sanguinis massæ depurandæ inservire.

Prima est, ut hepar à putredine integrum servetur. Pro concessio enim habeo, *obstat*
 bilem à putredine vindicare: quod etiam *putre-*
 amarulentis omnibus quodammodo com-
 mune

mune est. Affero etiam, hepar, præ cæteris omnibus partibus, ejusmodi præsidio indiguissè: quoniam reliquæ omnes sanguinem suum ab arteriis immediate excipiunt; hepar vero canalem amplissimum habet à vena Portæ, quicum exilis ejus arteria minime comparari queat: quinetiam hæc sanguinem, non in ipsum hepatis parenchyma, sed in vasorum illius tunicas duntaxat distribuit. Quamobrem, cum hepar vivido illo sanguinis spiritu plurimum destitueretur (quo reliquæ corporis partes à putredine vindicantur) æquum erat (quo sanitate gauderet incolumi) accessorio hujusmodi auxilio frueretur. Idque eo potissime, quod maxima pars sanguinis hepar ad euntis, intestinorum jam ventriculique tunicas perreperaverit; è quibus contagium aliquod facile contrahat, indeque mox putredinem induat; quemadmodum iis rebus prompte contingit, quæ in cavitatibus eorum continentur.

*obstru-
ctionem
etiam,*

Altera humoris hujus utilitas est, ut hepar ab *obstructionibus* liberum teneatur: bilis enim absterfiva atque aperitiva est, ut & alia fere amara omnia. Hepar autem, præ cæteris omnibus visceribus, obstructioni est maxime obnoxium; neque enim sanguis in illud perniciousiter (veluti in aliis partibus fit) vi arteriarum impellitur, verum segniore motu (quem à Portæ radicibus habet) promovetur. Quapropter
fluxus

fluxus ejus facile sisti possit, cum causa impetuosius propellente careat, ni accessio-
rio hoc adjumento, quo ab obstructione liberetur, donatum esset. Accedit, quod *sanguis*
humor biliosus sanguinem à *coagulatione* *nisque*
potenter vindicet; quæ si vel minimum *coagu-*
sanguini (dum angusta hepatis pertransit) *latio-*
obveniret, obstructionem necessario peri- *nem im-*
culosam accerferet. *pedit,*

Tertia utilitas (quam totius sanguinis *hujus-*
depurationem spectare diximus) est, ut san- *que de-*
guinem biliosiorum attrahat, sive alleget *purga-*
versus arterias coeliacam & mesentericas, *tioni*
qua vas felleis è regione adjacent; utque *condu-*
adeo sanguis biliosus per hepar reversurus *cit.*
ibidem defæcet.

Dubitarunt aliqui, num attractio *simi-* *De at-*
laris sive *magnetica* concedi debeat: idque *tractio-*
forte ea potissimum ratione moti, quod, *ne simi-*
qui eam adstruunt, de ipsa tamen rei no- *lari &*
tione minus convenient. Quidam enim *magne-*
occulta qualitatis nomine eam depingunt: *tica.*
quod perinde est, ac si dicerent, se revera
nescire quid de illa sentiant. Alii supinæ
adeo responsioni haud acquiescentes,
aiunt, magnetem subtilia quædam efflu-
via de se emittere, quæ aliquo usque emi-
grantia, & in gyrum acta, domum rever-
tantur denuo, remque attrahendam secum
apponent. Atque hæc quidem opinio non
male explicat, quomodo res aliqua emi-
nus in alterius amplexum invitetur, eam-
que libens adeat. Verum si putent, efflu-

Quomo-
do fiat
excita-
tio, &
onus ba-
juletur.

via hæc rem attractam secum advehere; in eorum sane sententiam nequaquam concesserim. Quippe levia corpora, alia se ipsis multo graviora movere nequeunt, nisi arcte undique constipata sint: neque ita quidem, ni rapido suo expansivo motu patentius spatium quæsierint. Nempe tali impetu lata, obvia quæque proturbant: ut videre est in accenso pulvere pyrio, vi maxima glandem propellente. In his autem effluviis diversa res est; circumaguntur enim in loco libero, ubi corpora graviora facile præterfluunt, tenuiorique æri prompte illabuntur. Nimirum rapidissimi venti, ferrum, aliave corpora ponderosa non commovent; licet paleas, plumas, & similia, facile secum auferant. Gravia certe corpora, dum moventur, leviora alia nullo negotio secum una abripiunt: hæc autem illa vix minimum cient, verum potius leniter prætervolant. Quippe corpora omnia eo versum moventur, ubi minimum resistitur: jam vero effluvia hæc compedibus ferreis onusta incedere, citra ingentem laborem non contingeret; ac proinde in apertum ærem avolarent potius, quam onera tam gravia ultro susciperent. Nam si ferri pondus cum effluviis hisce expendamus, istis certe omnibus (licet numerosissima fuerint) ferri vel millesima grani pars præponderaverit. Ac propterea intelligere nullo modo possum, quomodo tam in-

gens

gens ferri pondus (quantum magnes attrahit) levia illa effluvia tam expedire bajulent.

Fac autem, effluvia hæc tanto oneri ferendo paria esse; certum est tamen, id ab ipsis minime subiri: dicuntur enim in gyrum agi, dum ferrum semper recta, inoereque brevissimo, sine fluxu uilo ad magnetem tendit: clarissimo documento, non vehi illud ab effluviis, sed duntaxat ad motum ab iis incitari; ut supra à nobis dictum est.

Postremo, etiamsi daretur, effluvia istæ hæc ferrum apprehendere, secumque avere conari; res tamen eadem difficultate involveretur: neque enim minore jam negotio ad magnetem, una cum annexo onere, protrahentur; quam ferrum antea absque illis attrahi potuisset: quippe ferrum etiam nunc nihilo minus deorsum tendit. Enimvero si magnetem, ferrumque (quod sustinet) seorsim librando ad stateram ponderes; comperies, utrumque uni soli magneti æquilibre esse, si modo lanci, in qua is est, ferrum supposueris. Quare certum est, ferrum magnetem tantundem deorsum trahere, quantum ipsum ponderat; & lanci subtus appositum, non minus pendere, quam si eidem impositum esset. Ideoque effluvia nihil levaminis huic negotio afferunt, quo minus magnes ferri onus sustineat. Si dicas, ferrum ab effluviis gestari, atq; hæc à magnete solum

bajulari; in eodem sane luto hærebimus: namque effluvia sic onusta, magnetem toto ferri pondere gravant. Exempli enim gratia, si quis equo insidens, humeris suis saccum tritico plenum portet, non propterea equo quidquam illius ponderis adimitur. Idcirco nobis adhuc aqua hæret; & merito quæras, qui fiat, ut magnes tam ponderosa effluvia (si modo ferrum, ut dictum est, bajulaverint) ad se alligat?

*Nostra
de hac
re sen-
tentia.*

Possint & alia in hanc rem argumenta depromi: verum iis supersedeo libens, ne longe nimium à proposita mihi semita digrediar. Dicam solum paucis, quid ipsemet de hujusmodi attractione sentiam.

*Tribus
ad eam
rem o-
pus est.*

Tria ad hanc rem requiro: 1. Ut sint duo, vel plura corpora, quibuscum similitudo, affinitas, sive familiaritas mutuo intercedat. 2. Ut ab uno saltem eorum, in alio unionis desiderium excitetur. 3. Ut excitatio hæc sit proficua, oportet adsit *nixus coeundi*, sive *actus conatus* quo corpora ad se invicem congregentur. De primo horum, nulla oritur controversia. Secundum autem quod attinet, nempe quo res ad unionis desiderium excitantur; fatendum est, id communiter fieri per *effluvia*, sive tenues halitus è corpore uno in aliud emanantes. Nonnulli quidem subtiliorem modum excogitarunt, quo corpora è longinquo ad mutuam congressum iacitentur, quam qui per halitus hujus-

hujusmodi facile explicari queat. Verum ea de re impræsentiarum nihil dicam; quia crassiora ista incitamenta per vapores, proposito nostro sufficiunt, Quoad tertium, *actualem* scil. *conatum*, quo corpora hoc pacto excitata, mutuam congressum appetunt; assero, plurimis indicis constare, corpora similia cum heterogeneis varie permixta, semet ab eorum consortio expedire, ut cum sui similibus uniantur, ejusque rei (cap. 8. partis primæ & generalis hujus libri) multa exempla protulimus; atque iisdem, si opus esset, facile plura annecterem.

Quod de occulta actionis hujus natura *Haud* narrant, mihi haud adeo abstrusa videtur, *adeo oc-* ut humani ingenii acies eandem penetrare *culta* nequeat. Nimirum *similia similibus gau-* *est, ut* *intelli-* *gi nullo* *modo* *possit.* *dent*; & animalia cuncta aliorum suæ speciei societate delectantur. Quidni igitur corporibus etiam naturalibus inclinationem hanc concedamus, qua sui similibus aggregentur? præsertim, cum omnia conservationem sui gnaviter appetant, quæ à similibus perficitur, fugiantque interitum, quem contrariæ res afferunt.

Ex dictis constat, quid per attractionem *Quali-* *nam sit* *attra-* *ctio.* *similarem*, sive magneticam, intelligam: nempe affectationem, sive *incitamentum*, quo corpus naturale ad aliud sui simile fertur. At vero, inquis, vocabulum eo sensu acceptum, haud proprie *attractionis* titulum merebitur; cum toto

genere ab eo differat, quod mechanice perficitur: qua de re supra actum est. Respondeo: Quoniam huiusmodi attractio *illicebra* quandam sive incitamentum præ se fert, metaphorice saltem *attractionis* nomine dignanda venit. Præterea, quicunque de motu hoc aliquid tractarunt, *attractionis* nomine semper usi sunt: Ideoque, quoniam vocabula antiqua sua possessione exuere nolui, eandem dictionem retinui; nihil amplius intelligens, quam quod nunc dictum est.

cur di-
catur
simila-
re,

Quæres autem porro, cur attractionem hanc *similarem* appellaverim, cum ea prius *magnetica* sive *electrica* dicta sit? Ego vero aio, nec nequaquam nomina illa repudiare; quoniam autem strictioris significationis sunt, quam ut rem hanc toto suo ambitu comprehendant, aliud illis commodius substitui. Dixi autem attractionem *similarem*, ut ab *organica* sive *mechanica* distinguerem. Nam licet attractio huiusmodi in corporis organis reperiri possit, illa tamen haud organice perficitur; sed à similitudine, familiaritate, atque affinitate corporis attrahentis cum attracto, promanat; eademque similitudo in constitutione partium *similari*, non autem *organica*, fundatur. Ac propterea opinor, actionem hanc latissime acceptam, commode dici posse *attractionem similem*.

His ita præmissis, concessoque in posterum, corpora similia semel excitata, actuali

actuali conatu ad mutuum congressum tendere; quæ jam dicta sunt, præsentî negotio applicabimus.

Observatu dignum est, vesicam, & vasa fellea commodissimo loco posita esse, quo biliosum magis sanguinem ad cæliacam & mesentericas arterias proleant: quippe ex adverso earum sita sunt, ipsaque ductus communis insertio, quæ posticam intestini partem ingreditur, illarum origini propemodum contigua est.

Porro, ut beneficium sive utilitas hujus attractionis (quam vesicula, vasa que fellea, & humor biliosus præstant) apertius constet; sciendum est, vix quintam partem sanguinis per cor circulati, ad arterias jam dictas accedere: adeoque uno sanguinis circuitu, vix quintam ipsius massæ partem ad hepar (depurationis ergo) deduci: unde etiam utilitas hujus attractionis manifeste liquet. Quippe licet hoc pacto vix quinta sanguinis pars, una ejus circulatione, defaceretur; quoniam is tamen reliquo sanguine, qui in aliis vasis continetur, biliosior est; totus ad usum corporis abunde depuratus cernitur.

*Diffa
præsentî
negotio
adap-
tatur.*

Non equidem dixi, necesse esse ut unoquoque sanguinis circuitu bilis omnis ab eo evacuetur; sed naturam munere suo optime fungi, dum in singulis circulationibus totali sanguinis depurationi quam

proxime accedit. Idque ab ea factum, dum promptuaria bilis eo loco posuit, quo sanguinem maxime biliosum versus arterias celiacam & mesentericas commodissime alliceret, atque adeo sanguinem in hepatis refluxum ab excrementitio humore sufficienter liberaret.

*Obje-
ctioni
respon-
detur.*

At enim, inquis, cor & arteriæ sanguinem in omnes partes promiscue impellunt. Est id quidem verissimum; si solum illarum actionem spectes: utpote quæ suffragantur deque habeant, quisnam sanguis ad hanc illamve corporis partem abeat. Est tamen, ut opinor, sanguinis ad varia loca fluentis ingens discrimen: nam qui à copioso sero dilutior est, vadit ad renes: cui pusculum phlegmatis sive pituitæ admixtum est, ad intestina & ventriculum facessit: qui chylo magis abundat, petit ubera, præsertim in lactantibus: qui biliosior est, ad hepatis properat, &c. Antiqui Medici crediderunt, sanguinem ex ano hirudinum opera prolectum, ab eo discrepare, qui venæ sectione è brachio educitur. Et ab omnibus fere receptum est, sanguinem menstruum à reliquo per alias partes distributo plurimum differre. Similiter tumores diuturni, fonticuli, fistulæ, scabies, scrophulæ, canceri, &c. videntur humorem aliquem peculiarem ad se allicere, eundemque (si modo exulcerata fuerint) evacuare. Quinetiam si casu aliquo expurgatio ejusmodi reprimatur.

tur, morbi illico adveniunt; quos ægre admodum curaveris, nisi aut emissaria illa denuo aperiantur, aut alia iis consimilia illorum vicem subierint.

Quoniam igitur humores hi inter se distinguuntur, nec discrimen hoc à corde aut arteriis oritur, alia aliqua causa necessario inquirenda est. Facta autem accurata hujus rei peruestigatione, nullam aliam inveniemus, præter attractionem similem partium, humorumque in iis contentorum, quam supra diximus. Cum enim corpora naturalia (dummodo sui juris fuerint) similibus aliis aggregati ament; quidni & sanguini quoque eandem libertatem concedamus? Est certe corpus naturale, neque à corde aut arteriis ad hunc illumve motum peculiariter determinatur: cur non igitur unaquæque sanguinis pars ad illam corporis partem tendat, cum qua ipsi plurimum similitudinis aut familiaritatis intercesserit? Quod si tamen attractionem hanc partibus denegaveris; quamnam, obsecro, diversi sanguinis, qualis ad varias corporis partes fertur, rationem reddes? Non potest discrimen hoc ab ipso sanguine proficisci; neque aliud quidpiam reperitur, unde id contingat, præter attractionem istam, quam nunc diximus. Assimilatio enim non fit in instanti; atque ut id denus, oportet tamen in exigua valde sanguinis portiuncula eveniat, cum maxima illius

pars per venas refluat ; imo omnis fere , in iis partibus quæ peculiarem aliquam secretionem non instituunt : & quibus secretio talis competit , haud putandum tamen humores secernendos ab iisdem gigni : quam enim utilitatem corpori præstent , si excrementa , quæ ipsæmet produserant , sola educant foras ? Necesse est itaque , excrementa illa è massa sanguinis exceperint ; debetque adeo ea sanguinis pars , quæ plurimum hujus vel illius excrementi admixtum habuerit , ad illam corporis partem dirigi , quæ tali excremento excernendo à natura destinata est : ac propterea opus erat , ut unicuique hujusmodi organo aliquid inesset , quod excrementum ab ipso peculiariter excernendum alliceret. Atque in hunc modum partes sanguinis serosiores ad renes & vesicam eunt , ubi earundem uberior copia acervatur : acidiores partes ad ventriculum tendunt ; & , quæ magis biliosæ , ad hepar , in quo humor iste abunde accumulatur , ut similem alium potentius alliceret. Possent & alia hujusmodi exempla proferri : verum ex jam dictis satis intelligitur , quomodo partes quælibet sanguinis excrementitiæ ad ea emissaria illiciantur , quæ à natura iisdem expurgandis instituta sunt.

*Quæ-
stioni*

Satisfit.

Qui fit autem , ais , ut cordis atque artiarum promiscuus impulsus attractionem hanc similem non interrumpat ? Respondeo : licet cor sanguinem cum impetu eli-

dat.

dat, non est tamen motus ejusmodi, qui partes ejus omnes confundat ac perturbet; verum ipsi libere permittit, partes suas vel unire, vel disgregare, prout aliæ temporis locique opportunitates requisierint: adeoque non impedit, quo minus partes quælibet aliis sui similibus aggregentur. Præterea, inter unamquamque cordis pulsationem *morula* aliqua intercedit; quo saltem tempore nihil obstat, quin partes sanguinis consimiles consocientur adeo, ut præcuntium ductum, veluti continuato filio, sequantur. Nempe sic recta properant ad eas corporis partes, quibus maxime ex usu sunt, & quibuscum optime consentiunt; singulisque earum sanguis idoneus suppeditatur; qui in unoquoque circuitu tam universè desæcatur, quam ad valetudinem conservandam opus est.

Non tamen in eum finem hæc dicta sunt, quasi velim, vel congregationem partium sanguinis similium in arteriis, eo procedere, ut sanguinem unum ab alio specificè distinguat; vel perfectam aliquam excrementorum secretionem in arteriis institui: sed solum ut constet, quomodo sanguis ad unam corporis partem allabens, ab eo differat qui ad aliam accesserit (nimirum quod ille, mediante similati attractione, hujus vel illius humoris plus minusve admixtum habeat:) simul etiam, quomodo partes, per quas forsitan vix

vicefima sanguinis pars translabitur, hunc omnem tamen sufficienter depurgent; quin & illum etiam quadantenus, qui easdem non pertransit: atque adeo (nam ad propositum revertendum est) ut doceam, qui fiat ut sanguis biliosior ad hepar attrahatur, & quis sit usus humoris fellei, quem natura in vesiculâ, aliisve vasis, in hunc finem recondidit. Hisque ita præstitis, quæ jam duodecim propositionibus comprehendimus, summatim repetam, finemque huic negotio imponam.

*Propositionum
harum
enumeratio.*

Plenitudo vesiculæ felleæ naturalis sive ordinaria, descripta est in propositione prima: extraordinaria vero, in secunda: quomodo ipsa, aliæque vasa fellea naturaliter impleantur, in tertia propositione dictum est: quarta explicuit, quomodo bilis in aliis quoque vasis restitet: quinta & sexta docent, qua via vasa isthæc omnia inaniantur: septima, octava, & nona, obliquæ insertionis, ductusque communis usum exponunt: decima atque undecima, excretionis hujus humoris *moras intercalares*, & mox eructationes copiosiores explicuit: duodecima denique humoris hujus ita reconditi utilitates proposuit.

CAP. XXI.

*Duæ administrationes Anatomicæ,
quarum opera vasorum felleorum
in hepate vestigia clarius in-
notescant.*

FINITO jam vasorum eorum examine,
quæ foris extra hepar conspiciuntur;
superest, de iis quoque agamus, quæ in
ipsius parenchymate recondita sunt. Quo-
niam autem intus in obscuro latent, aite
aliqua opus est, qua dilucidius nobis in-
notescant. Neque ad hanc rem admini-
stratio qualiscunque Anatomica (modo
lucem aliquam afferat) mihi displicuerit.
Crediderim tamen tenebras hæc, ab ea,
quam Antiqui nobis prætulerunt, face, vix
satis dispelli posse: ac propterea, facta bre-
vidigressiuncula, duos hujus rei indagandæ
modos, veteribus Anatomicis haud cla-
re cognitos, aperiam.

Et primus quidem inquirendi modus, fit *Admī-
nistratio* syringis opera: quæ licet non magis huic *prima*
parti, quam aliis quoque plurimis detegen-
dis inserviat; tamen ob præclaram illius uti-
litatem, descriptionem ejus hic appingere
non gravabor.

Utebar primo quidem machinis vulga-
ribus; postea vero duo ab iis incommoda-
sum expertus. Nam si parvulæ obtigissent,
liquoris minorem, quam par erat, quanti-
tatem continebant: majores autem, ob

longitudinem, ac molem, haud dextre satis adhibebantur. Hæc itaque mala ut evitare, aliud syringis genus huic operi adaptabam: quod constabat,

*instru-
mentum
illi in
serviis.*


1. Fistula.

2. Vesica ei annexa.

3. Subere, cum adalligato filo, quo illud è fistulæ foramine evelli posset.

4. Funiculo, quo vesicæ ad libitum repletæ collum constringeretur.

Et ut verbo dicam, totus hic apparatus ei proxime accedit, quo enemata vulgo exhibentur: possitque adeo idem instrumentum hic quoque non male usurpari: nihilominus ut felicius res procedat, fistulæ hujus extremitas, in imo sui, uno solum foramine perforetur; sitque inflexa paululum; & in ipso apice, quam in reliquo ejus ductu, paulo crassior, ad styli exploratorii modum, ne è vinculo facile elabatur; fiantque etiam fistulæ hujusmodi complures variae magnitudinis, ut omne genus vas commodè inserviant.



Majus fistulæ orificium apto subere obturetur, idque syndone vel linteo involvatur.

tur, & superiore sui parte vinciatur robusto satis filo, longoque adeo ut pars ejus foris extra vesicam propendeat. Vesicæ quoque collum vinculo muniendum est.

Appropinquante jam usus tempore, fistulæ orificium majus subere occludendum est; ita tamen, ut arrepto postmodum filo facile evelli queat. Mox vesicæ, quanto opus fuerit, liquorem infundito; ejusdemque summitatem (quemadmodum in clystere instruendo fieri solet) arte constringito. Poterit is liquor esse, vel aqua calida simplex, vel lacti commixta, vel croco tincta, vel aliud quodcunque videbitur.

Præparato ad hanc normam instrumento, tenuiorem siphunculi partem, venæ, vel arteriæ, aut alii vasi (de quo periculum facere est animus) indito; deinde vasis istius orificium circa siphonem firmiter colligato; tum manu altera prehensa fistulæ summitate, altera suber extrahito. Postremo, vesica primum leviter, mox paulatim validius comprimenda est; donec liquor vasi ingestus fuerit partemque illam (cujus explorandæ causa, tanto molimine usus es) permeaverit; si modo transitus illac concedatur. Adeoque in hujusmodi administratione, observandum est,

1^o. Num liquor injectus partem pertranseat.

2^{do}. Per quodnam vas liquor ita transiens egeratur; & num per unum duntaxat,

*eodem
utendi
modo.*

*Quam
nam
sint ob-
servan-
da.*

an.

an autem per plura : simul etiam , quo discrimine id fiat.

3^o. Quamnam mutationem substantiæ partis , quam penetravit , imprelserit : & quantopere vasa distenderit.

4^o. Si liquor restitet : inquirendum , quousque pervadat , atque ubinam subsistat.

5^o. Num vasa effracta sint ; aut aliud quidpiam liquoris transitum impediat.

6^o. Quam late vasa distendantur , antequam liquor pertranseat , aut priusquam vasa rumpantur.

7^o. Fiat idem experimentum in aliis quoque vasis ejusdem partis ; & , quæ nunc diximus , denuo explora.

*Admi-
nistratio
altera.*

Alter vasa hepatis indagandi modus , huic parti præ cæteris omnibus maxime convenit ; nam in aliis haud feliciter adeo succedit. Dicitur autem hepatis *excarnatio* : quæ fit , dum vasa ejus , dempto parenchymate , dilucide ob oculos exponuntur.

*De
hum.
cor.
Fabr. l.
S. c. 4.
secundū
Spigelium,*

Doctissimus *Spigelius* duos modos proponit , quibus hepatis vasa à parenchymate liberentur. Prior hic est : *Faciet* , inquit , *excarne hepar* , si prius nonnihil in aqua coctum , eo usque donec caro mollitiem contraxerit , inde in vase aqua pleno sinistra manu submergat , & dextra interim cultello ligneo , aut lapideo , vel certe ferreo , non valde acuto , leviter fricat. Sic enim sensim caro separabitur ; & qua separata est , ab aqua subito elucitur.

Est.

Est autem hic modus (expertus loquor) *est man-*
 inelegans, incommodus, atque imperfe- *ca,*
 ctus. Quippe hoc pacto tumultuarie omnia
 agimus, & quasi in tenebris rem explican-
 dam aggredimur: fieri enim aliter non
 potest, quin vasa aliqua sedem propriam
 mutant, alia disrumpantur: & si quæ for-
 te integra permanserint, haud satis constat
 tamen, utrum locum suum naturalem ser-
 vent, an in diversum abierint. Adeoque
 necesse est, experimenta hoc modo in-
 stituta, obscura valde atque ambiguitatis
 plena sint.

Modum alterum sic explicat: *Est, in-* *Ejusdem*
 quit, & *alius modus non minus elegans, &* *modus*
facilior; si formicarum acervo impositum aliis
relinquatur, donec (quod brevi spatio fit)
exederint.

Fateor quidem, experimenti hujus fa- *etiam*
 ciendi nondum mihi obligisse copiam: *mutilus.*
 crediderim tamen, modum hunc haud
 magnopere ad hanc rem profuturum,
 etiamsi is forte aliquo modo inconcinniter
 præstari queat. Fac enim, hepar hoc pacto
 reconditum, animantium aviumque rapa-
 cium laniatus effugere; atque etiam for-
 micas hyberno tempore haud adeo torpi-
 das reddi, quin viscerationi huic interesse
 queant; neque hepar ab æstivo sole putre-
 dini tantopere obnoxium reddi, ut expe-
 rimenti frustretur certitudinem; fatendum
 est tamen, opus hoc variis modis incom-
 mode procedere; nempe hyeme, à nive,
 pruina,

pruina, ac gelu obrigescere; mox vero obortis pluviis regelascere, & flaccidum fieri: æstate autem exteriora ejus indurari atque exarescere, priusquam interiora à formicis comesta sint, adeoque forsan harum morsus evitare. Præterea, metuumdum est, ne exiles tenerasque vasorum partes, non minus quam parenchyma, depascantur; unde negotium saltem imperfectum nobis relinquatur. Sunt enim nonnulla hepatis vasa æque (& fortasse amplius) tenera, atque externa ipsius tunica: in quem censum veniunt rami venæ cavæ, majores quoque ramuli & capillamenta venæ Portæ, ejusdemque capsulæ sive integumenti communis. Quis spondet igitur, eas, neglectis vasis, parenchyma solum abrosuras? Concedit sane experimentum, de quo agimus, exteriorem hepatis tunicam à formicis absumi: quomodo enim aliter ad ipsum parenchyma perveniant, aut vasa oculis nostris nuda exponant? quod in *excarnatione* est prorsus necessarium. Quapropter, cum tunicam hanc devorent, causam profecto nullam video, cur & teneriores vasorum partes non simul abliguriant: præsertim cum vasa hæc (uti verisimile est) delicatiora sint, quam vel parenchyma, vel ipsius involucrum; saltem humecta magis sunt, utpote ab illo cooperta.

Verum esto, nihil hujusmodi contingat:
attamen

attamen vasa omnia præ ariditate, marcore, ac duritie corrugabuntur; nec quidquam manifesti inde constabit, unde observationis alicujus certitudinem elicere queas.

Quare missis his indagandi modis, addam tertium, à me sæpe institutum, usu-
Admi- nistratio nostra.
que comprobatum. Annus jam agitur duodecimus, postquam cum in Collegio Medicorum Londinensium publice proposui: ex quo tempore complures tum Medici tum Chirurgi eundem sequuti sunt. Fit autem hoc pacto:

Hepar primo horam minimum integram percoquendum est; deinde abjecta aqua, quamprimum satis intepuerit, ut tractari commodè possit, bacilla in eum usum parata (quæ nempe haud mucronata sint, sed lato cuspide in aciem desinant) adhibenda sunt; iisque parenchyma à vasis avellendum ac deruncinandum est, summa cura habita, ne quæ vasa abrum pantur: ac propterea ociose ac pedetentim opus aggredi oportet. Quod si hepar interea siccescat, & induretur, licebit subinde aquæ immergere, pensumque de novo redintegrare.

At enim, inquis, negotium nobis laboris ac fastidii plenum narras. Ita quidem est, si modo tam accurate omnia moliri velis, ut ne minima quidem vasorum capillamenta uspiam desiderentur: sin vero detecta alicubi, explicataque dili-
genter.

genter vasorum capillarium distributione, de iisdem alibi minus sollicitus esse velis, operæ sanæ tuæ plurimum consulueris. Utcunque, tædium huiusmodi accuratio-
ris disquisitionis commodo abunde com-
pensatur. Fieri enim vix potest, ut quis-
quam ad dilucidam certamque vasorum
horum notitiam pertingat, nisi illa prius à
parenchymate suo liberaverit. Atque hinc
factum arbitror, quod Anatomici olim,
licet summo iudicio, cura, ac diligentia
rem hanc aggressi sint, vasorum tamen
horum descriptionem nobis imperfectam
mutilamque reliquerint. Mirabar equi-
dem, cum primum vasa hepatis aperte de-
tegerem, Antiquos tantopere hac in re
hallucinatos fuisse, cogitanti vero postea,
modum hunc, quo vasa isthæc mihi inno-
tuerant, ipsos latuisse; desuit subito admi-
ratio.

Atque de duobus modis, quibus vasa
hepatis indagari queant, jam egimus:
reliquum est, ut ipsorum vasorum descri-
ptioni accingamur.

C A P. XXII.

*Summa eorum, quæ de interna hepa-
tis figura dicenda restant.*

SUPEREST, de principali internæ hepatis
figuræ parte dicamus: nempe de figura paren-

parenchymatis interna, vasorumque ejus textura agendum est.

Parenchyma haud aliam figuram internam sortitum est; præter eam, quam vasorum ejus vestigia induxerunt: quemadmodum figura sigilli ceræ imprimitur. Ideoque quas vasorum ab hepatis carne liberatorum ramificationes cernimus, easdem quoque elegantes figuras in ipso parenchymate, dum integrum est, exsculpi credendum est. Quilibet enim horum vasorum ramulus adæquatam sibi in parenchymate cavitatem nactus est: ac propterea, cognita semel eorum figura, de hujus pariter descriptione haud ultra laborabimus, cum sibi invicem respondeant. Id itaque solum annitendum est, ut de vasorum ipsorum descriptione nobis certo constet: quippe ad eorum normam, parenchymatis figuratio reducenda est. Aliter enim cum sit corpus simile, non est quod figuram aliquam internam propriam in eodem expectemus.

Vasa hepatis sunt septem numero: scilicet

- Rami {
1. Venæ Portæ.
 2. Venæ cavæ.
 3. Vesicæ felleæ, & pori bilarii.
 4. Capsula Portæ, & pori bilarii.
 5. Arteria hepatica.
 6. Nervus hepaticus.
 7. Lymphæ ductus hepatici.

Quibus addere licet eam venæ umbilicæ

Quomodo figura parenchymatis interna dignoscatur.

Hepatis vasa,

calis in hepate partem, quæ in ligamentum degeneravit: ut & canalem venosum, qui in Embryone quidem talis reperitur, postea vero in ligamentum transit, cuique pars suspensorii præcipua annexitur.

quo ordine
tractanda
veniant.

Horum vasorum primum, secundum, & tertium, præ cæteris, officio hepatis inserviunt; ideoque descriptioni eorum diutius immorandum est: quartum ad hepar unice pertinet, nec alii cuiquam parti communis est, ac propterea hic diligenter pleneque explicari debet. Quintum, sextum, & septimum (utpote vasa hepaticum aliis partibus communia, adeoque minoris momenti) paucioribus expediam.

Habent præterea priora hæc tria vasa rationes quasdam communes, quibus inter se conveniant; & differentias quoque aliquot peculiares, quibus ad invicem discrepent. De utrisque primum agam, antequam particulares eorum descriptiones aggrediar. Ut verbo dicam; hunc mihi ordinem proposui: describam. 1°. Trium priorum vasorum communitates. 2°. Eorum inter se discrimina. 3°. Eorundem, & reliquorum etiam vasorum per hepar distributiones. 4°. Connexiones eorum. 5°. Illorum actiones, & usus.

CAP. XXIII.

*Rationes quadam communes, quibus
vena cava, vena Portæ, & porus
biliaris inter se conveniunt.*

I. **C**ONVENIUNT primo in eo, quod tria *Com-
muni-
tas pri-
ma,*
hæc vasorum genera sint canales
sive tubuli, in eumque finem extructi, ut
aliquid vel ad hepar afferant, vel ab eo-
dem exportent: quodque præcipue eo-
rum usus ibi quærendus sit, ubi in hepate
terminantur; nempe ubi onus vel susci-
piunt, vel deponunt.

Prima hujus propositionis pars sensui
manifesta est: sunt enim omnium horum
vasorum cavitates plane conspicuæ, non
solum in ramis majoribus, sed etiam in mi-
noribus eorum ramusculis; nec merito du-
bitari potest, quin idem quoque in mini-
mis capillaribus eveniat: quoniam ejus-
dem ubique cum illis texturæ sunt, & ma-
gnitudinis duntaxat ratione discrepant.
Quinetiam syringis usus huic veritati suffra-
gatur.

Pars hujus propositionis altera, prio-
rem necessario sequitur: neque enim fas
est credere, vasa hæc in nullum finem
fuisse excavata; ac propterea necesse est,
aliquid vel ad hepar apportent, vel ex eo-
dem efferant.

Tertia similiter propositionis pars subse-
quitur secundam. Concesso enim vasa hæc
defe-

deferendis humoribus destinata esse, eoque vel in hepar ingerere, vel ex eodem educere; oportet sane præcipue eorum usus ibi constet, ubi onus suum vel accipiunt, vel relinquunt. Quippe vas quodlibet (dummodo secundum naturæ legem omnia sese habuerint) humorem quempiam adferens, parti illi (cui adfertur) aliquid utile, & quo antea carebat, imperat: ideoque parti ei immediate inservit, in quam se exonerat; nam illi soli immediate vestigale est. Similiter & vas, quod ex naturæ instituto aliquid aufert, credendum est asportare rem superfluum; adeoque parti, cui adimitur, officiose consulere.

Jam vero vasa omnia, ibi loci onus suum vel suscipiunt, vel deponunt, ubi terminantur. Quippe extremitatibus suis duntaxat, non autem à latere, quicquam vel ingerunt, vel egerunt. In sanguinis circuitu, arteriæ omnes per capillares oras suas sese exonerant, nullibi autem per latera sanguinem effundunt: similiterque venæ omnes implentur. Enimvero latera earum certo naturæ consilio undiquaque occlusa sunt, membranisque ejusmodi constant, quarum robore inflatus aër ad extimas oras necessario deducatur, non autem medio itinere huc illucve effluat, nisi forte alicubi incisæ aut ruptæ fuerint. Idque etiam in vivorum dissectionibus perspicuum est; ubi nec arteria magna,
nec

nec vena cava, neque vena Portæ (etiā-
si, aperto ad eam rem abdomine, facile
manibus attrectari comprimique possint)
quidpiam sanguinis effundunt, aut gutta-
tim exsillant. Quapropter concluden-
dum est, vasa usum suum præcipuum illic
obtinere, ubi desinunt: atque æquum esse,
ut nomina quoque ab iisdem partibus sor-
tiantur; utpote ad quas jure pertineant, ea-
rumque famulatio adstrictæ sint.

Est quidem verissimum: vasa sæpe loca
ea pertransire, in quibus minime termi-
nentur: non tamen iis partibus: quas præ-
terlabuntur, inserviunt; sed iis solum in
quas desinunt. Ita nempe œsophagus tho-
racem transineat, licet nullo officio in eo
fungatur, sed illius solum munus sit, ven-
triculo (in quem terminatur) famulari.
Ad eundem modum, ureteres superne in
renibus terminantur, quibus etiam inservi-
viunt; & inferne in vesicæ cavum desi-
nunt, cui itidem operam suam præstant:
medio autem intervallo, nulli parti ex usu
sunt. Similiter ramus splenicus, sive ve-
nosus, sive arteriosus, pancreas pertran-
sit; sed præcipue in lienem desinit, cui
etiā potissimum famulatur. Et quamvis
dici possit, aliis quoque partibus medio
itinere inservire; ubicunque tamen id sit,
ramulos in easdem partes emittit, qui ibi-
dem terminentur: absque illis enim si fo-
ret, nihil prorsus ipsis conducere.

Quamobrem ea vasa huic vel illi parti

M

pro-

proprie servire dicuntur, quæ in eandem desinunt. Nam si quæstio instituat, pluresne an pauciores venæ aut arteriæ ad hanc illamve partem pertineant? recta hanc rem æstimandi ratio, non ab iis venis sive arteriis petenda est, quæ partem alterutram præterlabuntur aut pertranseunt; sed ab illis solum, quæ in iisdem terminantur: quippe istæ solæ ad partes illas proprie spectant.

Et propterea, si dicamus, lienem majoribus arteriis gaudere quam hepar: id certe volumus, majores arterias ad lienem distribui, in eoque terminari, quam in hepate; uti revera fit. Si porro proportionem sive magnitudinem partium adjungamus, quarum vasa inter se conferuntur; debet tamen semper comparatio isthæc intelligi de iis vasis solum, quæ in partibus illis ad invicem collatis terminantur. Veluti si dicamus, lienem ampliores arterias sortitum esse, quam partem ullam musculosæ carnis magnitudine ipsi cœqualem; ut de veritate hujus reicertiores simus, haud plus vasis in partem utramlibet distributi in comparisonem afferendum est, quam quod capillaribus ramusculis in eadem absorbitur. Aliter enim vas amplius, quam oporteat, illi assignabimus: nemini enim ignotum est, venas atque arterias sæpe per unum aliquem musculum in alium transire; nihil tamen venæ hujus, sive arteriæ, parti (quam hoc modo pertran-

transit) attribui debet, præterquam id, quod in eadem terminatur. Ideoque, si primarium vasorum horum in hepate usum expiscari est animus, ultimos eorum fines, quibus in hepate terminantur, indagare oportet: hinc enim præcipuæ illorum actiones atque usus eliciendi sunt.

II. Secunda communitas, qua vasa hæc *secunda* inter se conveniunt, in eo sita est, quod ea *da*, omnia ibi ampliora reperiantur, ubi vel ingrediuntur, hepar, vel ex eodem egrediuntur; in ipso autem hepate continue in minora dividantur, donec tandem in vasa capillaria desinant, quæ in parenchymate ejus terminentur. Adeoque pars quælibet horum vasorum ipsi hepati peculiaris est, neque aliqua illud pertransit, ut vicinæ cuiquam parti inserviat. Propositio hæc in excarnatione hepatis ad oculum liquet, nec probatione ulteriore opus habet.

III. Vasa hæc porro in eo *consentiunt*, quod eorum quodlibet ramusculos capillares in unamquamque parenchymatis partem distribuat. Nullam scilicet hepatis partem, quæ sit alicujus momenti, reperias, ad quam venæ cavæ, Portæ, atque pori bilarii capillaria vasa non pertingant.

Veteres quidem Anatomici (quod optimum excarnandi hepatis modum nescirent, quo sine propositio hæc minus certo cognoscitur) putarunt, venam Portæ

nequaquam ad gibbum hepatis pertendere, venamque cavam citra illius sinum terminari. Errorem autem hunc inde profectum arbitror, quod majores Portæ rami sinum hepatis perreptent, similiterque venæ cavæ rami ampliores per gibbum ejus distribuuntur. Nesciebant vero capillaria horum vasa postea ad omnes hepatis partes disseminari.

Enimvero, si quis hepati carnem ademerit, videbit tum venæ Portæ, tum etiam pori bilarii filamenta capillaria ad supremam gibbi ejus partem, totamque illius circumferentiam pertingere; pariterque venam cavam omnes fini hepatis partes perreptare. Quapropter assero, omnium horum vasorum, cujuscunque demum generis fuerint, ramulos capillares in quolibet parenchymatis partes distribui.

quarta,

IV. Quarta horum vasorum communitas, utranque jam postremo dictam ulterius confirmat: quippe haud solum omnis generis vasa capillares suos ramulos ad quamlibet hepatis partem emittunt, verum id faciunt *æqualiter*. Nempe vasa fellea, vena Portæ, atque cava, ramulos suos capillares æqualiter ad quamcunque parenchymatis hujus partem dispergunt.

Communitas hæc tum re ipsa, tum ratione etiam manifeste liquet. Nam in excarnando hepate facile videre est, ramum cujusque vasis majorem, majori quoque hepa-

hepatis parti peræqua proportionē inservire : similiterque majorem quemlibet ramum in plura capillaria vasa proportionaliter distribui. Adeo ut duplex proportio sit ad cujuslibet rami magnitudinem : altera quinem inter amplitudinem rami, & parenchymatis, cui inservit ; altera vero inter ejusdem rami magnitudinem, & capillarium illius numerum. Quoniam igitur, cum parenchymatis magnitudo, tum capillarium numerus, ejusdem vasis amplitudini proportionē respondent ; necesse est, & illa quoque proportionē inter se congruant, adeoque major parenchymatis pars, majorem capillarium numerum in se recipiat, & minor minorem. Quæ enim tertio alicui proportionē respondent, illa quoque eodem pacto inter se conveniunt.

At vero numerus capillarium vix à nobis dignosci potest ; quoniam exiles admodum, valdeque numerosæ sunt, & à parenchymate suo ægre separabiles. Facior equidem, parvitatem atque multitudinem horum capillarium pensiculate justaque trutina æstimari non posse : possunt tamen summam, atque uno intuitu. Nam quemadmodum in duobus arenæ acervis (ubi omnes arenulæ paris magnitudinis conspiciuntur) majorem cumulum plures in se arenas complecti judicamus ; idque plusminusve, prout alter alterum amplitudine excesserit : ita

pariter, quoniam vasa capillaria perinde hic atque illic exilia sibi que invicem propinqua apparent, existimandum est, eadem pro mole sua plura aut pauciora existere. Nam id solum volumus, partes hæc (quantum oculis judicare licet) proportionem ea inter se gaudere, quam jam diximus. Quod difficultatem illam attinet, quæ vasa capillaria à parenchymate suo liberantur, ei malo duobus duntaxat auxiliis mederi queas: nempe, ut & majore diligentia, spatioque temporis longiore rem aggrediaris; & pro capillaribus, quæ forte in excarnando hepate dilacerantur, aliquid compuri tui calci adjicias.

Id porro in instituenda horum vasorum proportionem notandum est, debere vasa quælibet cum aliis sui generis vasis comparari; puta ramos venæ Portæ, cum aliis ramis: idemque de venæ cavæ, porique bilarii ramis dictum puta. Cæteroquin enim facile nos expectata horum vasorum proportio fefellerit. Quippe rami fellei minores multo sunt, quam vel venæ cavæ vel Portæ rami, licet cum his ad eandem hepatis partem distribuantur.

Postremo, animadvertendum est, ramos bilarios haud eandem magnitudinis proportionem servare cum parenchymatis parte ea cui inserviunt, quam venæ Portæ atque cavæ ramos observare diximus. Nam si Portæ aut cavæ ramus aliquis, hu-
jus

jus vel illius hiatus sive cavitatis, parenchymatis unciae ministrandæ satis sit; alius duplæ cavitatis, duabus illius unciis suffecerit. In ramis autem felleis, aliter se res habet; hic enim vas duplæ magnitudinis, quadruplo minimum parenchymatis inservit. Atque hujus rei rationem paulo inferius explicabimus: hoc nunc solum dicimus, esse aliqualem proportionem inter ramos felleos, eorumque vasa capillaria; atque etiam inter hæc, & partem eam parenchymatis cui administrant: licetque haud eadem sit cum illa, quæ venæ Portæ atque cavæ ramis obtrigit, proportionem tamen aliquam inter eorum capillaria vasa, & parenchyma hepatis explicat, in qua communitas jam dicta consistit.

Porro communitas hæc ratione etiam confirmatur. Quoniam enim parenchyma hepatis, ubique ejusdem similis substantiæ est; oportet sane, ut in omni sui parte iisdem quoque qualitatibus sive facultatibus præditum sit, easdemque actiones atque usus obtinet; atque adeo iisdem quoque vasis perinde hic atque illis opus erat. Nempe, si una aliqua parenchymatis pars tribus vasorum generibus indigebat, & reliquæ etiam omnes totidem necessario desiderabant. Nulla enim ratio reddi potest, cur in corpore similari, una aliqua ejus pars, præ cæteris omnibus, tria vasorum genera requirat. Præterea,

cum corpus simile sit uniformis substantiæ, virtutisque paris; necessario etiam proportionem æqualem uniuscujusque horum vasorum generis exiget, ut tum substantiæ uniformitati: tum virtutis æqualitati respondeant. Ideoque necesse est, quorumlibet horum vasorum extrema capillaria (quæ sola parenchymati immediate inserviunt) æqualiter distribuantur, inque omnes ejus partes terminentur: quod hic probandum susceperamus.

Spigelius certe animadvertit, parenchyma solidius esse in cavo hepatis, quam in gibbo. Id tamen de ipso hepatis parenchymate minime intelligendum venit, sed de partibus ipsi adjunctis: eoque sensu *Spigelii* sententiam libenter amplectimur. Sin vero ipsum hepatis parenchyma aliter in cavo, quàm in gibbo, sese habere intellexerit, nos sane diversum ab eo sentimus. Fatemur quidem, cavum hepatis concrete sumptum (nempe una cum vasis in eo reconditis) firmitus atque solidius, quam ipsius gibbum reperiri: idque duabus de causis. 1^o. Quia rami majores venæ Portæ, pori bilarii, & capsulæ communis, ibi sedem habent. 2^{do}. Quia jam dicta vasa omnia, in cavo hepatis complures de se ramulos in membranam ambientem emittunt, qui eidem inseparabiliter annectuntur; horumque vascula capillaria mox versus cavum regrediuntur, ut parenchymati ibidem inserviant:

viānt : indeque fit , ut membranæ pars inferior plurimum roboris acquirat , ipsumque parenchyma à recurrentibus vasis tan-
topere implicitum sit , ut difficulter ad-
modum excarnari possit : quodj fortasse
Spigelio imposuit. Hinc etiam hepar , in
cavo sui , injuriis perferendis magis ido-
neum redditur ; ubi etiam , quam in gib-
bo , iisdem magis erat obnoxium. Nemo
tamen propterea evicerit , inæqualitatem
aliquam in ipso parenchymate reperiri :
neque sane ejusmodi mihi , licet in excar-
nando hepate diligenter indaganti , uspiam
occurrit.

In hepatis quidem obstructionibus (quæ
sæpius in cava illius parte , quam in gibba ,
eveniunt) nonnihil discriminis inveni,
apparuitque parenchyma illic paulo du-
rius. Id autem oppilationis solum causa
evenit ; siquidem in juvenilibus sanisque
jecinoribus , rarissime differentiam hujus-
modi deprehendi ; verum in senibus , &
sub finem hyemis ea crebrius contingit.
Quinetiam in eorundem jecinorum cavo ;
partes nonnullas , ab obstructione liberas ,
non minus teneras , quam in ipsorum gib-
bo reperias : claro indicio , quicquid est
in iis discriminis , id solum ab oppilatione
proficisci. Qui fit autem , inquis , ut sima
hepatis pars , potius quam gibba , obstru-
ctionibus obnoxia sit ? Nimirum , quia
crassior magisque obstruens materia ad
illam proclivius fertur.

Est etiam alia, in æstimanda diversarum parenchymatis hujus partium duritie aut teneritudine, errandi occasio. Nempe partes illæ, quas primum aggredimur, teneriores apparent, utpote minus siccæ: & quæ diu extra aquam fuere, duriores videbuntur, nisi identidem in illam denuo immergantur.

quinta,

V. Superest adhuc inter hæc vasa communitas quinta: nimirum, quod proportio quædam intercedat inter quemlibet eorum truncum, & ramos in quos immediate distribuitur; similiter inter singulos ramos, atque eorum ramulos; porro inter unumquemque ramulum, & ipsius vasa capillaria; denique inter quodlibet vas capillare, & partem illam parenchymatis, cui famulatur. Itaque omnia simul capillaria, paria sunt toti parenchymati; omnes ramuli, suis capillaribus; omnes rami, ramusculis omnibus; totusque truncus (ubi unus solum adest; vel omnes trunci, ubi plures reperiuntur) omnibus suis ramis; adeoque totus truncus, toti parenchymati peræqua proportionem responder.

Est tamen in proportionis hujus modo inter vasa biliaria, atque illa venæ Portæ & cavæ, discrimen aliquod: cujus rei jam supra minimus, & nunc uberius paulo de eadem dicendum est.

Truncus venæ Portæ, ubi primum hepatis ingreditur, tubi capacitate quinque ramis suis æqualis est; parique sanguinis copiam

copiæ inferendæ habilis est, quantam omnes illi rami distribuere queant. Similiter, quilibet ramus, canalisi sui ratione, par est omnibus suis ramulis in quos dividitur; & quilibet ramulus; suis capillaribus; singulaque capillaria, ei parenchymatis portioni cui operam navant. Adeoque totum parenchyma tantundem sanguinis in se recipere, atque aliorum effundere potest; quantum vel vena Portæ; vel omnes ejus propagines illuc afferre queant.

Ex dictis constat, proportionem inter quodcunque hujus generis vas, & minora vasa quæ immediate ex eo proveniunt, in ductuum eorum æqualitate consistere. Ac vero, licet inter pori bilarii truncum ejusque ramos proportio aliqua reperiat, non tamen in eadem illa æqualitate fundatur.

Rami venæ cavæ eandem fere cum ramulis & capillaribus suis proportionem obtinent, quam venæ Portæ contigisse diximus. Quippe eorum vasa omnia capillaria tantundem sanguinis auferre queunt, quantum per totum parenchyma transmitti potest; atque adeo omnibus venæ Portæ capillaribus ad amussim respondent; posita ubique inter eorundem extremitates debita justaque parenchymatis proportionem. Porro omnes ramuli tantopere hiant, ut quicquid à capillaribus affunditur, id in proximos ramos commode

deferant: hique etiam illis simili ductuum æqualitate respondent. Ut ubique eadem proportio adsit, quam in venæ Portæ ejusque ramificationibus observavimus. Id solum interest, quod rami venæ cavæ, priusquam ex hepate egrediuntur, in unum truncum (instar ramorum venæ Portæ) minime coalescant: cæterum, si quis trunci venæ Portæ amplitudinem, cum ramorum venæ cavæ osculis omnibus comparaverit (subductus interea minutis quibusdam valvulis iisdem præfixis, quarum præsentia ipsa vasorum ora quarta sui parte angustiora, quam revera sunt, apparent) admirabilem æqualitatis proportionem inter eosdem reperiet; qualem etiam, excarnato hepate, inter omnes ipsorum ramos adesse cernimus.

Vena autem Portæ, inquis, tantum sanguinis apportat, quantum à vena cava & poro bilario simul effertur; deberetque adeo utrolibet horum amplius patescere. Respondeo, sanguinem à sola vena cava ablatum, quadragies saltem humorem felleum à poro bilario egestum quantitate superare; & consequenter vasa fellea quadragesima duntaxat oneris sui parte cavam levare; quod juvamen vix est perceptibile; imo vero nullum, si modo tecum cogites, majorem copiam sanguinis, quam est bilis per vasa fellea exhaustæ, in venam cavam transire, quæ tamen per venam Portæ nequaquam advenerit.

puta.

puta sanguinem ex arteria hepatica affluentem. Ideoque non invitus concesseris, omnes simul venæ cavæ ramos, cum ipsa vena Portæ, hujusque ramis omnibus, æquali cavitatis amplitudine extructos esse.

Vasa vero fellea haud eandem exquisite proportionem obrinent: quippe diviso jam in ramos poro bilario, rami illi conjunctim spectati, communis trunci amplitudinem excedunt: idque ad hunc modum continue fit, donec ad ultima capillaria perventum sit. Quod ea forsitan ratione contigit, quia, ex naturæ lege, bilis complusculum in hepate semper recondi debuit: inque cum finem, insertio ductus communis plerunque clauditur, & naturaliter occludi amat: cum vero interdum hifcit, non debet omnis bilis confertim egredi, sed paululum ejus duntaxat, quantum nempe ipsis vasis est oneri. Ac propterea haud par erat, ut trunci bilarii amplitudo, omnium ramorum suorum, capacitati æquaretur; aut rami quilibet, omnibus suis ramulis; vel hi etiam, capillaribus suis omnibus pares essent. Nam si canales isti ad invicem comparati, æqualis proportionis essent: quidni, obsecro, quotiescunque obliqua insertio reseratur, omnia isthæc vasa (saltem minora & capillaria) planissime exhauriuntur? At vero, posito jam, majora vasa angustiora esse, quam ut humoris parem quantita-

tem cum omnibus minoribus vasis, in quæ distribuuntur, comprehendant; necesse est bilem, ab his copiose suppeditatam, tardius amoliantur: adeoque semper nonnihil hujus humoris in hepate supererit; quod etiam Naturæ instituto erat consentaneum.

Præterea, manifestum est, truncum pori bilarii, si cum innumeris suis ramis, ramulis, atque capillaribus conferatur, exilem admodum esse: namque haud paucioribus capillaribus, quam ipsa vena Portæ, donatur; magnitudo autem ejus, vix decimam hujus amplitudinis partem adæquat. Idque inde plane constat, quod vena Portæ & porus bilarius, postquam semel hepar ingressi sunt, semper pari passu, usque ad ultima capillaria, sese invicem comitentur: debetque adeo horum numerus esse æqualis: quanto autem discrimine trunci eorum inter se differant, id oculorum judicio facile innotescit. Concesso itaque, truncum pori bilarii communem, cavitatis ratione, trunco venæ Portæ decuplo minorem esse, & tamen pari capillarium numero gaudere; necesse sane foret, quælibet etiam ejus capillaria decuplo minora esse, capillaribus venæ Portæ: quod tamen nemo, opinor, concesserit: siquidem vasa ad tam per tenuem exilitatem deducta, nulli usui forent. Est enim venæ Portæ vasis capillaris cavitas fere oculis imperceptibilis; decuplo igitur mi-

nor capacitas , cui commodo inserviat ?
Ac propterea Natura , ut inutilem ejus-
modi exilitatem evitaret , ramos omnes si-
mul sumptos , trunci eorum communis
amplitudine majores extruxit ; & simili-
ter , ramulos omnes suis ramis paulo capa-
ciores ; denique , ad eundem modum vasa
omnia capillaria ramulis suis propriis am-
pliora condidit. Eoque pacto , quælibet
ejus capillaria , tum humor admittendo ,
tum officio suo perfungendo idonea
sunt.

Crediderit forte aliquis , hanc ductuum
inæqualitatem in trunco ramisque vaso-
rum felleorum , eorundem cum aliis duo-
bus vasis communitatem evertere : quod
revera non fit ; nam in hac communitate
aliqualem duntaxat proportionem inter
tria illa vasa eorumque ramos , &c. asserui :
non autem dixi , eandem omnino propor-
tionem inter tria illa genera reperiri ; sed
solum inter venam Portæ , & cavam ; in
vasis autem felleis , discrimen jam dictum
occurrere. Et tamen licet horum vaso-
rum trunci , ramis , ramulis , & capillari-
bus , in quæ usque dirimuntur , inæqua-
les sint ; est tamen in ulteriore semper
divisione inæqualitas proportionata , quæ
communitati modo dictæ stabiliendæ suf-
fecerit.

Ductus tamen communis , inquis , duo-
bus suis ramis , nempe meatui hepatico &
cystico , æqualis cernitur. Respondeo :

Non.

Non est hæc divisio hujus loci, cum extra hepar contingat: debuitque necessario à reliquis in hepate divisionibus discrepare, ut repentinis vesiculæ felleæ inundationibus atque effluviis prompte succurreret. Quoniam enim vesicula hæc, promptuarium istius humoris multo amplius est, quam ullum in ipso hepate reperias, majorem quoque canalem necessario requirebat, per quem humorem hoc pacto congestum forasque properantem facile evomeret.

C A P. XXIV.

Differentiæ, quibus, in excarnando hepate, vasa ejus primo intuitu ab invicem distinguantur.

*Utilis
est ho-
rum va-
sorum
discrimi-
natio.*

EXcarnationem hepatis molienti, vasa capillaria ramulique omnis generis primum occurrunt; quos nisi detur primo statim intuitu ab invicem discernere, vix multarum hic à nobis traditarum observationum judices erimus idonei: ideoque operæ fuerit pretium, discrimina eorum manifestiora proponere, ut ita genus illorum quodlibet, quamprimum in conspectum venerit, clare innotescat.

1^o. Rami venæ Portæ rubicundiores paulo, simulque colore nubilo obscuroque magis, quam rami venæ cavæ, conspiciuntur. Habent etiam tunicam duplicem;
pro-

propriam nempe , atque aliam à capsula communi mutuata : indeque crassiores, fortioresque evadunt , atque ad arteriæ naturam propius accedunt. Quinetiam tubulus sive canalis eorum minor est, quam ramorum venæ cavæ, licet exteriori ambitu utrique pares sint.

2^{do} Venæ cavæ rami , ramuli, & vasa capillaria , singulari duntaxat tunica induuntur : sunt etiam candidiores , tenuiores , magisque pellucidi ; amplioris quoque (pro proportionem) cavitatis, ut jam diximus, quam rami venæ Portæ. Sequitur nimirum hæc canalis eorum amplitudo, tunicarum tenuitatem : ubi enim duo vasa pari exterius magnitudine fuerint, quod tenuiore tunica donatur, necesse est cavitatem intus ampliore obtineat.

3^o. Vasorum felleorum rami, ramusculi, & capillaria vasa , ex pallido fuscoque flavescunt : tunica etiam eorum , quam cavæ, multo crassior est ; imo vero utramque venæ Portæ tunicam crassitudine excedit. Ambitus illorum longe minor est, quam ramorum venæ Portæ, quibus associantur. Similiter & canalis eorum multo angustior est, quam vel venæ cavæ, vel portæ; imo sane (ob tunicarum crassitiem) ratione propriæ circumferentiæ, valde exilis est. Sicubi vas aliquod hujus generis obstructum reperiatis, videbis id plurimum supra Naturæ modum dilatari : sæpe

sæpe etiam cavitas supra oppilatum locum valde ampliatur, adeo ut pustulæ sive vesiculæ aquosæ speciem præ se ferat. Contingunt autem maxime obstructions hujusmodi in brutorum animalium jecinoribus sub finem hyemis; eodemque tempore etiam lapidosi tubuli sæpe vasa fellea inferciunt: suntque hi tubuli, ejusdem similis substantiæ cum lapillis istis, qui in vesicula fellea reperiuntur.

4^{to}. Obversa parte illa (cujus dignoscendæ tum satagis) ad lumen Solis; si duo vasa occurrerint, in una eademque capsula sese invicem comitantia, simulque porro (ceu indivulsi socii) in minores ramulos divisa, nunquam autem sese mutuo decussantia; certum est, alterum venæ Portæ, alterum vasorum felleorum esse propaginem. Sin autem vasa quomodocunque decussatim posita videris; non est dubium, quin illud ad venam cavam, hoc ad venam Portæ spectet.

5^{to}. Si ramulus, quo propius ad posticam hepatis partem (ubi vena cava ei conjungitur) pervenerit, eo quoque major continue evaserit; scias, eundem ad venam cavam pertinere. Et similiter, si versus sinum hepatis, ejusque centrum præsertim, perpetuo increverit; venæ Portæ sobolem esse intelligas: quippe illic truncus ejus hepar ingreditur, ramosque suos postea quoquo versum diffundit,

6^{to}. Si vasorum horum genus aliquod,
duplo

duplo plures ramulos, vasaque capillaria, quam alterum, habere videatur; certo scias, vas pluribus ramulis donatum, ad venam Portæ attinere; alterum vero paucioribus præditum, ad venam cavam referendum esse. Non quidem, quod vena Portæ revera duplo pluribus ramulis vasisque capillaribus, quam cava, gaudeat; sed quia hujus minores ramuli & capillaria vasa, tenera adeo sunt, ut plerunque in excarnando hepate abrumphantur, ac propterea pauciores multo, quam re ipsa sunt, appareant.

Spigelius asserit, plures ramos venæ Portæ, quam cavæ, per hepatis substantiam dispergi. Idque mihi etiam, cum primum excarnandis jecinoribus operam dabam, ita visum est: postea vero re accuratius inspecta, facile errorem meum, duplicemque ejus causam deprehendi; quæ fortassis & *Spigelio* quoque errandi ansam præbuit. 1. Quod minores venæ cavæ ramuli & vasa capillaria (uti diximus) inter excarnandum hepar, avellantur. 2. Quod venæ Portæ capsula communis, & porus bilarius, Portæ ita conjungantur, quasi unicum vas forent: Indeque factum est, ut ipsa vena Portæ major, quam revera est, haberetur. Adeoque concessis venæ cavæ teneris illis abruptis vasculis, demptisque à Portæ amplitudine capsula communi, atque poro bilario; tam vicina certe inter illa vasa proportio exurget, ut dictum haud.

haud facile sit , quodnam eorum altero majus sit , aut pluribus vasis capillaribus donetur.

Possent & aliæ forsitan horum vasorum differentia assignari ; nempe à variis eorundem mixturis atque temperamentis. Sunt autem ejusmodi discrimina obscura adeo atque incerta , ut parum admodum lucis ab iisdem ad hanc rem expectandum sit ; ideoque data opera negleximus.

Postremo , vasorum horum distributiones variæ , diversæ origines , metæque contrariæ ad quas tendunt , eadem facile inter se discriminant. Quoniam tamen distributiones eorum titulum peculiarem postulant , iisque reliquæ ambæ affines sunt ; tractationem earum omnium ad proximum caput distulimus.

C A P. XXV.

De vasorum horum in hepate distributione : & primum de illa vena Porta.

DE venarum origine , jam olim inter *Galenicos & Peripateticos* animose acriterque disceptatum est : dum illi hepatis , hi vero cor principium earum *διαιρέσεως* sive distributionis constituunt. Quæstio isthæc quidem aliquatenus ad rem præ-

præsertim attinet : de eadem tamen impræsentiarum nihil dicam ; quoniam determinatio ejus , actiones simul atque usus hepatis includit ; ideoque postea , ubi de his egerimus , de illa quoque videbimus. Id nunc solum inquiram , ubi nam nempe venarum distributiones necessario exordientiæ sint ?

Vasa omnia in longum producta , duos *Unde*
minimum terminos sortita sunt : sin autem *nam va-*
in ramos desinant ; extrema illa , quæ in *forum*
divisis eorum truncis opponuntur , sunt *in hepa-*
multiplicia. Vasorum itaque talium di *te di-*
stributiones delineaturum , necessario *stribu-*
oportet vel à pluribus eorum extremis , vel *tio or-*
ab indivisis truncis auspicari. *dienda*
sit.

Vasa hæc haud male flumini compara-
veris ; nam & canales cavi sunt , & humo-
rem fluidum in se continent , similiterque
etiam divaricantur. Cuicumque autem
flumen aliquod describere est animus ,
necesse est vel ab ostio ejus ordiatur , sur-
sumque ad caput amnis ascendat ; vel ini-
tio facto à variis illius scaturiginibus , se-
cundo flumini ad mare usque pertendat.
Qui terras noviter repertas descriptum
eunt , flumina fere ea facie nobis delineant ,
qua ipsis inventoribus primum innotue-
rant , nempe dum adverso flumine vela
facerent ; cognitio autem postea ipsis fon-
tium scatebris , descriptio eorum non minus
commode inde versus mare deducitur.
Similiter cum primum in dissectionibus
anato-

anatomicis vasorum horum molimur indaginem, præstat à majoribus eorum truncis (utpote inventu facilioribus) auspicari, indeque ad minores atque obscuriores illorum ramulos proficisci: postquam vero diligenti investigatione apertiora nobis facta sunt omnia, licebit ductum eorum sequi, atque ab ipsis fontibus rem aggredi. Mihi hic placet secundo flumine navigare, & quoniam vis sanguinis maxima in hepar è vena Portæ influit, ab hujus descriptione exordiar.

*Lib. de
venis.
Distributio
Portæ*

Galenus venam Portæ arbori comparat, ejusque radices extra hepar, ramos autem in illo constituit. Imaginare, inquit, arboris quendam truncum, qui parte inferiore in multas radices, superiore in numerosam ramorum subolem findatur. Hoc pacto qua in ventrem & intestina deferuntur vena, proportionè radicibus respondent; truncus vero est in hepate. Nempe ita arbitratus est; quod crederet, chylum omnem in hepar per venam Portæ deferri, eundemque fibrarum hujus capillarium ope è ventriculo atque intestinis exsugere: perinde atque radices arboris è terra succum attrahunt, qui postea toti plantæ nutriendæ inserviat. Erat quidem verisimilis admodum hæc sententia, antequam venæ lacteæ innotescerent: quamprimum autem hæ comparuerunt: illa protinus evanuit: siquidem ex harum venarum descriptione luculenter constat, chylum
neu-

neutiquam ad hepar pertingere.

Utcunque, licet venæ Portæ fibris ca-
pillaribus nullum sit cum chylo commer-
cium; quoniam tamen sanguinem è ven-
triculo, liene, pancreate, omento, me-
senterio, atque intestinis illatum, in ve-
nam. Portæ deducunt; possunt quodam-
modo illius trunci radices æstimari; etsi
minus proprie, quam si chylum advexis-
sent. Ego autem vasa hæc capillaria po-
tius pro totidem scaturiginibus habuerim,
quæ ingentem sanguinis fluvium, hepar
mediante vena Portæ percurrentem, sup-
peditent. Quippe capillarium horum of-
ficiū est, sanguinem è prædictarum
omnium partium ambitu prolicere; quem-
admodum & scaturigines aquam è terra
derivare solent: & prout vasa illa hepatis
magis appropinquant, in unum passim
congregiuntur, sociatisque ductibus vasa
semper ampliora constituunt; sicuti &
scatebræ complures coeunt, es rivulum effi-
ciunt, & numerosi rivuli tandem in flu-
vium evadunt. Quamprimum venæ hæ
majusculæ factæ sunt, nominibus donan-
tur; eademque propriissime à partibus,
unde primum scaturiebant, mutantur;
etsi sæpe fiat, ut à locis quæ pertranscunt,
vel ad quæ tendunt, nuncupentur.

Venæ siue rivuli, à ventriculi tunicis à ven-
exorti, sunt quinque numero; eorumque *triculo*,
tres in venam splenicam desinunt: nempe
vas breve venosum, (cujus, utpote longis-
simæ

sime remoti, sit primum mentio;) *gastroepiplois sinistra*, quæ etiam ab omento tenuiores surculos accipit, ac propterea ab utrisque nomen suum nanciscitur; denique insignis ventriculi vena, *gastrica major* dicta; cujus propago quædam est *coronaria*, scatebris suis, coronæ instar, superius ventriculi orificium ambiens. Tres hæ venæ, ut dictum est, rivulos suos in venam splenicam effundunt; proxima autem *gastroepiplois dextra* in ramum mesentericum evacuatur; atque ultima è pyloro orta, in ipsum portæ truncum exhauritur.

à liene, Præter jam dicta vasa, alia quoque
pancre- complura adsunt, quæ venæ splenicæ ca-
ato, o- nalem adaugent; nempe duo insignes
mento, surculi ab ipso liene exorti, qui nomen
toti vasi impertiunt; simul etiam alii qua-
tuor, qui origines suas propriis nominibus
testantur; nimirum *epiplois dextra*, *epiplois
sinistra*, exilis propago è pancreate, atque
(*Vena hæ-* *hæmorrhoidalis interna*, cujus munus esse
rum hæ- vulgo creditur, sanguinem melancholi-
mor- cum à liene ad intestinum rectum deferre;
rhoida- cum tamen fluxio omnis in hoc vase
lium (quemadmodum ex doctrina *circulationis*
usus & *sanguinis* clare liquet) ad ranum spleni-
origo) cum solum tendat, nec possit inde ullo
pacto recurrere. Ad vasa vero illa quod
attinet, quæ in fluxu hæmorrhoidali
sanguinem melancholicum in intestinum
exonerant; dico esse vasa quædam vari-
cosa,

cosa, quæ ab impedito in venam hanc hæ-
 morrhoïdalem libero transitu (quo san-
 guinem ex arteriis hæmorrhoidalibus in
 illam derivatum versus corregerant) ne-
 cessario intumescunt, tandemque rese-
 rata, sanguinem in intestina evomunt.
 Desideratur autem sæpenumero vena hu-
 jusmodi hæmorrhoidalis interna; vel (ut
 rectius dicam) raro admodum in ramum
 splenicum exinaniri deprehenditur; ut
 merito credendum sit, eandem olim am-
 pliorem, quam par erat, munere decora-
 tum fuisse. Fateor, inquam, adesse
 quidem semper venam hæmorrhoidalem
 internam; eadem tamen plerunque non
 in ramum splenicum, sed in *mesentericam*
sinistram illabitur; namque hoc pacto
 etiam hæmorrhoidalis internæ nomen
 obtinet, ad discrimen *hæmorrhoidalis ex-*
terna, quæ sese in cavæ ramum aliquem
 exonerat.

Reliquæ venæ, & profecto omnes quæ
 ab intestinis aut mesenterio primas scatu-
 rigines hauriunt (præter jam dictas, quæ
 in ramum splenicum evacuantur, & hæ-
 morrhoïdales externas) longo mesen-
 terii tractu ad hepar pergunt, indeque
mesenterica dicuntur, nomine apud Medi-
 cos olim perquam celebri. Plures venæ
 capillares ab intestinis profectæ simulque
 unitæ, surculorum horum unum consti-
 tuunt. Numerantur autem vulgo hujus-
 modi venæ quatuordecim; licet nume-

ab inte-
stinis,
& me-
sente-
rio.

rus haud perpetuo certus sit, sed in diversis corporibus variet. Hæ omnes venæ tandem concurrentes, ramum mesentericum efficiunt, qui (admissis prius *gastroepiplois dextra*, & *vena intestinali* live *duodena*) cum ramo splenico conjungitur, atque ab amborum vestigalibus vena Portæ grandescit: eadem tamen, antequam hepar ingreditur, duas quoque alias venas excipit; *pyloricam* nempe jam antea dictam, & *cysticam*; vel potius *cysticas gemellas*, quod sæpe binæ reperiuntur.

Omnes istæ venæ Portæ propagines haud directe quidem ad rem præsentem attinent, quoniam extra hepar conspiciuntur; ideoque soloci sibi earum telam pertexuimus; neque sane quidquam omnino de iis egissem, verum ad alios Anatomicos, qui data opera de hac re tractarunt, Lectorem remissem, nisi constaret, eas secundum sanguinis processum (quomodo à nobis in posterum considerandæ veniunt) à nemine hætenus descriptas esse.


*Distributio
Portæ
intra
hepar.*

Vena Portæ sinum hepatis, prope centrum ejus, ingreditur, quo propagines suas facilius in omnes illius partes distribuat. Adstant huic loco duæ eminentiæ, *πύλαι* Græcis dictæ, unde huic venæ nomen. Præterea ingressus ejus est proxime subter (aut paulo ultra) exilem hepatis lobum: quo etiam indicio facile dignoscitur.

Quamprimum vena hæc in hepar infertur,

ritur, tunicam aliam induit; nisi satius duxerit, tunicam hanc superadditam, *capsula communis* nomine (quod duo vasorum genera in se complectatur) indigitare. Utunque, videtur novæ tunicæ officio fungi; ut postea uberius constabit.

Vena Portæ hoc modo in hepar ingres- *ejusdem*
sa, postquam illud semipollicari circiter *rami.*
longitudine penetravit, partim dextror-
sum, partim sinisterorsum fertur, adeoque *sinus.*
in sinum quasi efformatur, ut in apposita
figura videre est.



A. Truncus Portæ.

B. B. Sinus ejus oblongus.

1. 2. 3. 4. 5. Quinque illius rami;

indeque in quinque amplos ramos dividi-
tur; eorumque quatuor longe lateque
per sinum hepatis diffunduntur, quintus
autem versus gibbum ejus recta pergit.
Utque vena hæc facilius in omnes hos

N 2

ramos

ramos exporrigatur, ibidem loci (ut jam diximus) in sinum oblongum protenditur: estque cavitas hæc in embryone multo magis conspicua; quia ingens sanguinis è vena umbilicali influxus, eandem late explicat. Quinetiam in embryone facile videas, *tubulum venosum* ex hoc sinu (scilicet ex adverso ostiū umbilicalis venæ) in cavam rectā immitti. Tubus iste est ejusdem similis substantiæ ac texturæ cum vena; & ramificatione solum destituitur, qua aliæ omnes venæ gaudent. Ideoque non male à quibusdam dicitur *canalis venosus*, ad exemplum *arteriosus* illius, qui cordi proprius est. *Canalis venosus*, hic venosus ibi loci cavam ingreditur, ubi diaphragmati annectitur; ibidemque etiam duo alii rami magni ex hepate in cavam inferuntur: adeo ut, si venam cavam in longum è directo hujus loci aperias, tria ampla vasorum ora simul in conspectum veniant; quorum anterius est plerunque vas hoc de quo agimus. Eodem etiam loco ligamento suspensorio annectitur, posteaque temporis tractu (nempe post natum embryonem) in ligamentum abit: & quemadmodum sedem suam ligamento umbilicali aliquatenus adversam habet, ita pariter in actione atque usu *antagonistam* agit; dum illud hepati sustinendo, hoc vero eidem deorsum revellendo institutum est. Sed ad Portæ quinque amnes revertendum est.

Qua-

Quatuor ejus rami, ut diximus, huc *Ramū*
 illuc per sinum hepatis sparguntur: quod, *quin-*
 cum figura ovali constet, ab iisdem in to- *que*
 ridem partes dispescitur. Primum quadran-
 tem apello, in quem vena umbilicalis in-
 seritur: reliquos eo ordine habeo, quo
 occurrunt, ita scilicet, ut numeratio dex-
 trorsum procedat.

Quadrantem primum, primumque *primum,*
 venæ Portæ ramum (cui vena umbilicalis
 connectitur) propterea eo loco habui, quia
 in embryone vena umbilicalis maximam
 sanguinis vim ad hepar apportat, & quo-
 dammodo venæ Portæ munus exequitur,
 quæ in eo (præsertim nuper formato) exi-
 lis admodum, nulliusque fere momenti
 conspicitur. Præterea ramus iste est maxi-
 mus & robustissimus, eoque nomine pri-
 matus dignitatem meretur. Hic ramus
 minores alios ramos, ramulos, & capilla-
 res fibrulas in totum sinistram antero-
 remque hepatis quadrantem (quem jam
primum appellavimus) dispergit; & quo
 validiores radices agat, atque ligamenti
 umbilicalis (dum munere suo fungitur)
 vellicatus fortius sustineat, in utramque
 fissuræ hepatis partem ramos emittit.
 Porro ramuli ab eo in sinum hepatis dif-
 fusi, ad membranam ejus excurrunt, atque
 eidem annectuntur; indeque reflexi, ve-
 nulas suas capillares sursum in parenchy-
 ma disseminant. Idque etiam (ratione
 ramulorum in sinum hepatis dispenso-

tum) secundo, tertio, quartoque ramo commune est. Denique, ramus hic venas capillares in medium hepatis, maximamque quadrantis hujus (in quem major ramulorum ejus pars absumitur) gibbam partem effundit.

*secunda
dne,*

Secundo loco cum venæ Portæ ramum habeo, qui jam descripto proxime dexter adjacet, quique alteri hepatis anteriori quadranti in dextero ejus latere inservit. Hic ramus superiore paulo minor conspicitur, tertio tamen quartoque amplior. Rami hujus surculis aliquibus radices vesicæ felleæ annectuntur, etsi nonnunquam quoque inferiori alicui quinti rami propagini adhæreant. Idem ramus toti hepatis cavo, per quadrantis sui ambitum, capillares venulas suppeditat; quinetiam, prope ejus confinia, gibbo quoque illius famulatur.

*tertius,
quar-
tusque,*

Tertius, quartusque ramus (quacunque eorum termini exportiguntur) hepatis simo præcipue inserviunt, nempe duobus ejus interioribus quadrantibus dorso proximis. Prope ultimos autem earum regionum fines, ramulos & vasa capillaria non minus in gibbam, quam cavam illius partem distribuunt.

quintus,

Ramus quintus atque ultimus, nequam in sinum hepatis dispergitur; verum, arboris instar, ramulos suos sursum expandit: & quanquam inferiores ejus propagines mediis nonnullis hepatis partibus

tibus administrant, præcipui tamen illius rami sursum feruntur, gibbique partibus elatioribus maximeque crassis (præsertim in dextro latere) ancillantur. Et quamvis ramus iste olim generatim cognitus fuerit, *distributio* tamen illius præcos Anatomicos omnino latuit: alioquin enim non asseruissent, venam Portæ ad gibbum hepatis minime deferri: namque è quinti hujus rami distributione manifeste constat, eum totum in gibbam hepatis partem, ipsamque solam, absumi.

Notatu hic porro dignum est, quam æquali proportionem vena Portæ ad omnes hepatis partes distribuatur. Quippe diviso in quinque partes hepate (nempe in quadrantes quatuor, & gibbum) cuilibet earum, ramus proportionalis inservit; ita ut majori parti major pariter ramus, & minori minor concedatur. Primus quadrans cæteris major est, ramoque maximo donatur: gibbum ei magnitudine proxime accedit, ramumque amplitudine secundum obtinet: reliquorum etiam quadrantum rami, nimirum secundi, tertii, quartique, sues habent commensus proportionis. Quemadmodum in excarnando hepate id manifeste liquet; atque etiam, si vasa jam à parenchymate suo liberata, cum spatiis iis, in quæ expanduntur, comparaveris. Enimvero quanto ramus quisque major fuerit, tanto quoque spatium sibi fusius vendicat: eadem-

*Distributio
horum
æqualitas.*

que illa spatia, quem quilibet ramus in hepate locum impleat, clare indicant. Adeoque ramus ille, qui post excarnationem hepatis, reliquis omnibus latius diffunditur, portioni hepatis maximæ famulabatur. Neque enim ratio alia reddi potest, cur ramorum horum aliquis, excarnato jam hepate, ramulos suos vasaque capillaria præ cæteris fusius explicet; nisi quia antea in ipso hepate latius extendebatur, seseque adeo in ampliorem hepatis portionem exonerabat. Idque etiam uberius constabit, si inter exempta vasa, atque aliud hepar integrum, comparisonem institueris: licebit enim hoc pacto cuilibet vasi suam in toto hepate portionem probabili satis conjectura attribuere. Postremo, si totum parenchyma à singulis his vasis separatim seorsim serves, omnesque postea parenchymatis portiones singillatim trutina expenderis, nihil profecto in hac re dubii supererit.

*eiusdem
usus.*

Ex hac distributionis venæ Portæ in omnes hepatis partes æquilitate, facile intelligas, quam apta nata sit, ingentem sanguinis copiam per exteriores ipsius ramos illatam, in hepatis substantiam effundere. Potest enim hoc pacto facile paræm sanguinis quantitatem cuilibet parenchymatis parti distribuere: & licet amnis vasto gurgite affluat, idem tamen in minores postea rivulos diductus, tandemque in millena aliquot vasa capillaria divisus, inque

inque eadem æqualiter distributus, hepatis
parenchyma facile pertransietit.

C A P. XXVI.

*De radicibus, sive ramorum venæ cavæ
in hepate distributione.*

VAsa in hepate ad venam cavam spe- Radices.
ctantia, dici commode possunt vel ra- vena
dices, vel rami: siquidem & arboris radi- Cava.
ces in terra, non secus ac brachia ejus in
aëre, in ramos plurimos diffunduntur.
Hoc autem solum interest, quod radices
humorem ad truncum deferant, rami vero
ab eodem auferant: atque hoc nomine
(fateor) vasa isthæc radices potius, quam
rami dicendi sunt; quoniam nempe sangui-
nem versus truncum suum apportant.

Fluxus enim in his vasis non sit è cava in quoniam
hepar, verum ex hepate in cavam: contra versus
quàm in vena Portæ usu venit, in qua san- in iis-
guis versus hepar fluit, inque omnes ejus dem
partes distribuitur; hæc autem vasa, quic- sanguis
quid à Porta effunditur, in se colligunt fluit.
atque exhauriunt. In horum quoque va-
forum descriptione mihi visum est, ipsius
amnis ductum sequi; ideoque à primis
eorum fontibus exordiar; nimirum à mi-
nimis atque extremis illorum capillaribus,
quibus sanguinem è parenchymate pro- ex toto
liciunt. hepate

Quemadmodum vasa Portæ capillaria æquali-
in omnes hepatis partes æqualiter distri- ter ori-
buunt. untur.

buuntur, quo sanguinem iis ex æquo impertiant: ita & cavæ capillaria ab ejusdem parenchymatis partibus omnibus æqualiter exoriuntur, ut sanguinem pariter ex iis emulgeant. Suntque adeo capillarium horum extrema, cœu primæ fontis scaturigines; fluxioque sanguinis ex parenchymate in cavam per illa instituitur.

*earum-
dem
congrega-
tiones*

Venæ istæ minuscule ulterius versus cavam progressæ, dum plurimæ earum cœunt, ramulum constituunt; plurimique ramuli, ramum majorem, qui longiore semper intervallo, novorum ramulorum ramorumque accessione, canalem suum adauget, donec tandem in cavam sese exoneraverit: quod etiam omnibus cavæ radicibus in hepate commune est.

truncus.

Neque enim venæ istæ truncum communem in hepate nasci sunt, nec extra illud, quidem truncum aliquem peculiarem sortiuntur: (licet Portæ rami tum intus tum foris trunco ejusmodi gaudeant) quippe omnes in cavam extra hepar inaniuntur, quæ neque illic quidem venarum harum peculiaris truncus est: enimvero cavitas ejus omnium harum venarum simul oribus longe major est, inque eum finem condita, ut non solum ex his venis, sed & è reliquis fere omnibus totius corporis (quarum etiam communis truncus est) sanguinem excipiat: meritoque dixeris, eam radices suas in omnes totius corporis partes, è quibus sanguinem

non minus quam ex hepate haurit, dispergere.

Quoniam radices venæ cavæ (ut diximus) haud in unum communem truncum in hepate conveniunt, necesse est plures numerentur; possuntque omnes ceu totidem cavæ rami censerî; siquidem ejusdem cum ea generis sunt, eique continuæ reperiuntur, atque onus suum in illam deponunt. Râdices hæ, sive rami (quatenus vocabulum hoc latiore significationis ambitu vasa quælibet in ramulos ducta complectitur) sunt vel majores, vel minores: minores autem in certum ^{rami} aliquem numerum vix redegeris; mihi ^{minores} enim (quantum crebro iterata indagine ^{res} observare licuit) verissimile videtur, tum numerum eorum, tum situm etiam in variis jecinoribus varium occurrere. Id itaque de iis solum dixerim, non longe illos in hepar ferri atque iisdem actionibus & usibus cum majoribus ramis frui; præterquam, quod variæ eorum magnitudini nonnihil discriminis concedendum sit. Quinetiam ad amplitudinem eorum quod attinet, id universe verum est, vasa ea cæteris majora esse, quæ longiore tractu hepar percurrunt; & minora similiter, quæ breviori spatio feruntur. Adeoque vasa hæc non male amplis parvisque fluminibus regionem aliquam peragiantibus, & cavam oceano comparaveris: flumen enim, cujus primæ sca-

turigines pluribus milliaribus à mari absunt, dum obvios quosque rivulos absorbet, hæreditatem ampliat, atque ingentem tandem alveum nanciscitur; quia autem prope mare oriundus est amnis, nunquam amplitudine sua superbit. Similiter & harum venarum rami, è fibris capillaribus longissime à cava remotis originem suam ducentes, dum longo per hepar itinere ramulos ramosque alios excipiunt, in magna tandem vasa excrescunt: qui autem prope cavam oriuntur, & exiguum hepatis tractum emetiuntur, ad spectabilem magnitudinem nequaquam pertingunt. Sunt itaque horum ramorum aliqui perexigui, quod in ipsius cavæ vicinia ortæ sint; alii vero ampli admodum, quia ad ultimas hepatis fimbrias expatiantur.

*majo-
res.*

Majora hæc vasa possunt in numerum redigi; cuiusmodi hæc quoque in re varietatis nonnihil appareat. Plerumque enim non nisi terna conspiciuntur; tum vero fit, ut bina priora statim bifariam in alia paris ferre amplitudinis dispertiantur: quæ si (ob exilem eorum unionem) binorum vasorum loco habere libuerit, possunt e- quidem majora ista vasa in hepate quina numero censi. Venarum harum prima mihi est, quæ præ cæteris dextrorsum sedem habet; indeque secunda, tertia. &c. numerantur, prout ordine sinistrorsum vergunt. Si vasa hæc terna solum esse volueris, priora ambo in Embryone, venosi

nosſi canalis oſculo propinqua, ſibi invicem, in trianguli modum, prope admodum conjuncta conſpiciuntur: uti manifeſte conſtabit, ſi modo venam cavam (ubi illa hanc ingrediuntur) adaquerueris.

Si vero ramos hoſce quinque eſſe dixeris, coque numero neceſſarie cenſendas credas, ut totidem Portæ ramis apte reſpondeant; falleris proſecto plurimum, quoniam nullus venæ cavæ ramus integer ſoluſque uni alicui Portæ ramo appropriatur: verum omnes, partim huic partim illi vaſi (prout commodiſſime id fieri poteſt) ſeſe adjungunt. Idque inde factum, quia radices venæ cavæ, Portæ ramis fere decuſſatim incumbunt: quoniam vena Portæ hepar circa cavi ipſius centrum ingreditur, radices autem cavæ neceſſario in medio ſuperioris ac poſticæ hepatis partis ſeſe exonerant, ubi ſolum truncus venæ cavæ (in quem radices illæ deplendæ erant) hepati appropinquat.

Radicum harum rami duo priores, ut & canalis venoſus, ligamento ſuſpenſorio firmiſſime annectuntur, ibidemque in venam cavam ſubter diaphragma immediate poſitam, inferuntur.

Vena cava in poſtica hepatis regione ſinum quendam nanciſcitur, qui ambitus illius facile ſemiſſem complectatur; cujus auxilio, atque minimi lobi interventu, à vertebrarum injuria protegitur.

CAP. XXVII.

Quomodo Porus biliaris in hepate distribuatur.

Vasa biliaria in hepate sunt duum generum : nempe radices tum vesiculæ felleæ , tum pori biliarii.

Radices istæ in truncum unum cœunt , non quidem in hepate , verum extra illud ; nempe in ductum communem qui utrisque veluti truncus communis est ; siquidem in eum confluunt , & per hunc solum in intestina deplentur.

Jam antea , ubi de vesicula fellea egimus , radices quoque illius (ob utriusque affinitatem) una descripsimus ; ut de pori biliarii radicibus nunc solum dicendum sit.

*Pori
biliarii
truncus,
hujus-
que di-
stribu-
cio.*

Truncus pori biliarii sive hepatici , non procul à vena Portæ ex hepate progreditur ; aliquanto tamen antè. Paulo ante in hepate cum eadem conjungitur , capsulamque communem induit ; atque utrisque fime adeo annectitur , ut vix , sine alterutius rupturæ discrimine , inde avelli queat. Pari quoque passu una progrediuntur , & similiter iterum iterumque usque ad ultima capillaria dividuntur , à primo truncorum eorum congressu nunquam ab invicem recedentes , ut primo intuitu unicum duntaxat vas esse videantur : verum si claræ luci obiceris , colorum varietas facile vas illud ge-

minuum:

minum esse indicabit. Namque integrum vas colorem obscure purpureum præ se fert, & in eodem ductus alius colore ex pallido fuscoque flavescente conspicitur, estque vas bilarium. Capsula communis, ubi vas istud obtegit, minus, quam alibi, crassa est; quippe pars ejus magna inter Portam & vas isthoc intervenit, adeoque exterius tenuior apparet, colorque pori bilarii per eandem facile tralucet. Præterea, toto vasis hujus tractu, capsula communis prominentia quadam tereti duraque extuberat. Et ne quid scrupuli supersit, capsulam aperi, vasque ipsum ad pori bilarii truncum usque persequere; ita enim de re hac liquido constabit. Hoc tamen (ut & illud, quod de coloribus modo asserui) de hepate à parenchymate suo nudato, dictum scias.


Cum primum hepar carne sua exuerem, horarum aliquot spatio ambo hæc vasa pro uno eodemque habui: verum cum vasa fellea nusquam occurrerent; nec alibi, quam in capsula hac, ea indagandi daretur locus, (cava enim manifeste sine comite incedebat) bina vasa tandem in eadem deprehendi; puta venam Portæ, & porum bilarium. Indeque mirari desii veteres Anatomicos vasorum horum distributionem tam inutile descripsisse. Nam cum eadem occulte adeo in alterius vasis tegmine delitescere cernerem, perinde ac si illius pars aliqua forent; haud dubium

erat.

erat, vasa ista, sub hac nubecula, obtutum eorum effugisse.

Quoniam vasa hæc, uti modo diximus, eandem fere cum vena Portæ distributionem sortiuntur; non est quod descriptionem eorum ulterius moliamur. Uberioris tamen notitiæ ergo, pauca hæc insuper de iis adjungam.

10. Ut pori bilarii rami cum propaginibus Portæ aptius ac facilius conjungantur, necesse sæpe est, ut illi (ante harum divisionem) in alios porro ramulos herciscantur; adeoque facile credas, ad unam Portæ propaginem duos tresve pori bilarii ramulos pertinere. Verum si, quo abeant, diligenter pervestigaveris, deprehendes sane id à Natura consulto factum fuisse, ut ramuli illi peculiaribus Portæ ramis expedite magis associarentur, quorum ductum eisdem sequi voluit. Est autem hujus rei ratio, quia Portæ propagines, quam pori bilarii, multo ampliores sunt; sæpeque fit, ut in oppositum latus ramulos suos diffundant: quamobrem fieri aliter non potest, quin porus bilarius, post factam sui divisionem, spatium aliquod emetiatur, antequam ramulum, ad quem tendit, assequi queat. Attamen toto hoc itinere, nusquam egreditur è capsula communi, neque Portam deserit. Atque istæ quo facilius intelligas, figuram appictam consule.



A. Hepatis gibbuna.

B. Pars illius dextra.

C. Cavum hepatis.

D. Pars sinistra.

E. Truncus Portæ sursum re-flexus , ut
cætera vasa facilius conspiciantur.

1. 2. 3. 4. 5. Ejusdem quinque rami majores.

F. Ductus communis.

G. Porus biliaris , ipsiusque prima divisio.

H. Meatus cysticus.

I. Vesicula fellis.

a. a. a. a. Capsula communis aperta.

b. b. b. b. b. Pori bilarii subdivisiones.

2^{do}. Ad

2^{da}. Ad omnes hepatis partes (præter pauculas eas, quibus vesiculæ felleæ radices ministrant) distribuuntur.

3^o. Extrema eorum capillaria terminantur, idque æqualiter, in omnes parenchymatis partes, præter paucas illas quas nunc diximus; atque eorum illic absentiam alia ejusdem generis capillaria, ad vesiculam felleam spectantia, ex æquo suppleant. Adeoque totum hepar vasis felleis capillaribus æquabiliter instruitur.

Denique, motus humoris in his vasis contrarius est ei, qui in vena Portæ contingit: fertur nempe ex hepate, non autem in illud; incipitque à parenchymate, unde ultirra capillaria jam dicta bilem eliciunt: idque ut æqualiter fieret, par erat in omnes illius partes perinde distribuere, ut ita operi suo perficiendo parata adessent. Humor hoc pacto ab ultimis capillaribus absorptus, mox in primos ramulos (in quos plura vasa capillaria desinunt) lente sensimque provehitur, indeque ad majores ramos fertur, donec tandem ad poribilarii truncum pervenerit, & per eundem foras extra hepar eliminatus fuerit. Quid de eo postmodum eveniat, jam antea à nobis dictum est.

CAP. XXVIII.

*De distributione Capsulæ, venæ Portæ,
atque poro bilario communis.*

Facta est jam sæpe à nobis hujus partis ^{Capsulæ} mentio, potestque eadem aliis quoque ^{la hac} nominibus insigniri: nempe dici potest, ^{diversi} vel *vagina* Portæ, vel tunica Portæ ^{exte-} ^{mode} ^{appella-} ^{tar.} *rior*. Pars isthac veteribus prorsus incognita fuit, ideoque & nomine hætenus caruit. Mihi primum (nisi fallor) contigit, partem hanc detegere; cum ante duodecim annos, ex mandato Collegii Medicorum Londinensium, mihi publice prælegendi munus incumberet, inque cum finem plurimorum animalium jecinora parenchymate exuerem.

Potest, inquam, pars hæc, ratione officii ususque varii, ^{quam} ^{obrem} diversis nominibus appellari. Quatenus enim Portæ venam atque porum bilarium in se complectitur, non male *capsula eorum communis*, si-ve indefinite capsula communis indigitatur; nomine scil. huic soli parti proprio. Cum etiam ea sui parte, qua Portam tegit, crassior sit, quam illa qua ramos bilarios obducit, septuploque minimum latior repertiatur; cumque nonnulla ejus portio inter Portam & porum bilarium (præsertim in majoribus eorum ramis) manifeste intercedat; & cum etiam primarius ejus usus sit (uti postea dicetur)

Portæ

Portæ aliquo modo in transferendo sanguine auxiliari; non incommode *vagina Portæ*, sive exterior Portæ tunica dici meretur.

*vidi
origo,*

*digni-
tas,*

Anatomicis perquam familiare est, quoties vasis alicujus distributionem tradunt, à prima ejus origine auspicari: ideoque merito quærat aliquis, undenam vas istud ortum primum ducat. Quod si exortus nomine principium continuationis intellexerint, tale nempe principium, quo pars aliqua alteri magis notæ ampliorique continua est; fateor, eam hoc modo à tunica hepatis ex peritonæo oriunda prognatam esse: quippe tunicæ illi magis celebri, fusiùsque expansæ conjungitur. Sin autem velint (dum à peritonæo oriri dicitur) illam ejusdem cum ipso similis substantiæ esse; aut ab eodem necessario dependere, ita ut sine eo nequaquam esse possit; vel denique peritonæum natalium genere præpollere, nos sane in contrariam sententiam imus. Est enim pars magis sanguinea, multoque carnosior atque crassior, quam peritonæum; imo vero vix alibi in toto corpore partem aliam ejusdem cum ea similis substantiæ reperiatis. Minus, quam vena, albicat; nam purpureo magis colore saturatur, minusque transparet. Ad robur autem ejus quod attinet, ad arteriæ firmitudinem proxime accedit.

Ubi primum venæ Portæ truncum excipit,

pit, hepatis tunicæ (eaque mediante, peritonæo, ut diximus) circumcirca continuatur. Capsula enim isthæc ad cavum hepatis pertingit, ubi Porta ingreditur; & simulatque vena hæc hepar subit, capsulam illam induit; quæ cum ad cavum ejus perveniat, necesse sane est & tunicæ hepar ibidem loci ambienti connectatur.

Quamprimum capsula hæc venam Portæ atque porum biliarium amplexa est, eadem mox ad Portæ normam divaricatur, atque porro ad ultima usque capillaria cum illa una dividitur, perque integrum hepar eandem prorsus distributionem sortita est: adeoque ulteriore ipsius descriptione non est opus; verum, quæ de Portæ ramificatione jam supra diximus, eadem huic quoque commodè attribueris. Hæc solum obiter adjicimus:

1°. Tunica hæc ramulum venæ Portæ comitata, ad vesiculam felleam usque pertingit, totamque illam partem ejus, quæ in cavitate hepatis defoditur, investit; ibidemque in fossulæ hujus ambitu, hepatis tunicæ circumcirca annectitur, vel potius eidem continuatur: atque hujus connexionis vi fit, ut vesicula fellea cum hepate firmiter jungatur.

2°. Tunica hæc, in embryone, venæ umbilicali quoque communis est, (nempe toto illo spatio, quo in hepar penetrat) remanetque etiam post natum foetum; & deinde

deinde ubi vena illa in ligamentum degeneravit, mediante hac tunica valide cum hepate connectitur: neque enim eam Portæ solum, sed & exteriori hepatis tunicæ (cui toto ligamenti hujus ambitu annectitur) firme adalligat.

Postremo, capsula hæc, in embryone, canali venoso tunicam impertit; eundemque, postquam excluso jam foetu in ligamentum abiit, plurimum corroborat. Quippe tunica isthæc ligamento suspensorio firmiter cohæret, hocque adeo illius opera cunctis hepatis vasis (ceu totidem radicibus) affixum, tanto oneri sustinendo idoneum redditur.

C A P. XXIX.

De Arteria hepatica distributione.

Ejus
origo.

ORitur hæc arteria ex dextro ramo arteriæ celiacæ, ibi loci ubi venæ Portæ adjungitur; indeque omenti tunica suffulta ad hepatis cavum ascendit, quod etiam juxta Portam ingreditur. Surculos quidem nonnullos medio itinere de se spargit; quorum, cum præsentis negotii non sint, non libet meminisse.

Capsu-
lam Por-
tæ in-
gredi-
tur.

Arteria hæc, quamprimum hepar ingreditur, in capsulam communem sese insinuat; ut primum intuentibus capsula isthæc etiam huic vasi communis videri queat,

queat, cum tamen revera non sit. Nam si ita esset, arteria in hac capsula minime terminaretur, sed (aliorum duorum vasorum admodum) eandem perlaberetur: at vero in omnes tum dictæ capsulæ, tum pori bilarii partes distribuitur, ultimisque suis capillaribus in easdem desinit.

Pars tamen arteriæ hujus longe maxima in Portæ tunicam absumitur; quippe hæc sanguine plurimo tingitur, dum in poro bilari vix vestigium illius deprehenditur: ideoque verisimile est, exiguam valde arteriæ portiunculam in hunc excurrere. Partem tamen ejus aliquam in hunc diffandi, vel hinc liquet, quod vasa biliaria in hepate ejusdem similis substantiæ sint cum vesicula fellea, adeoque ejusdem generis vasis donari debeant.

At enim, dices, vesicula fellea non minus venis quam arteriis prædita est: quam Obje-
obrem si porus bilarius, ad vesiculæ exem-
plum, arteriis opus habuit; debebant pa-
riter, ob eandem causam, & venæ eidem
attribui. Attribuuntur, inquam, sed ca-
pillares tantum, quæ à vena Portæ illi dilui-
contigua exoriuntur. Et profecto haud
necessum est, ut pars hæc vase aliquo pe-
culiari & à Porta distinctio instruantur; si-
quidem hæc sanguini ubertim avehendo
par, in proximo ubique accubat. Neque
venarum ramificationes ullæ spectabiles
hic loci expectandæ sunt, quoniam porus
bilarius toto itinere Portæ contiguus est,
quo

quo fit , ut ramuli ejus in vicinam hujus partem (quam tangunt) immediate depleri possint : ideoque oportet venulæ hæc breves atque exiles adeo sint , ut parum verisimile videatur , eas sensuum ullo examine dignosci posse. Unde igitur tibi compertum , inquis , venas ejusmodi illic concedendas esse ? Est quidem ex doctrina circulationis sanguinis manifestissimum , ubicunque arteria aliqua reperitur quæ sanguinem effert , ibidem & venam dari quæ eundem regerat : quid enim aliter sanguis ita accumulatus agat ? Oportet sane per venam Portæ revertatur ; neque alio , quam jam dicto itinere , id fieri ullo modo potest. Quemadmodum igitur vesicula fellea extra hepar sita , arterias venasque foris nanciscitur ; ita similiter & porus bilarius in hepate , arterias & venas intus acquirit , quæ ibidem in portam desinunt ; sicuti & vesiculæ venæ in Portam , antequam in hepar ingreditur , illabuntur. Vasa tamen illa in hepate , uti diximus , sunt duntaxat capillaria.

Porro , etiamsi haud necesse fuerit , peculiarem aliquam venam à Porta distinctam partibus istis inservire ; opus erat tamen , arteriam aliquam conspicuam extrui ; quoniam aliter nulla hujus generis capillaria ad easdem pertigissent. Unde enim adveniant ? aut quomodo ad tot tamque diversos vasorum horum ramos , tantoque itinere excurrant , si capillarium duntaxat

duntaxat magnitudine hepar ingressa fuerint?

Arteria hepatica manifeste in hepate distribuitur: nempe iterum iterumque ad capsulæ communis legem dividitur; ramique ejus hoc pacto ad ultima capillaria distributi, in capsula illa includuntur. Haud tamen ramis istis conspicuis vasa hæc immediate irrigat, sed capillarium suorum extimorum ope; quæ in illa, toto itineris sui tractu, à majoribus his ramis quoquoersum dispergit. Nullos ramos spectabiles in pori bilarii tunica reperies; verum illa minimorum solum capillarium sorte contenta est. Atque idcirco haud mirum est, vasa hæc nativum suum colorem obtinere: quod etiam aliis quoque corporis partibus commune est; veluti tunicis & humoribus oculi, plurimis ligamentis, tendinibus, ac membranis, & (quod maxime ad rem præsentem facit) tunicis vesiculæ felleæ, in quam arteriæ manifeste terminantur.

Arteriam hanc, in angustam adeo capillarium subtilitatem tenuatam, in vasa hæc desinere, porro aliis etiam argumentis adstruitur. 1^o. Quia omnes totius corporis arteriæ capillaribus suis fibrulis in eas partes terminantur, ad quas sanguinem apportant. 2^{do}. Si arteriam hanc leniter à capsula communi avulseris, remque diligenter inspexeris, videbis sane fibrosam quandam connexionem intercedere,

dere, quam verisimile est ab arteriis hisce capillaribus proficisci. 30. Nullam aliam partem in capsula communi (quæ arteriam hanc totam amplectitur) invenies, ad quam ullo modo disseminari possit, præter jam dicta vasa; ac propterea in ipsa distribuatur, necesse est. Postremo, nulla hujus arteriæ pars in hepatis parenchyma exporrigitur, uti manifeste in excarnatione hepatis videre est; & propterea in vasa solum absumitur. Quinetiam si toti hepatis parenchymati inserviendo destinata eilet, debuisset saltem sextuplo major extrui; uti manifeste constabit, si hepatis aliarumque partium dimensiones comparaveris: quippe in istis, etiam multo minoribus, majores arteriæ reperiuntur. Quamobrem sic habendum censeo, arteriam hanc in vasa hepatis jam dicta plane absumi.

Observandum itaque obiter, arteriam hanc *hepaticam* dici, non parenchymatis, sed vasorum solum ratione. Dictum enim à nobis antea est, vasa proprie partibus illis adjudicanda esse, in quibus terminantur. Cum autem vasa isthæc ad hepatis solum spectent, atque arteriæ huic cum iis intercedat negotium; haud immerito cognomen hoc illi obtigisse credimus.

CAP. XXX.

De Nervorum in hepate distributione.

Nervi hepatis à quibusdam sexti paris ^{Ex una} ramis originem ducunt. ^{exortus.} Spigelius ait, ^{l. 7. c. 2.} Sinistri nervi sexti paris ramum anteriorem ad orificium superius ventriculi abire, inque ejus partem dextram multis ramulis distribui: ab hoc furculum secundum elatorem ventriculi regionem ad pylorum deferri indeque in cavum jecoris proficisci. Idemque asserit, dextri nervi ejusdem conjugationis ramum anteriorem, propaginem aliquam in vesiculam fellis, & jecoris cavam partem emittere. Adeoque, ex ejus sententia, duo diversæ originis nervi (licet ambo à sexto pari) alter à sinistro ramo anteriore, alter autem à dextro posteriore, hepar ingrediuntur; nempe in cavam illius partem proxime venam Portæ, inque capsulam illius communem recipiuntur.

Riolanus etiam hos nervos agnoscit, sed originem eorum non addidit; unde facile suspicetur aliquis, haud satis illi perspectos fuisse eorum natales: hereditatem tamen amplificavit, ulteriusque, quam par erat, (scil. in ipsum hepatis parenchyma) illorum fines produxit: eoque nomine Galeno ^{l. 4. de} litem intendit. ^{us. par.} Scribit, inquit, Galenus ^{c. 13.} exiguum sensum hepatis attributum fuisse, ^{l. 3. de} similem plantis, ut discerneres utile ab in- ^{loc. aff.} utili. Et alibi docet, nervulum illum ^{c. 3. & 4.}

quidem in parenchyma hepatis demergi, sed in membranam tantum diffundi, ideoque solo gravitatis sensu frui. Attamen nervulos duos insignes venam Portam comitari vidi, & subire substantiam ipsam hepatis, cujus dolores sunt acutissimi, non tantum ex sensu membranae, sed etiam ipsius parenchymatis. Quibus constat, velle cum, nervos in hepar una cum Porta ingredi: oportet itaque simul in communem capsulam recipiantur. Id autem sententiæ illius, quæ vel nervorum eorum in parenchyma distributionem asserit, vel *Galenum* (quod hepar obtusi solum sensus particeps esse voluerit) erroris insinuat, male admodum patrocinator. Ego sane frequenti jecinorum excarnatione edoctus, id vere testari possum, nullum extare nervuli cuiuspiam extra capsulam communem in hepatis parenchymate vestigium; eosque, qui illam ingressi sunt, nuspiam foras in parenchyma prorepere: verum omnes, vel in capsulae ipsius substantiam, vel in poribilarii tunicam terminari. Ideoque *Riolanum* deferens, in *Galenii* sententiam plane abeo: fieri enim non potest, ut pars mere similis nervisque omnibus destituta, sensu acerrimo fruatur.

At enim dolores hepatis, inquit ille, sunt acutissimi. Dictum vero oportuit, quibus iudiciis ipsi constiterit, dolores ejusmodi ad hepar, non autem ad partes vicinas pertinuisse: vel saltem certiores nos fecisset,

distributio.

Galenus, dum hepatis sensum duntaxat hebetem concedit, defenditur.

set, quosnam morbos præcipue dolores illi comitarentur; ut inde palam fieret, num hepati inessent, necne. Dum autem indefinite rem exprimit, suspicio facile suboritur, cum rei hujus minus gnarum, in generalibus versari maluisse.

In hepatis quidem inflammatione adest dolor quidam gravativus in dextro latere: acutum autem dolorem in hoc morbo contingere, medicinam facientibus necdum compertum. Et si forte aliquando dolores solito acerbiores persentiantur, possunt sane verissimiliter partibus vicinis condolentibus attribui: nimirum hepatis ligamentis; aut diaphragmatis parti illi, cui hepar (mediante lato suspensorio) arcte annectitur; aut peritonæo nothas costas in dextro hypochondrio investienti; aut denique ipsi tunicæ, & vasis hepatis. Quanquam haud parum dubito, num dolor acutus adeo possit tunicæ vasisque hepatis obvenire.

Sæpe quidem comperi, dolorem, cholico non æbsimilem, ictero præcedaneum esse, atque eundem interdum subsequi. Differt à cholica vulgari, quod ultra cartilaginem ensiformem ad ipsius sternifere medium protendatur, imo vero ad ipsas claviculas nonnunquam pertingat. Diffunditur etiam ad hypochondria, aliasque complures abdominis partes; omnibusque fere iis in locis dolor hic mordax ac lancinans persentiscitur. Adest, inquam, dolor

lor exquisitus, nulla febre comitatus, & ad cholicae morem corpus arte constringit. Licet autem obstructio hepatis possit esse quadantenus dolorum horum acerrimorum causa, hepar tamen eorum sedes esse non potest, quoniam ad loca ab eo longe diffusa exporriguntur. Fortassis & colon interdum doloris hujus nonnihil particeps fuerit. Ventriculo autem prae cæteris omnibus partibus agre est, uti & peritonæo, qui non has costas obtegit: unde etiam crediderim, membranas subius sternum positas invadere. Sæpe mihi molestus fuit hic dolor, præsertim ab usu opii; imo vero aliquando epotis duabus solum diacodii diachmis, iisdem malis dilaniabar: at tamen vini sibi frigidi amplius frequensque haustus, opem mihi præsentaneam attulit. Medelam etiam huic agritudini afferunt enemata, aliaque medicamina ictero convenientia. Num doloris hujus pars aliqua ipsi hepati inhæreat, ego equidem ambigo: si autem ita fuerit, mihi tamen certum est, eam tunicæ ejus aut vasis, quæ nervis prædita sunt, acceptam referendam esse; non autem parenchymati, quod iisdem destituitur.

Nervi isti in hepate similiter atque arteria hepatica distribuuntur. Spargunt nempe exiles fibrulas in capsulam communem, obviasque pori bilarii radices: planeque ad capsulæ communis normam dividuntur, ut toto ductu prædictis jam vasis inferant.

CAP. XXXI.

De Vasis aquosis, sive Lymphæ-ductibus ad hepar spectantibus.

VAsorum horum nupera est inventio; finitusque jam propemodum erat tractatus iste, antequam ea mihi satis innotescerent: quamobrem non est, ut quisquam à me accuratam eorum descriptionem expectet.

Incidi primum in eorum notitiam, indicio D. *Jolivi*, idque anno 1652. sub initium Junii; quo tempore ille Doctoratus gradum adepturus, me *Cantabrigia* in eum finem convenerat. Assèruit nempe, dari vasorum quartum genus, à venis, arteriis, nervisque plane diversum; idemque ad omnes aut plurimas saltem corporis partes distribui, & humorem aquosum in se complecti. Addebat porro, se in compluribus animalibus eorundem ductum investigasse; in artibus scil. testicularis, utero, aliisque etiam partibus; certoque sibi constare, liquorem in his intro versus mesenterium tendere, & particulatim ad initium sive radicationem ejus.

Totam hanc rem mihi tum æquum videbatur, primo Inventori porro eliminandam relinquere: neque ultra quicquam tunc temporis de iisdem eram sollicitus; præsertim, quod ad hepatis negotium nihil spectare viderentur: neque enim dictus

Iohannes, quenquam horum ductuum inde proficisci, etiamnum monuerat.

Nuperrime vero, cum doctus sagaxque Anatomicus *D. Thomas Bartholinus* libellum de *Venis Lymphaticis* ederet, earumque aliquas ab ipso *hepate* deduceret; è re nostra quoque tunc videbatur, apertis in eum finem plusculis animalibus, sedulo inquirere, quantum ea res ad præsens nostrum institutum faceret. Id dum ago, certissime comperi, vasa isthæc non modo aliunde, sed & complura eorum ab *hepate* profluere: quemadmodum *Bartholinus* affirmaverat. Ideoque haud male me facturum arbitrabar, si hic loci de iisdem paucula attexerem.

In homine, portio quædam pancreatis venam *Portæ* ad *hepar* deducit, eademque porum bilarium, meatum cysticum, & ductum communem reducit ad intestina. Pars hæc lata ac plana est, atque utrinque membrana à peritonæo orta amittitur: antèrius illius latus omento, posterius autem mesenterio etiam videtur conjuncta; illudque ramus splenicus, hoc mesentericus comitatur. Ab hac pancreatis productione in homine, fit, ut vena *Portæ*, porus bilarius, meatus cysticus, & ductus communis, usque adeo in occulto sint, ut (nisi abrafo pancreate) conspici nequeant. Simillimum quoque est vero, lymphæ-ductus hosce ex *hepate* prædeuntes sæpe similiter abscondi; adeoque se-

rius.

rius innotuisse : etiamsi eadem vasa in homine , inter pancreatis parenchyma ejusdemque membranam à peritonæo ortam , manifeste decurrentia nonnunquam viderim ; reliquis interea vasis jam dictis plane delitescentibus. In nonnullis , imo vero in plerisque aliis animalibus , pancreas ad hepar minime pertingit ; ideoque prædicta vasa trans membranas deferentes facile conspicua sunt. In iisdem etiam animalibus videre est alterius generis vasa , exilia , tenuia , & tralucenia , humore aquoso referta , ab hepate inter dictas membranas delata , & nonnunquam Portam , aliaque vasa conscendentia : suntque ea ipsa vasa , de quibus nunc agimus.

Cum primum vasa hæc conspicatus essem , subiit animum *Afelli* assertio , quæ ait , exploratum sibi esse , *venas lactæas in hepar distribui*. Crediderim autem , vasa hæc aquosa cum fesellisse , quæ facile provenis lacteis habuerit ; primoque intuitu æque promptum fuerit arbitrari , ea ad hepar ire , atque ab illo reverti. Si tamen , adhibita mora , experiri libeat , quonam humor in iis vergat ; manifeste constabit , eundem ab hepate , non autem ipsum versus tendere : idque etiam valvularum structura , quæ numerosæ in iis reperiuntur , dilucide evincit ; illæ siquidem liquori ex hepate effluenti facile cedunt , regressuro autem occluduntur.

Porro , licet vasa hæc interdum in iti-

nere à pancreate sustineantur (quemadmodum id fieri, certo comperi) in illud tamen minime distribuuntur. Quippe vel ad rami mesenterici latus feruntur; vel illum conscendentia, à pancreate versus mesenterium declinant, ubi venas deserunt, rectaque ad receptaculum commune progrediuntur, in quod etiam sese exonerant.

Præterea, aquæ-ductus isti (omnes nempe, qui ad hepar spectant) originem suam ducunt vel ab ipso hepate, vel à vesicula fellea: qui vera ab hepate prodeunt, cæteris majores, aut saltem plures cernuntur. Si vestigia eorum retrorsum legas, statim ubi hepar ingressus fueris, videbis illos à capsula Portæ excipi, & abscondi; adeo ut ulteriorem eorum progressum indagare plane arduum sit. Verisimile autem est, eos capsulæ illius, porique bilarii in eadem conclusi, distributionem sequi; neque uspiam in ipsum hepatis parenchyma emigrare. Enimvero si alicubi in parenchyma distribuendi essent; qui sit, ut in ipsius partem illam, quam (capsulam adeuntes) pertranscunt, minime disseminentur? Aquæ-ductuum horum in aliis locis distributiones, quoniam ad præsens nostrum institutum minus attinent, impræsentiarum haud ulterius prosequar.

CAP. XXXII.

*De Vasorum in hepate connexionibus;
iisque primum, quibus Porta & porus
biliaris mutuo conjunguntur.*

TRia hepatis vasa præcipua, nempe *Tria*
Porta, cava, & porus biliaris, diversi *conne-*
modo inter se connectuntur. Et duo qui *xionum*
dem harum connexionum genera nullo *genera.*
alio intercedente eveniunt; tertium autem
secus se habet. Porta scilicet & porus bi-
larius immediate conjunguntur; idem-
que similiter Portæ, cavæque ramis passim
contingit: porus autem biliaris & vena
cava, nusquam, nisi Portæ interventu, co-
pulantur. De tribus his connexionum
modis nunc paucis dicendum est.

Primo, ad venæ Portæ atque pori biliarii *Porta*
connexiones quod attinet, jam supra dixi- *cum po-*
mus, vasa illa ubique per hepar sese invi- *ro bila-*
cem comitari: adeoque id solum de iis in- *rio con-*
quirendum restat, cur toto distributionis *jungi-*
tractu inseparabiliter commeent? Qui va- *tur;*
forum conjunctionem quamlibet *anasto-*
mosin nomine indignant, has etiam for-
tassis in eum finem extructas arbitraban-
tur: rem autem diligenter perpendenti
liquido constabit, nullam usquam *anasto-*
mosin in his vasis reperiri.

Ego certe operam impendi sedulo, ut *interque*
quid de hac re esset, certior fierem: in *ea vasa*
cumque finem omnes Portæ ramulos (quo- *nulla*
anasto-
mosin

rum quidem qualiscunque amplitudo operationi hujusmodi non refragabatur) in excarnato hepate aperui; quæsi vique diligenter, num è vase in vas hiatus aliquis pateceret: idque demum vere testari possum, nullum omnino vas (quod præ exilitate indaginem non effugiat) hoc pacto pertusum esse. Neque rationi sane consentaneum videtur, ramusculos aut vasa capillaria *anastomosibus* donari, cum majora vasa (quæ iis admittendis magis idonea sunt, adque eundem modum inter se connectuntur) iisdem careant.

conne-
xionis
ratio.

Quinetiam, si inter vasa hæc *anastomoses* aliquæ darentur, causa nulla assignari posset, cur non sanguis pariter aliquando in vasis felleis, perinde atque bilis reperiat. Porta enim sanguinem præcipue in se continet: & licet bilis aliquid ei commisceatur, hæc tamen sanguini permixta, una cum ipso comseat, nec ab illo seungi potest, nisi peculiari colatorio, cujus modum postea explicabimus. Hoc nunc solum dicimus, non posse bilem (positis ejusmodi *anastomosibus*) à sanguine secerni: siquidem nemo causam dixerit, cur, cum meatus hi utrique humori ex æquo pateant, alterum tamen eorum excipiant, alterum vero excludant foras: absque quo discrimine si fuerit, perfecta aliqua separatio nequaquam institui possit.

Ad hæc, si *anastomoses* bilem à sanguine *separarent*, haud facile quis *parenchyma-*

sis usum commodum inveniat. Credimus enim (idque postea apertius constabit) separationem hujusmodi esse parenchymatis munus præcipuum : eoque ablato, pars hæc, pristino honore exuta, omni fere officio privabitur. Nam frustra dixeris, secretionem hanc partim ab anastomosibus, partim etiam à parenchymate absolvi. Natura enim rebus consimilibus producendis instrumentis adeo disparibus (in quibus haud facile operandi modum communem invenias) nunquam utitur. Sæpe quidem in prægrandi hujusmodi opere socias operas adsciscit, facitque, ut pars parti auxilium ferat : pars tamen quælibet privato muneri incumbit, totumque pensum non nisi cum reliquis absolvit. At vero si anastomoses pariter atque ipsum parenchyma bilem à sanguine dirimant, agentia tam diversa totum opus singillatim exequuntur : quod parum verisimile est, ubi communia auxilia, quibus ad eundem modum operentur, nulla adsunt.

Quorsum igitur Porta atque porus bilarius, quocunque demum pergunt, inseparabiliter adeo arteque conjunguntur ? Nempe 1°. ut Porta tanto facilius poro bilario vasa capillaria suppeditet. Quippe jam antea à nobis dictum est, arterias capillares in eum ex arteria hepatica transmitti, ac proinde necessario quoque venis capillaribus donari, quæ sane aliunde, quam à Porta eidem immediate con-

nexa, haud adeo commode prodierint.
2^{do}. Ut connexionis hujus ope; vasi alii ab alio robur accederet, & utrunque accessorio capsulae communis auxilio frueretur.
3^o. Ut vasa haec cum minimo alterutrius impedimento distribuerentur.: Enimvero hoc pacto nec sese invicem decussant, nec aliter obstaculo sunt, neque etiam ambo simul multo plus spatii obtinent, quam Porta sola occuparet. Denique ab hac pori bilarii Portaeque vicinitate, bilis sanguini permixta ad secretionem praeparatur, coque facilius postea in parenchymate à sanguine secedit. Est enim vasis felleis cum humore bilioso magna familiaritas & similitudo; ac propterea sanguine in proximo praeterfluente, bilem ad separationem inde faciendam extimulant, sollicitantque ut cum partibus sibi magis similibus consocietur. Quamobrem etsi antea inficias iverim, à Portae porique bilarii connexionem, sive anastomoseon opera, actualem aliquam separationem fieri; non nego tamen, ob vasorum eorum vicinitatem humorem felleum ad secretionem incitari, varietque eadem in sanguinis massam agere.

CAP. XXXIII.

De vena Porta & Cava in hepate
connexionibus.

Nemo connexiones has dari diffitetur, *Conne-*
 earumque in excarnando hepate tria *xionum.*
 genera occurrunt, quas *Bartholinus* sic *harum*
 describit, *Manifestum est diligenter inqui-* *tres,*
rents, conjungi has radices modo per trans- *species.*
versum, ut altera alteri quasi per medium *l. l. c. 14.*
incumbat; modo extrema junius vena tan-
gunt extrema alterius; modo extrema unius
tangunt medium alterius. Tria hæc con-
 nexionum genera (modo rite intelligen-
 tur) utpote sensui obvia, omnino conce-
 denda sunt: quanquam secundum genus,
 uri postea dicitur, minus recte ab eo de-
 scribitur. Hic autem præcipue inquisitu
 dignum est, numnam (ut *Bartholinus*, *Ana-*
 alique voluerunt) in illis connexionum *stomoses*
 locis, venæ Portæ cum cava *anastomoses* *autem*
 intercedant. *nuspiam.*

De iis *Anatomici* alii aliter sentiunt:
 quidam enim dari negant; nonnulli am-
 bigunt; plerique vero eandem profitentur.
 Ipse quidem diu sententiæ anceps hæsi,
 quid de hoc negotio statuerem; ideoque
 summam in iis indagandis diligentiam
 adhibui: cumque modum excarnandi he-
 patis expeditissimum indeptus essem, bo-
 vina jecinora aggressus sum, ut si quæ *ana-*
stomoses

stomoses à Natura exstructæ essent, easdem in vasis illis peramplis deprehenderem. Postquam autem spem meam non minus hic, quam in jecinatoribus quæ carne exueram, frustra esse sensi; coepi illico suspicari, Autores omnes, earum assertores, plane hallucinatos esse: eoque magis, quia ipsemet sæpe me illas reperisse credidi, cum tamen facto diligentius examine, errorem meum pariter atque errandi ansam deprehenderim: quam mox, ubi de tribus illis connexionum generibus particulatim agetur, paucis exponam; quia & alii forsitan ad eundem lapidem offenderint. Prius autem de connexionibus his universe aliquid dicendum est.

Conne-
xiones
istæ
quomo-
do se ha-
beant.

Ubique igitur venæ cavæ Portæque rami sese invicem contingunt (quod plurimis in locis fit, ubi majores ramuli occurrunt) arcte adeo inter se connectuntur, ut citra alterutrius rupturam divelli nequeant. Hincque, opinor, factum est, ut Anatomici hisce in locis *anastomoses* constituerent; etiam si re penitus inspecta, nullæ omnino ibidem reperiantur.

Porro certum est, ubi rami hoc pacto committuntur, membranam multo *tenuiorem* conspici, quam Portæ tunica alibi esse soleat: idque forte conjecturam jam dictam confirmaverit; quasi ex Naturæ consilio tunica ibidem tenuior extructa sit, ut humores è vase in vas facilius transudarent. Est autem hoc sublestæ fidei argu-
mentum.

mentum : siquidem membraneum repagulum nuspiam à Natura instituitur , ubi canali opus est ; nec unquam ad unius humoris ab altero colaturam sive separationem , membranæ opera utitur ; sed semper parenchyma aliquod negotio huic designat ; humoresque hoc pacto secreti , alii alio per diversa vasis abeunt. Membrana autem in ejusmodi vasorum connexionibus pertenuis extruitur , quia validiore illic munimine nihil erat opus. Utcunque enim tenuis conspicitur , non minus tamen firmam eam , quam valvulas ullas in venis consimilis magnitudinis uspiam in toto corpore reperiās : atque hæc nihilominus sanguinem , alio quam oportet fluentem , facile arcent ac repellunt.

Præterea membrana ibi loci tenuis reperitur , quia ubi Porta & cava connectuntur , tunica Portæ exterior desideratur , & solitaria duntaxat tunica utrique vasi inservit. Quo fit , ut vasa hæc , licet decussatim incedant , spatium tamen , quantum fieri poterat , minimum occupent , parumque alia aliis molesta sint. Natura certe amat compendia ; nec ambages quærit , ubi rem suam minore negotio perficere queat ; idque hic obtinet , ubi communem Portæ capsulam exuit , facitque ut in connexionibus hisce simplex tunica utrique vasi subserviat , eademque opera canales ambo satis ab invicem distherentur. Quippe ejusdem texturæ & firmitudinis est cum
interna.

interna sive propria Portæ tunica, & consimilis soliditatis atque roboris cum tunica ramorum cavæ, quæ in hepate pariter simplex conspicitur, & tamen sanguinis transudationem impedit. Fatendum itaque est, tunicam hanc quoque in connexionibus jam dictis idem præstare posse; præsertim cum membrana hæc sanguinis utrinque æquali pressura, à nimia distensione protegatur.

Quomodo Anatomici ab illis connexionum generibus anastomosis in specie decepti fuerint. à primo.

Superest, de tribus connexionum harum generibus *particulatim* aliquid dicamus, simulque ostendamus, quomodo quodlibet eorum anastomoseos specie fefellerit: idque lucem aliquam controversiæ hujus tenebris adsperset.

Primum harum connexionum genus est, cum ramus alter alteri per medium, ad decussis formam, incumbit: nempe hoc modo. Hoc genus connexionis in excarnando hepate sæpe fit obviam, operationemque plurimum retardat; quoniam, ubi-



cunque tales vasorum noduli occurrerint, parenchyma ipsum veluti circumvallant, neque avelli facile patiuntur. Imo vero ex ipsa excarnandi difficultate facile connexionum harum locum dignoscas, etiam antequam videris. Sæpe in utriuslibet vasis majoribus ramis occurrunt, eoque nomine facilius examinari queunt. Id etiam observatu.

servatu dignum est, vasa hoc pacto unita
haud pari magnitudine prædita esse; verum
aliquando cavæ, interdum Portæ ramos
præcellere.

Has vero connexiones non esse *anasto-* error
exinct
tnt.
moses, ipsius sensus arbitrio facile constat.
Nam si vasa ambo, ubi ita conjunguntur,
aperias; tunicam intermediam, quamvis
tenuem ac pellucidam, non minus tamen
densam porisque privatam invenies, quam
propria & singularis utriuslibet vasis tuni-
ca uspiam alibi conspicitur. Imo vero, si,
ad aperto utroque vase, connexionem hanc
claræ luci exposueris; membranæ interse-
pientis densa atque uniformis textura, can-
dem ibi loci minime perviam esse, facile
persuaserit. Quin addo amplius, etiam si
perspicillorum opera potius itates ejus in-
dagaveris, nullas tamen ullibi reperies:
quod mihi irrefragabile argumentum ha-
betur.


Illud autem forsitan nonnullos decepe-
rit (quemadmodum & me quoque ab initio
fefellerit) quod in connexionum harum ex-
tremis oris parva interdum foramina con-
spiciantur, quæ facile primo intuitu pro
anastomosibus habeas, attamen ulterior
huius rei indagatio, nullas plane ibidem
reperiri, certiore faciet. Quippe indita
leniter in quodcunque eorum foraminum
acicula, aut stylo quopiam tenuiore, facile
comperies, illud in alium aliquem ramu-
lum patefcere, qui à ramo, in quo fora-
men.

men conspicitur, ortum ducit; atque ipsam connexionem præterlabi, neque ullo pacto in annexum vas ingredi: quod tamen factum oportuit, si modo *anastomosis* aliqua revera adesset.

Quomodo secundum connexionis genus incompertum fuerit.

Secunda connexionum harum species est, quando ramulus Portæ cum cavæ ramulo ita conjungitur, quasi extrema eorum in se invicem terminarentur, adeoque vas unum continuum efficerent. Cum primum hoc genus connexionis cernerem, credebam sane me *anastomosis* ibidem reperturum. Videbatur enim vas unum ore aperto in aliud (ceu canalem communem) terminari. Facta autem postmodum accuratiore indagine, speciosæ hujus demonstrationis fallaciam facile detexi. Non est tamen cur doctissimo *Bartholino*, aliisque vitio vertam, quod in tanta rei verisimilitudine decepti fuerint; siquidem id ipse mihi quoque primum evenisse memini. *Bartholinus* ait, *extrema unius venæ tangere extrema alterius*: atque ita quidem videtur, quamvis revera secus se res habeat: ideoque modo secundum connexionis genus male ab eo explicatum dixi, quod etiamnum mihi porro elucidandum venit.

Vasa hæc, licet prima fronte alia in alia terminari videantur, latera tamen duntaxat inter se conjungunt, iterque interim diversum instituunt: quemadmodum in apposito schemate videre est. Adeo firmiter autem coalescunt invicem, ut unicum.



cum duntaxat
vas esse, simpli-
cique foramine
prædita videan-
tur; cum tamen

duobus, iisque manifeste distinctis con-
sistent. Nam si claro lumini objeceris, di-
stinctionem quandam inter ea obscurio-
rem deprehendes, videbisque laterum so-
lummmodo, ut diximus, vicinitate conjun-
gi. Quinetiam si utrique eorum tenuem
stylum indideris, facile constabit, im-
missos stylos per varios canales ferri, ne-
que sibi invicem occurrere. Liquet deni-
que, utrumlibet vas in alterum non desi-
nere, sed abire in ramulos & vasa capilla-
ria sui generis: quod certe nequaquam
fieret, si in adjunctum sibi vas termina-
retur.

Tertium connexionis genus est, cum *quomo-
do ter-*
vas unum alterius lateri directe occurrit,
nempe ad hunc modum.

Viso primum hoc con-
nexionis genere, arbitrabar
me anastomosis in certo de-
prehendisse. Quippe ramuli è Porta pro-
deuntis extremitas, majori venæ Cavæ
ramo instar hirudinis adhærebat. Aperui
itaq; è regione illum cavæ ramum, visurus
num foramen transitusque aliquis inter ea
vasa patefceret. Atq; eccum foramen com-
paruit: adeoque *anastomosis* dari, mihi tum
ratum erat: sed mutavi illico sententiam;
nam



nam si foramen istud anastomosis esset, de-
 leret certe in ramulum venæ Portæ ei an-
 nexum aperiri; quod etsi ita videretur fieri
 minime est factum tamen. Nam indito in
 illud pertenui stylo, sensi cum in ramu-
 lum è cavæ ramo ibidem oriundum pene-
 trare, eratque ramulus iste prædicto jam
 Portæ ramulo conjunctus; secundo nempe
 connexionis modo, sive hac facie. Nimi-
 rum vas illud,
 quod cavæ lateri
 adhærebat, sim-
 plexque Portæ ra-
 mulus primum in-
 tuenti videbatur,
 erat revera surcu-
 lus duplex, è Por-
 tæ scilicet cavæque
 ramulis composi-
 tus. Quippe oppo-



sito splendidiore lumine, licebat duo vasa
 cognoscere, aliudque quodammodo ab
 alio distinguere: inditisque utrinque in
 ambo vasa stylis exilibus, ii manifeste sese
 invicem prætereuntes, diversorum vaso-
 rum varios canales penetrabant, neque sibi
 mutuo occurrebant; uti fieri necessario
 oportuit, si modo *anastomosis* aliquam
 ibidem efformassent. Quibus cognitis,
 mihi certum erat, nullam omnino *anasto-*
mosin inter hæc vasa intercedere; verum
 Authores omnes, qui easdem adstrue-
 rent, aliquo errore (& fortassis eo ipso,
 qui

qui me primum fefellerat) deceptos fuisse.

Ex jam dictis constat, nullas *anastomoses* sensuum indicio dignosci posse, licet tria ista connexionum genera oculis manifesta sint. Robur porro huic sententiæ addunt ipsorummet Authorum, qui eas asserunt, testimonia; præsertim eorum, qui eas diligentissime perscrutati sunt. Fætetur enim *Spigelius*, *anastomoses* hæc exiles admodum esse, ut *Veteres* propterea inconspicuas censuerint. Atque ipsemet *Bartholinus*, earum vindex acerrimus, concedit, non apparere ad oculum omnium *anastomosearum* genera in demortuis. Cur autem addidit, in demortuis? an ut tacite nobis fidem faceret, easdem in viventibus conspicuas esse? Id vero non ausus est aperte profiteri; neque modum ullum docuit, quo illæ in talibus conspici possint: quod tamen factum oportuit, fecissetque proculdubio, modo ei aliquis innotuisset. Ipsemet tamen paulo post explicate magis loquitur: Ego, inquit, curiose in bovino hepate inquisivi *anastomoses* manifestas, in quibus magis, ob magnitudinem, conspicuae esse debebant, exemplum doctissimi *Slegelii* sequutus: verum enim vero oculum fugiunt. Paucisque interpositis, addit: Caterum nusquam pervio foramine stylus per ullam *anastomosis* admittitur.

At enim *Baubin* videtur easdem sensus quoque testimonio evincere; monet enim præcipue observandam in signum *anastomo-*

*Auto-
rum de
hac re
testimo-
nia.*

stomafin, qua canalem emulatur, & est veluti communis & continuus ductus, ex radicibus *Porta* in radices cava, *stylum* satis magnum admittens. Certum autem est, *Baubinum* de canali venoso, loqui; appellat enim *anastomofin*, qua canalem emulatur: quæ ab omnibus *anastomofe*on generibus hic controversis longe discrepat; atque ipsemet quoque eam peculiarem constituit, dum haud plures ejusmodi in toto hepate agnoscit. Nos vero non negamus *anastomofin* illam in embryis & recens natis reperiri; eademque à nobis jam antea non solum admissa, sed & descripta est. Hæc autem à proposito nostro aliena est, quoniam in embryis duntaxat recensque natis conspiciatur, in ætate vero provectioribus occluditur; quod fortassis à *Baubino* minus fuit animadversum: quippe paulo antequam *canalis* hujus meminit, loquitur de foetu recens excludo, & de umbilici insufflatione, qua *anastomosis* hæc dignoscatur. Quamobrem dum *Bartholinus* confirmandis suis *anastomosis* hoc testimonio utitur, non videtur *Baubini* mentem recte assequutus, nec canalem hunc venosum agnovisse. Quod si *Baubinus* censuerit, canalem hunc in viris perinde atque in embryonibus & infantibus patescere; ipsemet profecto, experientia teste, egregie fallitur. Ratum itaque esto, *anastomoses* hæc ipsius testimonio demonstrari nequaquam posse,

Nec

Nec sane tutum videtur, ut quis veritatem indagaturus, relicto sensus indicio, incertæ rationis conjecturæ acquiescat. Quare miror hæc verba Bartholino excidisse, *Negandum tamen non est, in vivis dari aditum, natura non nobis cognitum, propter transitus necessitatem.* Nam si transitus iste nobis incognitus est, unde compertum habuit, cum naturæ notum esse? Quia, ait, necesse est sanguis è Porta in cavam transfluat. An autem propterea necesse, ut id per *anastomoses* fiat? quidni, obsecro, per parenchyma? Quia, inquit, *solus per carnem transitus non sufficit in celeri & copioso fluxu.* Hæc tunica est ratio, propter quam, in hoc negotio, sensus arbitrio stare noluit.

Ego vero libenter Bartholino concesserim, debere sanguinem, qui in Porta est, aliquo modo in cavam transmitti, esseque transitum hunc plane necessarium; ut ita sanguis, qui per arteriam coeliacam & mesentericas continue in intestina, mesenterium, pancreas, lienem, &c. protruditur, in cavam postliminio reducatur, indeque ad cor redeat, laboremque denuo in orbem redintegret. Quinetiam, si quis chylus è lactibus adveniens cum sanguine commistus fuerit (complures enim arbitrantur venarum lactearum partem aliquam ad hepar tendere, atque illic in Portæ ramos transfundi: in quam tamen

sententiam haud facile concesserim) oportet sane, eum quoque una cum sanguine, eodemque itinere traduci. His concessis, inquirendum est, quam via humores isti è Porta in cavam commigrent.

Bartholinus (uti diximus) existimat, transitum per parenchyma in celeri & copioso sanguinis fluxu non sufficere. Non itaque plane traductionem quamlibet per parenchyma inficiatur; sed in copiosis solum atque incitatis fluxibus, anastomoses suas parenchymati subsidiarias advocat; ut, ubi res ab hoc solo præstari nequit, illæ opitulatum veniant. Scilicet, ex ejus sententia, anastomoses eundem usum hic obtinent, quem emissaria sive cataractæ in molis aquaticis solent. Nimirum, si plus aquæ affluerit, quam versandæ molæ satis sit, quod nimium est, per emissaria ejus transfunditur: similiter, si plus sanguinis in hepar irruat, quam per ejus parenchyma in cavam transmitti possit; superfluum illico per anastomoses amandatur. Est autem hæc opinio plurimas ob causas rejicienda. Nam

1°. Hæc sententia statuit anastomoses istas modo apertas, modo clausas esse; quod sane fieri non potest, ubi nullæ valvulæ, aliæve machinæ à Natura extructæ sunt, quibus meatus hi vel aperiantur, vel claudantur, prout usus postulaverit; quod tamen factò opus erat, si eorum nullus usus esset nisi in celeri & copioso fluxu.

2°. Natura

2^{do}. Natura semper magnis præcipitatisque inundationibus exonerandis, meatus conspicuos amplosque efformat: hi vero (si qui adfuerint) exigui adeo sunt, ut oculorum aciem omnem, adhibita quoque perspicillorum ope, subterfugiant. Quapropter parum verisimile est, eos humoribus affatim irruentibus aliorum derivandis institutos esse. Accedit, quod connexiones istæ raræ admodum sint, & perforationes earum (si modo ullæ fuerint) exiguæ adeo, ut parva admodum humorum copia illac pertransire queat, eorumque pars solum tenuissima (reliæta in iis, angustis crassiore sæce) transcoletur: ideoque natura imprudentiæ nomine accersenda esset, quæ remedium ejusmodi adhibuerit, quod destinatum opus retardet potius quam promoveat. In embryone sane canalem venosum per amplum exstruxit, qui stylum mediocrem facile admiserit; in eum nempe finem, ut sanguinis è vena umbilicali affluentis gurgitem in cavam deducat. Sciendum tamen, venam hanc umbilicalem ante natum hepar existere, & tunc temporis, solum atque immediate per canalem hunc in cavam exinaniri. Postea vero, efformato jam hepate, canalis hic venosus (habita ratione umbilicalis venæ, aut hepatis) indies minuitur. Certo documento, Naturam statim ab initio à canali venoso sanguinis impetum avertere, eundemque aliorum, nempe per hepa-

tis parenchyma, in cavam protrudere. Post partum autem, præciso jam plane per umbilicalem venam sanguinis curriculo, fluxus quoque hujus per canalem venosum proisus abruptitur, simulque vas istud (ad umbilici modum) in ligamentum, sive radicem ligamenti degenerat. At vero si post partum emissariis ejusmodi opus esset, per quæ copiosus sanguis evacuaretur; cur, obsecro, *canalis* iste occluditur; siquidem per hunc nimia illa ubertas commodè depleri posset? vel potius quomodo claudi potuit, si etiamnum tali sanguinis traductioni ex usu esset? Quoniam itaque natura canalem hunc à partu occludi finit; manifestum est, anastomosibus haud magnopere opus esse, quibus sanguis celementer copioseque affluens egeratur foras.

3. Sanguis per Portam illabens, bili commiscetur; quam ab illo separari convenit, priusquam in cavam elutrietur. Ideoque antequam eo perveniat, opus est partem bili secernendæ destinatam pertranseat. Quamobrem superest inquiremus, num parenchyma à natura ad id munus institutum sit, an vero connexiones illæ, de quibus nunc agimus. Quippe haud fas est credere, naturam ad unum idemque officium peragendum varia ac diversa organa construxisse. Utitur enim illa, ad quemlibet finem obtinendum, medio maxime accommodo: quod, nisi unius generis, esse non potest. Nam si res aliqua pro-

proposito peragendo optime conveniat, alia sane quatenus ab illa discrepaverit, catenus quoque eidem efficiendo minus commoda censeretur. Ac propterea vel parenchyma ab hoc munere feriatur; vel fictitiæ hæ anastomoses bili à sanguine separandæ minime designantur: Enimvero diversæ plane sunt harum partium constitutiones: estque profecto parenchyma tali separationi faciendæ maxime idoneum, ramorum autem Portæ & cavæ connexiones ab ejusmodi officio prorsus alienæ sunt. Adsunt enim parenchymati vasa fellea capillaria, quæ bilem in eo secretam mox auferant; cavæque capillaria, quæ sanguinem puriorem redditum abducant foras: connexiones autem istæ nullis vasis felleis præditæ sunt, quibus humorem illum avertant. In quem itaque finem separatio ejusmodi instituitur? aut quo, precor, humor ita secretus evadet? Quoniam igitur connexiones hæ bilem à sanguine segregare nequeunt; certum est, eandem huic è Porta in cavam transvehendo nequaquam extructas esse.

4^{to}. Natura, ut dictum est, non solet vasa oblique per latera, sed directe per extrema eorum exonerare. At enim, inquis, exteriores saltem corporis venæ mutuis passim anastomosibus invicem conjunguntur. Respondeo: Anastomoses hæ omnibus conspicuæ sunt, sanguisque transit è vase in vas aliud per apertum canalem.

lem, qui perinde in utrumlibet vas quasi terminatur; non autem per utriuslibet vasis laterales tunicas obscura quadam transfusione permeat: quemadmodum hic fingendum est, humorem, ubi connexiones illæ reperiuntur, per tunicam utrumque vas intersepientem transmitti. Quinetiam assero, nullos ejusmodi transirus, per latera vasorum, ullibi in toto corpore occurrere. Præterea, vasa ista in connexionibus hisce minime terminantur, verum ulterius procedunt, atque porro distribuuntur; quod certe frustra fieret, si in illis connexionibus deplerentur: quorsum enim jam exinanita, ulterius procederent? Observatu sane dignum est, venas hasce ultra connexionum loca, haud in pauciores hepatis partes ramificari, quam ulla alia ejusdem magnitudinis vena solet, licet ab omni connexione libera fuerit. Argumento certissimo, non ibi earum operam definere, ubi connectuntur; sed perinde ac si nullibi copulatæ essent, totum iis pensum adhuc absolvendum esse: quapropter etiam in partes hepatis haud pauciores distribuuntur, quam si nulla uspiam connexio contigisset. Quorsum vero istuc? deberet saltem ramificatio earum minor esse, quam aliorum parvis amplitudinis vasorum, quæ istiusmodi emissariis destituuntur, per quæ partem sui oneris medio itinere deponant. Quoniam igitur hæ venæ ultra connexiones

nes suas nihilo minus porro disseminantur, quam si nulli ejusmodi connexus omnino obtigissent; clare constat, eas nullam sarcinæ suæ partem in connexionum locis deponere, sed duntaxat per ultima sua capillaria (quemadmodum & aliis ramulis ab omni copula liberis usu venit) humorem suum effundere.

Postremo, jam supra asseruimus, venam cap. 17.
 Portæ per totum hepar æqualiter distribu- §. 4.
 tam esse; totique ejus parenchymati pro & 5.
 portionaliter respondere: (adeo quidem, ut vasa omnia capillaria æqualis cum trunco capacitatis sint; neque hic amplius adferre, quam illa in parenchyma transferre possint;) ipsumque parenchyma omnibus capillaribus par esse, & tantundem in radices cavæ amandare posse, quantum omnia Portæ capillaria advehere queant. Ipsæ denique radices cavæ consimili proportionem constant. Ac propterea anastomosibus auxiliatricibus nihil opus est, quæ operis partes conficiant; quippe totum negotium hoc pacto facile absolvitur: nulla enim parenchymatis particula plus sanguinis admittit, quam qui per minimum capillare vas ad eandem affluit; à quo sane nequaquam opprimi potest. Nam licet ipsemet Portæ amnis per amplius sit, in aliquot tamen mille rivulos divisus (quot nempe vasa capillaria reperiuntur) eorum quilibet parenchymatis parti, cui ministrat, parum negotii

facessit: tandemque, *multorum manibus grande levatur onus.*

*Experi-
mentum
egregium.*

Ad ulteriorem sententiæ hujus confirmationem, experimentum afferam memorabile, quod non solum transitui huic sanguinis è Porta in cavam, sed & aliis plurimis ad circuitiorem sanguinis spectantibus claram facem præferat. Facta nempe non ita pridem, in Theatro Anatomico Londinensi, privata cadaveris dissectione, cui Collegæ solum aliquot intererant; visum est experiri, quam facile aqua, vi in Portam protrusa, hepar pertransitura esset. Vesicam itaque bubulam prægrandem siphoni adaptatam (quemadmodum in enemate exhibendo apud nos fieri assollet) aqua calida, lactis pauxillo colorata, implevimus; fistulæque apicem, Portæ juxta hepar inditum, filo constrinximus; ut scilicet, ne quid humoris relaberetur, prospiceremus. Quid sit? Compressa fortiter vesica, aqua illico hepar pertransiens, cavam ingreditur, indeque in dextrum cordis sinum delata, per venam arteriosam pulmones adit, iisdemque trājectis, in sinistrum ventriculum delabitur, hinc in aortam fertur, & denique clara lactei hujus humoris vestigia in ipsis renibus deprehendimus. Relicta autem historię parte illa, quæ ad rem præsentem nihil attinet; liquor hoc pacto in hepar immissus, sanguinem paulatim non solum è majoribus vasis, sed è capillaribus etiam, ipso-

ipsoque parenchymate prorsus eluebat. Visus enim est color parenchymatis sanguineus sensim evanescere ; ablutoque mox omni sanguine , hepar ex albo fuscoque flavescibat. Idemque color (ut verissimum mihi videtur) nativo hepatis coloris propinquior est ; quam rubicundus ille , quem à pertranseunte sanguine mutabatur. Facto ad hunc modum hujus rei periculo , ipsum hepatis parenchyma alte incidimus ; ut constaret , numnam intima illius similiter permutata essent : sanguinemque omnem inde adeo ablutum reperimus , ut vix alio pacto id æque fieri potuisse videretur : quippe totum parenchyma colorem modo dictum planissime ostendit. Jam vero , si injectus liquor , anastomoseñ opera , hepar penetrasset ; quifactum , ut omnis sanguis inde elueretur , & parenchyma ejus , dempto sanguineo colore , novum illico sua sponte indueret ? Aqua certe colorem illi nullum indidit , quo ipsa caret : nec lac etiam flavum aut fuscum colorem , quem modo diximus , eidem impertiit : licet hic illius opera ad albedinem magis accedere potuerit. Verum ne quid ultra litis superesset , sæpe , aqua sola injecta , hujusce rei experimentum institui , apparuitque ex pallido flavoque infuscatus color. Et quoniam hic in omnibus parenchymatis partibus consimilis videbatur , indicium fecit , aquam singulas ipsius partes æqualiter perluisse : quod

profecto fieri nullo modo potuisset, si pars ejus (facto per anastomoses transitu) immediate in cavam perreptasset. Sanguinem autem naturaliter eodem, cum aqua hac, itinere deferri; nemini, opinor, erit dubium. Quapropter concludendum censeo, eundem, non quidem per fictas illas anastomoses elabi, sed ipsum hepatis parenchyma percurrere.

Connexio-
nium
harum
xj^{ta}.

Superest solum dicamus, siquidem nullæ illic anastomoses reperiantur, quibus usibus igitur vasorum horum connexiones inserviant. Respondeo,

1^o. In eum usum extructæ sunt, ut friabilem imbecillamque parenchymatis coherentiam firment ac corroborent. Videmus enim inter excarnandum hepar, parenchymatis portiunculas ægrius multo in connexionum earum locis, quam alibi, avelli.

2^{do}. Ligamentum suspensorium (cujus potissimum robore hepar suspenditur) cavam circumambit, eidemque firmiter adalligatur; adeoque, mediante cava, veluti radices in hepar agit: quippe hæc radices in totum hepar spargit; quæ Portæ ramulis passim coherentes, ligamento huic firmitudinem præbent, omnemque lacerandi hepatis metum tollunt.

Postremo, quoniam necesse erat, ut Porta & cava (quarum trunci in diversis hepatis locis siti sunt) sese invicem decussarent; connexionum harum ope fit,

ut.

ut minus spatii occupent, minusque sibi invicem molestæ sint.

Præter jam dictos connexus Portæ cum vasis felleis, interque nonnullos Portæ cavæque surculos; est etiam alia (non tamen immediata) inter vasa fellea & cavæ ramulos connexio. Cum enim vasa biliaria Portæ ramos perpetuo comitentur; fieri non potest, quin, ubi Porta cavæ conjungitur, illa quoque vasa cum hujus ramulis connexionem aliquam sortiantur. In omnibus jecinoribus, quorum excarnandorum mihi hætenus facta est copia, etiam si tritum horum vasorum nodi sæpe occurrerent, semper tamen vena Portæ vas felleum & cavæ ramum intercedebat, adeoque hæc vasa nunquam immediate conjungebantur. Quod propterea factum arbitror, ne rami venæ cavæ, puriori sanguini aveliando destinati, à vasorum felleorum vicinia amarorem aliquem contrahent, sanguisque inde facilius bilefceret.

*De Tabulis sive Figuris excarnato
hepatis adscriptis.*

UT hepatis descriptiones omnes à nobis traditæ clarius intelligantur, visum est tabellas duas excarnati hepatis adjungere; quarum illa vasorum in cavo, hæc in gibbo ejus distributionem exhibeat. De utraque vero universe moneo,


1. Majorem longe esse ramorum atque capillarum in hepate rite excarnato mul-

titudinem, quam in tabulis hisce expressimus: idque data opera à nobis factum esse; quoniam aliter, si famulorum in hepatis meditullium distributorum minuta vestigia adpinxissemus, majorum vasorum delineationi nebulas offudissent.

2^{da}. Haud eandem plane vasorum distributionem in omnibus jecinoribus expectandam esse; neque ad eam prorsus normam, quam hic expressimus. Habebam præ manibus quatuor jecinora noviter carne exuta, cum tabulæ iste exculpendæ essent; eorumque quodlibet ab aliis paululum abludebat. Natura scilicet vario itinere delectatur, quoties commode per diversas semitas ad eandem metam itur.

3^a. Minora vasa (puta arteriam, nervum & Lymphæ ductus) haud eodem semper numero constare; eorundemque paucitatem amplitudine perpetuo compensari. Reperiuntur nonnunquam duæ arteriæ hepaticæ, sed exiliores. Vidi etiam tres nervos, quorum unius ramulus vesicæ fellicæ famulabatur. Ipsi quoque Lymphæ ductus numero admodum variant. Hic duos solum exhibui; quoniam in excocto excarnatoque hepate haud plures deprehendi, etiamsi in aliis jecinoribus sæpe plures viderim.

349.



B



TABULÆ ISTÆ HEPAR A.
PARENCHYMATE SUO
LIBERATUM EXHIBENT.

Figura prima simam ejus partem, una
cum vasis ibidem conspicuis
repræsentat.

- A. Pars hepatis dorso vicina.
B. Latus illius dextrum.
C. Anterior ejus fimbria.
D. Latus sinistrum.
E. Vena cava, ubi diaphragma pertransit.
E. 1. E. 2. E. 3. Tres ejus rami primarii, in uni-
versum fere hepar distributi.
F. Vena Portæ sursum reflexa, ut alia vasa faci-
lius in conspectum veniant.
F. 1. F. 2. F. 3. F. 4. Quatuor rami Portæ, in simi-
hepatis quadrantes dispersi: quintus autem
ab hoc latere conspici nequit.
G. Vesica fellea.
H H. Vena umbilicalis in ligamentum degener.
I. Ductus communis.
K. Canalis venosus, ligamenti jam munus obiens.
L. Cava descendens truncus.
a. Membrana hepar investientis portiuncula.
b. Pars diaphragmatis cavam circumplectentis.
c. Porus biliaris.
d. Meatus cysticus.
e. Visorum horum concursus.
f. Arteria hepatica.
o o. Nervi hepatici.
p p p p. Capsula communis aperta.
q q. Lympha-ductus.
m m m &c. Portæ ramuli minores.
n n n &c. Cavae ramusculi.

FIGURA SECUNDA,

Partem Hepatis gibbam, & vasa
ibidem sita explicans.

- A. Pars hepatis superior & dorso proxima.
 B. Pars ejus dextra.
 C. Pars ima, siue crepidio anterior.
 D. Pars hepatis sinistra.
 E. Truncus vena cava supra diaphragma.
 E. 1. E. 2. E. 3. Tres illius rami primarii.
 F. Sinus Porta.
 F. 1. F. 2. F. 3. F. 4. Quatuor Porta rami,
quadrisariam in hepar distributi.
 F. 5. Quintus Porta ramus, qui in altera
figura describi non potuit.
 G. Vesicula fellea.
 H. Vena umbilicalis.
 I. Ductus communis.
 aaaa. Quinti rami Porta ramusculi pra-
cisi, quo reliqua vasa manifestius con-
spiciantur.
 b. Diaphragmatis portio, ubi cava anne-
ctitur.
 c. Porus biliaris.
 dd. Meatus cysticus.
 e. Vasorum horum angulus unionis.
 m m m &c. Porta ramuli minores.
 n n n &c. Ramuli minores Cava.



D



CAP. XXXIV.

De actione atque usu hepatis: & primum universe de quarumlibet partium actione & usu, deque methodo in dicendis proposita.

Actiones ususque partium fere simul *De acti-*
tractari solent: nec sane commode *onis, u-*
de iisdem separatim egeris, cum sibi invi- *susque*
cern tantopere affines sint. Quælibet enim *partium*
actio proprio usu gaudet, & unusquisque *discrimine.*
usus actionem habet, à qua vel dependeat,
vel cui inserviat. Adeoque, si partis cujus-
piam usus læsus fuerit, necesse est, ut actio
aliqua atque item facultas simul detri-
menti aliquid patiantur. Neque faculta-
tem aut actionem aliquam plene descrip-
seris, nisi quoque aliarum quarundam par-
tium usus (saltem illi subsidiarios) expli-
cueris. Eademque ratio est idonea, cur
Auctores passim *actionis ususque* partium
nomina conjunxerint.

Usus sunt duùm generum: alter *acti-* *Usus*
us dici potest, utpote actionis cuiuspiam *duplex.*
effectus; alter autem (distinctionis ergo)
passivus; etsi pars interea, quæ usum hunc
præbet, vim nullam patiatur, libertateque
sua minime privetur.

Usus *activus*, est actionis alicujus effe- *activus.*
ctus, quatenus vel agenti, vel parti cui- *& passivus.*
piam alteri, vel etiam toti proficius est. *sym-*

Quæ.

Quælibet enim actio, ut causam efficien-
tem, sic & finalem obtinet: eademque
finalis causa, quandiu est in *intentione*
agentis, manet etiamnum causa finalis;
quamprimum vero ad *executionem* per-
ducitur, ut rei propositæ *fructus* est, ita
ipsiusmet actionis *usus* dici debet. Quippe
actionis hujus *activus* nil aliud est,
quam quod agens eo pacto finem sibi
propositum consequatur. Finis enim iste
necessario bonus æstimandus est, ac pro-
pterea ejusdem acquisitio similiter bona
fuerit, & consequenter proficua sive uti-
lis. Ideoque actionis effectus (habita
emolumenti ratione) prout actionis *finis*
erat quoad *intentionem*; ita, quoad *execu-
tionem*, ejusdem *usus* est.

activus
est vel
publi-
cus, vel
privatus.

Bonum ab agente propositum, si *privatum* duntaxat fuerit, ipsa quoque actio
privata judicatur, ususque etiam privatus
est, utpote privatae solum partis (à cujus
actione profluxit) commodo interserviens.
Sin autem bonum propositum fuerit *pub-
licum*, actio quoque publica judicanda
est, ususque publicus sive toti subser-
viens.

Num
agens
quic-
quam in
usum
publi-
cæ mo-
latur.

Certum quidem est, actionis privatae
finem ab agente semper propositum esse:
quandocunque autem pars aliqua privata
fini publico ministrat, numnam finem
illum sibi destinet, merito controver-
sum est: videtur enim agens omne natu-
rale rem suam solum agere, nihilque al-
terius.

terius emolumento consulere. Respon-
deo autem, naturale agens absolute in se
consideratum, sui ipsius duntaxat curam
gerere; idem tamen, quatenus pars est
cum aliis, ad totius salutem, sociali fœ-
dere conjuncta, quatenusque fœdus illud
amat & expetit, cuius nomine situm atque
ordinem, quem in toto nunc habet, ob-
tinuit; oportet finem publicum, eo no-
mine ad se quoque spectantem, accuret.
Quippe hac ratione, actio publica parti
illi muneris officiive loco venit: debetque
adeo pars ista muneri huic, usuique, qui
inde ac totum redundat, studiose in-
cumbere: alioquin enim fœderis cum
toto icti nulla illi cura esset, quod in par-
tis ad totum subordinatione consistit, qua-
tenus pars hoc pacto actioni aut usui pu-
blico sit accommoda.

Quamvis igitur organum quodlibet
prudenter adeo à Natura instructum sit,
ut pars quæque illius, dum agit, peculiari
quadam delectatione afficiatur; neque
ægre ferat, si pars alia quæcunque ejusdem
organi, opera ipsius utatur; imo vero licet
interdum dici possit, partem aliquatenus
proprio suo commodo inservire, in eum-
que finem agere, etiam tunc temporis
cum publico muneri incumbit; haud exi-
stimandum tamen (vel in illis casibus).
partem illam, quæ actionem usumque præ-
bet, suarum rerum solum satagere, publici
autem emolumenti plane immemorem
esse.

esse. Neque enim usus, qui in totius utilitatem cedit, respectu habito ad organum à quo manat, fortuito contingere putandus est. Nam si organum, unde is proficiscitur, nullam ipsius curam gerit; quamnam aliam partem de illo sollicitam arbitramur? Et si nulla pars usui publico operam navat, oportet is casu solummodo eveniat; quod profecto à recta ratione est alienum. Haud dubium quippe est, quin publicus cujusque organi usus secundum naturam sese habeat, adeoque & ipse naturalis sit, causamque naturalem obtineat; quam non fas sit credere, opus suum fortuito instituere, effectumve temere ac nullo consilio producere. Quoniam igitur organi cujuscunque publicus usus, effectus est naturalis; oportet sane & causam quoque naturalem habeat. Nulla autem usus publici causa constitui potest, præter organum à quo promanat; ideoque ab organo eundem aliquo modo decerni necesse est. Quapropter licet organum absolute (ceu agens naturale, nulloque ad totum respectu habito) consideratum, suis tantum rebus consulat, quatenus tamen cum toto foederatum est, debet necessario dare operam illius commodo, publicæque actioni atque usui, quos producit, incumbere; neutrum vero eorum fortuito consequi.

*Usus
privatus.*

Privatæ actionis *usus* quamvis (uti dictum est) si rigide loqui velimus, ab *actione*, quæ

quæ eum producit, distingui possit; non solent tamen vulgo de hoc genus usu agere, tanquam ab actione distincto, sed actionis nomine utrumque confundunt: quia huiusmodi usus ab actione necessario atque immediate promanat.

Quotiescunque auctores de actione atque usu partium, ceu contradistinctis, agunt; non illum usum intelligunt, qui actionem privatam subsequitur, & in agentis solummodo emolumentum cedit: verum usus nomine eum semper volunt, qui non partis, unde emanat, sed alterius cuiuspiam, aut totius utilitatem spectat. Ideoque in posterum, actionis nomen eo sensu accipiam, quatenus partem eam respicit, cuius actio est: usus vero nomine eum intelligam, qui ad aliam aliquam partem refertur, cui pars illa, unde usus proficiscitur, in servit.

Atque hoc sensu, tum actio tum usus dici possunt trium esse generum. 1. Totius organi actio, vel usus totalis. 2. Actio cuiusque partis organi; vel usus, quem pars qualibet organi, alteri cuiuslibet illius parti suppeditat. 3. Actio partis in vicinas partes; vel usus sive beneficium, quod propinquis partibus ab ea accedit.

Porro, actio atque usus partium distinguuntur, in *similares*, & *organicas*. Et de actionibus quidem nemo dubitaverit, quin divisionem eam admittant: nam

*Actio-
num at-
que usuum
tria ge-
nera.*

*divi-
duntur
in simi-
lares &
organicas.*

nam autem *usus* quoque sint ita divisibiles, nonnulli fortassis ambigant; quoniam usus semper alii alicui agenti videntur instrumentales. Fatemur certe, usum semper, sensu jam dicto, vel alii cuiuspiam parti, sive agenti, vel toti inservire, non tamen id semper facit organice sive mechanice, sed interdum per modum similem. Potest enim partis alicujus actio similis, alii alicui vicinæ parti ex usu esse; sed non aliter tamen quam virtute simili: verbi gratia, calor hepatis, in hepate est actio, & ventriculo est usui; attamen non solum calor in ipso hepate est similis, sed etiam effectus, quem in ventriculo producit, pariter similis est; cumque effectus iste ex ventriculi usu sit, dicendus erit usus similis; adeoque concedendum est, usum non minus similem, quam organicum reperiri.

*Dicendum
metho-
dus.*

Actione atque usu partium hætenus universe explicatis, de actione atque usu hepatis particulatim dicendum est: idque fiet hoc ordine. Primo agam de organi hujus actione atque usu totali: & quoniam in errorem minus primum iter est, dicere quid in re aliqua non sit, quam affirmare quid sit; ordiar à negatione, posteaque asseram, cuinam actioni usuique publico hepatis inserviat. Deinde actionem & usum cujusque partis hujus organi expediam. Postremo, indicabo usum sive beneficium quod partibus aliis circumvicinis impertit.

pertit. Atque hæc dum aguntur, dicam obiter, quænam actiones atque usus similes sint, & quænam organicæ.

Ad totalem hepatis actionem atque usum quod attinet, quæstiones duæ percelebres ea de re jam pridem disceptatæ sunt: altera, utrum hepar sanguificet? altera, numnam hepar sit origo venarum? Atque harum quæstionum determinatio, actionum & usuum parti huic falso adscriptorum exclusionem plane absolyet. Ideoque hinc mihi exordiendum censeo.

C A P. XXXV.

Num hepar sanguificet.

Litigatum est jam olim inter *Peripateticos* & *Galenicos*, cuinam visceri sanguificandi munus conveniat: dum illi, *cordi*, *sentia*. hi vero, *hepati* officium illud attribuunt. Factumque est postea, ut aliqui (rejectis amborum opinionibus) id muneris venis adscripserint.

Tres istæ sententiæ, cum varia earum temperatura, limitatione, atque interpretatione, animos omnium hætenus exercuerunt. Nuper autem facta penitior illius rei indagatio, clare constitit, nullam earum veritati consonam esse.

Sunt quædam rationes atque experimenta communia, quæ opiniones omnes
jam

jam dictas pariter convellant; sunt etiam alia quædam peculiariora, quæ easdem singillatim labelactent. De illis primo agendum est.

refel-
luntur
semul.

Et principio quidem videamus, quidnam sanguinem primum efficiat. Mihi namque vero plusquam simile videtur, quicquid primum sanguinem fabricaverit, id ipsum toto vitæ spatio eidem muneri incumbere. Est enim causarum identitas, quæ facit ut effectus idem sit; quippe effectus supponitur non esse, donec à causis existentiam suam indeptus fuerit; & dum existentiam illam largiuntur, oportet ipsius quoque identitatem impertiant, qua sine effectus ipsemet nequaquam fuerit. Inde vulgo dicitur; *Idem, quæ idem, semper facit idem*. Nam licet causæ liberæ, pro arbitrio varie aliquatenus operari possint, & diversimode effectum suum producere: primariæ tamen earum facultates, etiam tunc temporis, haud uno modo sese habent: ipsorumque organorum actiones, modo quodam æquivalentiæ, ad identitatem reduci possunt, priusquam effectus absolvitur. Causæ vero naturales brevissimo optimoque agendi modo strictius adalligantur; debentque, quandiu eadem permanserint, rem eandem agere, nisi alicunde impeditæ fuerint; idemque effectus oportet semper causas easdem immediatas nanciscatur, nempe vel easdem ipsas, vel quæ illis saltem æquipolleant.

Quo-

Quoniam igitur causa sanguinis primi effe-
 catrix, est agens naturale; si in animali
 usque perstiterit, oportet quoque idem
 semper opus instituat; & si in eo novus
 quotidie sanguis efficiatur, necesse eadem
 quoque causa adsit, vel saltem æquipollens
 ei, quæ primum sanguinem fabricavit;
 debetque adeo causa illa, sanguificationis
 fons existimari.

Si vero accurate pensitemus, quid nam *Quid-*
 sanguinem primitivum efficiat; liquido *nam*
 constabit, non hepar, neque cor, nec etiam *sangu-*
 venas, sed *nem pri-* spiritum vitalem in prima semi-
 nali materia hospitantem, illius auctorem *mum ef-*
 esse. Nam in ovo incubato sanguinem *ficiat.*
 reperias, antequam cor, hepar, venæve
 efformatæ fuerint; imo vero priusquam
 in ipso puncto saliente vel minimum san-
 guinis extiterit. Liquor tamen hic vitalis,
 antequam sanguinis ruborem induit, sese
 à reliquis ovi partibus (quibus promiscue
 commiscetur) segregare incipit, & in
 rivulos sive ramificationes quasdam ex-
 currere, quæ postea in venas evadunt.
 Rivuli isti in unum punctum coeñtes, in
 eum locum conveniunt, qui postea *pun-*
 ctum saliens & cor appellatur. Idque fieri
 videtur, diu antequam sanguinis vestigium
 aliquod compareat. Quamprimum igitur
 rivuli isti conjunguntur, fluxus in eis ali-
 quando reprimitur, indeque humor exæ-
 stuat, locumque ampliorem requirit: cum-
 que ille (ob affluentes jugitur novos gur-
 gites)

gites) eodem itinere reverti nequeat; necesse habet, efformatis novis ductibus, in seminalem materiam, unde profluxerat, retrogredi. Hinc oboritur circumgyratio; tandemque ductus priores, in venas, posteriores, in arterias abeunt; atque in eorum confluentiae puncto *cor* enascitur. Rivulorum horum intro forasque fluentium opera, succus vitalis (dum vita superstes est) motum suum perpetuat, irrigatque simul ac vivificat omnes materiae partes, quas continue perlabitur. Fit iste circuitus, uti arbitror, priusquam succus vitalis in sanguinem excoctus fuerit: nempe fluida solum etiamnum existente materia, sive facto jam liquamine aut *colliquamento*, ut doctissimi *Harvei* nostri verbo utar. Nimirum, dum seminalis materia adhuc liquida est, vitalis succus canales suos per eandem quoquoersum facile dispergit, utpote nullo uspiam occurrente obstaculo; sin autem efformatis jam partibus solidis, tum demum ramificationes suas exordiretur, non posset ullo pacto per eandem viam suam pertundere.

quomodo is
fiat.

Ccepta jam hoc modo *vita chorea*, licet sanguis etiamnum nullus appareat, liquor tamen vitalis, dum continue (quamvis pedetentim) rotatur, formam sanguinis paulatim induit. Quoniam vero chorion, tam tutelae quam nutritionis aliarum partium causa, indurari primum oportuit; cumque in eum finem, nulla humiditas forin-

forinsecus adsit, quæ impediatur; caloremque à gallinæ incubatione proficiscentem primum experiatur; fit, ut succus vitalis ibi primum sanguinis colorem adipiscatur. Idque eo expeditius, quoniam liquor vitalis halitus suos ibi loci facilius transpirat: quod nisi fieret, vitalis calor brevi extingueretur. Ac propterea verisimile est, calorem hoc tempore in exterioribus partibus, quam in ipso centro, vivaciorem nidulari; ideoque primum sanguinem (uti etiam ad oculum liquet) in chorio fabricari. Quoniam autem per horas complusculas, post visum in chorio sanguinem, nullus in saliente puncto conspicitur; manifeste constat, sanguinem ab initio tarde admodum circumvolvi. Quamprimum enim sanguis, qui in chorio est, circuitum perficiens ad cor pertingit, necesse est in puncto saliente conspiciatur.

Omissis autem quæ ad rem præsentem minus attinent; assero, spiritum vitalem (qui alioquin in crassiore materia veluti sopitus jacet) ab extraneo incubationis calore excitatum atque adjutum, sensim infervescere liquorem vitalem, in quo hospitatur, eidemque colorem sanguineum inducere; idque fieri à calore ejus vitali, & motu qui in eo inest; nullamque aliam partem (ceu agens principale) ad hoc opus arcessendam esse. Admittimus quidem causas auxiliatrices extrinsecas, quarum in numero gallina erat ab initio, po-

Q

steaque

steaque ipsius cordis substantia ; neque repudiamus causas accessorias organicas, cordis nempe fabricam , arterias etiam , atque venas; verum id tantummodo pertendimus, *spiritum vitalem*, caloris motusque sui ratione, agentis principalis locum in hoc negotio solum obtinere.

Unde
rubedi-
nem ac-
quirat.

A calore ac motu colores sæpe ex albo pallidove ad rubicundiorum speciem exurgere , plurimis experimentis palam fit. Malorum cydoniorum cæterorumque fructuum conditoribus notum est , diutinam eorum cocturam ruborem illis affundere. *Quercetanus* alicubi ait , tincturam panis diuturniore inter digerendum mora rubicundam fieri. Fructus similiter in clibano cocti, quam crudi, rubicundiores sunt: panis item coctus, quam massa farinacea. Cibi assi, tostique, extra, quam intus, magis rubent. Fatemur quidem, non omnes liquores rubedinem pariter induere; certumque est, aquas simplices coctione parum admodum immutari; quod etiam de aliis fere rebus omnibus simplicibus verum est: quæ tamen succo nutritio uberiore gaudent, rubicundiora coctione evadunt. Credibile sane est, liquores omnes vitales (si modo caloris quantum satis est, & luctationem in motibus suis obtinuerint) in sanguineum colorem evasuros. Id profecto in animalibus omnibus sanguineis perspicuum est, in quibus chylus primum albicat, rubrumque de-
mum

mun colore adipiscitur. Et in iis quoque animalibus quæ naturaliter exsanguia sunt (ex. gr. in ostreis) ob calorem ætivist mensibus exuberantem, sanguis nonnunquam deprehensus est: indeque ratio constat, cur aliis temporibus succus earum vitalis ad sanguinis tincturam minime peringat; quoniam nempe calor in eo tunc hebetior est, quam ut colorem hunc illi inducere queat: quin etiam vitalis succi circuitus in ipsis facile adeo peragitur, ut intensiore caloris gradu, luctatione ve in eo nihil opus sit.

Quemadmodum animalia sanguinea exsanguibus calidiora sunt, ita partes quoque illorum rubicundiores calore uberiori pollere, contra autem pallidiores magis frigidae censentur. Similiter in morbis frigidis, veluti chlorosi, cachexia, hydrope, constitutionibus phlegmaticis, & similibus aliis, sanguis pallidior, quam in calidis morbis, conspicitur. Quinetiam sanguis venosus, prout de calore illo, quem in corde & arteriis obtinuerat, remittit; ita pariter colorem illum floridum & coccineum, quo paulo antea in iisdem rutilabat, paulatim exuit. Sanguis enim è venaeductus, lividior apparet, & ad purpureum fuscumque magis vergit: amisso vivido roscoque colore, qui in sanguine ex arteria profluente conspicuus est. Præterea, sanguis è vena in paropsidem effusus, dum sensim resigescit, splen-

denti floridoque suo colore mox destituitur. Quæ omnia clare indicant, cujusnam opera (in sanguineis animalibus) succus vitalis in sanguinem excoquatur, quidque hunc ipsum incolumem conservet: est nempe calor spiritus vitalis, in ipso sæpe redintegratus, absque quo sanguineus illius color subito evanescit.

Certum est, albumen in ovo, ante incubationem, & aliquandiu etiam post eam, alborem pristinum retinere; exque illo, sine alterius cujuspiam rei adventu, fieri pullum. Libens itaque intellexerim, quo pacto color iste albidus immutetur, & ruborem induat. Non potest certe hoc fieri à re aliqua, quæ jam antea rubra extiterit, quoniam pars rubra adhuc nulla in ovo reperitur: neque etiam credendum est, partes carnosas, quæ aliquandiu post efformatum primum sanguinem etiamnum albæ manent, rubedinis in illo sanguine causam esse. Imo vero mihi è contra plusquam præbabile est, carnosarum partium ruborem à sanguine ipsas perlucens proficisci. Accrescit enim paulatim in iis rubor, idque citius aut serius, pro caloris gradu, sanguinisque copia, quæ easdem perlabitur. Partes aliquæ, quas pauxillum sanguinis, idque pedetentim transfluit, nunquam rubæ evadunt: in quo censu sunt tunicæ & humores oculorum, ligamenta, tendines, aliæque corporis partes complures: aliæ vero pallidum colo-

colorem obtinent, cum aliquali rubedinis
mistura; ut puta glandulæ, quæ præ ut ma-
jores minoresve (pro amplitudinis earum
proportione) arterias in se distributas ha-
bent, ita pariter sanguine plus minusve
tinguntur. Carnes musculosæ uberiore,
quam glandulæ, sanguinis copia irrigan-
tur; ideoque istis etiam magis rubescunt.
Renes, lien, hepar, pulmo, & cor, inge-
nibus sanguinis rivulis proluuntur, ac pro-
pterea præ cæteris quoque omnibus parti-
bus rubent. Licet autem per pulmonum
parenchyma multo maximum sanguinis
flumen pertranseat, vix tamen pari cum
hepate rubore saturantur; quoniam san-
guis illos celeriter tranat, & quia mem-
brana eorum (venarum instar) sanguinem
subtus positum, seu lividum aut cæruleum
repræsentat: quod etiam lieni commune
est, qui aliter proculdubio ipso hepate ru-
bicundior cerneretur; utpote in quo san-
guis diuturniorem, quam in hepate, mo-
ram trahat.

Porro, quamvis partes ultimo jam dictæ,
præ cæteris rubicundæ appareant; satu-
rata tamen rubedine ab ipso sanguine vin-
cuntur. Et rationi profecto consonum vi-
deretur, ut majus minori, non autem vice
versa, virtutem suam naturaliter impet-
tiat. Quomodo enim quicquam ultra acti-
vitatis suæ sphaeram operetur; aut alteri
communicet, quo ipsummet destituitur?
Quoniam igitur cor, hepar, & venæ, ipso

sanguine pallidiores conspiciuntur, quomodo huic colorem proprio vividiorum magisque saturum conferant? aut qui ruborum alii contribuunt, quem necdum ipsæ indeptæ sint? Est quidem verissimum, fieri aliquo pacto debere primum sanguinem: non potest autem fabricari à corde, aut hepate, aut alia aliqua solidarum partium, quia post natum sanguinem hæc demum efformantur; ineptumque est credere, partem aliquam agere posse antequam existat. Quareobrem nihil superest, quod primum sanguinem effingat, præter *spiritum vitalem*, qui in vitali liquore continetur.

Expedito igitur, quidnam sanguinem primum efformet (esse nimirum vitalem spiritum, qui calore motusque suo eundem in succo vitali excitat;) asserimus porro, debere idem agens in consimili opere ad ultimum vitæ terminum persistere. Nam spiritus hic vitalis non solum in corpore permanet, verum in dies singulos fit vegetior, calidior, & ad opus promptior, donec animal ad ætatis florem pervenerit; & ideoque quotidie (ad hoc saltem tempus) magis, quam ab initio, efficiendo sanguini idoneus redditur. Neque sane putandum est, agens aliquod naturale (qualis est spiritus hic vitalis) ab opere omni feriari; actionemve suam suspendere, aut vires integras non exerere: ideoque, quandiu vita suppetit, oportet eidem muneri

neri incumbat. Imo vero, quoniam nulla alia pars constitutionem virtutemve similem obtinuit, necesse est ea sola condendo sanguini destinata sit. Potest autem, inquis, ipsemet *sanguis* fabricare sanguinem. Fateor equidem, vitalem sanguinem, quatenus spiritum quoque vitalem in se complectitur, revera sanguinem efficere; ipsumque etiam sanguinem spiritu vitali in hoc negotio suppetias ferre: adeoque non inficior, sanguinem hoc sensu à sanguine produci. Et in posterum, sive asseruero, sanguinem fabricare sanguinem, sive spiritum vitalem illum procudere, rem eandem dictam puta: nempe spiritum vitalem, ceu agens principale; & sanguinem, tanquam causam accessoriam, huic negotio præesse: revera, spiritum vitalem, dum vitalem succum in colorem sanguineum excoquit, primum sanguinem efficere; eundemque spiritum in sanguine jam facto commorantem, & ab hoc adjuvatum, majori semper postea facilitate idem opus exequi.

Ratio alia generalis, quæ cordi, venis, atque hepati pariter sanguificandi munus adimat, hæc statui potest: quia nulla harum partium sanguini satis *assimilis* est, ut officio hoc defungatur. Pro concessio enim habeo, sanguificationem esse actionem similem, & per modum assimilationis perfici debere: ideoque pars quælibet sanguificationi idonea, oportet san-

Altera ratio prædictis sententis adversaria.

guini omnifariam similis sit: ceteroquin enim aberrabit ab hoc scopo, & in aliam metam desinet. Quamobrem si cor sanguinis faciendi officio sese accingeret, chylum ad substantiæ suæ similitudinem solum deduceret, ibidemque subsisteret, neque ad formam sanguinis inducendam unquam progrediretur. Quantum enim similis cordis substantia, à sanguinis substantia remota est, tantundem pariter & effectus ejus, assimilatione productus, ab eadem discrepabit. Similiter, hepar, venæque ad sui duntaxat speciem assimilarent, neque ulterius procederent. Quomodo igitur trium harum partium ulla, sanguinem vi assimilationis efficiat, cum hic ab omnibus iis diversæ sit substantiæ similis? Sanguis profecto sibi met est simillimus: ideoque cum & spiritus vitalis sedes sit, quid ipso rectius, in assimilando ei chylo, instrumenti vicem obeat?

Idem porro adstruitur, quia sanguis cum chylo penitus commiscetur, neque unquam ab ulla ejus particula in sanguinem transmutanda recedit, donec opus istud perfectum fuerit. Venæ autem chylum duntaxat superficialiter lambunt, uti etiam arteriæ, & ventriculi cordis. Et si daremus, chylum per hepar ferri; tamen non diu satis in eo itinere commoratur, ut assimilationem aliquam ibidem nanciscatur. Omnis enim assimilatio tractu temporis fit, non autem momento peragitur.

Ric.

Præterea, quoniam sanguis & chylus intime commisti manent, necesse est in se mutuo per modum assimilationis agant: corpora enim naturalia, id, quantum in se est, sedulo annituntur, ut corpora alia, intra sphaeram activitatis eorum posita, sibi ipsis assimilent. Quapropter necessario concedendum est, sanguinem ac chylum in se invicem agere, & utrumque omnibus modis conari, ut alter ab altero vincatur, eidemque assimiletur. Quoniam vero sanguis mole sua chylum, uno pastu accedentem, decuplo minimum superat, viribus autem centuplo præcellit, præsertim si spiritu vitali comitatum pensites; (quid enim potentius spiritu illo, qui totum corpus vivificat? quid mollius, lenius, magisque superabile, quam chylus?) haud dubium sane est, quin sanguis victoriam chylo præripiat, sibi que eundem assimilet.

Accedit in sententiæ nostræ confirmationem ipsamet experientia: sæpe enim usu venit, ut quorum corda, jecinora, venæ, aliæque solidæ partes, integræ illibataeque sanitatis sunt, si tamen casuali quo ingentem sanguinis jacturam faciant (nempe vel narium hæmorrhagia, vel ruptione venarum, vel ab inflatis vulneribus, &c.) sanguificatio statim manifeste lædatur; adeo ut sæpe mox in cachexiam, hydropem, aliosque frigidos morbos devolvantur. Quod sane aliunde fieri ne-

quit, quam quod sanguinis (in quo spiritus vitalis nidulatur) tantum absumptum sit, ut residuum illius novo chylo confestim domando non sufficiat; adeoque, probi sanguinis loco, venæ crudo aquosoque humore repleantur.

At enim, inquis, in copiosis sanguinis effluxibus, cor etiam, hepar, & venæ refrigerantur, atque imbecilliores evadunt, vimque sanguinem faciendi magnam partem amittunt; ideoque sanguificandi impotentia huic causæ potius, quam meræ sanguinis absentiae attribuenda fuerit.

*Obje-
ctioni
respon-
detur.*

Respondeo: cor, hepar, & venæ, sunt partes solidæ; nec, ratione constitutionum suarum, subito adeo immutari queunt; præsertim cum nihil præternaturale iis ab hujusmodi hæmorrhagia advenerit. Si vero objicis, eas privativum damnum pati, quoniam jam solito vitalis sanguinis influxu destituuntur; manifeste fateris, vitalem calorem in sanguine, esse revera unicam sanguificationis causam. Quid enim aliter partium harum ulli deest, quo minus munere suo defungatur? Si calor vitalis partem aliquam sanguini efficiendo aptam reddit; quidni pariter & alias partes (pro gradu scil. caloris, qui in iis reperitur) eidem muneri idoneas faciat; & præcipue sanguinem vitalem, in quo calor ille originaliter commoratur? Quippe calor vitalis & spiritus, in sanguine arterioso maxime opere vigent, plurimumq; pollent.

ut.

utpote à reactione partium minime præpediti; quemadmodum iis semper plus minus usu venit, quotiescunque ad hepar, venas, ipsumque cor deferuntur. Quorsum autem aîs, cor, venas, aut hepar virtutem à sanguine vitali profluentem adipisci? Nimirum eadem opera fateris, eandem in sanguine illo originaliter reperiri. Stulta profecto res est, credere, vitalem sanguinem partibus aliis virtutem aliquam infundere, ipsumque interea virtute illa destitui: præsertim, dum cajor ejusipsi conjunctus manet, & in summo activitatis culmine consistit.

Quod ad sanguinis evacuationes porro attinet; notandum est, venæ sectionem moderate institutam (ubi sanguis vitalis ultra modum excoquitur, plurimumque luxuriat, adeoque nimio opere in chylum agit) æstum illius sanguinis compescere; idque plus minusve, prout major aut minor ipsius quantitas ablata fuerit. Interea tamen cor, hepar, & venæ, nullo modo debilitantur, nec muneribus suis fungendis ineptiores redduntur; licet vis sanguificandi præpollens, diminutajam & moderatior evadat. Claro indicio, virtutem faciendi sanguinis, non in corde, hepate, aut venis positam esse, sed in sanguine ipso. Siquidem ablato sanguine, ipsa sanguificatio minuitur; quamvis nullæ partes, præter unum sanguinem, moderata hujusmodi venæ

sectione, de virtute ac robore suo quicquam amittant.

Sanguificatio est actio similis.

Atque hic jam argumento huic finem imponerem, nisi quod aliqui forsitan dubitaverint, num sanguificatio sit actio *similaris*; veluti à nobis nuper suppositum est.

Ad hujus itaque rei elucidationem, assero, sanguinem ipsum, qui efficitur, esse corpus simile; chylumque, ex quo fit, pariter similem esse; & chylum non facessere in sanguinem, separatione ullius ejus partis ab alia (quemadmodum urina & bilis oriuntur) verum exaltatione quadam spiritus illius naturalis in vitalem; dum spiritus *vitales* eundem calorem sive motum diffusivum; atque micationem, quam ipsimet obtinent, in *naturalibus* exuscitant: quod manifeste assimilando peragitur, estque actio mere similis.

Chyli & sanguinis discrimina.

Porro, si discrimina inter chylum & sanguinem perpendamus, luculenter constabit ea omnia esse similia. Nam ut ambo sunt corpora similia, ita neuter eorum quicquam organici in se habet, unde quis differentias organicas ullo modo aucupetur. Partes chyli sunt, potulenta materia (in qua serum quoque comprehenditur) & *schiston* sive caseosa pars, in qua etiam pinguedinis nonnihil delitescit. Eædem ipsæ partes in sanguine quoque reperiuntur: inest quippe in eo pars potulenta, (fons urinæ primarius) & serosa; pars item grumosa sive crassior, & alia.

alia pinguiuscula. Fatemur quidem, partem chyli potulentam, quamprimum sanguini permiscetur, utrique communem esse: priusquam tamen illi conjungitur, chylo solum vehiculi loco est, ut eundem facilius in intima corporis penetralia deducat. Postquam vero cum sanguine miscetur, partes hujus sabulosas salidasque sibi associat, & utrasque (quandiu in corpore remanet) liquidas conservat; demumque (ubi ad renes pervenerit) percolatione facta, cum iisdem in vesicam egeritur. Concedendum igitur, in chylo (priusquam cum sanguine confunditur) majorem potulentæ materiæ copiam reperiri, quam in pari sanguinis quantitate: siquidem pars sanguinis serosa quotidie ab iis vestigalibus instauratur, quæ cum chylo accipit; ut una cum illa pars sanguinis glareosa & salsa eliminetur foras: ceu jam dictum est. Quinetiam chylus fortassis minus facile in corpus primo diditur, quam semel admissus in eodem circulatur postea; quoniam ad hunc motum ab impulsu cordis atque arteriarum plurimum adjuvatur: ideoque oportebat illum tunc temporis ab admisto copioso sero dilutiorem ac tenuiorem reddi. Neque sane putandum est, quia pars aliqua potulentiæ chylo secernitur, priusquam forsân ipsemet in sanguinem transeat, propterea chylum illum, facta solum colatura, in sanguinem facessere; ita enim renes pro sangui-

nis officina habendi essent, in quibus potulenta hæc materia percolatur. Sed sciendum, tum chylum, tum sanguinem, crassiores tenuioresve fieri posse, prout potulentæ sive serosæ materiæ plus minusve iis admistum fuerit: neutrumque eorum inde speciem suam variare; ut opus sit credere, chylum partis alicujus potulentæ materiæ separatione in sanguinem mutari. Chylum plus minusve dilutum, in diversis animalibus etiamnum viventibus, ad *Afelli* normam dissectis, facile videre est. In quibusdam animalibus sæpe cum crassum lacteumque sum conspicatus; in aliis vero pertenuem & aqueum, ut vix color lactis remanserit. Verisimile sane est, in iis qui aquas acidulas liberaliter potant, liquorem venas lacteas pertranseuntem parum admodum à pristina sui natura immutari. Porro, idem hoc sanguinis discrimen in venæ-sectione dignoscitur: nam si dudum ab assumpto potu venam alicui aperueris, sanguinem solito crassiores deprehendes: sin paucis horulis post exsecatos ingentes cyathos venam secueris, eundem multo dilutiorem comperies. Quamobrem assero, sive plus sive minus potulentæ materiæ adfuerit, sanguinem tamen chylumve haud propterea specificè mutari; & materiæ illius secretionem nihil omnino ad sanguificationem conferre. Concludo igitur, sanguificationem esse actionem simularem, fierique à vitali
san-

sanguine per modum assimilationis. Nempe spiritus in sanguine vitali hospitantes, naturalem spiritum ad eundem secum micationis & caloris gradum attollunt: quo fit, ut sanguis venosus in arteriosum exaltetur, & chylus admistus paulatim in sanguinem excoquatur. Atque hoc dum fit, crassiores quoque sanguinis vitalis partes id sedulo agunt, ut eundem chylum sibi assimilent; adeoque in hoc sanguificationis opere spiritibus vitalibus opitulatum veniunt.

Præter generales has rationes, quæ partibus prædictis *universe* sanguificandi munus tollunt, sunt aliæ quoque *particulares*, quæ hepatis *speciatim* hoc officium *adimunt*. *Hepar particulatim à sanguificandi munere eximitur.*

Primo: postquam pullus in ovo perfecte efformatus est, venasque & arterias sanguine repletas habet, hepar illius tamen etiamnum ex pallido flavescit: quod ipsi sanguinis illius faciendi munus plane abjudicat, alterique parti necessario attribuit. Quomodo enim hepar etiamnum pallidum, chylo ruborem affricuerit? Indeque constat etiam, nativum hepatis colorem haud quaquam rubrum esse, sed potius pallide flaventem: & cum postea rubescit, id à copioso sanguine illud transfluente fieri putandum est. In pullo autem necdum excluso, color iste pallide flavescens, ad ultimum incubationis diem est conspicuus, etiamsi tunc aliquantulum immu-

tatur.

tari occipiat : imo vero diebus aliquot post exclusum pullum nonnulla coloris hujus vestigia in illius hepate supersunt ; postea vero quotidie paulatim magis magisque sanguineo colore tingitur. Præterea , si vesicam aqua calente impleas , eademque (adaptata pro more fistula , ceu dictum est) sanguinem ex hepate , postquam id colorem sanguineum acquisivit , plane eluas ; videbis illico colorem hunc evanescere , ejusque loco obscuram sive fuliginream flavedinem conspici. Videtur fuliginæ hic color ad sanguinem aliquo modo referri debere , quoniam (ut modo diximus) primus hepatis color in pullo est ex pallido flavescens ; qui , postquam sanguis illac copiose permeavit , in fuscam flavedinem abit. Est autem mutationis hujus causa , vel calor sanguinis pallidam illam flavedinem aliquo modo adurens , vel tinctura aliqua sanguinis hepar pertranseuntis , vel forsitan pars illius aliqua in hepate etiamnum residua. Sanguis enim , ubicunque diu restiterit , colorem fuscum induit ; qui pallidæ flavedini adveniens , eandem facile in fuliginream flavedinem modo dictam permutaverit. Utunque , certum est , parenchyma hepatis nativo suo colori nonnihil pallidi admissum obtinere : indeque constat , quam apte illud humori felleo conveniat , & quam inidoneum sit , cui *magni sanguificationis organi* titulus tribuatur.

Aliud

Aliud argumentum, quod hepati particulatim sanguificandi munus abneget, peri potest à distributione illa venarum lactearum, quam *Joannes Pecquetus* nuper detexit. Nam si venæ illæ in subclavias aut axillares exonerantur (ut experimento illo id fieri palam est;) chylus ad hepar nunquam pertingit, verum recta ad dextrum cordis ventriculum properat: quomodo igitur hepar sanguificet, cum chylus ad ipsum nequaquam perveniat, ut ab eodem immutetur?

Ratio hæc ulteriore probatione non indigeret, nisi doctissimus *Bartholinus*, in tractatu suo de lacteis Thoracicis, assereret, *non omnem chylum per thoracicas lacteas ad cor ferri, sed aliquem ad hepar per lacteas mesenteris*. Non est mihi impræsentiarum animus in hanc arenam descendere: ipsemet *Pecquetus*, ejusque confectanei hunc cum illo contentione funem ducant. Dicam solum, quid mihi in hujusce rei indagine obvenerit; simulque rationem annectam, cur *Pecqueti* potius quam *Bartholini* sententiæ favcam.

Vidi sæpe venarum lactuarum propagines aliquas versus hepar tendere, (nisi forte lymphæ-ductus dicendi fuerint) ipsamque Portæ venam conscendere; & easdem nonnunquam ulterius investigans, deprehendi illas in glandem cavo hepatis contiguam desinere; nempe juxta spinam dorsi, & prope locum illum, ubi *Pec-*
quetus

*Vena
lactea
ad he-
par non
pertin-
gunt.
cap. 15.*

queti receptaculi communis superior pars sita est; in quam verisimile est, glandulam illam chylum è lactibus istis profluum deponere.

*Vena-
rum la-
ctearum
duo sunt
genera,*

Fac autem, inquires, venas lacteas nonnunquam ad hepar ascendere, nullamque glandulam, quæ chylum earum excipiat, illic reperiri; quid tum de iis statuendum est? Crediderim sane, illas vel in venam cavam, vel in commune *Pecqueti* receptaculum exinaniri, adeoque de secundo lactearum genere esse. Quod ut rectius intelligatur, duas observationes præmittam: quarum priore constat, venarum lactearum (præter receptaculum chyli commune, illiusque propaginem in thoracem & venas subclavias) duo genera reperiri; alterumque tenuibus capillaribus ex intestinis oriundum, atque inde per mesenterium delatum, ad glandulam aliquam, vel in ipso mesenterio, vel alibi in imo ventre sitam, decurrere; ibidemque in capillaria vasa disseminari: alterum vero ex ipsa illa glandula, in quam prius lactearum genus desinebat, ortum ducere. Secunda observatione liquet, omnes in imo ventre glandulas haud certis locorum limitibus definiri; verum, citra ullum corporis incommodum, nunc hic nunc alibi reperiri; & ab hac earum incertitudine variam quoque in eo venarum lactearum distributionem proficisci. Semper enim deprehendi, ramulos omnes primi generis lactearum.

(earum,

(earum, inquam, quæ ex intestinis oriuntur) ad aliquam in imo ventre glandulam ferri, in eamque distribui, priusquam ad commune receptaculum pertingant, aut in venam quampiam sese exonerent: imo vero novam potius capillarium sobolem in iisdem glandibus, in quas primi generis venæ terminabantur, producere; pluraque capillaria coëuntia ramulum constituere, & plures ramulos ramum majorem, antequam in receptaculum commune, aut venæ cavæ propaginem aliquam ingrediantur: uti jam diximus. Ab hac varia glandularum positione fit, ut venarum lactearum ad illas distributio, & ab iisdem propagatio quoque plurimum discrepent; & quibusdam inde suspicio oboriatur, venas hasce in complures corporis partes disseminari; quibus tamen solum appropinquant, & mox præterlabuntur.

In ulteriorem secundæ hujus observationis confirmationem, porro addo, me nunquam vidisse venas lacteas distribui, vel in pancreas, vel in renes, vel in renales glandulas sive renes succenturiatos dictos, vel in tunicas ventriculi, vel in lienem, vel in hepar, vel in Portam ejusve ramulum aliquem, vel in arteriam quampiam, vel in uterum, vel in testiculos, vel denique in mammas. Prætergrediuntur quidem, & in transitu attingunt partium harum nonnullas; nuspiam vero, quod sciam, in easdem terminantur.

Verum.

Verum ut revertar ad propositum; dico probabile esse, venas omnes lacteas (antequam chylus colorem suum lacteum exuat) in venam cavam, ejusve ramulos aliquos depleri. Ad lacteas thoracicas *Pecqueti* quod attinet, manifestum est, eas in subclavias aut axillares venas (quæ cavæ sunt propagines) exhaustiri: & si lactearum aliquæ in mammas aut placentam uteri sese exonerent, alborem suum illic non amittunt; neque etiam lacteæ aliæ in ventris inferioris glandulam aliquam desinentes, colorem suum exuunt: adeoque hætenus propositionis hujus veritas facta recta manet. Porro, etiamsi venæ lacteæ hepar subeant, ibidemque (citra distributionem in ipsius parenchyma) cavæ ramulum aliquem ingrediantur, propositionis tamen nostræ veritas neutiquam labefactatur, parum enim interesse mihi videtur, utrum lacteæ in hanc illamve cavæ propaginem exiniantur; siquidem earum omnium rivuli, ad dextrum cordis sinum, ceu Oceanum, recta decurrunt, priusquam sarcinam suam in aliam aliquam corporis partem exonerent. Quamobrem etiamsi concederemus, lacteas aliquas introire in renes, ibidemque (citra *distributionem* aliquam in eorundem parenchyma) in emulgentem venam evacuari; parum sane id nostræ sententiæ incommodaret: quoniam quicquid in illa est, mox in cavam transit, indeque ad dextrum cordis

cordis ventriculum defertur. Id solum obnixè contendo, venas hæc læteas nequaquam *distribui* in parenchyma hepatis, renum, lienis, pancreatis, aliarumve quarumlibet partium à nobis jam antea commemoratarum, præterquam fortassis (de quo tamen mihi necdum constat) in mammas, & placentam uteri. Nego etiam, illas immediate depleri in arteriam aliquam, aut in venam Portæ, ullumve huius ramulum. Nam si arteriam aliquam peculiarem subeant, oportet simul partes illas (in quas arteria ista distribuitur) pertranscant: & similiter, si in Portam ferantur, necesse est hepatis parenchyma pervadant.

Istæ vero omnes distributiones à Naturæ consuetudine alienæ sunt, quæ semper idem opus, vasis ductibusque ejusdem generis, molitur. Chylus est res similis, & quicquid illius in sanguinem abire debet, oportet in vasa congenere effundatur, ut mutatio quoque ubique similis contingat. Illam autem solummodo chyli partem dixi, *quæ in sanguinem abitura est*: quoniam mihi necdum certum est, an non aliquid chyli immediate ad ubera & placentam, nutriendi foetus gratia, deferatur; (ut modo monui) quod adhuc minime in sanguinem mutari debet ac propterea intra propositionis nostræ fines nequaquam comprehenditur. Profecto si chylus in alias aliquas partes distribuendus est,

est, oportet id fiat, ut ab iisdem in sanguinem transmutetur, vel saltem præviā aliquā dispositionem ad hanc rem nanciscatur: quorum neutrum sustineri potest. Cum enim omnis chylus sit materia similis; cur, obsecro, pars ejus aliqua, præ cæteris, præparatione ejusmodi indigeat? Aut si portio illa, quæ venam subclaviā ingreditur, præparatione nulla eget; quare reliquum illius ea opus habeat? Nam chylum, in hac distributione, in sanguinem mutari, nemo asserit; præterquam illam ejus partem, quam per hepar ferri arbitrantur. *Bartholinus* certe acer hepatis patronus, sanguificandi munus eidem attribuit; & quoniam diffiteri nequit, magnam saltem chyli partem immediate in venam subclaviā deponi, indeque recta in dextrum cordis sinum delabi; propterea, ait, *operas inter se partiri cor & hepar.*

Nuper
quidem
hanc
suam
sententiam
retraxit:
alii autem
in eadem
etiam
num
persi-
stunt.

Adversus quam sententiam plura argumenta afferri possunt: ego vero, cæteris *Hepati*, nunc omissis, unum tantum annectam, quod ipsius verba mihi suggerunt, dum inter cor & hepar pensum hoc distribuit. *cordique diversa sunt munia*, Nequeo enim intelligere, quomodo tam diversæ constitutionis partes, eidem officio exequendo à Natura destinatæ sint. Enimvero si illa, quod optimum est, id semper agit (ut fatendum est;) oportet concedamus, utrumque hoc viscus æqualiter, atque ad eundem modum isto munere defungi:

quod

quod fieri certe nequaquam potest. Puta enim cor huic negotio commodissime adaptari; non poterit sane & hepatis quoque eadem laus attribui, quoniam istud à corde (viscere maxime idoneo) tantopere discrepat. Quantum enim quidque ab optima constitutione recedit, tantumdem etiam muneri exequendo minus aptum redditur. Videmus ambos renes, eidem officio designatos, ejusdem quoque speciei esse: similiter & testes, oculos, aures, nervorum conjugationes, cæterasque omnes partes, quæ geminæ in corpore reperiuntur, quemadmodum manus, pedes, latera, &c. quinetiam pulmonum lobi (ut & hepatis) eidem muneri inservientes, congeneres sunt. E contrario autem, ubicunque partes inter se manifeste discrepant, diversis quoque officiis funguntur: velut cor, pulmo, lien, renes, pancreas, ventriculus, cerebrum, vesica urinaria, &c. Quapropter ita concludendum censeo: si cor sanguinem conficit, hepar illo munere destituitur; quod si ita est, in quem finem igitur chylus per ipsius parenchyma trajiciatur?

Bartholinus fatetur, cor sanguificare; ac propterea idem quoque à me hic concessum est: licet revera (ut nuper dixi) aliter sentiam; nempe, vitalem sanguinem in cordis ventriculis & arteriis id muneris exequi: qui, cum ab hepatis constitutione remotior sit, debet (potiore jure) diverso officio desungi. Sanguis enim est corpus

pus fluidum; hepar vero, solidum: sanguis est inorganicus; hepar, organicum: sanguis est vitalis spiritus calorisque thesaurus; hepar autem, jejune admodum iisdem fruitur, nimirum per arteriam hepaticam. Quamobrem ut hepar cordi in eodem officio nequaquam partiarium est, ita multo minus est sanguini vitali: adeoque hepar sanguinem nullum conficit, neque chylus in sanguinem mutandus in ipsius parenchyma diffunditur.

*Ratio-
nes pe-
culia-
res, qui-
bus cor-
di san-
guifi-
candi
officium
adimi-
tur.*

Cordi particulariter sanguificandi, minus denegatur, hoc argumento; quod cor ipsum, vitalem omnem calorem atque activitatem à sanguine vitali in ventriculis ipsius contento, inque substantiam ejus per arterias coronarias distributo, foeneretur. Absque quo calore ac vitalitate (è ventriculis ejus influente) si foret; cor ipsum non minus torpida pars esset, quam alia quælibet totius corporis. Et profecto talis conspicitur, quamprimum in nuper mactatis animantibus, vitalis illius sanguis extinguitur. Evellere protinus sani animalis cor, sanguinemque inde omnem elue, ac mox (dum etiamnum calet) chylum aut lac in ventriculose ejus infundito, visurus, numquam liquor ille sanguinis faciem aliquam induiturus sit: experieris profecto eundem neutiquam immutatum iri. Est tamen cor pars solida; & minus verisimile videtur, actionem illam (quam solidioris uæ substantiæ ratione exequitur) momento

momento temporis intercipi. Quoniam igitur cor illico à sanguificationis officio cessat, quamprimum sanguis vitalis è ventriculis ejus eductus fuerit; fas est concludere, vim sanguinis generatricem haud primario in solida ipsius substantia sitam esse, sed in alio quopiam: debetque adeo in eo posita esse, cujus absentia fit, ut virtus illa elanguescat; nempe in sanguine vitali. Viventium certe dissectionibus compertum habemus, calorem vitalem majorem esse in cordis ventriculis, quam in ipsius substantia, in quam sanguis è ventriculis derivatur. Est itaque originaliter in vitali sanguine in ventriculis, non autem in ipsomet corde; quemadmodum à nobis alibi fusius demonstratum est.

Jam vero si cordis activitas à vitali sanguine originem ducat, sitque hic illo potentior; fatendum sane est, eundem esse sanguificationis causam primariam: nisi forte constet, sanguinis vitalis activitatem, minus (quam ipsius cordis) sanguine faciendo idoneam esse. Verum si rem ipsam recte cogitemus, manifestum erit, sanguinis vitalis activitatem, magis quam cordis substantiam, huic muneri convenire. Sanguis enim vitalis, cum affectu producendo, ejusdem speciei est; quod iidem de cordis substantia dici nequit. Quoniam igitur causæ naturales id solum agunt, ut aliud sibi assimilent; certum est, vitalis sanguinis activitatem, sanguifi-

R

cationis

1. de
Rachi-
tide,
c. 8.

oportet sane vel arteriæ mammariæ atque uterinæ, vel nervi eundem illis ministrant. Concessio enim, haud alia vasa (præter arterias, venas, nervos, & lymphæ-ductus) ad illas partes ferri; quia venæ duntaxat & lymphæ-ductus, quod allatum est, regerunt; oportet necessario arteriarum aut nervorum hoc negotium sit. Quid de nervis statuendum sit, postea videbimus: nunc autem sic accipimus, quasi solis arteriis munus istuc delegaretur; dicimusque ex hoc supposito, arterias una cum sanguine chylotam materiam ad mammas apportare, hasque illam à sanguine secer- nere, & lactis specie in cellulis suis ad fœtus usum recondere; dum sanguis interea per venarum rivulos delatus, in cordis *occe- num* revertitur. Plurimi olim arbitrati sunt, lac in mammis è sanguine progigni: quod mihi sane minus verisimile videtur: ne- que enim res est magis ardua, senem de- nuo rejuvenescere; quam sanguinem in chylum reverti. Potestne fructus plane maturus, de integro revirescere; aut vinum vetus, mustum denuo fieri? Nihil magis certe chylus in sanguinem semel excoctus, naturam suam pristinam unquam recupe- raverit. Quippe motus coctionis, matura- tionis, & fermentationis, nunquam sunt re- trogradi, verum semper ultra progrediun- tur; donec corpus, in quo insunt, dissolu- tum fuerit. Præterea, natura haud adeo in- consulte rebus suis prospicit, ut telam ean-

dem texat, retexatque : nempe , id solícite faciat , quod mox majore opere infectum reddere debeat. At vero , si chylus in sanguinem abit , atque hic denuo in chylum revertitur ; natura destruit , quod modo construxerat ; priorque illius labor non solum inutilis est , verum etiam nocuus. Chylus enim similior est lacti , quam sanguis ; adeoque prompte magis in illud commutabilis : imo vero chylus vix quicquam à lacte discrepat ; uti illi facile constabit , qui in eum finem venam lacteam aperuerit. Posito itaque (ceuvre perspicua) nullam venam lacteam ad ubera , vel uterum tendere , nervosque hic plane ociari ; necesse sane est , arterias chylum , non minus quam sanguinem , ad partes illas devehere ; simulque manifestum est , chylum non uno circuitu per cor factò in sanguinem mutari : eundemque adeo haud diu satis in corde morari , ut illic in sanguinem transeat. Non multum autem tribuo huic argumento , quia incerto fundamento innititur.

*Peripatetici
reconciliantur
in gratiam.*

Antequam controversiæ huic finem impono , æquum censeo , ut cum *Peripateticis* (quantum rei veritas patitur) redeam in gratiam. Quamobrem libenter fateor , sanguificationis opus in cordis ventriculis primum institui , & in arteriis continuari , tandemque , post complures circumactus , in iisdem locis perfici : atque idcirco cor & arterias , sanguificationis officinam sedemque

demve merito dici posse. Quinetiam, si cor & arterias sensu concreto intelligant, prout nempe sanguinem vitalem in se continent (quod *Aristotelem* fecisse verisimile est) me plane consentientem habent. Nihilominus si quæras, quænam harum concretarum partium (cordis scil. arteriarum, & vitalis sanguinis) sit agens principale? dicendum est, sanguinem vitalem esse illam partem; quoniam reliquæ amtæ huic solummodo auxiliatrices sunt; idque potius per modum organicum, quam per similem.

Denique contra venarum sanguificandi potestatem, id obijci potest; esse illas à sanguinis constitutione longe remotiores, quam est vel cor, vel hepar. Sunt enim coloris pallidi, & nonnihil translucentes; substantia earum viscida est, membranosa, & ex sanguis (si modo sanguis omnis ex illarum canalibus eluatur;) parenchymate quoque omnino destituuntur; calore item, spirituque, sive activitate perexili gaudent. Sanguis autem è contra, florido colore nitet, estque imperspicuus: substantia ejus minime tenax, & liquida quoque sive interminata est, quando cum sero suo & potulenta materia conjungitur; ab iis vero separata, mox grumescit: spiritibus etiam, calore, atque activitate abundat. Quapropter venæ efficiendo sanguini prorsus ineptæ sunt; & si tale quid attentarent, chylum duntaxat

*Vena
singula-
tim sangui-
fici-
candi
munere
privan-
tur.*

sibi ipsis assimilarent, quæ à sanguine plurimum diversæ sunt: ut ex dictis innotuit.

Quomodo venæ sanguinem conservant.

Venæ autem, inquis, sanguinem incolumem servant, possuntque adeo haud minus eundem conficere. Respondeo: conservatio illa, quam venæ sanguini præstant, est solum organica; quæ eundem unitum servant, ab alienarum rerum mistura protegent, ab externis injuriis tuentur, motuique ipsius in orbem famulantur: quæ omnia ad sanguificationem nihil attinent. Quod autem ad actiones venarum similes spectat, illarum conservandi officium potissimum in activitatis earum debilitate consistit, qua fit ut sanguini quam minimum noceant, quemadmodum vasa vitrea liquoribus conservandis utilissima habentur, quia neque ipsa noxam iis aliquam afferunt, nec ab aliis inferri sinunt. Si vero scire aves, quidnam præcipue sanguinem conservet; dico, id ipsum esse, quod eundem ab initio condidit; nempe spiritum in eo vitalem, qui calore suo fovente, motuque, non solum sanguinem à corruptione vindicat, sed & solidas omnes corporis partes, ipsasque adeo venas, quandiu vita superstes est. Extincto autem semel hoc vitæ spiritu; huiusquam subito cuncta corporis compute-

Plin. l. scunt? Nimirum, quod olim de suis anima
s. c. 51. ferebatur, *eam illi datam esse pro sale*: id
ego de omnium animalium vitali spiritu
æque vere dixerim; hunc nempe illis contigit,

tigisse, ne putrescerent. Absque hoc spiritu, venæ ipsæ à corruptela haud tutæ sint, multo minus sanguinem ab ea vindicaverint: quippe in demortuis, sanguis cito, etiam in venis, corrumpitur. Si vero dixeris, sanguinem melius in venis, quam foras effusum, conservari; nemo sane id diffitebitur: quoniam quandiu in venis continetur, in motu circuituque suo persistit, & subinde ad cor atque arterias relabirur, ubi vitalitatem suam redintegrat; idcirco, haud minus est, si interea temporis non computrescat. Quamprimum autem è vasis effunditur & in partibus restagnat; circumgyrationem amittit, nec vim suam vitalem instaurare potest: quambobrem quid aliud jam expectemus, quam ut subito corrumpatur, ac putrescat? Concludo itaque, venas neutiquam sanguificare; sed vitalem sanguinem spiritu suo, caloreque vitali, ac motu perpetuo, novi sanguinis architectum esse, eundemque etiam conservandi hujus causam esse primariam.

CAP. XXXVI.

Num Hepar sit origo sive principium venarum.

HAud minor quoque de venarum *exortu sive principio*, inter Galenicòs & Peripateticos lis est; dum illi, *hepati*; hi autem, *cordis* illud acceptum referendum autumant. Huic vero controversiæ rectius dirimendæ, non abs re fuerit univer-

Translationis ordo.

salet primum *τῷ principii* definitionem statuere, variaque postea illius genera proponere.

Principii etymon:

Exortus rei primarius, sive principium id dicitur, quod in aliquo ordine est primum. Unde constat, haud pauciores nominis *principii* significatus reperiri, quam sunt varii rerum ordines. Oportet enim in quolibet ordine aliquid sit primum, & veluti choream ducat.

Varia illius significatio,

Sciendum tamen, dari principium *simpliciter* primum, & primum *secundum quid*. Principium simpliciter primum accipi potest, vel quatenus naturæ fines transcendit; eoque sensu, Deus solus cunctarum rerum origo est, namque à Jove *principium*; vel intelligi potest de naturali rerum ordine; qua significatione, in diversa rerum serie varia quoque principia censeri possunt.

Similiter, principia prima *secundum quid*, haud unius generis sunt: estque intimæ sortis in hac classe, quod respectu sui plane indifferens est, & pro utentis solum arbitrio, vel principium statuitur, vel secus. Ita utriuslibet lineæ extremitatis punctum, *principium* illius dici potest, vel *terminus*. Aliud eorum genus est, cum iustis de causis varietas huiusmodi instituitur; utpote cum unius rei ratione, ab hoc extremo exordior; alterius vero, ab illius opposito. Veluti si fluvium aliquem describere est animus, licebit certe vel à

prima

prima illius scaturigine auspicari, unde ipsemet originem ducit; vel ab ostio ejus ubi aquarum illius omnium confluxus fit, quodque propterea divisioni iterum iterum faciendæ aptissimum est.

Porro, ne variis principii significationibus implicemur, conabor eas omnes ad tria genera restringere: nempe ad principium *dignitatis & dominii*; principium *causationis*; & principium *terminationis*. ad tria
genera
reducitur

I. Principia *dignitatis & dominii* uno eodemque genere complexus sum, quia iisdem plerunque rebus conveniunt, neque alterutrum eorum magnopere variat. Significat nempe præcipuum in quolibet ordine, in quo res alia alii vel præcellit, vel imperat.

II. Principium *causationis* non minus diversum est, quam ipsæmet causarum species, quæ quinque enumerantur: nempe tres externæ, efficiens, finalis, & exemplaris; internæ duæ, materia & forma. Efficiens porro in quatuor genera dividitur; scil. in principium *generans*, *alens*, *influens*, & *sustinens*. Est, inquam, origo *generationis*; ut pater, relatione habita ad filium: origo *nutritionis*, ut nutrix, respectu infantis quem lactat: origo *influentiæ*, quemadmodum sol & stellæ, ratione mutationum variarum, quas terrestribus afflant: & origo *sustentationis*, ut puta fundamentum respectu domus quæ eidem superstruitur. Principium *finale*.

i. e. finis præcipuus ac summus, est primus in intentione, licet in executione sit ultimus: idemque haud semper *absolute* summus est, sed interdum in hoc solum illove genere. Principium *exemplare*, est idea sive imago, ad cuius normam efficiens opus suum exequitur; quale prototypon, sive exemplar primitivum est, respectu secundarii.

Principia *interna*, ut diximus, sunt materia & forma: hæc ab *Aristotele* definitur, *principium motus & quietis*: materia autem est illius subiectum ultimum; cui etiam accenseri possunt elementa, partesque similes, quæ nonnunquam principiorum nomine appellantur: quinetiam materia proxima, utpote genitura sive materia seminalis, productæ rei principium dici potest; quemadmodum & ovum, pulli principium nominatur.

III. Principium *terminationis*, est primus sive præcipuus rei illius terminus, cuius principium esse dicitur: suntque huiusmodi principiorum varia genera; nempe principium *temporis*, utpote primum momentum sive instans horæ, diei, anni, &c. Principium autem *morbi*, apud Medicos, temporis aliquod *spatium* in se complectitur, veluti horas aut dies plures paucioresve prout morbus tardius aut celerius ad finem deproperat. Principium *motus*, est terminus à quo motus primum incipit: eodemque etiam refertur. licet principium *actionis*.

nis; operis autem peracti principium, partem potius aliquam operis primum instituti in se comprehendit. Principium *quantitatis*, ut punctum ad lineam, linea ad superficiem, superficies ad corpus. Principium denique *numeri*, est unitas, in *abstracto*; & res primum numerata, in *concreto*.

Atque horum quidem principiorum duo adhuc genera supersunt, quæ administrationi Anatomicæ commodissime inserviunt: nempe principium *scaturiginis*, & principium *continuationis* vel *connexionis*. Principium scaturiginis se habet, ut scatebra fonticuli ad fluvium, in quem primo emicat: id autem liquidis fluidisve corporibus solum convenit. Principium vero continuationis aut connexionis, solidis partibus proprium est. Nec tamen quælibet partium continuatio aut connexio, eandem *originem* necessario designat: possunt enim partes aliquæ pluribus aliis connecti; *principium* autem earum non nisi ab una proficiscitur. Quinetiam connexis simul duabus partibus (si continuationem aut connexionem illarum duntaxat respicimus) cur illam potius ab hac, quam hanc ab illa oriundam dicemus? Quamobrem arbitror, ut pars una ab alia oriri dicatur, debere eam (præter continuitatem vel connexionem) esse vel ampliorem, vel nobiliorem, vel magis cognitam. Ad hunc modum dicimus, tunicam hepatis à peritonæo

Principi
piiter-
mina-
tionis
duo alia
genera.

ortum ducere, quod multo est amplius: quasdam oculorum tunicas à nervo optico oriri, parte scil. nobiliore: tunicam vero *innominatam*, originem trahere ab aponeurosibus musculorum oculi, utpote partibus distinctioribus, magisque notis. Est etiam præterea, principiorum horum continuationis aliud genus celebrius, quod haud male appellaveris principium *ramificationis*; cujusmodi est truncus communis, respectu ramulorum inde nascentium.

Secundum jam dictos modos quidem facile concessero, partem aliam ab alia originem ducere: sin autem velis (quemadmodum nonnulli arbitrantur) partem unam ex alia excrecere; istuc profecto nobis à ratione omni prorsus alienum videtur.

Ad prædixareducuntur distinctiones Galeni. Expedito hætenus ab ambiguitatis laqueis *principii* nomine; proximum est, ut *Galeni* de eo distinctiones ad jam dicta genera referamus. Atque ille certe principium trifariam intelligit: ut sit unum *ῥιζώμενος*, alterum *ῖζώμενος*, & tertium *διειρημένος*.

Illius principium *ῥιζώμενος*, sive *originis*, dici potest esse vel principium generans, nempe efficiens rei primarium in ordine generationis; vel genitura, sive materia originalis è qua res producitur; vel principium operis producti, pars scil. quæ primum efformatur. Nullum vero horum ad præsentem quæstionem attinet.

Prin.

Principium *πρῶτον* sive *radicationis*, videtur deductum à radicibus plantarum, quæ quodammodo earundem primordia dici merentur: eademque nominis significatio complectitur in se principium *substantiationis*, sive *fulcimenti*: quippe radix veluti fundamentum plantæ est, eamque sustinet: est etiam illius nutrix, sive alimenti principium; dum, quicquid alendæ plantæ conducit, ipsa primum imbibit: est denique initium humoris vitalis, qui cunctas plantæ partes perlabitur; adeoque principium *scaturiginis* censenda est.

Principium *διουλήπας*, sive dispensationis, cum eo convenit, quod à nobis principium *influentiæ* dictum est. Nam si res aliqua facultatem virtutemve originaliter in se habeat, eandemque aliis communicet; sive hanc, *influentiam in eas*, sive *dispensationem ad illas* dixeris, eodem profecto res redierit.

Explicatis jam *principiis* significationibus, superest dicamus, quænam earum venis conveniat; nimirum quo sensu venæ dici possint principium sive originem naturæ esse, & à quibusnam speciatim partibus eandem deducant.

1°. Venæ (major nempe earum pars) sibi invicem continuæ sunt; eaque ratione, minores venæ dici possunt exoriri ab amplioribus quibus immediate continuantur; cumque vena cava, qua cordi annectitur, omnium maxima ac nobiliss-

*Venæ
habent
princi-
pium
conti-
nuatio-
nis.*

ma sit, potest eadem hoc sensu ramulorum suorum omnium origo ibidem æstimari: est enim omnium, quibus illi continuantur, pars summæ tum amplitudinis, tum etiam dignitatis. Isthuc autem solummodo est principium *terminationis*, & *continuationis*, quodque à nobis speciatim principium *ramificationis* dictum est; de quo inter Galenicæ & Peripateticæ nulla lis est.

Similiter, arteria venosa (quæ revera pulmonum vena est) quoniam magnitudinis atque usus præcipui est, ubi sinistro cordis ventriculo conjungitur; propterea quoque pars illius cordi vicina, dici potest origo ramorum omnium per pulmonis substantiam distributorum; siquidem omnes huic, ceu trunco, continuantur, ipsaque in illos omnes dividitur.

Ad eundem pariter modum, venæ Portæ truncus, cum illius pars sit amplissima, dici merito potest, ramorum inde ortorum principium, sive hi ad hepar, lienem, aut mesenterium distribuantur. Est tamen hoc, ut dixi, principium duntaxat *terminationis*, *continuationis*, & *ramificationis*: quod Anatomico veluti terminum quendam præstituat, unde ramorum descriptionem atque definitionem, tanquam ab unito trunco, exordiat.

scatriginis,

Ho. Quoniam omnes venæ *canales* sunt, intraque alveos suos totidem quasi sanguinis rivulos deportant, qui uno itinere.

nere omnes, nempe introrsum & versus cor feruntur; ut horum affluxus perennes sint, oportet alicunde, tanquam à fonte, originem suam ducant, humoremque ita perpetuum hauriant. Quamobrem ubi primum sanguinem influentem excipiunt, ibi quoque dici possunt exoriri, sive principium *scaturiginis* nancisci. Quoniam autem primi cavæ rivuli ab ultimis ejus capillaribus in omnes totius corporis partes (ad quas ipsa pertingit) dispersis oriundi sunt; necesse est, ut hoc sensu extrema illa capillaria sint ipsius cavæ exordia, principia nempe *scaturiginis*, unde sanguinis rivuli omnes in illam ejusve ramulos quoslibet transferantur.

Similiter arteriæ venosæ ultima capillaria, sunt primi fontes rivulorum sanguinis per illius ramulos delatorum: pariterque venæ Portæ capillaria, in liene, ventriculo, intestinis, pancreate, mesenterio, &c. radicata, primarii fontes sunt, qui sanguinis per eandem Portam, ejusque ramos delabentis fluvium sustentant. Illa vero Portæ capillaria, quæ in hepar disseminantur, nullo modo rivulorum in illud influentium fontes æstimanda sunt: sanguinem enim, qui canalibus illis perpetuo sufficiatur, nullum apportant, sed duntaxat aliunde allatum, in parenchyma hepatis effundunt.

Cavæ tamen vasa in hepate capillaria, quia sanguinem è parenchymate hujus
primo.

primo excipiunt, inque illius ramulos deducunt, primosque adeo sanguinis rivulos auspicantur; possunt merito fluminum illorum primi fontes indigitari: quin etiam ipsum hepatis parenchyma, cum (veluti terræ vice) capillaria ista, è quibus sanguis primum elicitur, circundet; potest similiter principium *scaturiginis* appellari; respectu nempe ramorum cavæ qui in hepate sunt, & rivulorum qui inde profiliunt. Adeoque hæcenus quidem cum *Galenicis* consensero, hepar nempe dici posse principium sive scaturiginem rivulorum illorum omnium particularium, qui ex ipso in cavam promanant: isti vero pauci admodum cum sint (habita ratione aliorum rivulorum, qui ex reliquis omnibus totius corporis partibus in eandem cavam derivantur) haud magis apti sunt, qui hepar *principii venarum* titulo insigniant; quam reliqui sanguinis rivuli ab aliis omnibus partibus profluentes, singulas illas eodem merito elogio condecoraverint. Siquidem & reliquæ partes capillaribus in se distributis sanguinem suppeditant, non secus ac hepar peculiaribus venæ cavæ capillamentis, quæ in parenchymate suo reperiuntur: omnesque haud minus vere dici possunt fontes rivulorum, quos per venas suas particulares effundunt; quam hepar eorum, quos per peculiare cavæ ramulos in se distributos transmittit.

III. Quoniam venæ omnes vitali *finali*, sanguini inserviunt; non solum quod spirituum ejus celerem fugam prohibeant, sed quod ipsi quoque sanguini canales sint, per quos, facta circumgyratione, ad cor revertatur denuo, in eumque finem valvulæ iis donatæ sint: necesse est, in id potissimum extructæ fuerint, ut sanguinis motui auxiliarentur; adeoque concedendum est, venas formationis suæ causam sive principium *finale* sortitas esse. Enimvero partis cujuslibet jam efformatæ actio atque usus, finem, cur efficeretur, clare indicant. Neque enim putandum est, partes casu aliquo extructas esse, actionesque & usus earum fortuito illis obtigisse; verum à Protoplaste jam antea designatas fuisse, ac propterea operis illius esse causam finalem. Quamobrem cum ex doctrina circulationis sanguinis luculenter constet, venas sanguini vitali ministrare; necesse etiam est, in eundem finem conditas esse, ac proinde habere principium finale, nempe (ceu jam dictum est) ut vitali sanguini inserviant.

Non autem venæ solum, sed etiam arteriosa vena (quæ revera pulmonum arteria est) atque ipsi quoque pulmones, aorta, auricula utraque, ambo ventriculi, omnes cordis valvulæ, corque etiam ipsum, fini eidem generali administrante: nimirum, ut sanguinis circuitum perpetuent, illumque incolumem præservent.

Ideo-

Ideoque nulla harum partium est simpliciter finis ultimus, verum omnes principium finale ulterius agnoscunt.

*Quo
sensu
cor in
reliquis
partes
princi-
patum
obtime-
re.*

Nihilominus si visum fuerit in partibus organicis jam dictis subsistere, neque quicquam ultra progredi; intelliges sane, cor esse partem præcipuam, & in reliquas veluti principatum obtinere. Quippe vena Portæ sese exonerat in cavam, hæc in auriculam dextram, & utraque in dextrum ventriculum, ubi valvulæ tricuspidæ, ceu janitricæ, sanguinem quidem affluentem admittunt, prohibent vero ne remigret: vena arteriosa, cedentibus valvulis ejus sigmoïdibus, sanguinem hunc educit foras, qui recursurus ab iisdem valvulis arceatur: pergit igitur ad pulmones, qui una cum aëre halitus ejus expirant: inde porro in arteriam venosam transmigrat, unde mox in auriculam sinistram delabitur, atque ab utraque in ventriculum sinistrum effunditur, valvulis illis nihil obstantibus: parietes hujus ventriculi, sanguinem per aortam in totum corpus protrudunt, auxiliantibus hic quoque valvulis, quæ egressui illius favent, refluxui autem adversantur. Adeo, ut tota hæc series sive ordo partium, parietibus sinistri ventriculi cordis subserviat: & propterea certum sit, parietes istos in omnia hæc inferiora organa, non solum *dignitatis*, sed & *dominii* principio quodam donatos esse: & ut concedatur, sanguinem vitalem ipsi

ipsi cordi præcellere, eatenus tamen *Peripateticis* consentio, cor nempe esse organorum horum præcipuum, & reliquis etiam omnibus imperare. Nam si venæ, ut diximus, cordi famulantur; principatus sane illi concedendus est, cui ministerium ab aliis tribuitur.

VI^o. Venæ dici possunt habere causam efficientem, sive principium generans. Succus enim vitalis (uti nuper dictum est) ante sanguinis aliarumve partium formationem aliquam, incipit à reliquis generaturæ partibus seceperere, eademque illa segregatione partes proprias unitum it; sic tamen, ut dum conjunctionem huiusmodi molitur, haud in orbem accumuletur, sed productis finibus suis, in rivulos potius diffundiamet; qui in partem illam sive punctum (postea *cor* dictum) concurrentes, caloreque ibidem adaucto, rivulos alios in materiam genitalem retrogrados progenerant; suntque adeo posteriores hi, arteriæ; illi vero, venæ. Utriusque autem earum productionis modus est huiusmodi: Succus vitalis, dum à crassiore materia secernitur, partes suas viscidas ac tenaces magis, à medio suo rivulo ad latera amandat; quæ, augescente calore, paulatim consolidescunt, venasque aut arterias constituunt. Estque adeo vitalis iste liquor, venarum atque arteriarum non solum causa finalis, sed & primum efficiens, sive principium generans. Ideoque nec

Sanguis est principium venarum efficiens.

cor, neque hepar principia generantia venarum aut arteriarum dicenda sunt, sed privilegium istud soli succo vitali competit, qui prorinus, absoluto hoc opere, in sanguinem evadit. Quapropter spiritus vitales, qui nunc in sanguine hospitantur, quemadmodum prima sanguificationis causa erant, ita & canalium (venarum puta & arteriarum) per quos sanguis labitur, primierant opifices.

Concesso itaque, liquorem vitalem, in suo *congregandi nisu*, semet in ramulosos rivulos diffundere (veluti in quaestione praecedenti dictum est;) necesse equidem est, ut eodem illo conatu, vel partes crassiores ad canalium sive rivulorum jam efformatorum latera rejiciat, (neque enim alio aliquo easdem commode ablegaverit) vel partes saeculentas atque viscidas haud omnino de se separet. At vero, hoc congregandi nisu; aliquam saltem segregationem sive depurationem institui, vel inde manifestum est, quoniam quicquid in unum locum congregatur, oportet id aliud quippiam relinquat, cum quo antea conjungebatur, & quia vitalis succus est, qui adunari creditur, debet is profecto partes à se maxime diversas (crassas nempe & viscidas) vel deferere, vel aliquo modo amoliri. Quemadmodum scil. in cerevisiae aut vini fermentatione usu venit, ut partes crassae atque heterogeneae à liquore limido ac puriore expellantur foras; ita pari-

pariter in prima caloris vitalis in genitali materia accensione, quamprimum succus vitalis sese congregare inceptat, necessario partes heterogeneas deserit, atque à se amovet. Et sicut in fermentatione, materiæ rejectæ pars summum petit, pars ad imum subsidit, pars lateribus allabitur, omnesque simul puriori liquori veluti capsam constituunt: sic vitalis liquor similiter, partes dissimiles à rivulis suis quoque versum submovens, capsulam sive canalem sibi effingit, per quem decurrat: estque hic major minorve, rectus vel obliquus, perinde atque rivulus, quem amplectitur. Quare manifestum est, succum vitalem in efformandis vasis, non solum opus auspicari, sed & materiam præparare atque coagulare, formamque eidem inducere.

Denique liceret addere, venas principium tum materiale tum formale nactas esse: verum ea de re ex superiore assertionem jam satis constat. Nec scio, an præter jam dictas *et principii* venarum significationes, alia aliqua cujuspiam momenti super sit, quæ iisdem merito attribui possit; ideoque *Galenicorum & Peripateticorum* rationes super hac re nunc paucis expendam: ubi si quid ab iis erratum fuisse constabit, haud promeruerit tamen, quamobrem id illis virio vertamus; siquidem fundamenta, quibus solis quæstionis hujus determinatio firmè innititur, non nisi multis

Materia & forma venarum.

multis post eos natos sæculis demum re-
perta sunt; circuitiōem sanguinis intel-
ligo, & venas lacteas; citra quarum noti-
tiam, controversia isthæc fortassis æter-
num foret disputabilis.

Horum Autorum fundamentum pri-
mum est, sanguificationis origo, quam
Peripatetici in corde, Galenici in *hepate*
constituunt. Opiniones autem istas jam
supra rejecimus.

*Expen-
ditur
senten-
tia Ga-
leni.*

Alterum eorum fundamentum est, di-
spensatio sanguinis per venas; quam isti,
hepati: illi vero, cordi acceptam referunt.
Et *Galenici* quidem, præter sanguinis illam
dispensationem, aliam insuper facultatum
spirituumque *naturalium* dispensationem
commenti sunt. *Peripatetici* autem spiri-
tuum facultatumque *naturalium* ab he-
pate dispensationem inficiantur, spiritus-
que solum *vitales* à corde profluos agno-
scunt. Quippe, ex eorum sententia, cor
sanguinem vitalem & spiritus in omnes
corporis partes per arterias emittit, eo-
rundemque opera facultatem nutriti-
vam iisdem impertit: venosus autem san-
guis eodem momento à corde in singu-
las corporis partes per venam cavam ejus-
que ramulos propellitur; adeo ut cor iis
non solum spiritus facultatesque nutriti-
vas per arterias, sed & alimentum ac-
commodum per venas suppeditet. Quam-
obrem licet spirituum facultatumve *natu-
ralium* dispensationem per venas abne-
gent;

gent; afferunt tamen, sanguinem venosum nutriendis partibus per eandem affluere. Quod si verum esse concedamus, ut cor *principium dispensationis venarum* dicatur, plane sufficit.

Illud quidem *Peripateticis* concedimus, cor per arterias sanguinem vitalem ad omnes partes organice distribuere, eoque pacto eandem vivificare, constitutionesque ipsarum exaltare, ac proinde facultates quoque insitas vividas reddere. Quippe sine hac vitæ à corde participatione, facultates illæ nutritivæ minime in actum educerentur, sed jacerent torpidæ ac consopitæ; quemadmodum in animi deliquio videre est, in quo facultates illæ omnes languescunt, idque plus minusve, prout vitalem influxum magis minusve impediri contigerit.

Quamobrem licet facultas attractrix, retentrix, concoctrix; atque expultrix, aliquatenus in naturalibus partium constitutionibus fundatæ sint; haud perficiuntur tamen, nisi vitæ à corde participatio accesserit. Ideoque cum *Peripateticis* fatendum est, cor recte statui principium dispensationis vitalis sanguinis per arterias.

Cor autem venosum quoque sanguinem in omnes partes venarum opera distribuere, adeoque dispensationis ejusmodi originem esse; istuc profecto neutiquam concedimus. Venæ enim nihil extrorsum
ad

ad partes efferunt, verum quod ab arteriis elatum est, eisolum regerendo inserviunt: quemadmodum ex doctrina circulationis sanguinis luculenter constat.

Eadem etiam sententia pariter refellit priorem partem secundi fundamenti *Galenicorum*; nempe hepar per venas sanguinem spiritusque naturales in omnes partes effundere. Nam si sanguinis motus in venis introrsum solum spectet, qui poterit aliquid foras per easdem emitti?

Porro, cum *Galenici* dicunt, facultates naturales ab hepate in alias partes per venas dispensari; id non ita intelligendum est; quasi facultates illæ ab una parte in aliam transmigrarent (quippe hoc pacto accidentia transilirent è subjecto in subiectum: quod in sana philosophia minime ferendum est;) sed credendum, voluisse eos, hepar, dum sanguinem (uti opinabantur) spiritibus naturalibus imprægnatum ad omnes partes emitteret, iisdem illis spiritibus facultates quoque naturales contribuere, vel saltem in partibus ipsis excitare. Hæc, uti arbitror, eorum sententia est: quæ si fuerit, sublato jam illius fundamento (dispensatione videlicet sanguinis & spirituum naturalium per venas) necesse est & ipsa simul corruat. Enimvero si hepar nec sanguinem neque spiritus naturales venarum opera propellit; quomodo, precor, spirituum illorum adjuumento, facultates naturales inseverit?

Qua-

Quapropter adversus *Galenicos* concludendum est ; *hepar* , venarum beneficio , nullius publicæ dispensationis originem esse.

C A P. XXXVII.

De totius Hepatis officio.

Postquam hætenus munera illa , quæ hepati jam olim (sed falso) attribuebantur , repudiavimus ; superest , verum propriumque illius officium asseramus.

Officii autem nomine , nequaquam intelligo rem aliquam à publica ejus *actione* aut *usu* distinctam ; sed vocabulo solum concreto usus sum , ut utrumque in se quodammodo comprehenderet. Enimvero partis officium , & actio publica atque usus , significationis sunt adeo conterminæ , ut in usitato dicendi genere , alterum in alterius locum haud male substitui possit. Nihilominus ut in eorum gratiam , qui minutias hujusmodi severe pensitant , quantulum sit inter illa discriminis plane constet ; id nunc universe dicam. *Actio* partis *publica* , revera idem significat , quod *officii* illius nomine intelligimus ; sed *relationem* , quæ ipsi cum agente intercedit , una complectitur : similiter & *usus publicus* , idem officium designat , quatenus ad totius corporis *utilitatem* refertur : denique , *officium* ipsum utranque hanc significationem includit , & præterea partem

Quid officii nomine intelligendum veniat.

ad id muneris præstandum *obstringi* innuit. Nempe illud hepatis officium (sive actionem, sive usum, seu munus voces) res est, quam quærimus.

usus nobilis ac publicus hepatis concessus.

Si ipsius hepatis amplitudinem, si magnitudinem vasorum ejus, texturamque horum admirabilem (de quibus omnibus antea dictum est) spectemus, fatendum necessario erit, esse organum nobile, atque publico alicui & præcellenti usui inservire. Neque enim naturæ mos est, magnificas fabricas in pompam inanem struere: nec solet integræ cuiuspiam animalium speciei idem organum largiri, nisi ipsi magnopere ex ulu fuerit: multoque minus cunctis animalibus idem organum semper impertit, ubi alicui eorum generi parum admodum commodi allaturum sit. Observatione profecto dignum est; quod, licet lien & pancreas in quibusdam animalibus desiderentur, plurimisque piscibus pulmones desint, hepar tamen in omnibus reperiatur: certo indicio, muneri ipsum eximio necessarioque destinari. Neque sane existimandum est, partem aliquam tam universaliter utilem, omnibusque animalibus concessam, esse in ullo eorum exigui momenti: videtur enim in aliquo fundatum esse, quod in cunctis animalibus necessario requiritur; adeoque, ut singulis illius generis speciebus insit, plane necessum est. Unde autem fit, ut pars hæc cunctis animalibus tantopere ex

usu

usu sit? Non quidem inde provenit, quod ^{quis-} ad sensum aut motum sit necessaria: quippe ^{nam is} hepar exilis admodum sensus est, nec sua ^{sit.} sponte ullo pacto movetur. Nec magis fons vitæ censenda est, qui omnium calculis cordi merito tribuitur. Ad actiones vero *naturales* quod attinet, generationi nequaquam inservit; neque officium illius publicum coctioni destinatur; siquidem nec chylum neque sanguinem efformat, ut antea à nobis dictum est. Quæ nobrem officium illi aliud nullum superest; præter aliqualem *sanguinis depurationem*. Est quidem verissimum, sanguinem variis modis depurgari: renes nempe salsum & terrestre excrementum cum materia potulenta mistum ac dilutum exonerant: pancreas similiter materiam aliam à nemine hætenus explicatam evacuat: aliæque comp'ures partes peculiaria huiusmodi officia nactæ sunt. Verum si hepar spectemus, ceu partem sanguinis alicui depurgationi designatam: simulque vesiculam felleam eidem annexam, & porum biliarium per illius parenchyma distributum intueamur; dicendum profecto fuerit, hepar in eum finem à Natura institutum esse, ut sanguinem à bile defæcatum reddat: atque istuc illius officium esse, quod hic quærimus. Quæ de ic ut plenius atque luculentius constet, propositiones hæc porro adstruendæ veniunt.

1. Bilis, non est humoraliquis nutritius,

S 2

Propo-
sitiones 4.

tius, sed plane excrementitius, eoque nomine à sanguine segregandus.

2. Calor vitalis perpetua sanguinis coctura, in ipso amarulentum sive felleum ejusmodi humorem necessario producit.

3. Sanguis, in quo felleus iste humor maxime abundat, in circuitu suo ad ventriculum, lienem, pancreas, mesenterium, &c. potissimum tendit; humorque ille amarulentus, transitu per eas partes factò, quo facilius à sanguine secernatur, præparationem aliquam adipiscitur.

4. Sanguis hoc pacto ad separationem fellei humoris præparatus, non debuit in cavam regredi, priusquam ab eo depurgaretur; heparque solum, præ cæteris omnibus partibus, purificationi hujusmodi est accommodum.

C A P. XXXVIII.

Propositio prima.

I. **V**idendum, qualisnam humor bilis sit; statuendumque, non esse illum humorem nutritium, sed omnino excrementitium; ac debere à sanguine separari.

Bilis elementa, è quibus constat.

Elementa, è quibus constat, videntur esse pauci spiritus, aliquantulum sulphuris, plurimumque salis, aquæ, & terræ.

Spirituum paucitas vel inde apparet, quia amarities hæc non est ab initio, sed absum-

absumptis dulcibus spiritibus demum exoritur; &, si qui horum superfuerint, fixi sunt, nec dominatum obtinent.

Neque sulphuris etiam magna copia adest, si molem ejus solam spectemus; quippe humor iste non est admodum oleosus sive pinguis, neque flammam ex facili concipit; imo vero ignem, non minus quam aqua, extinguit. Sulphur tamen in eo principatum obtinet, utpote ab adustione exaltatum; unde quoque amaritudo illius progignitur.

Sal, licet quantitate præcellat, non tamen in eodem dominatur, sed sulphur duntaxat exacuit, & acre magis reddit; qualirasque ejus abstersiva hinc originem ducit, quæ usque adeo manifesta est, ut fel bovinum interdum saponis loco veniat.

Pars illius aquea seu phlegmatica, liquiditatem sive madefaciendi potentiam largitur. Pars terrea incrassat, & corporaturam exhibet, qua fit, ut in aqua subsidat. Fitque etiam nonnunquam, ut partes aliquæ terrenæ & salæ præcipitentur, calculosque rotundos in vesica fellea, atque tubulos lapideos in poro bilario producant. Calculi isti pallent, & nonnunquam extrinsecus flavescent, intus vero fusco sive ravo colore conspiciuntur, sunt etiam cretacei, fragiles, spongiosi, & leves adeo, ut aquæ interdum innatent. Partium terrenarum intima mistio (eaque per omnia

æqualis) cum aqua, sale, & sulphure, lubricitatem hujus humoris internum producit.

quali-
tates,

Qualitates bilis primariæ, sunt caliditas & siccitas: potentialiter nempe sive effective tales sunt, non autem actu; quippe bilis tangenti frigida deprehenditur, & (non secus atque alii humores) mædificat. In corpore autem animalis, ob adusti sulphuris dominium, calefacit atque exiccat.

Præter lubricandi & abstergendi facultates, quas diximus, est etiam aperitiva, putredinique (ob salis præcipue in ea copiam) resistit. Ipsa quidem non tam alterabilis est, quam mutandis aliis idonea; quod ab arcta partium illius unione, spirituumque inopia provenit; quippe spiritus, præcrassioribus aliis elementis, facile separantur. Humor iste quamvis crassus sit, vix quicquam tamen sedimenti deponit.

amaror,

Amaritudo illius (una cum qualitate nauseosa, acri, partesque vellicante) lubricitati atque absterfioni ejus conjuncta, facultatem ipsi aliquantulum purgantem imprimat. Siquidem prioribus illis qualitatibus excretricem intestinorum facultatem extimulat; posterioribus vero, eadem lubrica reddit.

color,

Genuinus humoris hujus color ex pallido flavescit: interdum vero (secundum adustionis gradus) saturate flavus, aliquando viridis, & nonnunquam ex fusco flave

flavesceat conspicitur. Si illam in ventriculo aut intestinis sanguini aliquantisper commisceri contigerit, fuliginis colorem induit; estque fortassis famigerata priscis seculis *atra bilis*.

Ex dictis videre est, humorem felleum nutritioni minime conducere: quippe lenes suavesque ejus spiritus jam evanuerunt; & quod illi spirituum superest, ab adusto sulphure (quod illic principatum tenet) coercetur, & amarescit. Est etiam nauseosus, corrosivus, & partibus omnibus noxius, suoque insuper calore atque siccitate, humiditati earum radicali plane adversarius, iisque adeo nutriendis prorsus ineptus. Denique quoniam à partibus alterari nequit, ipseque mutandis illis valde aptus est; nihil sane commodi, verum damni plurimum accesserit, si diutule in corpore asservaretur. Concludo itaque, nequaquam nutritium, sed *excrementitium* plane humorem esse.

*atra
bilis.
Humor
bilis
suo
non nu-
trit.*

C A P. XXXIX.

Propositio secunda.

II. **A**fferimus, calorem vitalem perenni sanguinis coctione; in eodem amarulentum sive felleum ejusmodi humorem necessario progignere.

Quamquam *saporum* diversitates ac mutationes haud perfectum indubitatumque

*Quo-
modo
bilis
proda-
catur.
Facul-
tas gu-
standi,
de re-
rum*

elemen- principiorum omnium elementarium in
ta di- mixtis corporibus, & *virtutum* eorum ju-
judicat. dicium præbent; proculdubio tamen cer-
 titudinem inde majorem, quam hactenus
 contigit, indipisci liceat. Quippe ausim
 dicere, nunquam in rerum saporibus va-
 riatum esse, quin vel additio, vel ablatio,
 vel exaltatio, vel depressio unius plu-
 riumve principiorum elementarium acce-
 deret. Videtur itaque natura donasse re-
 gulam satis idoneam, qua de gustu rerum
 discrimina cognosceremus; sed eandem
 ab humana industria minus excultam esse.

Est quidem, fateor, *gustatus* aliis qui-
 busdam sensibus multis nominibus infe-
 rior: in misturis tamen rerum, earumque
 virtutibus judicandis, fortasse cæteris
 omnibus præcellit; inque cum finem,
 tanquam *explorator*, habitat in ea parte
 oris, qua esculentis & poculentis iter Na-
 tura patefecit; ne quid damnosum aut in-
 salubre in corpus irreperet.

Quomodo eadem Facultas videndi jampridem variis atti-
promove- bus adaugeta est; non potest autem gustan-
veri di potentia iisdem modis promoveri: id
queat. solum ad hanc rem conduxerit, si gustus in
 misturis rerum, earumque virtutibus æsti-
 mandis, præstitutis quibusdam regulis di-
 rigatur. Est quidem res isthæc ut summæ
 difficultatis, sic & usus eximii; atque id-
 circo prima hujus generis tentamenta, ut-
 cunque imperfecta fuerint, haud ingrata
 tamen fore sperandum est. Impræsentia-
 rum

rum autem, quoniam reliqui sapes ab instituto nostro alieni sunt, de amaro, dulci, atque acido solum tractabimus. Imo certe hic loci de amaro tantum agendum videatur: istuc vero qui possit, contrario ipsius (dulci nempe) incognito? & quomodo dulcem saporem rite intelligas, ignotis ejus contrariis, acido scilicet & amaro? Quamobrem, aliis saporibus omissis, agam hic non solum de amaro, verum etiam de dulci & acido: & quoniam aciditas quædam dulcedinem præcedit, alia vero tandem subsequitur; similiter amator quidam ab initio persentiscitur, alius autem post dulcorem demum exoritur; propterea de utrisque aliquid dicemus, prout res postulaverit.

Præterea, quoniam *spiritus* proprie sic dicti, quam cætera elementaria principia; in faciendis mutandisque rerum saporibus, plus possunt; de iisdem pauca præmittam, & de reliquis elementis quædam obiter diutaxat pro re nata indicabimus.

Gustus præcipue à spiritibus afficitur.

Vocabulum *spiritus*, quatenus corporibus tribuitur, varia significat. Primo autem quodlibet corpus ad *volatilitatis* gradum rarefactum, spiritus olim dicebatur: quodcumque autem crassius erat & minime volatile, id è censu illo eximebatur. Atque hac significatione, ventus, aer, oris halitus, & quælibet exhalatio spiritus nomine indigitabatur: nec male sane hæc

Spiritus diversa significatio.

nomenclatura illi convenit, quatenus à *Spirando* deducitur. Spiritum vero istiusmodi non intelligimus, cum de eo, ceu de principio mixturæ elementari, agimus.

Secundo, mos est corpus quodlibet *subtile*, activum, valdeque penetrabile, spiritus nomine insignire. Ita nimirum dicimus spiritum aceti, salis, & vitrioli; atque olea etiam distillationis arte prolecta, spiritus dici possunt, veluti oleum succini, & è lateribus. Sed neque hæc, propriissima nominis acceptione, spiritus appellanda sunt; cum sint tantum sales fixi, & crassa olea, distillationis opera subtiliora reddita. 3°. Spiritus vocabulo intelligendum venit elementum illud, quod, post debitam *fermentationem*, licet haud antea, sua sponte sursum nititur, & fit volatile; imo vero quod abiturum sit, corpusque plane mortuum relicturum, nisi ab extrinseco arceatur. Spiritus hic in distillatione, post præviam fermentationem primus ascendit, & in vasculis vitreis *Spiritus* nomine asservatur: ut spiritus vini, rosarum, anisi, &c. Atque hæc est vocabuli *Spiritus* acceptio propriissima, quatenus intelligitur esse mixturæ pars elementaris. Chymici cum *Mercurium* dicunt, eademque nomenclatio (respectu volatilitatis, quam à fermentatione adipiscitur) in illum probe quadrat. Mercurius, sive spiritus iste, est duum generum: est enim *Mercurius pinguis*, sive sulphureus; est

est etiam *macer*, sive salinus. Spiritus pin- *Meren-*
guis elicitur in forma olei, *macer* autem *rino est*
sub speciei aquæ. Prioris generis sunt chy- *vel pin-*
mica olea sive spiritus cinamomi, anisi, *guis, vel*
rosarum, &c. posterioris vero spiritus vini, *macer:*
aliæque aquæ ardentes.

Nonnulli certe ambigunt, an non poste- *Macer,*
riores illi spiritus, sub aquæ specie apparen- *non con-*
tes, constent est mixtura quadam phlegma- *stat ex*
tis & olei chymici. Et fatendum profecto, *mixtura*
in ultimis jam dictis spiritibus aperiri ad- *phleg-*
ditamentum quoddam olei chymici, unde *matis*
vigorem præcipuum & quasi vitam tra- *& olei:*
hunt; spiritumque illum salinum vix arte
ulla demonstrari posse purum & miscella
vacuum. Plane autem inficior, alteram
spiritus illius partem (quæ priorem forte
quantitate millies excedit) esse solummo-
do phlegma insipidum: quin potius assero,
esse salem volatilem, in liquorem distilla-
tione redactum. Quippe notum est, salem
communem liquefactum, subire formam
aquæ, non autem olei; liquoremque è sale
quarto ignis gradu prolectum (qui secun-
da quidem nominis significatione, non
autem propria, dici potest *spiritus salis*)
aquæ forma conspicuum esse: ideoque
creditu facilius est, salem volatilem distil-
latione separatum, aquæ faciem induere.

Rationes vero, cur putem, non esse mi- *senten-*
sturam phlegmatis atque olei chymici, hæc *tia huius*
sunt. 1^a. Quia olea chymica phlegmati *ius ra-*
innatant, nec cum eo facile miscentur. *tiones.*

2. Quod spiritus vini conflagens, totus avolat; quod certe non fieret, si maxima illius pars phlegma esset. 3. Quoniam, si quis sal volatilisin rebus extiterit, qualem chymici vere reperiri docent, oportet cum oleoso spiritu ascendat; quemadmodum etiam id fieri compertum est: nam cum perinde saltem levis sit, quomodo post hunc in fundo hæreat?

Uterq;
mercu-
rius de-
fendi-
tur.

Credant forsitan aliqui, neutrum horum spirituum ad *mercurium* pertinere: non primum quidem, quoniam videtur ad *sulphur* referri oportere, quod est principium pingue; neque etiam alterum, quia fatemur esse naturæ salinæ, adeoque ad *salem* spectare. Quid vero tum fiet de paupertino Mercurio? Is-ne è principiorum Chymicorum numero exturbandus est? Provoco enim quemlibet Chymicum, qui mihi ostendat *mercurium* alium diversum à crasso sulphure, sale, & phlegmate; præter spiritus illos salinos ac sulphureos, jam dictos. Non quidem inficias eo, spiritus salinos natura sua *fixo sali* admodum affines esse; uti & sulphureos spiritus, *crasso sulphuri*: ac propterea cuilibet eorum cognomen à familia, ad quam peculiari-ter spectant, deductum indidi; dum illos spiritus *salinos*, hos vero *sulphureos* nominavi: ut his insignibus, cujusnam quisque tribus esset, facile innotesceret. Nihilominus tamen satis causæ est, cur spiritus isti, ceu principium à crasso sulphure fixoque

fixoque sale diversum, habeantur. Nam si (facta prius debita fermentatione) modum, quo inter distillandum ascendunt, pensitemus; diversitas eorum planissime innotescet. Quippe primum ambo Mercurii simul conspiciuntur, tum phlegma procedit, posteaque prorepat crassum sulphur; sal vero & caput mortuum toto tempore in imo hærent. Est itaque inter utrumque Mercurium & sulphur magna intercapedo; nempe elementum integrum (phlegma scilicet) intercedit; neque sulphur citra tertium caloris gradum ascenderit: est autem majus intervallum inter Mercurium salinum, & salem ipsum; namque duo elementa interjiciuntur, phlegma nimirum & oleum; nec sal facile sine aperto igne ad superiora tendit. Idcirco principia hæc, utcumque sibi invicem affinia fuerint, satis tamen inter se mutuo distinguuntur. Quinetiam inter spiritus hosce salinos & sulphureos magna intercedit familiaritas, ut facile possint in eandem familiam coalescere: sunt enim ambo non solum volatiles, sed in minima quantitate cæteris omnibus elementis activitate præpollent; idque citra omnem corrosionem; ob quam etiam causam sunt subiectum primum *caloris vitalis*: ad quem dignitatis gradum ubi pertigerunt, nomen suum immutant, dicunturque *spiritus vitales*: qui honos cæterorum elementorum nulli competit. Quamobrem

Spiritus sive *Mercurio*, inter mixturæ elementa, suus ordo atque principatus concedendus est: & quotiescunque spiritus fit mentio, tanquam partis alicujus in mixtura, nomen id de mercurio vel salino vel sulphureo, vel utroque intelligendum venit. At si vocabulum istud alii alicui spiritui, minus proprie sic dicto, tribuatur; nisi dictionis scopus sententiam plane elucidaverit, commodum profecto fuerit (vitandæ ambiguitatis ergo) distinctivam vocem annexere; veluti cum dicitur spiritus vitrioli, salis, &c.

*Spiri-
tuum
sulphu-
reorum
discrimi-
na.*

Nonnulli autumant, spiritus sulphureos omnes esse uniusmodi: ego vero (ne quas alias nunc differentias recenseam) videre nequeo, quomodo spiritus hujusmodi summe dulces, cum aliis extreme amaris, uni generi accenseri possint. Ecquidnam enim putabimus, chymicum oleum sive spiritum absinthii, atque anisi ejusdem speciei esse, cum sapore, colore, virtuteque tantopere inter se discrepent? Itaque licet alias jam differentias missas faciam, spiritus saltem dulces lenesque ab amaris distinguendi sunt.

*Spiri-
tuum,
alio-
rumque
elemen-
torum
status
triplex.*

Potro, pingues macrique spiritus jam dicti, & revera omnia mixturæ principia, citra specie variationem, triplici conditioni, in mixtis corporibus, obnoxia sunt: nempe *status fixationis, fusionis, & volatilitatis*. Secundum trium horum statuum mutationem, corpora mista,

mixta, citra elementorum suorum additionem, ablationemve aliquam, saporem, aliasque suas virtutes plurimum immutaverint. Mihi cum *spiritibus* solis nunc res erit. 1°. Ubi spiritus firmissime *primus*, aliis elementis implicantur, sive, quod idem est, ægerime ab iisdem sepeantur, tunc *fixi* dicuntur. Maxima, quam quidem novimus, fixatio, est spiritus auri; proxima, aliorum metallorum, ac mineralium. Vulgaris maxime illius modus, est cruditas sive immaturitas, quam in fructibus deprehendimus. 2°. Quam *secundus* primus spiritus medio jam itinere sunt, *duo*, quo à crassioribus elementis liberentur, excitataque in iis lucta partes omnes ad æqualem misturam produxerunt; tunc statum *fusionis* sive fluoris medii nanciscuntur. Abunde hujus rei exemplorum est, in fructibus jam mitescantibus, & maturitati propinquis. Fusionis autem nomine, non intelligo meram elementorum *liquefactionem*; sed eam solum, quæ ad *separationem* eorundem dimidium quasi itineris emensa sit; & cujus ope corpus mistum, quoad partium suarum posituram, ad *æqualitatem* quandam perducitur. Res crudæ ad hunc statum, *maturationis* opera, non nisi longo tempore pertingunt; *fermentationis* autem auxilio, aliisque motibus æquivalentibus, spatio brevior. 3°. Quotiescunque spiritus exaltantur *tertius*, adeo, ut, nisi forinsecus compescan-

tur,

tur, paulatim, idque brevi tempore, emigraturi sint; tum *volatiles* dicuntur. Prostat hujus rei specimen in vino & cerevisia, quæ nisi arcte occludantur, spiritum suum volatilem amittunt, & vappescunt. Fructus similiter, quamprimum spiritus eorum volatiles facti evanuerunt, putrescunt. Fit quidem hoc opus à maturatione, sed diuturniore mora; fermentatio autem calorque vitalis & putrefactio, idem agunt, multoque expeditius.

Quomodo flatus isti ad gustum referantur. Verum respiciamus modo ad saporem, aliarumque in rebus virtutum mutationes; quantum nempe ad *elementorum* eorum diversitatem attinet; & præcipue quoad *Spirituem* illorum varietatem, diversosque eorum status, quos nunc diximus: & primo quidem videamus *acerbitatem* illam, quæ dulcorem antecedit; illamque *amaritudinem*, quæ statim ab initio perferatiscitur.

Acor Acor, qui dulcedinem præcedit, & in *dulcedine* plurimis fructibus immaturis conspicitur, *ni præcedaneus, fundatur in spiritu salino.* provenit à spiritu salino (mercurio macroscil.) nempe dum adhuc *fixus* manet. Quippe idem spiritus, prout pedetentim ad medium fusionis statum accedit, paulatim quoque maturescit, & dulcedinem induit: & quia plerunque pars alia post aliam mitescit, fit ut fructus sensim dulcoris atque acridinis suavissimam misturam nanciscantur: tandemque, postquam omnes hujus spiritus partes maturuerunt, plane

plane dulces evadunt. Et quoniam spiritus isti gradatim sensimque ad medium statum perveniunt; fieri potest, ut qui primi illum affecuti sunt, progressu ulteriore facto, aliquatenus volatiles fiant, priusquam reliqui cruditatem suam exuerint; quo casu sapor vividus & vinosus oboritur, ex dulci tamen atque acido con-temperatus: quemadmodum in delicatissimis fructibus usu venit; quorum summa laus est, mulcebri istiusmodi sapore gustui nostro adblandiri. Sapor iste in vinis acidulis tenuibusque præcipue eminet; præsertim si limonis succum & sacchari momentum iisdem admiscueris. Inest enim vino à natura hic sapor, idque ob mercurium ejus volatilem: adest etiam à crudo ejus spiritu aciditas, minor tamen forte quam cupias; dulcedinem vero perpaucam habet, ob substantiæ illius tenuitatem, quæ vix ullos suos spiritus in medio eorum statu durare finit; sed illi, quamprimum mitescere maturative occipiunt, protinus fiunt volatiles. Aciditas autem, quoniam in vinis non est eximia, poterit eadem crudorem atque acidorum succorum admistione augeri; saccharumque additum, maturitatem illis & consistentiæ modum meliorem conciliat. Et similiter, sacchari atque acidorum succorum cum distillatis spiritibus mixtione, licebit arte (cognitis nimirum compositionis illius elementis) saporem vinulum
dul-

non ta-
men
summa
fixatio-
ne.

dulcem, acidumque conficere. Præterea vero, aciditatem illam, quæ dulcedinem præcedit, in spiritu salino fixo fundatam esse, in *omphacio* videre est; quod, citra alieni additamentum, fermentatione sola dulcescit; & ubi dulces illi spiritus avolant, fit vappa, neque acescit denuo. Certissimo argumento, primum illum acorem à *spiritu* profluxisse: alioquin enim fermentatio cum ad volatilitatem nequaquam perduxisset; quod tamen factum constat, quoniam res ea, quæ aciditatem primam induxerat, jam abiit; vel certe, postquam dulcis spiritus evanuit, pristinam suam acedinem recuperaret. Idem quoque in limonum & aurantium putredine conspicitur; illa enim dum *putrent*, spiritus suos amittunt, & cum illis una aciditatem; nihilque superest, præter succum nauseosum, meramque vappam: claro indicio, aciditatem in eo spiritu positam fuisse, cum quo illa simul evaporavit. Monendum tamen est, dum assero, saporem hunc acidum in spiritu salino *fixo* consistere, non intelligere me, supremam illius fixationem; quippe hoc pacto spiritus iste plane coercetur, nec vim aliquam in aliena corpora exercet, neque etiam saporem alium exerit, præterquam insipidum; qui in plurimus fructibus recens natis deprehenditur, posteaque sensim acescit, prout spiritus, salinus liquefcere incipit, viresque novas acquirere. Dicendus est tamen
spiri-

Spiritus fixus, donec ad medium sive maturitatis statim pervenerit.

Amaritudo, quæ statim ab initio adest, *Amarities ini-*
fundatur in spiritu sulphureo amaro. Nam *tio ob-*
si absinthium arte per *serpentinam* distilla- *orta, in*
veris, spiritum sive oleum chymicum val- *quosum-*
de amarum inde elicies: quo educto, quod *detur.*
absinthii superest, plane iners & amarore
omni destitutum reperies: insigni docu-
mento, amaritiem illam à spiritu *sulphu-*
reo proficisci. Hujusmodi spiritus haud,
prioris instar, maturatione dulcescit, sed
potius amarescit magis: videmus enim
tenella amararum plantarum germina
primo vere prodeuntia, minus amara at-
que aspera esse, quam quæ prope æstate
expullulant. Credibile sane est, verno
tempore majorem *salini* spiritus portio-
nem sulphureo admistam esse, huncque
ab illo temperari. Neque etiam *ferment-*
tatio ullo modo amaritudinem hanc do-
mat, nisi quatenus spiritus sulphureus
amarus ejus opera foras evolat: quippe
spiritus absinthii post fermentationem
eductus, nihil prorsus de amaritie pristina
remittit. Fatemur quidem, cerevisiam
cum lupulo coctam, amariorem esse re-
centem, tractuque temporis amarorem
suum maximam partem exuere; quod, uti
verisimile est, spiritus lupuli adeo tandem
volatilis evadat, ut & ipsemet evanescat,
& amarities simul plurimum imminua-
tur. Nihilominus tamen, *amari* spiri-
tus

tus haud adeo facile *volatiles* fiunt, atque *dulces* solent; quippe hi ab illis veluti constringi videntur, habituque facili prohiberi. Absinthium cerevisiæ inditum, eandem vividam conservat, quod illi etiam cum lupulo commune est; quo sine amore, cerevisia ante pubertatem vel acescit, vel saporem vividum amittit, vappæque accipit nomen.

*Dulceden
denis
origo.*

Dulcedo oritur è suavium spirituum in mistura dominio, dum illi in statu medio sive maturitatis constituuntur. Sunt autem dulcedinum tres species; nempe macra, pinguis, & ex ambabus mixta. *Macra*, famelica, & salina dulcedo, fundamentum habet in spiritibus salinis, dominio potientibus, adque maturitatis gradum perductis, estque eadem cum illa, quam in fructibus mitescensibus deprehendimus. *Pinguis*, opimus, & nutricans dulcor, exoritur à spiritibus sulphureis principatum tenentibus, inque medio statu constitutis. Dulcedo hæc in cibis plurimum nutrientibus manifesta est; sicuti in carne, pinguedine, butyro, pane, medulla, &c. In quibus omnibus, mercurius pinguis, sive oleosus spiritus dominatur, in mollitudinis gradu consistit. Dulcitas *mixta*, gustui quidem suavior est, sed posteriore minus nutricans, licet priorem hac virtute antecellat. Oritur autem à spirituum salinorum & sulphureorum conjuncto dominatu, utrisque ad maturitatem prove-

Etis.

Etis. Sapor iste eminenter apparet in melle, saccharo, ficibus, passulis, dactylis, glycyrrhiza, &c. Dum autem dulcedinis hoc genus *mixtum* appello; non ita intelligi velim, quasi ambæ aliæ species à mistura omni alienæ sint: nam spiritum salinum vix deprehendas, sine aliqua sulphurei spiritus admistione; atque ægre admodum videas corpus aliquod mixtum, in quo spiritus sulphureus ita abundet, ut de salino nihil participet. Quapropter distinguuntur hæc dulcedinum genera, non quidem misturæ *carentia*, sed quod vel alter horum spirituum solus, vel ambo simul *dominatum* teneant. Sapo- res dulces porro ab invicem discernuntur, pro *crassorum* elementorum cum iisdem commistorum majore minoreve proportionem: ex. gr. si rei dulcis maxima pars ex crasso sulphure constet (quemadmodum in medulla, & similibus contingit) dulcedinem hanc ab illa discriminat, quæ in *macra* carne deprehenditur, in qua elementa alia crassa præcipue abundant.

Sapo- res etiam, qui dulcedinem *prave- illam* *niunt*, à nobis dispiciendi sunt: quorum *prave-* aliqui eandem immediate, quidam vero *dunt a-* non nisi aliorum interventu, antecedunt, *cer &* In posteriore hoc censu sunt, vel *adstri-* *ctio*, vel *asperitas*, vel *sapor* ex utrisque *inspidi-* *mixtus*, qualis est *stipticitas*, quæ de utra- *tas.* que illa in summo gradu participat; atque etiam *austeritas*, sed gradu inferiore; ut
& acer-

& *acribitas*, quæ in imo gradu consistit, cuique aciditatis paululum videtur conjunctum. Hi saporés ut plurimum in aciditatem desinunt, quæ ipsos ordine jam proposito consequitur. Dulcedinem *immediate* præit, vel *aciditas*, vel *insipiditas*; estque hæc vel plane talis, vel cum obscura aliqua austeritatis aut acerbitalis mistura: quippe saporés isti in tali gradu, quod gustum exiliter admodum afficiant, ad *insipiditatis* classẽ vulgo referuntur. De *aciditate* jam antea egimus; illa vero dulcorem salinum præcedit. *Inspiditas* quoque nonnunquam dulcedinem anteit; tum vero dulcor subsequens plenior est, adque secundum vel tertium genus supra memoratum pertinet. Quippe proprius spirituum sulphureorum, in summa eorum fixatione, sapor, est insipiditas. Spiritum autem illum sulphureum intelligo, qui postmodum dulcescere aptus natus est. Sunt enim sulphurei spiritus, qui in summa (quam quidem usitate obtinent) fixatione, amaritudinem suam retinent; eorumque jam in proxime præcedenti paragrapho meminimus. Plantarum frigidarum, ut & temperatarum fructus, in quibus spiritus sulphurei dominantur, sunt plerunque ab initio mere insipidi, vel saltem obscure sapidi, & postea dulcescunt: ita triticum, secale, hordeum, avena, atque oryza, necdum matura, sunt insipida; tempore dulcescunt, & nutritui inserviunt, utpote sulphureis spiritibus

ribus copiosis donata. Nonnullarum vero calidarum plantarum semina, statim ab exordio sui dulcescunt; quoniam nunquam adeo figuntur eorum spiritus, ut propterea activitatem suam amittant: idemque dixeris de lacte, carne, aliisque ab animalibus depromptis eduliis. Quæcunque item spiritus suos sulphureos non nisi paululum supra summam eorum fixationem exaltatos habent, ut parum dulcedinis obtinent, ita insipiditati sunt proxima; veluti ovorum albumina, farina tritici, gummi tragacanthum, Arabicum, &c.

Insipiditatum autem tria sunt genera: *tria bre-*
 quorum primum oritur à *carentia activo-* *jus ge-*
rum principiorum, quæ saporem imper- *nera,*
 tiant: alterum, à *partium terminatione*: tertium, à *fixatione*. Primum genus, natum à defectu activorum principiorum (nempe mercurii, salis, & sulphuris, quæ soia saporis sapidi autores sunt) videre est in aqua simplici, & nonnullis aquis stillatitiis, atque etiam in aqua & terra invicem permixtis. Secundum genus (quod in partium terminatione consistit) hinc nascitur, quod corpora terminata ad gustus organum afficiendum inepta sint. Sic frusta majuscula minus sapiunt quam pulveres, & hi similiter minus quam tincturæ ex iisdem eductæ. Imo vero pulveres, qui inter deglutiendum neque liquefcunt, nec tincturam exhibent, neque quicquam exhalant, prorsus insipidi sunt.

Quod

Quod ab iis perpendi velim, qui ex variis atomorum figuris, sese saporum omnium discrimina prolekturos sperant. Nam si illorum atomi, corpora sint terminata; non equidem video, quomodo gustum afficere queant. Terebinthina liquida egregie amarescit; eam vero si tantisper coxeris, donec in pulverem redigi possit, erit quodammodo insipida. Nonnullæ res, ut odorem, ita & saporem quoque suis *halitibus* effundunt: halitus autem isti, tincturæ modo, salivæ imprimuntur, & liquorum instar degustantur. Salia & sacchara, liquamine sui saporem edunt: nam si eadem, fusione facta, in solidiora frustra redegeris, ut dein haud facile liquecant, linguaque leviter delibaveris; haud plus profecto saporis inde elicies, quam si lapidem delinxisses. Unde constat, terminationem solam, quandiu talis manserit, corpori insipido reddendo sufficere. Tertium insipiditatis genus, à summa spirituum *fixatione* provenit; qua fit, ut (durante eadem fixatione) activitas eorum, saporemque educendi potestas veluti condormiscat. Est autem hæc fixatio duum generum; quorum alterum à spiritibus salinis, alterum à sulphureis proficiscitur. Prius illud *adstrictionem* atque *asperitatem* admittas habet: dicitur autem *insipidum*, ob saporis obscuritatem, & defectum aciditatis, quæ postea subsequitur: posterius vero adstrictionem & asperitatem

tem *minores* multo (si modo ullas) con- *Spiritus*
 junctas obtinet, habetque dulcedinem *omnes*
 confectaneam. Neque enim spiritus sul- *ab abs-*
 phurei aciditatis capaces sunt; sed quam- *tum*
 primum ad activitatem suam pertingunt, *procli-*
 dulcedo eorum paulatim magis magisque *ves.*
 emicat. Spiritus, cujuscunque generis fue-
 rint, quamprimum vel *maturatione*, vel
fermentatione, vel *putrefactione*, aut alio
 consimili moru, ad *volatilitatem* perve-
 niunt, præ cæteris omnibus elementis fa-
 cile avolant, & in aërem disperguntur: uti
 in spirituum extractionibus chymicis, post
 debitam præparationem, manifeste cerni-
 mus. Fugatis autem spiritibus, quicquid
 illius misturæ superest, vel *vappescit* illico,
 vel *acescit*, vel *amarescit*. Atque singu-
 las hæc mutationes nunc paucis expe-
 diam.

Liquores, qui *fermentationis* ope spi- *Quid*
 ritus suos amittunt, una cum istis, vel *ab eo-*
 etiam antea, partes suas terrenas, salinas. *rum a*
 que (quas junctas, *tartarum* vulgo dici- *fermen-*
 mus) aut saltem majorem earum partem, *tationis*
 à se amoliuntur; & paucillum quoque *opera*
 sulphuris, quod in iis erat, pariter reji- *discessu*
 ciunt, evaduntque tenues & limpidi. Ad- *eveniat.*
 sumptis vero hoc modo spiritibus, amisso-
 que sale, & sulphure; principium acti-
 vum nullum amplius superest, quod in iis
 principatum teneat, saporemque ipsis im-
 pertiat; quapropter, velut exanimæ, vap-
 pescunt.

quid a
simplici
eorundē
exhalati-
one.

Quicumque autem liquores, non tu-
multuosa fermentatione, sed simplici ex-
halatione, spiritus suos dulces amittunt;
licet & ipsi quoque partes suas terrestres
per subsidentiam abjiciant, salinas tamen
etiamnum retinent. Quare factā spirituum
dulcium jactura, salēque (spirituum illo-
rum ascensu) ad fusionem, sive medium
activitatis statum perducto, idem mox
dominio potitur, fitque liquor tenuis,
asper, acidus, valdeque penetrabilis. Pro-
cessus iste in faciendo aceto est manifestis-
simus. Nimirum hujus aciditas, plurimum
differt ab ea, quæ in immaturis fructibus
deprehenditur: namque hæc (uti monui-
mus) dulcedinem præcedit, illa verò ean-
dem subsequitur: quippe hæc sita est in
spiritu salino moderatè fixo; illa autem in
sale crasso ad fusionis statum exaltato: hæc
maturatione, aut fermentatione dulcescit,
& mox spiritus in aërem diffundit; illa ve-
ro spiritibus omnino desituitur, nullaque
arte (citra misturam) postliminio ad dul-
cedinem revertitur. Communis autem
sal, inquis, in aqua liquefcens, lixivium
parat, non utique acetum. Profecto me-
ra liquatio salis in aqua, nequaquam suffi-
cit, ut eundem ad medium activitatis gra-
dum, sive fusionis statum perducatur: quip-
pe hoc pacto ad mediam volatilitatis for-
tem pertigisset; sal vero in aqua lique-
fcens, volatilitati nihilo propinquior est;
quod tamen de acido sale, saporem aceto

com.

communicante, necessario fatendum est: quippe acetum tertio caloris gradu distillatione attollitur; cum tamen sal aliud, quocunque cum modo liquaveris, vix quarto illius gradui obtemperet. Præterea, liquor ille, qui igne aperto è sale prolicitur, vulgò *spiritus salis* dicitur, est saporis acidi; licet sal, dum fixus esset, aciditate omni destitueretur: unde constat, salem volatili jam proximum redditum aciditatem nancisci posse, qua antea omnino carebat. At vero acetum, ais, magnam aciditatis suæ partem amittit, si modo tartarum ei injeceris. Ita fit: tartarus principium acetii salinum figit, firmumque reddit; unde evenit, ut de aciditate sua tantundem remittat. Ipse vero tartarus sapore acido præditus est, qui à salsedine quadam oritur, quam queas arenæ calore volatilem reddere; tumque sal reliquus nequaquam accessit. Omphacium, succusque aurantiorum, aut limonum, &c. haud bene muriæ vicem præstant, nec rebus diu conservandis sunt utiles: quoniam principium eorum acidum, facile fermentationi aut putredini obnoxium est. Acetum autem principium suum acidum pertinaciter retinet, muriamque ipso sale fixo haud multo deteriorem efficit: claro indicio, aciditatem illius non à spiritu salino, verum à crassiore sale ad fusionem provento, promanare.

Præter amaritudinem illam quæ sponte

Ama- exoritur, & de qua jam egimus; est etiam
ritudo alia, quæ à *dulcedine* exurgit; & in eo à
dulcedi- priore discrepat, quod plerunque haud sita
neprog- sit in amaro sulphureo spiritu, sed in crasso
basæ. sulphure adusto. Quamprimum nempe
 spiritus dulces absumpti sunt, nisi & sulphur una abjiciatur, adustionem necessario
 apportat, atque adeo amaritudinem. *Adu-*
stionis autem nomine intelligo, reductionem quandam crassi sulphuris ad medium
 activitatis sive fusionis statum: fusionem illam dico, quæ facit ut volatilitati magis
 appropinquet. Nam spiritus dum nituntur fieri volatiles, laremque pristinum desere-
 re; hoc ipso motu conantur torpidiora elementa, aquam puta, sale, sulphur, &
 terram una secum avehere: ista vero, ut-
 pore ponderosiora, crassiora, adeoque ad
 motum æque celerem inepta (aquam ta-
 men in hoc censu non habeo) dum reni-
 tuntur; ut plurimum haud ultra fusionis
 statum progrediuntur: qui in sulphure
 idem est cum eo, quem adustionem dici-
 mus. Quemadmodum autem jam dixi-
 mus principii salini fusionem, esse causam
 aciditatis illius, quæ dulcedinem sequitur;
 ita pariter adustio sulphuris, causa est ama-
 ritudinis, quæ dulcorem comitatur. Sul-
 phur enim ad medium statum evectum,
 præ sale, donando saporì pollet; ideoque
 res, in qua inest, non acescit quidem, sed
 amarescit: qui sapor sulphuri proprius est,
 quotiescunque aduritur.

Calor

Calor evidenter adustionis est causa, & *Quo- modo dulcia amare- scant.*
 cum ea simul amaritiam manifeste produ-
 cit. Nonnulla, si ad focum diutule co-
 quantur, protinus amaritudinem consci-
 scunt: ita lac, nisi continue circumagatur,
 adurit, atque amarescit. Oleum amygdalarum dulce, butyrum insulsum, & similia, igni imposita, dulces suos spiritus brevi amittunt, fiuntque rancida & amara. Glycyrrhiza pariter longa coctione amaritudinem quandam manifeste contrahit: quod etiam melli commune est, licet alias ab eo sapore quam maxime alienum sit. Carnes etiam adustæ, sive id elixatione, sive assatione, sive coctione in furno factum sit, amarorem aliquem subito acquirunt. Nec solum ignis calor hunc saporē inducit, sed & quilibet alius, qui spiritus dulces à crassioribus elementis separat; ea tamen lege, ut mistura adeo macra tenuisque non sit, ut vel nihil sulphuris in se contineat, vel paucillulum illud, quo fruitur, una cum fugitivis spiritibus amandet foras: sicuti in parando aceto usu venit. Aliter enim, absumptis semel spiritibus dulcibus, quod superest, amarioris, non autem aconis fit particeps: quemadmodum in fructibus putrescentibus videre est. Certe in pomis maturis nullum amaritudinis vestigium deprehendas: postquam tamen, accedente motu putrefactivo, spiritus illius dulces omnes avolant, protinus evidenter amarescunt. At

enim mēspila, inquis, & sorba, citra amaritē, putrescunt. Falleris plurimum; quæ enim putredo dicitur, est eorum vera maturitas; spiritusque illorum dulces non, nisi ubi plenè maturuere, absumuntur: uti satis constat, ex sapore eorum etiam tunc temporis dulci, vivido, atque eleganti, & austeritate illorum præcedentia. Pyra, inter putrescendum, minus amarescunt; ob principii sulphurei in iis pauperiem, propter quam haud integro potitur dominatu: sed, simul ac putrescere incipiunt, nauseosa dulcedine perfunduntur; quod spiritus eorum dulces nondum omnes abierint: postea vero amarities in ipsis quoque est manifestaria. Ad acidiores fructus quod attinet, sunt illi magis adhuc famelici; & quoniam sulphuris eorum & salis tanta est paupertas, ut principatum obtinere nequeant; amissis spiritibus, statim veluti animam efflant & vappescunt. Quamobrem concludendum censeo, eundem calorem, siue motum expansivum, qui spiritus dulces corporis alicujus mixti (in quo insit sulphuris proportionata quantitas) dissipat; si eadem opera sulphur illud non expulerit, necessario idem adurere, atque amaritudinem in eo progignere.

*Sanguis
est li-
quor
opulen-
tiss.*

Ut vero jam constet, quomodo hæc sanguini convenient; dicendum primo, nobilem hunc liquorem, haud esse jejunam famelicamve misturam aliquam, verum,

rum in se complecti elementa primiceria, spirituum uberem copiam, & sulphuris etiam siue pinguedinis debitam proportionem: ne quid nunc amplius dicam. Ideoque, si suaves ejus spiritus continue disperdantur, necesse est, ut calor (dispendii illius autor) sulphur quoque crassum adurat, atque eidem amarorem conciliet, humoremque adeo felleum progeneret. Cum enim spirituum in sanguine sit ingens copia; oportet etiam calor, siue expandendi nifus iisdem proportionem respondeat: cæteroquin enim spiritibus illis omnibus dissipandis minime sufficeret: sin autem suffecerit, necesse est (ob rationes jam dictas) ut sulphuri quoque adustionem imprimat. Quare docendum est, spiritus sanguinis dulces perpetuo absorberi.

Non est dubium, quin prævia fermentatione, spiritus dulces cæteris partibus elementaribus facilius dissipentur: sicut ex celeri eorum inter distillandum ascensu, modò demonstravimus. Si igitur calor vitalis eundem effectum in chylo sanguineque producit, quem fermentatio in aliis misturis; nempe si exuscitat spiritus ad volatilitatem: necesse est, hos si cælatatos facilius exhalari, quam alia quælibet ponderosiora crassioraque ejusdem sanguinis principia. Fermentatio autem est calor intus exoriens, ob luctam inter spiritus & partes crassiores; dum illi conantur sese expandere, atque avolare, hæ vero

*qui fiat,
ut spiri-
tus ejus
dulces
profu-
giant.*

illi nisi adversantur. Similiter, vitalis calor provenit ab interna concertatione, inter spiritus sanguinis vitales, huiusque elementa crassiora, dum illi id sedulo agunt, ut tum ipsi, tum sanguis reliquus dilatentur; hæc autem isti conatui oppido reluctantur. Adeoque fermentatio & vitalis calor in hoc conveniunt, quod in utroque spiritus nitantur sese expandere; hoc autem sine volatilitatis gradu aliquo fieri non potest. Quippe volatilitas haud aliud significat, quam avolandi conatum, nisi aliunde reprimatur. Quamobrem dicendum est, calorem vitalem spiritus sanguinis dulces ad fugam pronos reddere, facereque ut in aërem evanescant. Posset hoc ipsum luculentius multo declarari, si modo nunc animus esset, caloris naturam universe explicare; ac deinde ostendere, quantum discrepet calor vitalis, ab igneo, à maturationis etiam, putrefactionis, & fermentationis caloribus. De quibus omnibus tractatulum muginabar: ille vero cum prolixus nimium, & à proposito nostro remotior videretur, placuit ab incepto desistere. Quare hic solum addam, quibus gradibus spiritus, à primo eorum in corpus una cum alimentis ingressu, ad volatilitatem suam, exitumque progrediantur.

*Spiritu-
um ho-
rum ex-
halatio.*

Cibi solidi, cum primum deglutiuntur, spiritus suos fixos in se continent; qui brevi tempore in ventriculo, potulentæ matæ
rix

riæ admiffione, atque fermentationis ope, *nisi se-*
ad statum secundum (fusionis nempe) per- *ries, à*
 ducuntur. In hoc statu, nutrimenti solidi *primo*
 partibus opinioribus, per modum liqua- *usque*
 tionis aut tincturæ, cum potu permittis; *nutrisa-*
 profluit lacteus quidam succus, quem *tu.* *chy-*
lum dicimus; estque liquor suavibus, mi-
 tibus, atque delicatis spiritibus refertus.
 Simul ac vero lenes hi spiritus ad cor per-
 tingunt, ibidemque cum vitali sanguine
 commiscuntur; paulatim ad *tertium sta-*
tum, volatilitatis nempe, promoventur;
 fiuntque jam subjecta idonea, in quibus
 calor vitalis niduletur; ideoque proximo
 eorum ad cordis ventriculos recurſu,
 accenduntur, evaduntque *spiritus vi-*
tales. Quippe spiritus vitales, ab iis,
 quos una cum alimentis accipimus, haud
 aliter discrepant, quam præparationibus
 atque exaltationibus jam dictis; quodque
 calor vitalis in ipsis tandem accendatur.
 Sciendum autem cor ad exiguum quasi
 punctum minime contrahi, neque omnem
 sanguinem vitalem è ventriculis suis expel-
 lere; sed plusculum hujus, finita contra-
 ctione, in illis etiamnum superesse. Resi-
 dua autem hæc sanguinis portio, alium è
 venis in ventriculos illos reducem accen-
 dit, facitque ut sit sanguis vitalis. Obser-
 vandum porro, esse in sanguinis spiritibus
 volatilitatis complures gradus; neque eos
 (nisi post frequentes circulationes, novas-
 que plurimas in corde accensiones) ad

summum illius gradum pertingere. Nonnulli quidem spiritui quibusdam sanguinis partibus firmiter magis, quàm alii, uniuntur; adeoque quidam paucioribus, quidam pluribus circuitibus ad summum volatilitatis apicem perducuntur: omnes tamen temporis tractu eo perveniunt. Enimvero in unaquaque circulatione magis magisque subtiles evadunt, debentque tandem necessario ad supremum fastigium pertingere. Quo ubi perventum est, proxima statim circulatione (licet à parietibus cordis, arteriarumque tunicis, quandiu in illis locis sunt, coërceantur) quamprimum ad corporis habitum delati fuerint, sicut eundem calefaciunt ac vivificant, ita ipsimet avolant, & in aërem disperguntur, ablatis una secum plurimis aquosis, & forte sulphureis nonnullis exhalationibus. Dumque hoc pacto agiles hi spiritus diffugiunt, alii minus volatiles, à partium, quas transeunt, frigidioris temperie aliquantulum reprimuntur, validusque eorum motus expansivus plurimum compescitur; cessatque adeo micatio; & sanguis, in quo insunt, ex arterioso sive vitali, fit denuo venosus seu naturalis; talisque permanet, donec ad cordis focum postliminio redierit.

Quantum
sum-
ptum
Naturae
sufficiat,
ut
vitam
sustineat.

E quibus facile videre est, quanti Naturae constet, ut calorem vitalem perennem tueatur: nempe haud minoris, quam jugi spirituum sanguinis maxime vola-

volatilium dispendio. Quippe calor iste intus exoritur, eidemque excitando subtilissimi spiritus primi motores sunt. Quisnam autem eorum motus? Nituntur nimirum sese expandere, finesque suos ampliare; dum interea alia sanguinis elementa, eorum conatibus adversantur. Atque hæc *lucta* essentiam caloris generalem exhibet. Addendum tamen porro, spiritus nunc præpollere, sanguinisque massam attollere sive tumefacere; nunc vero crassiora elementa, auxiliante cordis atque arteriarum contractione; motum illum retundere; indeque fieri sanguinis micationem. Quoniam igitur calor vitalis consistit in nisu spirituum rarefactivo, crassiorumque partium renixu; & quoniam spiritus ex parte, saltem alternatim, triumphant & dominio potiuntur; veritati sane consentaneum est, calorem illum, absque spirituum sanguinis maxime volatilium perpetua jactura, conservari non posse.

Haftenus id egi, ut spirituum sanguinis dissipatio à *priori* innotesceret: licebit porro eandem quoque à *posteriori* confirmare; instituto nempe computo à magnitudine evacuationis, quæ per insensibilem transpirationem perficitur. *Sanctorum* certe, in *Medicina sua Statica*, deprehendit, eorum, quæ comedimus & bibimus, plus quam dimidium per insensibiles halitus absorbi. Quod quidem in mode-

*idem
demon-
stratur
à poste-
riori.
transpi-
rationis
insigne
momenti*

rate bibentibus verum esse arbitror, non autem in iis qui aquas acidulas potant, aut vini cervisiæve ingentes cyathos exiccant: quoniam isti, quem hauserunt potum, fere omnem paucis post horulis reddunt. Cæteroquin ingense est, procul omni dubio, huiusmodi evacuationo; potestque eadem vel ex halitu, quem cum anima perpetuo expiramus, ulterius dignosci. Nam, si rem recte putemus, altero fere tanto amplius expiramus, quam inspiramus; spirituque aliquoties in speculum illiso, nubecula statim, roris instar, oboritur. Atque ad aliarum partium exhalationem quod attinet, si calidioris pollicis interiorrem partem prope argentum aut stannum expositum admoveris, halitus inde emigrans metallum illico inficiet. Cogitanti vero, idem à reliquis quoque omnibus corporis partibus, idque singulis momentis, fieri; haud multum profecto absonus videbitur *Sanctorii* calculus. Non existimo tamen, omnes istas exhalationes esse *spiritus* evaporatos; nam si centesima earum pars tales fuerint, mihi abunde suffecerit. Atque oportet sane bona earum pars sint *spiritus*: neque enim verisimile est, exhalationes hæc omnes ab eorum expansivo nisu foras cieri, ipsorumque interea nihil avolare. Quapropter concludendum censeo, spiritus sanguinis dulces à calore vitali perpetim rarefieri, tandemque in aërem facessere.

Concesso itaque, quasdam sanguinis partes (easque certe, quantum spiritus minus arcte crassioribus elementis unicbantur, vel quæ plurimum à calore vitali passæ sunt) spirituum suorum dulcium omnem penum absumpsisse; cuiusui, quæso, fuerit massa residua? Non potest profecto amplius esse subjectum caloris vitalis, neque eidem inserviet; sed potius damnum afferet. Quippe sulphur ejus, spirituum ad avolandum nisu, amaritudinem contrahit; caputque mortuum, cum salina parte conjunctum, aptum est coagulari ac lapidescere; parsque aquosa est prorsus inutilis. Quamobrem hæc non amplius, ceu partes sanguinis, æstimanda veniunt; sed tanquam excrementa habenda, forasque è corpore eliminanda sunt.

Ut clarius constet, quantum pars hæc amara atque adusta cum humore bilioso conveniat; addo amplius, reliquias massæ sanguinis emortuæ jam dictas (absumptis semel spiritibus, qui imperio suo partes unitas conservabant) illico pronas esse ad diversa studia, inque partes varias secedere: plane ut in sanguine usu venit, dum venæ-sectione eductus in lance torpescit. Ibi enim caseosæ sive grumosæ partes, quæ maxime elaboratæ, & ad fusionem quandam perductæ, indeque visciditatem nactæ sunt, in summo natant, ad instar cuticulæ aut membranæ; aliæ vero ejusdem generis partes, fusionem visciditatemque

temque illam nondum indeptæ, in imo subsidunt; serosæ autem ac potulentæ, eadem circumfluunt. Similiter & hæ sanguinis reliquię, aptæ natæ sunt ab invicem recedere: partes enim caseosæ, ad fusionis statum perductæ, facile coagulantur, fitque inde pituita sive phlegma: tartarus autem, id est, partes salinæ & terrestres simul mixtæ, facile potulentæ materiæ associantur; à qua etiam servantur fluidæ, & cum qua à puro sanguine segregantur, & urinam constituunt: sulphur vero adustum cum sero inseparabiliter commiscetur; eoque pacto humoris (biliosi nempe) speciem induit. Rationes autem (quibus adducor, ut credam, sulphur adustum corpulentiam suam à sero mutuari, & potius ab hoc, quam à parte potulenta aut pituitosa) hæ sunt: Primo, quantitas adusti sulphuris in humore felleo est perexigua, (licet virtute præpolleat, & dominio potiatur) adeoque alio humore accessorio opus habet, ut consistentiam illam, quam obtinet, nanciscatur. Est autem humor iste sero maxime affinis, nimia vero coctura aliquanto crassior apparet; eandemque ob causam, ad fusionis statum perductus, forsitan haud adeo facile coagulatur: cæteroquin substantia cum eo convenit; nempe friabilis est, aut saltem non viscidus, uti oportuit si à phlegmate provenisset. Non potuit itaque, nisi à sero, naturam illam humoris adipisci. Præterea,

terea , phlegmate multo tenuior est , multoque crassior quam urina , proximeque ad seri consistentiam accedit. Quinetiam ejusdem cum sero coloris est ; nili quod, ob adustionem, aliquanto saturatius flavescat. Denique , res hæc porro confirmatur observatione illa , cujus antea meminimus. Erat nempe apud nos mulier cachectica , in cujus vesicula fellea deprehendimus humorem serosum , pallidumque , minime amarescentem , sed insipidum potius dulcique proximum. Credibile sane est , calorem vitalem in ea pauperiorem fuisse , quam ut adustionem efficeret ; adeoque excrementum illud citra amaritudinem expurgatum esse. Utcunque , indicio est , serum necessario ad humoris fellei structuram concurrere.

Ut itaque propositionem hanc finiam : *Capitio.*
asserō , calorem vitalem , continua spiri- *hujus*
tuum dulcium deprædatione , necessario *summa*
tandem in crasso sanguinis sulphure adu- *rimus.*
stionem atque amaritudinem efficere ; idemque sulphur amarum in seroso humore hospitans , & cum eodem commixtum , esse ipsum felleum humorem ; adeoque bilem hanc in animalibus necessario produci.

CAP. XL.

Propositio tertia.

ASserimus tertio, Sanguinem, in quo biliosus iste humor maxime abundat, in circuitu suo per coeliacam & mesentericas arterias ad ventriculum, intestina, lienem, pancreas, mesenterium, &c. (sed præ cæteris ad ventriculum & intestina) tendere, humoremque illum amarum, transitu per eas partes facto, præviam quandam dispositionem acquirere, quo facilius à sanguine secernatur.

In superiore jam propositione, humoris fellei generandi modum ac necessitatem explicuimus: nunc porro inquirendum restat; quid de ipso postmodum eveniat; & primo quidem, quasnam alterationes aliosve motus subeat, priusquam à sanguine separetur.

*Partes
con-
sist-
miles
facile
congre-
gantur.*

Diximus quoque antea, massam sanguinis mortuam, quamprimum omnibus suis dulcibus spiritibus orbata fuerit, (quorum miscella partes illius veluti ferruminabantur) novis rebus studere, sive in phlegma mucosum, bilem, ac tartarum secedere.

Quæ partes, quemadmodum ad separationem ab invicem faciendam proclives sunt, ita etiam propensæ sunt suis quælibet familiis aggregari: indeque fit, ut partes congeneres aliæ alias in arteriis, seu continuato filo, sequantur; adque

cos

eos ramos tendant, per quos minimo negotio ad consimilis materiæ promptuaria deduci possint.

Non tamen usque eo progreditur hic congregandi sive uniendo conatus, ut elementorum horum cujuspiam perfectam à sanguine secretionem instituat; sed cum eodem mixta ac veluti confusa etiamnum manent; nec potest sanguis, citra organi alicujus opem in eum finem extructi, sese ab eorum consortio liberare. Id solum hac ad coëundum propensione efficitur, ut sanguis excrementorum horum quorumcunque copia abundans, ad ea organa se conferat, quorum opera ab iisdem commodissime separari queat. Atque adeo tartarus parti sanguinis maxime potulentæ (à qua etiam fluidus conservatur) associatus, ad arterias emulgentes recta pergit, & ab illis in renes impellitur; quos dum transit, facta colatura à sanguine secernitur, urinæque formam induit: humor autem mucosus & felleus, haud protinus actu ab invicem separantur; verum sanguis, qui humoribus hisce maxime abundat, cum iis una ad arterias coeliacas & mesentericas tendit; atque earum auxilio ad ventriculum, intestina, lienem, &c. desertur.

Si quæras unde id compertum habeam: dico, me jam antea evicisse, humorem felleum, in sua vesicula, poro bilario, ductuque communi convasatum, in eum finem ibidem asservari, ut sanguinem in aorta biliosis

Unia
istius-
modi
quonam
usque in
sanguine
pro-
cedat.

c. 13.
propos.
17. Pro-
batur
hic uni-
onis co-
biliosis
naturæ.

biliosis humoribus refertissimum, inde
versus coeliacos & mesentericos ramos al-
liciat, horumque exortus vasis istis felleis
è directo appositus esse, ut attractio hu-
jusmodi facilius perficiatur. Nunc autem
porro addo, humorem pituitosum sive
phlegma inanimum, per eosdem ductus
humorem felleum comitari. Cum enim
uterque humor in eadem sanguinis massa
stabuletur, eademq; vasa utrunque ad illas
partes deducant cum quibus maxima illis
familiaritas intercedit; nulla profecto ra-
tio est, cur haftenus ab invicem segre-
gentur. Quippe pituita non minus ven-
triculo & intestinis, quam humor biliosus
vasis felleis affinis est: siquidem illorum
interiora humore mucoso, phlegmati
huic emortuo persimili, veluti incrustan-
tur. Quamobrem humores isti ambo ad
eadem loca pellekti, necdum à se invicem
secedunt, verum sibi mutuo potius comi-
tatum praestant, ut quod itineris est reli-
quum felicius expediant.

*Quomo-
do bilis
versus
intestina
pellu-
ciatur.*

Ubi humores isti hoc pacto in arterias
coeliacas & mesentericas allekti sunt, bi-
liosa quidem pars (reliquum itineris quod
attinet) in neutram partem obnoxia est,
verum susque deque habet, in quasnam
potissimum vasorum horum ramificatio-
nes pertendat: pars vero pituitosa mani-
feste ad eos ramos allicitur, qui ad ventri-
culum & intestina perducunt; ubi etiam
ejusdem humoris magna copia est, qui
cam

eam illo versum sollicitet. Debet itaque humor biliosus (saltem pars ejus major) nondum actualiter à dicto phlegmate separatus, una cum eo ad ventriculum & intestina deferri. Atque hætenus quidem humor felleus pituitam comitatur.

Verum cum arteriæ sanguinem, humoribus pituitosis ac biliosis refertum, in ventriculi intestinorumque tunicas effundunt; fit, ut pars pituitosa medio itinere hæreat, nec possit (ob visciditatem suam, viarumque angustias) sanguinem præeuntem, in extrema venarum oscula, arteriarum effluentium osculis respondentia, sequi: quapropter, vel transudatione, vel per mearus insensibiles, in ventriculum & intestina rejicitur: nempe, pars illius acidior in ventriculum fertur, ubi acidi istiusmodi humoris magna copia est, quæ eandem ad se proleſcet; partes vero insipidæ ad intestina abiguntur: prior illa appetitum stimulat, & concoctioni promovendæ fermenti locum supplet; posterior autem intestinorum transitum lubricat: utraque vero partes suas incolumes ab alimentorum injuriis tutatur. Ideoque ventriculus & intestina viscoso istiusmodi mucos nonnunquam destituuntur, novusque continue accedit, priusquam vetus omnis in cloacam proturbatus fuerit.

Atque hic quidem loci humor biliosus phlegmati valedicit, & cum sanguine potius in posterum societatem init: ac propter

*Pituita
in inte-
stinis se-
cerni-
tur.*

*Ex a bñ
le dese-
ritur.*

ca cum eodem ex arteriarum finibus, per intermediam intestinorum aut ventriculi substantiam, in venarum appositarum extrema transmigrat. Quod etiam eo facilius fit, quia non est (ad instar phlegmatis) humor viscidus, sed potius aperitivus, magisque certe, quam ipse sanguis, per angusta penetrabilis. Et, quod amplius est, nulla repenitur attractio similis, quæ efficiat ut phlegmati sese ulterius socium præbeat; sed quoniam major illi cum sanguine intercedit familiaritas, hunc potius (uti diximus) in venarum confinia comitatur.

*Cur bilis ver-
sum in-
testina
tendat.*

Quorsum autem humor iste è via seducatur, inque partes illas transferatur, quibus neque attrahendi illum facultas aliqua, nec à sanguine separandi potestas est? Respondeo: Sanguis biliosus, ut supra demonstratum est, in coeliacam & mesentericas arterias valide satis attrahitur: eo autem ubi perventum est, fieri non potest, quin earum ductum sequatur. Illas vero unicum solum ac pertenuem ramulum, hepaticum dictum, in jecur transmittunt; neque hic etiam in illius parenchyma, sed vasa duntaxat distribuitur. Quare, cum neque coeliacæ neque mesentericæ arteriæ rami ulli immediate ad ipsum parenchyma deferantur; necesse equidem est, ut humor iste per earundem arteriarum alios ramulos circunducatur; & quia pituita (quæ ipsa ad ventriculum atque inte-

stina

stina attrahitur) illi etiamnum comes est; oportet sane illum (saltem maximam ejus partem) una cum phlegmate isto, per ramos ad ventriculum & intestina disseminatos, modo jam dicto derivari.

Posita quidem, aïs, ut nunc se habet, *Cur san-*
 vasorum distributione, ratio illa verisimi- *guis he-*
 lis videtur; cur autem vasa illa ita ab initio *patis per*
 fabricata sunt? Naturæ enim haud minus *venas*
 in proclivi erat, in ipso formationis exor- *suppedi-*
 dio, arterias extruere, quæ sanguinem
 biliosum via recta & compendiarie ad he-
 patis parenchyma deducerent; perque
 idem distribuerent; quam alium sangui-
 nem ad cæteras corporis partes traduxit.
 Et cur hepar solum, præ reliquis partibus,
 sanguine vitali non nisi secundario frua-
 tur; idque per venam; cum aliæ omnes
 partes immediate ab arteriis irrigentur?
 Reputantibus sane, hanc fabricam in
 omnibus indiscriminatim animalibus re-
 periri, fatendum necessario est, id non
 sine gravissima causa à Natura ita institú-
 tum esse. Fortasse dixeris, parenchyma-
 tis illius debilem friabilemque constitu-
 tionem immediato arteriæ impulsui feren-
 do non suffecisse. Neque ego plane nega-
 verim, hanc esse posse distributionis illius-
 modi causam præcipuam: etiamsi in con-
 trarium regeri possit, lienis parenchyma
 majoris esse ténacitudois, & conspicuas
 tamen arterias in ipsum disseminari. Esto
 tamen hæc causa principalis: sunt nihil-
 ominus

ominus aliæ præterea huic accensendæ.

Primo enim videtur necessarium, ut humor biliosus phlegma comitetur, donec ventriculum & intestina prætergressus fuerit. Quippe confessa res est & manifesta omnibus, mucosum hoc excrementum ventriculo intestinisque obstruendis peritoneum esse, nisi bilis istuc cum eo simul appelleret: hæc namque est humor aperiens ac detergens, neque angustos partium earum meatus facile à viscida pituita oppilari sinit. Quæris hujus rei specimen? Illos aspice, in quibus (præservidi temperamenti cum sint) humor felleus abundat; videbisque ventriculos & intestina eorum rarissime mucosis infarctibus oppleta esse; contra autem in frigidis constitutionibus (præsertim in chlorosi & cachexia laborantibus) partes illas permagna viscosa phlegmatis copia præpeditas reperiēs.

Secundo, humor ipse felleus videtur ulteriore quadam præparatione indigere, priusquam commodè à sanguine separari queat. Nam si bilis recta ad hepar iret, vix fieri posset, quin aliquid phlegmatis hujus emortui eodem una raperetur; quoniam humores isti, quamdiu in arteriis manent, haud facile actu ab invicem secedunt; & quotiescunque secernuntur, id, nisi phlegmatis primum recessu, nequaquam fit. At vero si sanguis biliosus cum mucoso phlegmate permixtus, ad
hepar

hepar (obstructionibus tantopere obnoxium) tetendisset, vix unquam sanè ab oppilationibus fuisset liberum. Ideoque opus erat, ut, antequam bilis ad hepar accederet, pituitosum hoc excrementum actu ab illa segregaretur.

Præterea, videtur humor felleus sanguini firmiter adhærescere; quod in seri illius parte fundatus sit, nec facile ab illo, citra ulteriorem præparationem, separari possit. Idcirco necessum erat, ut hoc pacto per ventriculi atque intestinorum ambitus circumduceretur; quo, partes hæc pertransiens, ad secretionem faciendam porro fieret inclinior. Hoc quidem, opinor, nemo negaverit; esse in ventriculo fermentandi vim acerrimam: idque aciditas illius, ciborumque solidorum festinata dissolutio atque coctio luculenter evincunt. Consimilem quoque fermentandi potestatem in intestinis reperias; qua fit, ut humores in iis nimium subacti, facile ad putredinem proni sint. Dico præterea, humores impuros nullo meliore compendio, quam fermentationis opera, ab invicem sejungi. Quippe notum est, vinum ac cerevisiam, facta semel fermentatione, promptissime defæcari; sine illa autem id nunquam contingere. Quare summo opere ex usu erat, ut sanguis plurima bile onustus, hoc pacto ad ventriculum & intestina circumiret, priusquàm ad organū secernendæ bili destinatum pertingeret;

geret ; ut sic nempe acquisito fermentationis modulo , fieret postea magis separabilis. Ratum est itaque, Naturam haud temere biliosum humorem tanto circuitu deduxisse ; quoniam hac arte separationem illius tutiorem facilioremque reddidit.

C A P. XLI.

Propositio quarta.

Dicimus tandem , sanguinem , in quo amarulentus humor , hoc modo ad separationem præparatus , stabulatur , non debuisse ad cavam reverti , antequam actu ab eodem secerneretur ; heparque solum huic officio esse accommodum.

*Quo itinere
sanguis
ad Portæ
truncum
per-
veniat :*

*Cur
inde in
cavam
immediate
haud
trans-
feratur.*

Explicuimus jam superiore propositione , quanta circuitione sanguis biliosus ad ventriculum & intestina decurreret , quidque eo itinere præparationis nancisceretur. Perduxeramus eum nempe in capillares venas ventriculi , intestinorum , &c.

Inde veto è minoribus vasis in majora facile pertransit , tandemque in Portæ truncum ingreditur. Sed gradus hic nobis paululum sistendus est , priusquam illius ductum ulterius prosequimur.

Venæ hujus truncus , cavæ valde propinquus est , potuissetque proculdubio (si Natura ita rebus suis consultum putasset) facili negotio in eandem terminari : quin etiam

etiam hoc pacto sanguinis circuitus multo expeditior fuisset; effuso nimirum illo è Porta immediate in cavam, quam translato eodem in ambagiosum hepatis parenchyma. Quippe ut illac iret, haud alio molimine opus erat, quam ut Porta digiti unius alteriusve tranversi spatio protenderetur, quo cavam attingeret, in eandemque adeo infereretur. Iter autem istud per hepar, non solum anfractuosum est, sed etiam periculi plenum; ne, facta alicubi obstructione, sanguinis, curriculum interrumpatur. Porro, ad hanc rem requiruntur plurimæ illæ subtiles divisiones & subdivisiones (quas supra memoravimus) venæ Portæ, & cavæ, aliorumque hepatis vasorum ad minima usque capillaria per illud disperforum, atque etiam tam irgens ipsius parenchyma. Illis vero ambagibus ac mæandris, obstructionum quoque periculis, atque operosis structuris, hepatisque prægrandi mole, nihil opus fuisset, si modo Porta sese immediate in cavam exonerasset: neque minus etiam hoc pacto circuitioni sanguinis prospectum esset; utpote quæ nihil aliud desideret, quam ut sanguis à cœliaca & mesentericis arteriis protrusus, in cavam denuo, indeque ad cor ipsum regrediatur; quod sane Portæ immediata in cavam apertura facillime præstitisset.

Non equidẽ existimandum est, Naturam (quæ semper via compendiaria utitur, nihil

que unquam incassum instituit) omnia hæc diverticula & molimina in nullum finem extruxisse; vel in illum solum, ad quem sine illis perveniri possit. Ac propterea fatendum est, ob insignem aliquem usum contigisse, quod sanguis hoc pacto per hepatis parenchyma, non autem immediate in cavam revertatur.

*Hepatis
usus e-
vinci-
tur.*

Atque ut usus iste nobis clarius innotescat, ipsum sanguinem è Portu reducem propius intueamur. Diximus, cum humore felleo inquinatum, adque hunc à se emoliendum jam omnino præparatum esse: quare nisi ad partem aliquam, ubi commode secerni possit, deferatur; non modo præparatio isthæc omnis inutilis fuerit, sed & bilis in cavam recipietur, tractuque temporis totam sanguinis massam amaro polluet. Ideoque necesse erat, ut impurius hic sanguis ad hepar primum diverteret, ibidemque defæcator evaderet, priusquam in cavam ingrederetur.

Præterea, si modum spectemus, quo sanguis hepar pertransit; assertio hæc nostra potro confirmabitur. Neque enim per anastomoses perficitur, ut plurimi falso arbitrati sunt, nosque antea refutavimus; sed percolatur solum per hepatis parenchyma. In quem autem finem isthæc colatura? Oportet sane vel *alterationi* cuiuspiam, vel *separatione* inserviat: alteratio vero hic nulla effingi potest; quoniam liquor pertransiens, sanguinis forma ingrediebatur.

grediebatur, nec diversa egreditur. Quamobrem separationis causa id fieri oportet. Quidnam autem secernitur? Nihil profecto à sanguine separandum per Portam ad hepar deferitur, præter humorem biliosum, qui eidem commiscetur; neque aliud quicquam colatura per hepar facta secernitur; quemadmodum poro bilario aperto manifeste dignoscitur.

Denique, veritas isthæc ex ipsa hepatis fabrica clare elucescit. Vix quicquam enim ad hepar, nisi per Portam, accedit; huiusque opera æqualiter in omnes ejus partes distribuitur: sunt autem duo diversa vasa, quæ humorem illatum egerunt; rami nempe cavæ, & pori bilarii. Quorsum vero humori efferendo bina vasa; si hic, postquam illatus fuerit, in duas species non dirimitur? Est certe porus bilarius vas concavum & tubulatum; quod frustra factum esset, si neque quicquam ad hepar afferret, nec aliquid ex eodem educeret. Et jam antea à nobis dictum est, humoris cap. 18. in poro bilario fluorem naturalem ab hepate ad intestina tendere: ideoque officium propos. 6. illius fuerit, aliquid inde auferre. Quidnam vero auferat? Oportet profecto quidpiam sit, quod ultimis suis capillaribus ex hepatis parenchymate exhaustum sit. Istiuc autem humorem felleum duntaxat esse, porus bilarius aperitus manifeste indicabit; quippe in isto, præter humorem illum, nihil reperias. Revocari

hic quoque in mentem possint communitates illæ inter ramos Portæ, radicesque cavæ & pori bilarii, quarum supra fufe memimus; simulque eorundem vasorum in hepate distributiones, antehac à nobis propositæ; quæ omnia, structuram hepatis huic muneri peritoneam esse, liquido testantur. Ego vero solum memorabo æqualem illam capillarium cujuslibet generis vasorum distributionem ad singulas parenchymatis partes; quæ fit, ut Porta sanguinem in omnes illius partes ex æquo dispenset; porique bilarii capillaria per singulas ejusdem partes disseminata in promptu sint, ut humorem biliosum, cum sanguine ad quamlibet partem propulso commistum, inde exugant; & similiter venæ cavæ capillaria ubique adsint, ut sanguinem jam depurgatum in se proliciant. Ideoque totum hoc opus minimo negotio ab hepate perficitur; nec posset quispiam, ad hanc rem, structuram magis aptam comminisci. Idcirco ratum esto, hepatis integri officium esse, *sanguinem impurum per Portam affluentem excipere, bilem ab eo secernere, nitidumque jam factum in cavam reducere.*

*Officii
hepatis
dignitas.*

Antequam tamen huic rei finem impono, de officii hujus dignitate paucula dicenda sunt: enimvero haud aliud hujus generis munus in imo ventre præstantius reperiatur. Possent quidem renes, si qua alia pars, cum eodem de dignitate contendere: ipsi tamen, instituto hujusmodi certamine,

mine, expetita laude frustrarentur. Primo enim hepar ambos simul renes amplitudine longe exuperat, & interna etiam illius structura multo elegantior atque elaboratior conspicitur. 2^o. Humor biliosus, quam serosus, difficilius secernitur; idque siue materiam ipsam, siue segregandi modum respexeris. Quippe bilis est humor crassior multo, quam urina; nec potest ejusmodi colatura separari, quæ expressione mechanica potissimum perficitur; qua partes tenuiores premendo eliciuntur, crassioresque per alia vasa remeant. Ipse quoque bilem separandi modus est præstantior, utpote qui attractionem similem accuratam, magis, quam urinæ segregatio, postulet. Verum de hujusmodi secretionem, postea pluribus agendum est. 3^o. Bilis, si retineatur, pro rata proportionem plus damni apportat. 4^{to}. Separatio bilis videtur ad urinæ quoque in renibus secretionem nonnihil contribuere; adeo ut, si bilis in hepate haud perfecte separata fuerit, urina etiam à renibus haud satis expurgetur. Atque hinc fit, ut in hepate obstructo, aut muneri huic obeundo aliter inepto, urinæ solito pauciores profluant: sicuti in hydrope, scorbuto, &c. videre est. Et ob hanc etiam causam fortassis Veteres crediderunt, hepar prima urinæ segregationem aggredi, eamque postea ad renes amandare, quo ibidem perficiatur: etiamsi id statuendi causa illis

primaria fuerit, sanguificandi potentia, hepatis ab iis nullo jure attributa. Vera autem ratio, cur hepatis mala renibus quoque incommodent, videtur ab urinæ in crassatione atque acrimonia (ob admixtam bilem) arcessenda esse; quibus fit, ut in renibus multo ægrius transcoletur. Denique, ab hepatis in fungendo officio suo erroribus, plura morborum genera obveniunt, quàm ab alia aliqua in infimo ventre parte similiter male affecta: veluti cachexia, hydrops, icterus, atrophia, fluxus hepaticus, flatulentia, asthma ob diaphragmatis compressionem, anorexia, cutis sceleritas, & complura alia.

Quamobrem certum est, officium hepatis jam dictum (nempe ut secretioni atque excretioni biliosi humoris, sanguinisque adeo defæcationi inserviat) esse ejus generis in inferiore ventre nobilissimum: & propterea, licet hepati principatum absolutum denegemus, dignitatis tamen prærogativam, quatenus ea à nobis explicata est, ipsi, præ cæteris in eadem regione partibus, libenter concedimus.

CAP. XLII.

De Vasorum peculiarium, ipsiusque Parenchymatis actionibus atque usibus particularibus: & primum de iis, qui à Porta, ejusque Capsula communi, atque arteria hepatica præstantur.

Quamvis, statuto semel totius hepatis usu, ad vasorum quoque illius & parenchymatis actiones atque usus particulares dignoscendos, aliquo modo via pateat, supersunt tamen nonnulla peculiariter magis super iisdem inquirenda.

Ordiam à vena Portæ, quoniam illius ope humores omnes in hepar deferuntur; eique capsulam communem & arteriam hepaticam jungam: idque propterea, quia actiones atque usus illius (nisi facta mentione usus capsulæ communis, auxiliique ab hepatica arteria allati) vix satis plene innotescunt. Addamque insuper nervi hepatici usum singularem.

Quamprimum Porta parenchyma hepatis ingressa est, protinus de officio, natura, atque dignitate arteriæ participat: *Porta arteriæ affinis*, excellit nempe communis venæ conditionem, proximeque ad arteriæ perfectionem accedit. Videtur certe de hybridarum genere esse, interque venam atque arteriam ambigere.

Primo enim simul ac vena isthæc hepar introivit, duplici tunica donatur, eoque pacto arteriæ constitutioni fit persimilis. Quippe arteria vestitur duabus tunicis, vena autem alibi non nisi una induitur. Sunt tamen arteriarum tunicæ crassiores, densiores, & robustæ magis, quam illæ quibus Porta amicitur: ideoque licet uno nomine ad arteriæ naturam accedat, alio tamen eandem haud plane assequitur. Atqui vero, inquis, externa venæ hujus tunica haud ipsi soli convenit; verum est capsula aliis quoque vasis communis: præsertim poro bilario, atque aliquatenus etiam arteriæ & nervo hepaticis, uti superius dictum est. Respondeo: licet sit, ut diximus, capsula vasis illis communis, ita tamen ab eadem ambiuntur, ut nullo modo impediant, quo minus venæ Portæ alterius tunicæ vicem præstet. Capsula enim illa Portam circumcirca (licet haud immediate) amplectitur, nec minus roboris eidem affert, quam si illam solum inclusisset. Adde, quod vix sexta amplitudinis illius pars alia aliqua vasa attingat, sed tota fere hanc immediate complectatur. Quamobrem etsi fateamur, capsulam hanc reliquis quoque vasis in eadem involutis quodammodo communem esse; quia tamen pars ejus longe maxima, usque illius præcipuus Portæ inservit, poterit eo nomine propria hujus tunica censerì.

2^{da}. Porta in hepate, beneficio capsulæ communis & arteriæ hepaticæ, pulsum aliqualem (licet debilem atque imperfectum) nanciscitur. Quoniam enim in eadem capsula cum arteria hepatica includitur; necesse est, ut illa ab hujus diastole aliquantulum comprimatur, & à systole ejus remittatur denuo; atque adeo dilatationem & contractionem alternatim experiat. Quippe compressa, sanguinem necessario coarctat, & (ad arteriæ modum) in hepatis parenchyma elidit; intermissa autem compressione illa, relaxatur illico, & interea ab opere isto feriat. Est itaque sanguinis per hanc venam distributio, admodum similis ei, quæ à vera arteria perficitur: sit nempe per diastolen & systolen, sive compressionem ac remissionem vicissim institutam; dicique merito potest, imperfecta quædam pulsatio. Nolumus autem sanguinem, ab hac venæ illius compressione, æquali impetu ferri, atque in arteria vera fieri solet; sed gradu longe dispari: eo tamen, qui sanguini per hepatis parenchyma transferendo sufficiat.

At vero, inquis, hujusmodi Portæ compressio sanguinem potius in truncum ejus ramosque extra hepar positos retruderet: præsertim cum nulla valvula adsit, quæ recursum illum impediat. Respondeo: quoniam fluxio omnis in trunco Portæ, ejusque ramulis extra hepar, intror-

sum fertur, atque illo versus à coeliaca & mesentericis arteriis impellitur; valvula nihil opus erat, quæ illius reditum prohiberet; præcipue cum diaphragmatis & musculorum imi ventris contrariis alternisque compressionibus eodem promoveatur. Quamobrem haud mirandum est, debilem hanc ramorum Portæ in hepate pulsationem, nulla ejusdem motus clara vestigia in illius trunco ramisque extra hepar sitis exprimere: siquidem illa ne sistendo quidem sanguinis affluxui satis est; tantum abest, ut jugiter accurentem, in contrarium repellat. Ideoque pulsus Portæ, sanguinem (ut jam diximus) in hepar adigit, perque totum illius parenchyma distribuit; nequaquam vero eundem retrorsum pellit.

cap. 30. 3^a. Verisimile est, nervum hepaticum quoque nonnihil ad hanc Portæ pulsationem conferre. Quippe (ut supra à nobis dictum est) nervus iste in vasorum horum capsula communi includitur, nec minus in illam, quam in poribilarii ramulos distribuitur. Ideoque arteria hepatica dilatata nervum hunc aliquantulum comprimit, eundemque (uti verisimile est) ad contractionem sui faciendam irritat: quod sane fieri nequit, sine aliquali quoque capsulæ communis constrictione; adeoque necesse est, ut Porta quoque, quæ in illa includitur, nonnihil coarctetur. Imo vero haud facile intellectu est, in quemnam aliunde

aliū finem capsulam communem adeat , præterquam ut motum ei aliquem imper-
tiat. Nam si capsulæ huic sensus ullo modo
ex usu fuerit , oportet sane motus gratia ei
donatus sit ; vix autem alius aliquis motus
eidem convenit , præter contractionem
atque dilationem illam , è quibus pulsa-
tio (quam jam diximus) constituitur.

4^{to}. Probabile est ; sanguinem in hepa-
te , ob duplicem Portæ tunicam , spiri-
tus in ea cæteroquin avolutores coercen-
tem , obque motum pulsatilem jam di-
ctum , vitalitatis quosdam veluti igniculos
recuperare , & micationem aliquantillam
acquirere : talem nempe , quæ parenchy-
mati hepatis vivificando sufficiat. Idque ita
se habere , vel inde certo constare credi-
mus , quia spiritus vitales parenchymati
aliunde suppeditari nequeunt. Arteria e-
nim hepatica (uti superius diximus) in ca-
psulam communem solum & vasa fellea
plane insumitur , neque ipsum hepatis pa-
renchyma uspiam attingit. Quapropter
cum (præter Portam) vas aliud nullum sit ,
quod sanguinem ad parenchyma istud af-
ferat ; necesse profecto est (nisi fateamur ,
sanguinem per Portam delatum aliquo
modo reviviscere) ut parenchyma omni
plane vitalitate deprivetur. Nam , sine
vitali sanguine , pars nulla vivificatur ; he-
patisque parenchyma , nisi quem Porta
adfert , sanguinem nullum adipiscitur. Id-
coque opus est , ut sanguis peream af-

fluens vitalitatem suam quadantenus recuperet : quod sane , nisi eo modo , quem nunc diximus , haud facile evenerit. Poterit etiam porro hujus sanguinis reviviscen-
tiæ documentum peti à cordibus vipera-
rum, aliorumque consimilis vivacitatis ani-
malium : ea enim è corporibus exacta,
mensæque imposita, pulsum diu servant;
tandemque absumpto jam plane calore
vitali, si modo calente saliva attigeris, re-
viviscunt protinus, pulsumque denuo ad
tempus redintegrant. Talis nempe est hæc
vitæ scintillula , in sanguine intra Portam
resuscitata ; qua tamen hanc ad arteriæ na-
turam propius adducit, hepaticque ani-
mando sufficit.

Denique , sanguis ad alias quaslibet
corporis partes per arterias deducitur ; ne-
que vena ulla (præter Portam, idque in
hepate solum) munere isto alicubi de-
fungitur. Idcirco credendum est, venam
illam in hepate, arteriæ vicem quodam-
modo supplere, sanguinemque (quod hu-
jus solius officium est) distribuere.

Concludendum itaque censeo, venam
Portæ in hepate, de arteriæ natura, digni-
tate, atque officio aliquatenus participa-
re. Habet nimirum duas tunicas, aliquan-
tulum pulsat, sanguinem naturalem ad
aliqualem vitalitatis gradum exuscitat,
eundemque ad omnes parenchymatis
partes deducit, ipsasque adeo refocillat ac
vivificat.

CAP. XLIII.

De Parenchymatis actione atque usu particulari.

PARENCHYMA hepatis videtur esse pars ipsius principalis, quoniam reliquæ omnes illius partes eidem inserviunt. Ligamenta nempe situm ejus stabiliunt; tunica, circumvestit; Porta, illi sanguinem appor-
 tat; huic, capsula communis ministrat; arteria & nervus hepatici, operas dant partim Portæ, partim capsulæ communi, partimque poro bilario: ramuli venæ cavæ & pori bilarii, soli inde auferunt; ut manifestum sit, alias omnes hepatis partes, parenchymati ejus aliquatenus ancillari. Quid itaque de actione atque usu illius dicendum est? Oportet sane sit totius hepatis officii, antea à nobis descripti, pars præcipua; ac propterea ipsam bilis à sanguine secretionem perficiat necesse est: qua de re nunc uberius agendum est.

Proculdubio parenchyma istud est *Coli vi-*
lum quoddam peculiare, operi huic pera-
 gendo à natura institutum: videtur nam-
 que *percolatione* aliqua perfici. Quotiescun-
 que enim liquor mixtus partem aliquam
 ingreditur, eamque pertransendo in duas
 distinctas liquorum species dirimitur, taliq;
 facie per diversos canales excernitur; fas
 est dicere, liquores illos ab invicem ejun-
 ctos.

ctos fuisse, facta per eandem partem percolatione. Ideoque cum idem in hepatis parenchymate eveniat, dum bilis illic à puro sanguine secernitur; licebit hunc segregationis modum, separationem *colatura* factam indigitare.

Colatura est vel artificialis, vel naturalis.

Est autem colatura alia *artificialis*, alia *naturalis*. Illa, si huic comparatur, plane rudis est: separationem quidem aliquam instituit, sed solummodo tenuiorum partium à crassioribus, dum illæ colum penetrant, his vero transitus omnis denegatur. Natura autem cum quippiam percolat, nihil omnino in colo residuum relinquit; nisi forte destinate id agat, nempe in partis ipsius nutritionem, in qua colatura ejusmodi instituitur: cæteroquin, quicquid acceperet, aliquo pacto extrudit foras; hac lege tamen, ut quod confuse & permiste ingressum est, distincte exeat: dividit nempe in duos diversos liquores, eosdemque per varios canales eliminat.

*hujus
varia
sunt genera.*

Variaè admodum sunt colaturæ, quas Natura instituit. Ego illas omnes ad duo genera reduxero. Sunt nempe ad *nutritionem*, sunt item aliæ quæ ad *excretionem* tendant. Prioris generis exemplum videre est in nutritionis modo illo, quo fibræ & partes membranosæ aluntur. Quippe verisimile est, ejusmodi omnes partes per nervos ali: ut vero alimentum istud in ipsam earum substantiam facilius penetret, ychi-

vehiculo aqueo instruitur, idemque, cum aliter partibus nutriendis inutile sit, introducta in illas alimonia, mox ablegatur, & per canales aquosos nuper reperi-
tos in ampliora spatia revertitur.

Colaturæ, quæ ad *excretionem* spectant, *Colatura ad excretionem tendens, est triplex*
trifariam dividi possunt. Quarum prima est, cum parte tenuiore rejecta, forasque extra corpus educta, pars crassior retinetur. Atque hujus colaturæ specimen in renibus evidentissimè conspicitur, ubi potulenta materia à sanguine secernitur: idemque etiam in sudatione, lacrymatione, salivatione, &c. videre est. Est cum hoc quidem genere magis, quam cum alio aliquo, *artificialibus* colaturis convenit.

Secundum colaturæ genus est, cum remanente tempore, pars crassior extruditur: talis percolatio fit in ventriculi & intestinorum cavitatem, qua mucosum excrementum sive phlegma emortuum illuc deponitur, cumque aliis imi ventris recrementis expurgatur. Videtur etiam cerebrum consimilem facere secretionem, quando mucus inde in nares ac palatum destillat.

Tertia colatura, humores æqualis ferme crassitudinis sejungit: atque ejusmodi illa est, quæ in hepate contingit. Quippe humor felleus, sanguisque etiamnum calefcens, paris fere crassitie sunt: Natura tamen modum adinvenit, quo isti
quo;

quoque ab invicem segregentur: in eo autem præstando, artificialis omnis colatura claudicat. Qua vero ratione id fiat, nobis hic porro dispiciendum restat.

*Natu-
rales co-
latura
fundata
sunt in
actione
similari.*

Colaturæ artificiales sunt ut plurimum plane *mechanica*: naturales autem licet insignem mechanicen semper adminiculantem habeant, pars tamen actionis earum præcipua, videtur esse *similari*. Quippe *mechanica* earum pars, est organica si-ve instrumentalis; *similari* vero est, cui organum immediate inservit, quæque opus perficit; debetque adeo esse actionis totius pars principalis.

*Partes
organi-
ca sepa-
rationi
huic in-
servien-
tes.*

Partes organicae, quæ bili à sanguine discernendæ operas suas immediate conferunt, sunt rami Portæ, & radices Cavae, atque pori bilarii: quæ vasa jampridem satis ample descripsimus. Libet hic solum in mentem revocare, quod antea de capillariorum eorum in omnes hepatis partes æquali distributione, à nobis distum est. Siquidem ultimis suis capillaribus duntaxat, & æquali ipsorum distributione, parenchymati in facienda hac separatione immediate famulantur. Vasa enim capillaria parenchymati proxime ministrant, parque eorum distributio sanguinem biliosum in omnes ejus partes æquabiliter deponit; adeoque pars una præ altera ne utquam gravatur; adsuntque ubique in promptu vasa, quæ sanguinem pariter atque bilem (quamprimum humores isti parenchymatis

chymatis opera secreti fuerint) in se rapiant, forasque extra hepar deducant. Estque ista separationis hujus pars *mechanica*.

Partes ejusdem *similares*, primario ad hepatis parenchyma, proximo autem loco ad utrunque vasorum auferentium genus spectant. Verisimile equidem est, parenchyma è partibus diversimodis constitui; aliasque humorum excernendorum uni, alias alteri convenire: quo fit, ut humores illi se partibus iis accommodent, cum quibus similitudo maxima atque affinitas ipsis intercedit: estque istud secretionis eorum initium. Particulæ nempe, quibus maxima cum *humore felleo* est familiaritas, eundem ad sese alliciunt, inque pori bilarii extrema capillaria dirigunt. Similiter, particulæ illæ, quibus cum *sanguine puro* potissimum res est, hunc ad se attrahunt, posteaque ad capillares radicum cavæ extremitates deducunt.

Interim tamen radices illæ, tum pori bilarii, tum venæ cavæ, *similari* sua attractione parenchymati in hoc negotio opitulantur. Quoniam enim poribilarii ultima capillaria, ejusdem cum humore felleo naturæ sunt; hunc valide ad se trahunt, & in canales suos receptum alio deportant. Adque eundem modum, fines Cavæ sanguinem purum in se continentes, similem alium ad se alliciunt, ac deinde avehunt. Quibus omnibus actionibus, totum opus hoc, nullo oblato Naturæ incommodo, perficitur.

Dubi-

*Partes
paren-
chyma-
tis bi-
liosæ e-
rin-
cuntur,*

Dubitaverint forte aliqui, 'numnam hepatis parenchyma ex ejusmodi diversis partibus, quales jam diximus, componatur. Fatebuntur quidem, nec inviti, esse parenchyma sanguineum, sive (ut Veteres loquebantur) concreti sanguinis grumum, circum vasa concrecentem; bilis vero aliquid admixtum esse, nullo modo concesserint. Meam sententiam si requiris; non existimo, amarulentas partes dulcibus pares esse: imo suffecerit, si illæ centesimæ harum parti exæquantur. Crediderim enim sanguinem per Portam in hepar illatum, quantitate sua humorem biliosum cum eo una advenitum centies minimum excedere. Quamobrem etiam si particulæ felleæ cum parenchymate concretæ, à sanguinearum copia centies superentur; illæ tamen, exiguæ humoris fellei quantitati imbibendæ, eidemque ad vasorum biliariorum capillares ramulos (uti diximus) deducendæ, abunde suffecerint. Esse autem in hoc parenchymate particulas aliquas biliosi humoris cum sanguine mistas & coagulatas; sensuum ipsorum, gustus nempe atque visus adducam suffragia.

Gustus certè indicat, adesse hic nonnihil bilis cum coagulato sanguine commistum. Nam si excarnato hepate, parenchyma ipsum degustaveris; licebit in illo latitantem quandam amarulentiam percipere; parem saltem (si non majorem)

ci.

ci, quæ in sanguine per Portam allato (cuique proportionē respondere debuit) deprehenditur. Ideoque licet particulæ amaræ, cum sanguineis comparatæ, paucæ admodum sint, & à gustu obscure valde discernantur; quoniam tamen humor bilioso per Portam advecto proportionatæ sunt, facile huic alliciendo, inque pori bilarii fines capillares transmittendo suffecerint.

Præterea, partes nonnullas biliosas parenchymati hepatis inesse, ipsemet color ejus attestatur. Adest enim perpetuo obscura quædam flavedinis mistura, quam in aliis parenchymatis sanguineis non reperias. Color iste, dempto inde sanguine (qui eundem obnubilat) evidenter conspicitur: idque commode fiet, si immissa (ut pridem monuimus) in Portam fistula, hepar ingenti aquæ copia prolueris. Quapropter mihi certum videtur, parenchyma hepatis esse mixtæ substantiæ, habereque in se tantum bilis, quantum secretioni huic faciendæ satis sit.

C A P. XLIV.

De actione & usu radicum cavæ, porique bilarii; atque etiam nervi hepatici.

RAdices venæ cavæ actionem usumve alium nullum sortiuntur, præter eum, quem

Usus

venæ

cavæ,

& poris

bilarii.

quem jamdudum diximus; nimirum, ut sanguinem purum ad vasa sua capillaria attrahunt, eundem absorbeant, & è minoribus ramis in majores transferant, donec illum tandem in ipsum cavæ truncum effuderint. Similiter & vasorum biliariorum usus præcipuus est, ut humorem felleum finibus suis capillaribus alliciant, hauriantque, & è vasculis minoribus in majora transmittendo, versus intestina deducant; in quæ tandem per ductum communem ejicitur.

*Vasorum
felleo-
rum ir-
ritatio;*

Et de his quidem usibus jam antea à nobis satis dictum est, ideoque nihil amplius de iisdem annectam. De poro biliario solum, & vesicula fellea scrupulus occurrit, qui hic evellendus est: nempe, quomodo vasa illa, ad excretionem majorem hoc tempore, quam illo, faciendam, irritentur.

Nemini dubium est, quin vasa fellea interdum *irritentur*: quia ab assumptis catharticis vel emeticis, ingens protinus hujus humoris copia sursum, deorsumve, vel utroque versum ejicitur; idque intra pauculas horas; cum alias spatio temporis sextuplo majore, ne quarta quidem illius pars evacuetur. Hujus autem discriminis ratio commode explicari nequit, nisi nervorum ad has pariter spectantium actiones atque usus prælibaverimus; ac propterea de utrisque hic simul agendum est.

Si vasa fellea sensu omni destituerentur, non possent certe ad hunc modum irritari. Quippe irritatio omnis subesse perceptionem indicat: quicquid enim laceffitur, id illico excitatur, ut se ab illata injuria vindicet; quod sane, nisi percepta aliquatenus re lædente, fieri nequaquam posset. Ideoque, si æquum erat, ut vasa fellea essent irritabilia; nervorum quoque in illa distributione opus erat, à quibus sensum mutuarentur.

*quid ad
eam ner-
vus he-
paticus
confe-
rat.*

Porro, ut pars aliqua irritationi obnoxia sit, *motum* quendam habeat necesse est. Quomodo enim res dicatur irritari, quæ neque jam actu movetur, nec ad motum ullo pacto accingitur? Ideoque ut vasa fellea essent irritabilia, oportuit eadem *nervis* prædita esse, quibus motum talem perficerent, qualem sensatio eorum postulabat. Animalem quidem motum non intelligo; sed ejusmodi, qualem in ventriculo atque intestinis deprehendimus, quo res lædens expellitur. Qui motus etsi semper non sit *voluntarius*, non poterit tamen sine nervorum ope expediri, cum à *sensatione* dependeat.

Licebit hunc ratiocinandi ordinem invertere; & à posteriori disputando, ab eo ordiri, quod sensui notum est. Constat nempe, vesiculam felleam *nervis* præditam esse, uti & porum biliarium: debent itaque sensitivæ esse, ac motivæ; adeoque irritabiles. Quid enim aliud, præter facul-
tates

tates illas, ad irritationem in iis faciendam, desideretur? Profecto quicquid incommodum alicunde illatum percipit, idemque à se amoliri satagit; id proprie dixeris irritari. Idcirco, cum partes istæ injurias persentiscant, seseque ab iisdem vindicare conentur; irritationis quoque capaces merito dicendæ sunt.

Irritatio hac vel originalis est, vel per consensum.
cap. 20.
prop. 9.
10. & 11.

Imo vero duplicem irritationem subeunt: quarum alteram *originaliter* habent à se ipsis, alteram à mutuo cum aliis partibus *consensu*.

Ad earum primam quod attinet, licebit eorum recordari, quæ jam pridem à nobis dicta sunt; nempe, humorem biliosum haud continenter in intestina depluere, sed per temporum intervalla & assultim effluere: atque hos effluxus contingere, quoties vasa fellea ab humoris vel quantitate vel qualitate laceffuntur, idque obnixè agunt, ut semet ab illius molestia expediant. Ibidemque etiam reperias beneficium sive usum, quem irritationes istæ alternatim institutæ afferant. Atque cætenus saltem, nervorum in illas partes distributorum usus exprimitur; siquidem eorum opera actiones istæ peraguntur.

Quod ad partium earum irritationem per *consensum* attinet; certum est, familiaritatem iis talem cum ventriculo & intestinis intercedere. Nam in colicis & iliacis doloribus (si modo vomitum ciant;) & in cholera morbo; imo vero
in

in vomitu, à gulæ solum ab indito digito aut plumula sollicitatione, aliquoties iterata; & in aliis quoque quibuscunque vomitionibus, si ventriculum atque intestina plurimum irritaverint; eadem simul opera vasa fellea quoque per consensum lacescunt: uti ex amarulento humore tunc temporis per os egesto, vel deorsum per sedem deturbato, clare constat. Idemque similiter dixeris de diarrhœa, dysenteria, omnibusque medicamentis purgantibus; quæ, qualemcunque humorem peculiariter respexerint, semper tamen bilem hanc è vasis suis plus minus proliciunt.

Est autem consensus hujus causa manifesta; nimirum, quia istæ partes nervos *Consensus hujus* suos à propinquis sexti paris ramulis accipiunt: uti supra à nobis dictum est. Ideoque haud magno conamine opus est, ut *cap. 30.* constet; partes illas, quæ nervos suos à vicina adeo origine mutuuntur, facile inter se consentire: authoresque omnes fere in eadem sententia sunt. Et profecto vix concipi potest, nullam omnino motus communitatem inter propinquos nervorum ramulos intercedere. Omnes enim inter vigilandum tensi sunt, instar chordarum testudinis ad modulos compositæ; quæ si alicubi feriantur, motus illico ad earum extrema profertur. Nervorum itaque ramuli, qui vicinæ originis sunt, facile inter se minimum motus incitamen-
tum

tum percipiunt : adeoque necesse est , ut partes , ad quas nervi è propinquo oriundi derivantur , simili sympathia & consensu mutuo afficiantur.

Promoveretur porro consensus iste ab illa nervi hepatici portione , quæ non ad vasa fellea , sed ad communem Portæ capsulam dirigitur. Quippe ejus adminiculo, capsula illa (ob partium consensum) cum ventriculo & intestinis colluctatur ; institutaque semel hujusmodi lucta , oportet sane vasa fellea , quæ complectitur , non solum stimulet , sed & aliquatenus comprimat , humoremque adeo in iis contentum expellat. Eadem quoque nervi hepatici portio venam Portæ per consensum excitat , ut sanguinem (laborantibus quoquo modo ventriculo atque intestinis) copiosius allatum , velocius in hepar transferat. Eratque ejusmodi concitatio necessaria ; quia , durante partium earum lucta , arteria coeliaca & mesentericæ , ad uberiores (quam pro more) sanguinis copiam affundendum incitantur : qui cum omnis per hepar Portæ opera reducendus sit ; æquum certe erat , ut vena isthæc ad redhibitionem pariter celeriores (quam alias solet) faciendam extimularetur : quod equidem sine mutua earum partium per consensum irritatione , nequaquam contigisset.

*eiusdem
usui,*

Quorsum vero consensus istiusmodi inter vasa fellea , & ventriculum atque intestina

stina requiritur? quidve reliquo corpori inde accedit emolumenti? Fit nempe hoc pacto, ut, quoriescunque ventriculus & intestina ad excretionem faciendam magnopere irritantur; vasa fellea in eodem opere concurrant, & evacuationem faciant magis universalem: qualis puta in morborum *crisibus* naturaliter contrahitur; aut arte (quories opus est) instituitur, propinato in eum finem medicamine, si-ve istud sursum, si-ve dorsum purgationem conciverit. Quippe in iis omnibus, humor felleus cum aliis humoribus copiose delabens, non solum ipsemet ejicitur, sed vi ejus abstersiva reliquæ etiam sordes è partibus, quæ pertranseunt, facilius exturbantur.

2°. Fieri potest, ut vasa fellea sponte *obtorpescant*, & stupore aut ignavia quâdam afficiantur: veluti in frigidis temperamentis videre est; nempe chlorosi, cachexia, & similibus; in quo casu, irritatione aliunde facta opus habent; quæ tamen, sine eorum cum ventriculo & intestinis consensu, nunquam evenerit. Ideoque istiusmodi per consensum irritabilitas (ut sic dicam) haud frustra illis concessa est.

Denique consensus hic oritur, non tantum à ventriculo & intestinis ad vasa ista; *usus re-*
sed etiam vice versa, ab his ad illa; unde *cipra-*
fit, ut defluente largiter humore felleo, *cui.*
partes eum excipientes (ob consimilem
irritationem in ipsis excitatam) ad eun-
dem

dem auferendum, prævia quadam dispositione promptiores fiant. Quibus omnibus rite perpensis, superest dicamus, nervos istos tum vasis felleis, tum communi Portæ capsulæ utiliter summaque cum Naturæ providentia obtigisse.

C A P. XLV.

De actione & usu Lymphæ-ductuum, sive Canaliculorum aquosorum.

*Нимо-
воста-
quent
абду-
сунт:*

VAsa isthæc, quemadmodum supra in descriptione eorum monuimus, jam pridem ignota erant; eorundemque actio atque usus etiamnum haud plene innotuerunt. Ut de me sane dicam, non aulam perfectam certamque omnium, quæ ad illa spectare possint, demonstrationem polliceri. Utcunque, id certum arbitror, ea humorem aliquem à partibus, in quibus radican- tur, avehere; eundemque aquosum, qualis plerunque in ipsis conspicitur.

*quonam
is per-
gat.*

Neque magis dubium est, quonam maxima eorum pars tendat, aut ubi sese exonerent. Nempe vel in commune chyli receptaculum, si ab imo ventre aut artubus inferioribus exoriantur; vel in *subclavas*, aliasve vicinas venas, si à superioribus partibus originem ducant. Possint tamen multæ aliæ de iisdem difficultates in medium

medium adduci, cæque haud adeo expeditu faciles. Nimirum:

1°. Quid humorem illum apportet, *Unde*
 quem vasa isthæc auferunt? Possint qui- *primum*
 dem *arteria* indirecte, & veluti per acci- *in hepar*
 dens, atque aliquatenus muneris hujus *advene-*
 partem aliquam sibi vendicare. Fieri enim *rit.*
 nequit, quin sanguis per illas exiliens (ut-
 pote calore insigni effervescens) copiosos
halitus diffundat in partes illas in quas
 immittitur: eoque magis, quod iidem ha-
 litus jam antea à crassa densaque arteriæ
 tunica aliquandiu repressi fuerint. Halitus *nempe*
 isti sic dispersi, à partibus fibrosis ac mem- *pars e-*
 branosis magnam partem retinentur & *jus ma-*
 recolliguntur denuo; atque, ad distilla- *xima*
 tionis modum, in liquorem quendam *per arte-*
 condensantur, qui humoris à lymphæ du- *rias,*
 ctibus avecti partem aliquam constituit.
 Neque enim putandum est, materiam
 istam sub hac forma in arteriis præexti-
 tisse, atque una cum sanguine protrusam,
 ab illo, ad colaturæ alicujus morem, uri-
 næ instar separari: quoniam venæ ubique
 arteriis respondent, suntque amplæ satis,
 ut humorem ab his allatum deferant alio,
 nulliusque alterius opera indigeant. Nec
 videtur sane ratio aliqua afferri posse, cur
 humor iste aquosus à sanguine separari
 debeat; siquidem nequaquam ejus excre-
 mentum est, etiamsi forte partis illius,
 unde profluit, excrementum esse queat.
 Non est, inquam, *sanguinis* excremen-

tum; quoniam denuo in venas regreditur, & cum sanguine remiscetur. Natura vero operam suam non ludit, neque quod actum est, agit denuo. Quamobrem arteriæ liquorem hunc minime egerunt, tanquam humorem sanguini prius commixtum, & ab illo, ad colaturæ normam, separandum; verum potius, prout fors tulerit, complures halitus à fibrosis ac membranosis partibus sistuntur, inque humorem limpidum sive aqueum condensantur, qui materiæ per canales hos auctæ, pars haud minima existit.

reli-

quum,
per alia
vasa:

Unde autem constat, aëis, esse solummodo *partem aliquam* humoris per vasa hæc eliminati? Quoniam, inquam, liquor ex sola halituum condensatione ortus, est purus admodum, tenuis, ac transparent, magisque limpidus, quam liquorem in his lymphaductibus unquam reperiatis. Atque idcirco, licet fatear, sanguinis halitus liquoris hujus partem maximam constituere; putem tamen, *succum* quoque *aliū* iisdem necessario admisceri, qui spissitudinem illi majorem largiatur, & à pura aqua stillatitia discriminet. Quippe tota hæc lymphæ, uti experientia compertum est, densior, minusque pellucens, & interdum lactis instar albescens, aliquando sufflava, & nonnunquam loturæ carnis similis conspicitur. Atque, ut id obiter nunc moneam, verisimile est, has lymphæ *decolorationes* (præcipue lactei candoris

doris æmulam) compluribus venarum lactearum distributiones indagantibus errandi ansam præbuisse; dum alii hic, alii illic easdem à se conspectas asserunt, cum tamen lacteæ proprie dictæ ibidem nunquam reperiuntur. Quapropter concludo, materiam omnem per lymphæ-ductus delatam, non solum à sanguinis halitibus proficisci; neque ab arteriis duntaxat, sed & ab aliis quoque vasis suppeditari.

2^{do}. Nova hic suboritur dubitatio; nempe *quænam* alia vasa sint, per quæ liquor *ea sint?* iste in partes adeo numerosas (atque nupera experientia detexit) extrudi possit. Hactenus quidem quatuor duntaxat vasorum communium genera innotuerunt, quæ ad partes omnes jam dictas distribuuntur; arteriæ scil. venæ, nervi, & lymphæ-ductus. Arterias jam nunc rejecimus; oportetque etiam venæ ab hoc officio immunes sint, quoniam doctrina circulationis sanguinis ita fieri adstruit. Neque magis lymphæ ductus huic muneri destinantur; siquidem isti humorem hunc aqueum à partibus abducunt foras; ideoque inidonei videntur, qui eundem ad illas afferant; præsertim cum valvulæ (quæ innumeræ in iis reperiuntur, omnesque extrorsum spectant) id fieri vetent. Nul- *est id* lum itaque vas superest, quod sit partibus *nervorum* illis omnibus commune, & officii jam di- *munus.* sti capax, præter nervos.

Nonnullæ partes, inquis, è quibus ca-

non au-
tem va-
sis ali-
cujus,
quinti
generis.

nales hi aquosi profluunt, habent vas
quinti generis: ideoque enumeratio jam
facta fortassis manca fuerit. Fateor equi-
dem, partes forsitan omnes, quæ munc-
re excernendi publico donantur, gaudere
vase aliquo peculiari quinti generis: istuc
vero non est partibus iis omnibus com-
mune, à quibus hæc lymphæ promanat;
neque etiam ejusmodi vas quicquam ad
partes illas, quibus concessum est, adferre
potest; siquidem egerendo solum ex illis
excremento alicui peculiari destinatur:
sicuti jam supra de poro bilario speciatim
diximus. Adeoque haud aliud etiamnum
vas, quod lymphæ ductibus respondeat
(præter nervos)prehendimus. Ac pro-
pterea, nisi instituta ulteriore indagine
certo constiterit, dari vasorum quintum
genus, quod partibus omnibus, in quibus
lymphæ ductus reperiuntur, commune
sit; quodque lymphæ succosiori in illas
infundendæ sit accommodum; conceden-
dum profecto fuerit, munus illud à nervis
perfici.

hujus
senten-
tia ar-
gumen-
ta.

Sunt etiam conjecturæ probabiles, quæ
suadeant, haud esse uspiam quinti generis
vasa communia hactenus ignota, quæ li-
quorem succulentum in partes illas om-
nes immittant; in quibus humor ejus-
modiprehenditur. Nempe quoniam,
licet complures in venarum lactearum,
canaliumque horum inquisitione multam
operam impenderint, nulla tamen adhuc

colum

eorum vestigia detexerunt. Cum tamen rationi consonum sit, ut vas liquorem aliquo deducens, robustius eo sit, quod eundem abducit, defertque alio; (quemadmodum arteriæ venas firmitudine superant;) quoniam illud impulsus aliquem requirit, cujus opera humor in habitum partium adigatur; reductio vero nullo negotio perficitur, utpote à minoribus vasis ad majora: deberetque adeo vas firmius, debiliore alio facilius deprehendi. Unde igitur factum, ut robustiora vasa tam accuratam hætenus diligentiam effugerint? Deinde, vasa quæ humorem deferunt, copiam hujus aliquam necessario alicubi requirunt, utpote partibus pluribus perpetuo sufficiendam; ideoque liquor ille haud facile delituerit. Quamobrem vero persimile videtur, non dari vas quinti generis, quod toti corpori inserviat; atque adeo crassiorẽ lymphæ partem deferendi munus, debere nervis attribui.

Plurimæ tamen ita sentienti difficultates oborientur multaque asserenda erunt, *et serm. puli.* quæ Veterum doctrinæ adversentur, & Neotericorum sententiis male conveniant. Proferam in medium eorum præcipua: quæ tamen sic haberi velim, non quasi præfractæ eadem tueri cupiam, sed tanquam probabiles conjecturas aliis porro pensitandas relinquam. Inque cum finem rationes aliquot annectam, quæ ul-

teriori hujus rei elucidationi claram faciem præferant.

nam 10 ¶ Primo itaque aio, *non omnes partes*
inde se sanguine nutrire. Quæstionem hanc ante
quirit annos aliquot proposuit, lateque asseruit
non em- amicus summus meus & Collega doctis-
nes par- simus D. *Georgius Entius*, in Apologia
tes nu- sua pro circulatione sanguinis, adversus
triri *Parisianum*; quem ipsum super hac re con-
sanguini- sulas. Ego hic solum nonnulla, quæ ean-
ne: di- dem sententiam probabilitate maxima sta-
gres. 3. tuminare videantur, porro adjungam;
idque partesque illas indicabo, quæ nutrimen-
erinci- tum à sanguine diversum necessario ex-
tur, poscant.

quia Vetus dictum: *partes quaslibet alimen-*
sanguis *to ipsis maxime consimili enutrir:* sanguis
multis autem à multis corporis partibus pluri-
partibus mum discrepat. Nam si cum cerebro, tu-
nutrien- nica cornea, oculi humoribus, ossibus,
dis est tendinibus, aliisque similibus eum confe-
dissemi- ras; quamnam, obsecro: proportionem
lis, aut similitudinem inter illa reperies? In
 apoplexia, ubi cerebri substantia à nimia
 sanguinis copia inundatur, omnes rerum
 ideæ obliterantur, neque perceptio ea-
 rum ulla superest. Similiter, si oculus
 sanguine suffunderetur, transpectum o-
 mnem illico amitteret (sanguis enim est
 corpus opacum) neque speciebus re-
 rum insuper recipiendis foret utilis. Ossâ
 quoque à sanguine tam multifariam di-
 stant, ut ex isthoc ea constitui, plane
 incre-

incredibile sit. Idemque de tendinibus aliisque pluribus partibus pari jure dixeris.

2^{do}. Modus nutritionis, est progressus quidam alimenti à cruditate ad coctionem, nempe *exaltationem* spirituum ejus versus ulteriorem activitatis gradum. Idemque necesse est, alimentum crudius sit, quam pars eo nutritia. Quippe motus iste non fit degradatione aliqua, sive fixatione spirituum alimenti; sed potius exaltatione quadam, qua ad volatilitatem propius accedunt: quemadmodum supra à nobis fusiùs dictum est. Ac propterea, quoniam spiritus jam in sanguine, volatilitati magis appropinquam, quam illi qui in partibus modo dictis reperiuntur; non potest sane sanguis partium harum alimentum æstimari idoneam. Revera enim partes solidæ, postquam ad ætatem mediam perventum est, vix nutritu ullo indigerent; nisi calor vitalis suaves earum spiritus paulatim deprædaretur, volatilesque adeo ac fugaces redderet: unde fit, ut minutæ particulæ, in quibus inerant, emoriantur, & ceu recrementa corporis una cum sanguinis purgamentis (modo, quem diximus) rejiciendæ sint. Quamobrem oportet, partium harum redintegratio à nutrimento ejusmodi perficiatur, quod partibus ab eo restituendis mitius magisque fixum sit. Partes enim eo nomine instaurandæ veniunt, quoniam à

calore vitali populatæ sunt, & prope fit ut ab invicem dissolvantur: ideoque nutrimentum novum ejusmodi requiritur, quod à dissipatione quam longissime absit; vel saltem longius, quam substantia partium illo nutriendarum. Quomodo enim alias firmandis iis partibus sufficiat?

Sanguis autem asperioris & scabrosæ magis substantiæ est, spiritusque illius volatilitati propriores sunt, quam ii qui in solidis partibus stabulantur; & idcirco ineptus plane est, qui easdem nutriat. Atqui vero, inquis, sunt sanguinis diversæ partes; & ut nonnullæ earum asperiores nimisque coctæ sint, & spiritus illarum magis volatiles evaserint, quam ut nutritioni conveniant; sunt tamen in eo partes aliæ novitiæ, mites, & à chylo parum remotæ; eademque propterea partibus refarciendis aptæ fuerint. Id dum ais, fateris plane, succum chylo maxime affinem, esse nutriendis hisce partibus optime accommodum; taciteque solum innuis, debere ipsum prius sanguini commisceri: quod profecto nequaquam univèrse concedendum est. Nam si succus nutritivus tanto præstantior habendus fuerit, quanto propius ad chyli legem accesserit; quorsum cum sanguine permiscetur, priusquam in usum transeat? Siquidem eo pacto à natura chyli longius recedit. Præterea, necesse est, ut liquor nutritivus.

tritius à sanguine separetur denuo, antequam possit alere: in quem finem igitur præcedanea illa cum sanguine mistura? Credimusne, naturam (ne otiosa torpeat) facere aliquid, ut idem infectum reddat denuo? Videris enim fateri partem sanguinis duntaxat mitiorem alere: eademque propterea alicubi à reliquis partibus necessario separanda est; priusquam munus suum exequatur. Quæres à me, quonam itinere iuvis ille sive chylosus succus ad partes deferatur, si non per arterias? Per *nervos*, inquam. At enim, aïs, oculorum testimonio notum est, chylum primo in venam subclaviam ingeri, & cum sanguine confundi, antequam in varias corporis partes dispergatur. Non inficiamur certe, chyli partem sanguini spiritibusque vitalibus reparandis destinatam illac ingredi, & cum sanguine misceri: sed solummodo contendimus, vero simillimum esse, portiunculam illius minorem à nervis absorberi; idque ob rationes mox dicendas.

30. A ratione omni alienum videtur, *quia* ut id, quod *pascitur*, in pastum cedat, *partes* etiam iis partibus, quas populatur ac de- *ipsum* vorat. Sanguis vitalis (uti diximus) est *depræ-* subjectum originale caloris vitalis, qui in *datur.* corpore hospitatur: ideoque quicquid hic egerit, id illi tribuendum est. Nam etiam si nonnunquam actiones qualitatibus sive facultatibus adscribimus, indicantes eo

pacto modum *formalem* per quem sub-
 stantia operatur ; fatendum tamen , sub-
 stantiam sive subjectum earum qualitatem
 aut facultatum , actionem ipsam *realiter*
 perficere. Est itaque *sanguis* ipsemet , qui
 calore suo vitali partes solidas depræda-
 tur ; cogitque eas , etiam postquam ad
 perfectam magnitudinem pervenerint , de
 victu sibi usque prospicere. Manifestum
 est , in diuturna fame (si modo aqua , aut
 alius liquor tenuis ingeratur , qui humo-
 ribus pro vehiculo sit) sanguinem è soli-
 dis partibus nutrimentum sibi adsciscere ;
 dum illas liquando , in sustentationem
 sui transmutat. Similiter , in febribus sæ-
 penumero ventriculus , præter potum ,
 cuncta averfatur ; sanguis tamen interea
 damnum sibi illatum è partium carnibus
 refarcit , quas in eum finem apertissime
 absument. Atque etiamsi , initio morbi ,
 sanguinis copia (quantum vires sinunt)
 diminuta fuerit ; æger tamen post paucu-
 los dies , nullo interim cibo sed potu so-
 lum refectus , novam phlebotomiam haud
 ægre admiserit : & fortassis , majore tem-
 poris intercurrente spatio , etiam tertiam.
 Unde constat , sanguinis copias interea so-
 lidarum partium spoliis adauctas esse. So-
 lo enim potu admissio , sanguis nullo
 modo increvisset ; nisi in ejusmodi angu-
 stiis propria organa præroderet , ac de-
 prædaretur. Quoniam igitur sanguinem
 habemus *bellionem* , quomodo is (precor)
 partibus

partibus in victum cedat, quas eodem tempore depascitur.

At vero, aïs, sanguis semet ipse præcipue depopulatur, sui que quotidie plus absumit: quam omnium partium solidarum: ideoque & *comedonem* simul & *csbum*, illum merito dixeris. Fateor equidem, vigecuplo fortassis plus sanguinis, quam solidarum partium, in horas deperdi: ac propterea hoc sensu sanguinem recte dici posse, & absumere & absumi: quoniam ambitioso suo motu, sive ad dilatandos fines conatu (qua in re vitalis illius calor consistit) magna indies quantitate in ærem emigrat, proprioque adeo nisu plane concidit. Verum cum de sanguine agitur, tanquam rem aliam abliguriente; non potest idem ea ratione res absumpta censi; sed quod deperit, oportet sit vel chylus nuperrime adveniens, vel solidarum partium quicquid à calore sanguinis decoquitur: & utrumlibet statueris, necesse est, ut *predator* à *prada* omnino diversus sit. Dato itaque, sanguinem hoc respectu *pradonem* dici posse; debet sane victus illi alius contingere, eritque vel chylus, vel partes solidæ. Chylus est victus quotidianus, quo sanguinis dispendia reparantur denuo: in illius autem defectu, ipsæ solidæ partes resolvuntur, & in liquorem abeunt; atque, ubi necessitas ingruit, sanguinis jacturam reficiunt; uti ex jam dictis exemplis innotuit. Estque

etiam alius sanguini voracitatis suæ ex-
plendæ modus, isque usitatus: quoties
nempe calore suo, solidorum membro-
rum particulas minus fixas in *halitus* dis-
fundit. Præterea, caro à vitali calore per-
petuo absumpta, opus habet nutrimento,
quo reficiatur; ipsaque, illius respectu,
depradatrix dici queat: adeoque necesse
est, ut caro deperdita, à succo aliquo *mi-
nori* instauretur; quomodo enim alias
eundem superet? Lupus agnum devorat;
ab hoc vero illi nullus metus: sed oportet,
iste tenella viscera teneriore victu &
ab iis domabili (lacte scil. aut gramine)
expleat. Quamobrem, cum sanguis, soli-
darum partium ratione, *prædo* sit; non
potest certe ipsis in victum cedere; sed ali-
mentum potius debilius requiritur, quod
illæ facile doment, imperioque suo sub-
jiciant.

4^{to}. Alimentum partium persimile est
substantiæ illi, ex qua constant ab initio.
Quod enim partibus, dum crescunt, su-
peradditur; ejusdem similis substantiæ
est, cum eo, quod præextiterat: ideoque
ex congenere materia constitui necesse
est. Ex quolibet ligno (secundum ada-
gium) non fit *Mercurius*: neque etiam
Naturæ perinde est, ex quo quicquam
efficiat; sed oportet materiam præparet,
formæque introducendæ specialiter aptam
reddat; idque non minus in augmenta-
tione, quam in generatione: siquidem il-
lare.

quia
ista ab
initio ex
sanguine
haud
fabricata
sunt.

la revera non nisi *aggeneratio* quædam habenda est.

Materia autem prima, è qua partes fiunt, non est *sanguis*, sed *succus* quidam *liquidus*, albumini ovorum non absimilis, unde pullus efformatur: eo solum discrimine, quod in viviparis humor ille sit tenuior, instar *colliquamenti* in ovis post incubationem. Quippe animalia etiam vivipara, ab initio *ovum* quoddam in uteris concipiunt, idemque tenui membrana contextum, liquorem viscidum albuminibus ovorum aliquandiu incubatis persimilem intra se complectitur. Ex hoc liquore embryo primum efformatur, estque is sanguini admodum dissimilis; siue substantiam ejus, siue colorem, siue qualitates alias pensites. Quemadmodum igitur partes haud primum efformantur è sanguine, ita neque postea ex eodem vel nutriuntur, vel crescunt.

Plura alia occurrent opinioni huic consentanea, ubi difficultates reliquas ad hanc rem spectantes aggrediar: illa vero suis locis dicenda sunt. Enumerabo solum interea partes illas, quas succo à sanguine diverso enutrirī arbitror.

Existimo sane, partes omnes fibrosas, *Quana*
 membranosas, atque nervosas, non san- *partes*
 guine ali, sed liquore aliquo leniore, ma- *sanguis*
 teriæ spermaticæ (ex qua primum fiunt) *ne mi-*
 congeneri; qui in illas è nervorum extim- *nime*
 mis capillaribus, in easdem distributis, *nutri-*
 emitti- *antur.*

¶ qua-
nam ex
illo con-
sent.

emittitur. In eundem censum refero parenchymata omnia *exsanguia* ; ut puta cerebrum , medullum spinalem , humores oculorum , ossa , dentes , cunctasque in corpore glandulas. Ad *parenchymata* autem *sanguinea* quod attinet , cum nullos nervos in se derivatos habeant , non video equidem quomodo , aliarum partium more , per eosdem nutriri queant ; præsertim cum nihil aliud fere esse videantur , quam partes sanguinis crassiores ibidem coagulatae , visceraque illa sufficientes. Ita hoc numero mihi sunt hepar , lien , renes , cor , pulmones , & muscutorum partes rubicundae. In his vero omnibus , quicquid fibrarum , membranarum , aut vasorum cum parenchymate commixtorum reperitur , id omne ad primam classem referendum est. Adeo ut , in his etiam partibus , id quod sanguine alitur , per exiguum nulliusque fere momenti sit , & veluti per congestionem solum accumuletur. Ac propterea hac quoque in re à D. *Entio* vix quicquam seorsum sentio.

2do. hac
senten-
tia succi
nutriti
distribui-
entio-
nem ner-
vis at-
tribuit.

¶ Altera *difficultas* , quæ opinionem hanc premit , est , quod eam tuentibus necessum sit asserere , nervos esse vasa , & non solum sensui ac motui inservire , sed humorem quoque aliquem fluidum in se deferre ; quem in partes omnes , in quas disseminantur , suo tempore effundant.

Hanc quoque sententiam D. *Entius* jam-

jamdudum asseruit, cum in privatis collo-
quiis (uti *Cell garum* aliquot tunc tem-
poris mos erat) de rebus Anatomicis con-
fabularemur: etiamsi in libello suo nuper
memorato nullam (quod sciam) hujusce
rei mentionem fecerit, Si argumenta o-
mnia, quæ sententiæ huic favent, in me-
dium afferrem; texenda mihi foret proli-
xa nimis digressio: quamobrem pauca
quædam duntaxat proponam, quæ mihi
de hac re primum occurrerint; aliis in aliud
tempus dilatis.

*eadem
que ra-
tionibus
confir-
matur,
à parti-
scil. ab-
sumpti-
one in
paralyse*

1°. In *paralyse*, partes resolutæ, ob fi-
brarum laxitatem facilemque sanguinis
affluxum, initio subtumidæ apparent.
Constat tamen, id à genuino partium nu-
tritarum incremento minime fieri: quip-
pe eadem postea, etsi sanguis usque co-
piose allabatur, paulatim marcescunt; ut
jam, præter ossa & pellem, vix quicquam
superlit. Argumento haud obscuro, vasa,
per quæ nutriantur, obstructa esse; *nervos*
scilicet: quippe venæ & arteriæ morbi hu-
jus immunes sunt, nervique soli officio suo
male funguntur.

2°. In *phthisi*, emplastra cephalica (etsi
calida & sicca sint, eoque nomine morbo
huic minus convenient) apprime confe-
runt: idque non solum, quod humorum
defluxiones sistant: sed quia partium et-
iam nutritionem adjuvant: quod sa-
ne à caliditate & siccitate eorum nemo
expectaverit, nisi & nervis quoque
expe-

*ab usu
Emplast.
cephali-
corum
in ph-
thisi*

expediendo huic muneri vim aliquam afflarent.

à macie eorum qui sunt guine abundant. 3^o. Quemadmodum ii, qui sanguine abundant, in *matritudinem* proni sunt; ita quibus nervi humidi, aperti, & spongiosi contigerunt, facile pinguescunt. Tales quippe nervi alimentum copiose prompteque suppeditant.

à vere, è neruo sarum parrim vulneribus stilante. 4^{to}. E nervolarum partium vulneribus sæpe *humor roscidus*, albumini ovorum non absimilis, exstillat: qui certe ab arteriis aut venis minime profluxerit; ideoque verisimile est, eundem à nervis proficisci. In ejusmodi quoque vulneribus, carnosæ excrescentiæ, *fungique* subnascuntur. Pariter etiam in *fonticulorum* labris caro sæpe luxuriat; quippe vera cutis *nervosa* substantiæ est: similesque carnositates nonnunquam in cavis dentium expullulant; ubi tamen nulla caro adest, unde ortum ducant. Omnes istæ excrescentiæ sensu acri donantur, dolore facile percelluntur: indicio certo, & plurimum illis cum nervis rei esse. Sanguis vero plane ineptus videtur, qui hujusmodi excrescentias producat: ad quas gignendas materia aliqua spermati analoga necessario requiritur.

à strumatum origine. 5^{to}. Argumento illi affine est hoc alterum: Nempe *strumarum* & serofuloso-
rum tumorum generatio, videtur materiam suam seminalem à *nervorum rore* mutuari, non autem à venis aut arteriis: sanguis

guis enim non est materia seminalis ad hanc rem accommodo, utpote asperitatis atque acrimoniæ nimix particeps. Experientia quippe compertum est, tumorum istiusmodi rudimenta, esse veluti ova membranosa involucro inclusa, quod humorem ovorum albumini similem, non autem sanguinem in se contineat; eademque ad formationem quandam, licet imperfectam, tendunt, producuntque aliquando massam carneam, nonnunquam vermiculum, aut monstri genus aliud. Quibus efficitur, materiam eorum *primitivam* non esse sanguinem, sed succum aliquem mitiorem: qui cum aliunde (quantum hactenus notum est) quam è nervis emanare nequeat; credendum sane est, eundem inde profluere.

6^{to}. Sententiam hanc porro confirmat *à gene-*
 materia *seminis*; modusque quo illud in *ratione*
 testibus præparatur. Quippe semen non *seminis*
 videtur produci è sanguine, sed è materia *in testi-*
 multo suaviore, quæ per nervos advehitur. *culis.*
 Hi enim copia longe majore, & intime magis in testium parenchyma disseminantur, quam arteriæ aut venæ: ac propterea interior eorum substantia albicat, non autem rubescit. Quinetiam tunica illorum propria, non videtur esse aliud, quam nervorum ipsos adeuntium dilata-
 tio quædam & expansio; à qua nervuli undique emittuntur versus testiculi medium; ubi concurrentes, *vas nervosum oblongum*

oblongum constituunt, quod in *epididymidis* canalem manifeste exoneratur; uti clare cernere est, in testiculis equi, tauri, verris, aliorumque majorum animalium. Idque ita sese habere, una cum D. *Entio*, & D. *Warthone*, nuper planissime deteximus. Ad harum partium *venas* quod attinet, illæ solum regerendo sanguini ab arteriis allato inserviunt: ipsæque arteriæ, licet varia per testiculorum ambitum circumvolutione magnifice sese efferant, nervisque comitatæ, passim ab interiore testis tunica ad ductum seminalem (qui in testiculi meditullio situs est) recta perendant, eidemque annectantur; raro tamen ramulos ullos de se spargunt, donec à jam dicto canale reflexi, versus testis ambitum remeare cœperint. Ibi vero surculos aliquot huc illuc versus testiculi circumferentiam propagant; eo fine nempe, ut venæ capillares, in testium substantiam hiantes, sanguinem refluxum facilius excipiant, regerantque; qui alias, ob diuturniorem moram, testiculi parenchyma opprimeret, seminisque præparandi opus interturbaret. Nuspiam autem interea ipsum canalem nervosum sive seminalem ingrediuntur, sanguinemque in illum effundunt: adeoque probabile est, eas potius calorem refocillandis iis partibus, quam semini conficiendo sanguinem advehere. Fateor tamen, sanguinis pauxillum earum opera in ipsos testes derivari;

rivari; quantum nempe vitalitati eorum conservandæ satis sit: & manifesta illius vestigia in testiculi medio prope vas nervosum conspeximus, etiamsi alibi parcius reperiretur, quam ut reliquis testiculi partibus tingendis sufficeret. Dices, arterias in *arietis* testiculo numerosas esse, & manifeste conspicuas. Sunt sane; ita tamen, ut multum sanguinis in eum haud quamquam profundant. Potestque hujus rei duplex causa assignari. Nam primo, varix arteriarum flexiones ac mæandri, non solum plexui varicoso, sed & ipsi testis tunicæ propriæ tortuosis ambagibus implexi, in eum finem instituti sunt, ut sanguinis impetum retardent. Ac deinde, rara est arteriarum hic loci ramificatio, vasaque capillaria perpauca disseminant; ideoque nec liberalem sanguinis effluxum ab iisdem expectaveris. Nervi sane in testiculo nequaquam *motui* inserviunt, neque ad *sensationem* illic magnopere iis opus est: quapropter credibile est, eosdem liquorem aliquem, *spermatis* condendo utilem advehere. Idque eo magis, quoniam testiculi tauri, equi, arietis, & verris (qui omnes insigniter vasati sunt) lymphæ-ductibus sive vasis aquosis clare conspicuis donantur. Eadem quoque vasa in testiculis viri, aliorumq; animalium deprehendi: nec dubium est, quin in omnibus (licet haud æque facile) reperiantur. Lymphæ-ductus isti perexiguo usui forent, nisi

nisi & aliud vas adesset, per quod generosior liquor appelleret, cujus parti superflua sive aquosa reducenda iidem ancillentur. Accedit, quod semen sit liquor sanguine multo nobilior; uti vel inde constat, quoniam exiguum illius dispendium plus damni spiritibus affert, quam si vigesies tantundem sanguinis ablatum fuerit. Hinc fit, ut post Veneris gaudia, mæstitia consequatur comes: observatumque est, ipsum *cerebrum* iis, qui in libidinem proniores sunt, debilitari admodum, tenuisque magis atque aquosum reddi. *Podagra* quoque intemperatiorem Veneris usum sequitur, labefactatis inde nervosis partibus, roscidoque nervorum liquore à pinguiore atque anodyna sui parte orbato: unde tenuior atque acrior fit, facilioreque adeo impetu in articulos detru-
ditur.

à fra-
cturum
ossium
conglu-
tinatio-
ne.

70. In ossium fracturis, viscosa quædam substantia in illa exudat, ruptis ossibus ferruminandis utilis: arteriæ autem nihil huiusmodi exhibent, quarum officium est, unum sanguinem provehere, qui à materia ista plurimum discrepat: cumque præter illas, atque nervos, nullum adhuc vas repertum sit, quod humorem aliquem extrorsum efferat; videtur sane *gluten* illud ad effracta ossa per istos deduci.

ab albu-
minis
genera-
tione in
utero
gallinae.

80. Ovorum *albumen* videtur in uterum gallinae per *nervos* deferri. Est enim san-
guini

guini valde dissimile ; nec ullo modo fingi potest è sanguine produci , nisi per modum secretionis id fieret ; quæ certe in illa parte præstari nequit , quoniam *parenchymate* , ad eam rem necessario , omnino destituitur. Videmus enim partes alias humori alicui à sanguine secernendo destinatas , largo satis & sanguineo parenchymate donari ; quale in uteris animalium nunquam reperias. Secretio autem liquoris nutritii , qui accedit per nervos , parenchymate ejusmodi nihil opus habet , potestque in partibus maxime exsanguibus institui. Et revera talem in ipso utero fieri , manifestum est ; quoniam numerosi lymphæ-ductus inde revertuntur ; quorum sane haud tantâ copiâ opus esset , nisi in uteri substantiâ *secretio* aliqua perficeretur ; neque enim liquoris aquosi satis adesset , quod regerent. Ut nunc autem se res habet , verisimile est , succum nobilem ac nutritium cum aquoso vehiculo temperatum , in uterum per nervos effundi ; partemque illam aqueam , in ipso per substantiam uteri transitu à lymphæ-ductibus prolectam , à meliore succo separari ; qui inde in cavitatem uteri delabitur , ovique albumen constituit.

Denique , in *Rachitide* morbo , contingit nutritionis inæqualitas ; quæ (ut verisimile est) provenit à nervorum quorundam , præ aliis , ad partes nutriendas ineptitudine. Quippe morbus iste (ut in *Rachit.* libro cap. 6.

Et à nutritionis inæqualitate in Rachit.

libro nostro de *Rachitide* evicimus) sedem habet in medulla spinali extra cranium, nervisque inde oriundis. Quapropter nervi isti in fungendo officio debiles atque languidi sint oportet, præ iis, qui è spinali medulla intra cranium natales suos deducunt. Indeque evenit, ut caput, facies, atque imi ventris viscera grandescant; utpote nervos intra cranium enatos sortita: brachia autem, & pedes præcipue, macrescunt, reddunturque flaccidi & enervati; quia nervis à languidiore spinalis medullæ parte forinsecus extra cranium prodeuntibus irrigantur. Præterea, quoniam interdum nervorum quorundam ramulus aliquis præ cæteris magis debilitatur; fit, ut altera pars artus alicujus, altera plus crescat, adeoque totum membrum illud tandem incurvetur.

*Tria
præci-
pue ob-
iiciuntur
in con-
cravio.*

Plura quoque alia in hanc rem afferri possint argumenta; quorum aliqua postmodum proponentur, cum reliquas adhuc in hac re difficultates enodabimus. Nunc vero proferam duntaxat tres majoris momenti objectiones, sententiæ nostræ adversarias. 1. Nulli canales in nervis conspiciuntur, per quos liquor nutritius pertranseat. 2. Liquor iste in dissectionum corporum nervis nullibi comparet. 3. In vivorum dissectionibus, injecta nervis ligatura, nullus tumor citra vinculum, aut ultra apparet; & si nervum utrovis loco præcideris, liquoris hujus parum nihilyc extillabit.

Ego

Ego me omnes scrupulos, qui circa hæc *que di-*
injici possint, plane evulsurum non spon- *luntur.*
deo: verum ea solum, quæ mihi impræ-
sentiarum maxime verisimilia videntur,
aliis porro pensitanda proponam.

1. Dico itaque primum; posse liquo- *non enim*
rem aliquem inter fibrosa nervorum fila- *obstat*
menta sensim delabi, etiamsi cavitas con- *quod ner-*
spicua (qualem in arteriis & venis depre- *vi cavit-*
hendimus) in iisdem nusquam appareat. *te mani-*
Quippe in herbarum arborumque foliis, *festâ de-*
nervosa costula in medio exurgit, è pe- *stituentur.*
dunculo orta, cujus interventu plantæ
suæ adhærent, & quo sine alimentis nihil
ad ea accesserit. Costula hæc intermedia
ad omnes folii partes per æqua proportio-
ne distribuitur; parsque ejus major in ma-
jorem quoque folii portionem disperti-
tur, adeoque folium integrum ex æquo
nutricat. Costam tamen hanc, ramulum-
ve ejus aliquem transverse si incideris, nul-
lam in eo cavitatem reperiens, neque e-
tiam succum aliquem effundet; præter-
quam in esula, soncho, chelidonio, aliis-
que similibus, è quibus humor lacteus aut
flavus promanat, quo verisimile est, folia
ipsa enutrirî. Et licet idem in aliis plantis
minime conspiciatur; credendum tamen,
illis quoque succum aliquem ad eundem
modum suppeditari: ideoque fatendum
est, canales manifestos haud necessario
requiri, per quos alimentum traducatur;
præsertim si memineras, motum in fibrulis

illis esse lenem, fereque insensibilem, non autem, torrentis instar, rapidum ac violentum.

neque
etiam
omnes
nervi im-
perforati
sunt.

Dico amplius, nonnullos nervos haud adeo *impervios* esse, quin stylum subtilem in se admittant; in quo numero sunt nervi optici, atque olfactorii. & licet reliqui cavitae haud perinde manifesta donati sint; quoniā tamen omnes nervi videntur partibus commune aliquod officium præstare; facile creditu est, eosdem quoque aliquo pacto excavatos esse, meatusque exiles in se complecti. Idque vel inde porro constat, quia apoplexia sæpe in paralyfin definit; ubi ratum habetur, materiā cerebrum offercientem, in spinalem medullam nervosque resolutos transferri: quod sane, nisi nervi illius capaces essent, fieri nequaquam posset. Sunt, inquis, spirituum animalium capaces; nisi principium eorum obstructum fuerit, ut in paralyfi usu venit: nequeunt autem liquorem aliquem crassiorem admittere. At vero spiritus animales (aut alii quicunque) ab omni mistura liberi, nusquam in corpore reperiuntur: atque idcirco, si nervi rei alicui à reliquis distinctæ in se recipiendæ efformati fuerint, oportet ea sit substantiæ crassioris, quam spiritus abstracti. Porro, dari in nervis pervios canaliculos, ex ipsa compressione eorum alicunde facta facile percipitur; quippe stupor inde partibus iis obvenit, ad quas nervi illi pertendunt: certo

certo documento, transitum liberum tunc temporis præclusum esse; amoto autem compressu illo, oboritur molestia quædam, tanquam partes illæ aculeis pungerentur; quasi aliquid interceptum antea, jam denuo motum pristinum redintegraret. Concludo itaque, haud satis evinci, nervos succo nutritio impenetrabiles esse, ob id, quod cavitate manifesta destituantur:

2. Quod secundo loco aiunt, nullum *nec refragatur nervorum inanitas in defunctis.* ejusmodi liquorem in dissectorum corporum nervis reperiri: respondeo, idem similiter in plurimarum plantarum nervosis fibris contingere; quibus, crescente etiamnum planta, præsectis, nullus tamen succus effunditur (uti modo diximus;) etiamsi per ea loca succo alibili ad partes nutriendas iter pateat. Addo porro, motum succi nutritii in nervis usitatum, haud perpetuo impetuosove cursu ad unam eandemque metam tendere; sed fieri attractione similari, sive delectu quodam à partibus nutritis adhibito. Fateor etiam, cum puro puto alimento liquorem alium tenuiorem, qui illi vehiculi loco sit, una attrahi; eundemque postea per lymphæ ductus reduci. Ideoque (cessante jam, in corporibus dissectis, attractione omni) fluxus succi hujus nutritii per nervos *conspicuus* minime expectandus fuerit.

3. Quod ad ligaturas, & nervorum
Y 2 in

*neque
etiam,
quod ner-
vi in vi-
ventibus
transver-
sim secti,
nihil li-
quoris ef-
fundant;
nec ab in-
jecto liga-
mine in-
tumescent.*

in viventium dissectionibus præcisiones attinet; dico iterum, motum in nervis ordinarium, non fieri ad modum torrentis, sed institui attractione quadam electiva; ac propterea, nervo aliquo in vivorum dissectionibus constricto, nullus alterutrinque tumor præter solitum oboritur: quoniam nempe attractio à ligatura præpeditur, fluxus omnis in nervo intercipitur; quò sine, tumor haud quaquam evenit. Præterea, in vivorum dissectionibus plerunque fit, ut ex ipsa animalis ante obitum lucta (priusquam vel vinculum nervo injicere, vel eundem secare queas) omnis liquor in partem illam elidatur, in quam nervus definit: indeque lymphæ ductus, quicum illi commercium est, impletur valde atque intumescit, dum interea nervus omni suo commeatu privatur, sectusque adeo vix ullum ejus specimen exhibet. Viderunt tamen aliqui (si famæ fides) è secto femoris funiculo nervoso, liquoris hujus plusculum profluere. Ego autem duntaxat (ut, quod verum est, dicam) apertis, dum viverent, canibus & felibus, è funiculo nervorum axillari transversim inciso, digitorum ope liquoris roscidi aliquantillum prolexi. Est tamen hæc res minoris roboris, quam ut eam sententiæ huic tibicinem esse velim primarium; alterique potius responsioni (qua liquoris hujus fugam à summa inter moriendum lucta fieri volui) acquieverim.

¶ Senten-

¶ Sententiæ huic porro stabiliendæ, *Tertia difficultas* tertio loco asserendum est, nervos alicubi succum hunc nutritium excipere, eundemq; inde ad partes nutriendas deducere. *est, unde nam nervi succum nutritium imbibant:*

Verum dum primas succi hujus *scaturigines* investigamus, quo minus erroribus implicemur, tutissimum erit ab illarum partium *rejectione* ordiri, quas materiam hanc nervis minime suppeditare certum est. In eumque finem.

Primo quæritur, num muscoli, membræ, tendines, ligamenta, aut tunicæ, tali usui inserviant? Videtur autem à ratione omni alienum, ut partes, quæ à nervis alimentum proprium hauriunt, ipsis illis primam nutritionis materiam administrant. Imo vero id si fieret, unde nam partibus incrementum? Non possent enim quicquam aliud à nervis mutuari, quam quod ipsis prius largitæ essent; nihilque adeo novæ materiæ utrislibet accederet. Eadem quoque ratio ossa ab hoc munere eximit; quippe & istis nutrimentum à nervis advenit; ut jam antea è liquore effracta ossa ferruminante constitit: hic enim proculdubio hand temere ac promiscue in illa effunditur, verum elective attrahitur. Sunt etiam ossa ob duritiem & siccitatem. præ cæteris omnibus partibus ineptissima: quæ reliquo corpori alimentum præparent.

neque enim hauriunt è musculis, membranis, tendinibus, &c.

2^{do}. Ab hoc censu rejicio cor, pulmones, hepar, & renes: non solum quia partes

nec ex ossibus;

*neque &
corde pul-
monibus,
aut reni-
bus ;*

*nec magis
& pancrea-
te.*

*Num-
nam cere-
brum enim
suppedi-
tet ?*

tes sunt sanguineæ, sed etiam quia exiles admodum nervi in illa distribuuntur ; & quoniam unumquodque eorum alteri cuiuspiam præclaro officio destinatur : cor nempe, ut sit vitalis sanguinis sedes primaria ; pulmones, ut fuliginosos permeantis sanguinis halitus amendant foras ; hepar, ut humorem biliosum ab eo segreget ; & renes, ut liquorem potulentum, una cum salinis & tartareis sæcibus, è corpore eliminent. Addo insuper, pancreas quoque iisdem adnumerari posse, utpote cui vas excretorium plenè conspicuum contigit, officii peragendi clarum indicium.

3.º Cerebrum & medulla spinalis fortè officium istud sibi met vendicaverint, utpote à quibus nervi omnes ortum suum ducant, eorumque fines præcipui iisdem immediatè conjungantur : adeoque materia alibilis inde facile ad omnes partes defluerit. Sententiæ autem huic id potissimum incommodat, quod nulla via ad cerebrum pateat, par quam, deficiente pristino com meatu, novis vestigalibus suppleri possit. Venæ enim nihil apportant, & arteriæ ejus (si partis amplitudinem spectes) perexiles sunt ; ipsæque venæ regerendis iis, quæ ab arteriis afferuntur, planè sufficiunt. Accedit, quod sanguis (ut supra dictum est) haud omnibus partibus nutriendis conveniat. Quamobrem, etiamsi cerebrum aptum natum videat-

videatur, quod alimentum ad partes omnes solidas ex æquo subministret; non potest tamen esse organum, quod materiam illam nutritiam vel primum præparet, vel in se primo admittat; sed oportet ab aliis partibus excipiat, idque proculdubio mediantibus nervis.

Non nego tamen, cerebrum esse *principium dispensationis*, ab coque (mediante *attractione similari*) alimentum ad partes omnes, prout iis opus fuerit, distribui: licet (ut diximus) nutritus illius materia prius ab aliis partibus ad cerebrum appulerit. Ideoque alimenti dispensandi officium, quod olim *hepatis* tribuebatur, ex parte saltem *cerebro* debetur; etiamsi materia distributa non sit sanguis, neque à cerebro fabrefacta, sed ad hoc solum aliunde accesserit; ut postea dicitur uberius.

4.to Victus omnis novus à ventriculo primum atque intestinis excipitur, partesque illas plurimi nervi adeunt, & præsertim ventriculum: ut facile creditu sit, aliquam saltem liquoris nutritii partem ab eo imbibi: atque hinc forte, ab absorpto cordiali haustulo, subita virium refectio, animique refocillatio provenerint.

Scio quidem, posse objici in contrarium, nervos omnes ad ventriculum & intestina derivatos, à sexta nervorum conjugatione oriundos esse; qui minores videntur, quam ut toti corpori inserviando pares
Objectioni à sexta nervorum pari ducta respondecut sint.

sint, neque etiam illi ad artus; partesve externas distribuuntur. Isthæc vero non solum adversus ventriculum & intestina ducuntur, sed lienem etiam, glandesque illas particulares, quæ nervos suos ab eadem sexta conjugatione sortiuntur. Quod autem ad sexti paris *exilitatem* attinet, ea de re postea erit dicendi locus: nunc vero solum distributionem ejus perpendam, visurus quid, illius respectu, argumento huic insit roboris.

*Ingens
istius con-
jugationis
enumer-
eum.*

Videtur huic nervorum pari cum reliquis omnibus totius corporis nervis (licet haud immediate, aliquo pacto tamen) intercedere commercium: imo vero illi *immediate* cum pluribus partibus res est, quam ulli alii nervorum conjugationi; etiamsi hi in ortu primo, trunci sui ambitu, triplo illis majores reperiuntur. Indeque jam olim sextum istud par ambulatorium sive *vagus* dicebatur.

*À Fallopio
descri-
ptum,
Observ.
anat.*

Cæteris Anatomicis, quos hæctenus videre licuit, *Fallopius* nervos istos accuratius descripsit. Autorem ipsum consule, quo me de hac re breviter dicentem clarius intelligas.

*Cum aliis
nervis tri-
plex
res est:
I. per
plexus.*

Videtur huic conjugationi cum aliis nervis triplex esse familiaritas: nempe per *plexum*, *consociationem* atque *inoculationem*.

Plexus præcipui sunt quatuor: *primus* sit in collo, quamprimum par istud è cranio prolabitur; *secundus*, in thorace, sub claviculis, è cujus fibrulis alter parvulus
propa-

propagatur juxta basin cordis; *tertius*, prope primam lumborum vertebra, ubi nervi utrinque renibus succenturiatis vulgo dictis adnexi sunt, ortumque superiorem mesenterio largiuntur; & *quartus* denique, juxta tertiam lumborum vertebra, ubi mesenterium originem inferiorem ab iisdem adipiscitur. Istis omnibus plexibus id commune est: 1.^o ut sit concursus & contextus aliquarum saltem fibrarum ad diversos nervos spectantium; quarum primo coalitu fit nodus quidam oblongus, cujus generis maximus in ipso exortu posterioris rami sexti paris occurrat, quem *Fallopian corpus olivare* esse existimo. 2.^{do}. ut nervi hic loci arterias vicinas quodammodo amplexentur, iisque quasi tunicam conficiant. 3.^o. ut ramulos de se spargant, tanquam à communi origine, non autem à consortii illius peculiari nervo aliquo.

*eorundem
communi-
tates.*

Consociatio modo dicta, plurimis in locis conspicitur. *Fallopian*, ait, propagines quasdam nervorum, qui à cervice oriuntur, (nempe à primo, secundo, quarto, quinto, & sexto paribus; vel à primo, secundo, quinto, sexto, & septimo) cum fibris quibusdam à sexti hujus paris primo plexu prodeuntibus copulari, & veluti reticulum, aut complicationem quandam efformare. Fateor quidem affociationes istas adeo obscuras esse, & repertu difficiles, ut vix certi quicquam de iis defini

*2. per as-
sociatio-
nes.*

niri queat: conjunctiones autem in thorace quam maxime conspicuæ sunt: clare enim videas, posteriores sexti paris ramulos, juxta dorsî vertebrastrinque delabentes, cum ramulis è vertebrarum illarum medulla spinali prodeuntibus connecti, fibrasque aliquot (ut Fallopius testatur) ab iisdem mutuari.

quarum
duo sunt
genera.

Videntur esse consociationum harum duo genera: unum quidem, cum bini nervi in eodem involucro continentur; ita, ex Fallopii sententia, par sextum, ubi è cranio egreditur, est nervus geminus, etiamsi unicus habeatur, ob capsulam utrique communem. Alterum autem genus est, cum nervorum consociatorum alter alteri fibras aliquot impertit: atque hujusmodi sunt connexiones illæ, quas in thorace fieri jam diximus. Inter *associatio- nes* hæcæ, & *plexus*, id discriminis est; quod illæ fibras suas peculiare magis distinctas, minusque invicem implicatas fervent; quod etiam (ubi junguntur) *nodis* ut plurimum careant; neque (ut in plexibus fieri solet) sese circum arterias obvolvant.

3. per in-
oculatione-
nes.

Inoculationes nervorum appello, cum unius nervi extremitas in alterius extremitatem definit, quasi unum corpus continuum forent; & post unionem hanc ramulos de se promiscue spargunt. Vidi sæpe, plurimisque in locis, hujusmodi inoculationes; idque semper in nervorum finibus,

finibus, non autem in majoribus corum-
ramis; neque easdem hactenus in nervis
sexti paris sum conspicatus; etiamsi alias
(si quam familiare his nervis sit, ut cum
aliis quibuscumque conjungantur, pensites)
verisimile fiat, horum pariter extrema in-
oculationibus ejusmodi gaudere; eoque
nomine à me memoratæ sunt.

Si quæras, in quemnam finem nervi
sextæ conjugationis cum aliis nervis tam
diversimode connectantur? Ut nunc a-
lios minoris momenti usus taceam; dico,
probabile esse, eas aliquo modo ad succi
nutritii commodam distributionem face-
re: hic enim videtur primum à sexto pari
imbibi; quod cum tantæ illius copię de-
ferendæ impar sit; tam ingens aliorum
nervorum numerus auxiliatum advenit.
Quippe verisimile est, succum alibilem,
per nervos hosce, aliosque illis subsidia-
rios, ad cerebrum & medullam spinalem
deferri; indeque ad omnes corporis partes
derivari, prout illum electiva sive similari
attractione unaquælibet allicuerit. Quam-
obrem (ut propositæ difficultati respon-
deam) dico, rationem nullam apparere,
cur sextum par cum reliquis nervis suc-
centuriatis, quos diximus, haud satis
sint persolvendis cerebro ac spinali me-
dullæ iis vestigalibus, unde postmodum
partes omnes sustententur.

Numnam autem nervi succum suum
nutritium immediate è ventriculo atque

*Connexio-
num ha-
rum usus*

*Quidnam
ventricu-
lus aut*

*intestina
ad hanc
rem fa-
ciant, non
definiuntur.*

intestinis hauriant, nec ne; inpræsentia-
rum non disputabimus: visuri potius,
quidnam nervis cum liene & glandulis
intercedat commercii.

Jam olim nuperque acriter litigatum
est, cuinam usui lien primario inserviat?
Ego vero omissis aliorum sententiis, de
illo usu solum dicam, quem vasa in eum
disseminata, ipseque distributionis modus
videntur suggerere.

*Quid lien
hinc mu-
neri con-
tribuat,
Lienis bu-
buli de-
scriptio.*

Quod ut faciam luculentius, præmit-
tam statim vasorum eorum descriptionem.
prout illa evidenter in liene *bubulo* repe-
riuntur: ubi ob visceris amplitudinem,
omnia magis sunt conspicua, atque explo-
ratu facilia, quam in liene humano. Et li-
cet forsitan parva quædam discrimina,
quo ad vasorum horum distributionem, in
utroque viscere occurrant; certum est ta-
men, omnia utrobique, quantum ad ac-
tionem usumque eorum generalem atti-
net, perinde hic atque illic sese habere,
adque eundem finem tendere; hujusque
respectu, differentias illas ceu accidenta-
les duntaxat habendas esse.

Lien, quem descriptionis hujus causa
ultimo aperui, erat novendecim digitos
longus, & sex digitorum intercapedine
paulo latior.

*vasorum
a liene qua-
tuor gene-
ra.*

Vasa habet, arterias, venas, nervos plu-
rimos, & nervosas fibras innumerabiles.
Lymphæ-ductus nullos vidimus, eosque
propterea (si qui adfuerint) aliorum ocu-
lis

lis perspicacioribus detegendos relinquimus.

Arteriæ oriuntur à cœliacæ sinistræ ramo; uti & venæ, à ramo splenico. Vasa ista *arteriæ & venæ.* cavum lienis adeunt, ubi linea ejus recta sive futura est, trium circiter digitorum latitudine supra infimam majoremque illius extremitatem. Priusquam vero lienem ingrediuntur, utrumque vas in tres ramos dirimitur; infimum nempe, medium, & superiorem. Ramus inferior deorsum versus paulum obliquatur, crassæque lienis parti, qua ingressui illius subjacet, ancillatur: medius, transversum iter obtinet: superior autem, reliquisque multo amplior, postquam sursum duorum digitorum spatio futuram perrepsit, lienem ingreditur, tribusque minimum illius quadrantibus famulatur. In ipso vasorum horum introitu, vena interiori arteriæ lateri inseparabiliter adhæret, tenuisque adeo evadit, ut arteria simul, & nervi ejusdem comites, facile per latera ejus conspiciantur; iidemque in interiora illius protuberantes, videantur per medium ejus sinum decurrere: cum tamen, ut diximus, eidem duntaxat adalligentur. Venæ tunica, *venæ tunica,* quanto ulterius in lienem progreditur, tanto etiam magis attenuatur, donec tandem vix minima illius vestigia compareant: totoque hoc tractu, maioribus minoribusque *foraminibus* pertunditur, per quæ sanguinem è parenchymate refluxum, exhaustit; *foramina,* eadem-

eademque hæc foramina per parenchyma ad venarum modum ramificantur, etiam si venæ alicujus tunica nusquam appareat. Nimirum, parenchymatis circa cavitates canalesve hosce lævor ac firmitudo, eodem, perinda ac si vasa per illa loca distribuerentur, integros conservat.

horum ramificationes.

Arteriæ in omnes parenchymatis partes æqua ratione disseminantur, nervis eorumque ramulis perpetuo comitatæ: & si quando truncus earum propaginem quandam emisit, eadem statim foramen aliquod jam dictum ingreditur, estque istud vase per ipsum delato multo patentius. Foraminum horum quodlibet, per nudum parenchyma non aliter distribuitur; quam arteriæ ramulus, qui per eandem semitam decurrit; donec tandem propaggines ejus usque adeo gracilescunt, ut oculorum aciem propemodum effugiant. Præter jam dicta autem foramina, quæ arterias excipiunt; sunt alia quoque plurima, quæ in venas dehiscunt, eademque etiam per parenchyma ramificantur. Horum opera fit, ut venæ ceu lateræ conspiciantur.

Nervi.

Nervi à sexto pari originem trahunt, nempe à superiore illius plexu in abdomine prope glandulas renales: ibidemque (vel saltem ante ingressum eorum in lienem) arteriis conjunguntur; quas nec deserunt postea, donec nervosis fibrulis implexi fuerint. Singulis arteriæ ramis, plures

res nervorum rami adstites sunt, iique diversæ magnitudinis; quorum bini arteriæ trunco utrinque accumbentes, præ cæteris sunt conspicabiles. Nervi isti, quo lieni propiores fiunt, eo etiam grandescunt magis; idque similiter spatio aliquo, postquam lienem subiere, iisdem contingit.

Adest in liene fibrarum nervosarum ^{fibra nervosa.} ingens satellitium; adeo ut sextuplo minimum reliqua omnia vasa mole sua superent: nec possunt facile distributiones earum in ordinem aliquem redigi. Ubique fere per totum parenchymatis tractum varie inter se complicantur, ut retis imaginem plane repræsentent. Fibrarum harum fines exteriores, lienis tunicæ; qua gibbum ejus obvolvitur, & qua cavum ambit, interiores fines firmiter adalligantur: tunicæ, inquam, internæ, quippe lieni bubulo duplex tunica obtrigit, externa à peritonæo, & interna propria. Acute quidem invicem cohærent, digitorum opera tamen sunt separabiles. Dictarum fibrarum aliquæ, hic illic manifeste cum ultimis nervorum ramulis uniuntur: & licet minime vera ramificatione ab hisce proficisci videantur, connexionum tamen harum ope, necesse est iisdem aliquo modo famulentur; præcipue, quoniam cum aliis vasis nihil ipsis intercedit negotii.

Præter vasa jam dicta, nulla alia in hoc ^{Nullum est} viscere hætenus reperta sunt. Nonnulli ^{lieni vas} quidem crediderunt, vas aliquod ^{excretorium pe-} ~~excreto-~~ ^{rii} ~~rium pe-~~ ^{culiare.}

*viu*m peculiare illi concessum esse; aliique porro affirmarunt, vas illud in canalem pancreaticum evacuari. Mihi vero, adhibita sæpe pensiculata hujus rei investigatione, (namque ipsemet quoque olim illi sententiæ favebam) nunquam tale aliquod videre licuit; adeoque nullum adesse, fidenter dixerim. Lymphæ-ductus quoque ibidem perscrutatus sum, sed minus accurata indagine; ac propterea nihil de ipsis temere affirmaverim. Hoc solum assero, five adsint, seu minus, haud magnopere tamen ad usum eum facere, quem vasa dicta præ se ferunt.

*Cur tot
nervi in
liene repe-
riantur.*

Quamobrem tuto, ut opinor, usum hunc prosequemur; quærereque primum licet, cur-nana hic nervorum tanta copia reperiatur? Haud putandum sane, istud temere evenisse: & tamen rem rectè reputantibus non adeo in proclivi fuerit, conformationis hujus rationem verisimilem asferre. Quippe haud facile creditu est, nervos istos vel sensui, vel motui inservire: est enim lieni sensus omnino hebes, & motus spontaneus plane nullus; ut neutrius horum causa, tot nervi illi tribuendi sint. Atque idcirco nulli insigni usui destinati videntur, nisi quippiam vel ad lienem adferant, vel ab eodem auferant. Non autem existimandum est, quicquam eorum adminiculo ad lienem apportari; quoniam neque id huic ex usu fuerit, nec vas excretorium ullum adest, per quod

in-

ingestus humor egeratur foras. Ideoque oportet aliquid è liene educant, quod deinde in superiorem abdominis plexum transferant, unde postea, data occasione, vel immediate per nervos sexto pari connexos, vel mediantibus cerebro & medulla spinali, in omnes totius corporis nervos distribuatur.

Quærere iterum libet, in quem finem tot nervosæ fibræ in liene intertextæ sint? Nempe, aîs, ut laxum spongiosumque illius parenchyma stabiliant, ne à sanguinis ex arteriis affluentis impetu ruptum diffiliat. Est quidem, fateor, hic usus privatus, viscerisque ipsius conservationi necessarius. Num-nam autem putabimus, organo huic publicum usum nullum obtigisse? Quorsum igitur tam laxum parenchyma, totque ille firmando innatæ fibræ? Imò vero aliter si foret, ne viscere quidem ipso opus esset, quemadmodum nonnullos somniasse video. Sin autem usum illi publicum concedimus; ubinam is quærendus fuerit, nisi in vasis, quæ, præter aliorum viscerum morem, in eodem reperiuntur? Quodlibet enim organum, cui actio ususve publicus ab aliis partibus diversus obvenit, structura quoque peculiari gaudet, qua actioni aut usui illi obeundo reddatur accommodum. Ideoque quoties incertum est, quisnam parti alicui sit tribuendus usus publicus; vas ipsi peculiare tutissime hunc nodum solvit.

*Quor-
sum tot
nervosæ
fibræ.*

*Undenam
partis ali-
cujus usus
proprius
innotescat.*

Ita

*Fibræ istæ
Lienis u-
sum indi-
cant,*

*liquorem-
que inde
aliquem
eliciunt.*

Ita nempe vasa fellea, hepatis usum indicant: similiter ureteres, renum; canalis pancreaticus, suæ glandis; arteria aspera, pulmonum, &c. usus expediunt. Quamobrem & fibræ istæ lieni propriæ, ejusdem pariter usum demonstrant: eoque magis, quod nullum aliud vas in illo reperiatur, quod & aliis visceribus non sit commune. Quæro itaque denuo, quidnam hic sibi velit tam amplum fibrarum nervosarum rete? Fatendum sane, illas aliquo pacto usui publico inservire. Et cur, precor, nudæ sanguini (parenchyma illud perlabenti) exponuntur? An non, ut liquorem aliquem ex omne illo ebiberent? In quem finem autem? cum nec ipsis usui esse possit, nec vase separatorio donentur, per quod eundem efferant. Ac propterea necesse est, vasis cujuspiam alterius rem agant. Arteriis vero munifices esse nequeunt; quoniam illæ humori egerendo duntaxat, non autem excipiendo destinatæ sunt. Nec magis venis suam operam accommodant: liquidem istæ sanguinem illum abducunt, è quo fibræ iam dictæ liquorem suum exhauriunt; qui si in venas transferendus esset, non opus profecto erat, eundem à sanguine separari. Ideoque nervi soli supersunt, quibus ancillantur. Et profecto magna hic inter fibras istas nervosque similitudo intercedit; eoque nomine *nervosa fibræ* appellantur. Quinetiam illæ sæpe, si minus è nervorum

ex.

extremitatibus oriundæ fuerint, iisdem saltem conjunguntur. Quæ nobis facile genuinum fibrarum harum usum indicaverint; esse nempe nervis auxiliatrices. Et cum actio earum peculiaris sit, liquorem aliquem è sanguine prolicere; quoniam istum ablegent, præterquam ad fines nervorum capillares: quibuscum uniuntur? Concludo igitur, fibras hæc liquorem quendam par lienis parenchyma delatum elicere, eumque in nervos capillares (quibus conjunctæ sunt) transferre: huncque esse usum lienis primarium.

Liquor hoc pacto è nervis imbibitus, non videtur esse ipsemet *succus nutritius*, Non quidem verum succum alibi-
lem, sed
ejusdem
vehiculum
generat. sed humor magis aqueus, quique succo illi vehiculi loco interserviat. Quippe jam antea à nobis dictum est, sanguinem nutriendis partibus ineptum esse: adeo minus verisimile est alimentum propriè dictum è sanguine prolektari. Quinetiam rationi magis congruum videtur, nutrimentum verum ab organis mirioribus ac benignioribus (quam lien deprehenditur) partibus accedere, ut mox dicetur amplius. Quare potius existimem, liquorem hunc esse merum vehiculum, quod succum vere nutritium, fluidum conservet, & à coagulatione tueatur, quo facilius in corpus totum distribuatur. Namque probabile admodum est, alimentum verum facile concrefcere & coagulari; nisi ab admixto tenuiore vehiculo, in fluore perpetuo

petuo conservetur : obque hanc coagulandi aptitudinem , partibus nutriendis promptius adhæret , easdemque vel adauget, vel reficit. Quamobrem credibile est , fibras nervosas jam dictas , partem sanguinis tenuissimam , mitissimam , & aquosam maxime elicere, ut vehiculi vicem præstet. Idque vel inde porro confirmatur, quoniam sanguis è liene regrediens , solito crassior conspicitur ; adeoque verisimile est , eundem ; dum parenchyma illius perlaberetur , de tenuiore sua substantia nonnihil amisisse.

quid in
vicinos
nervos ,
&c.
transfe-
runt.

Quamprimum fibræ istæ (ut diximus) partem aliquam tenuis mitisque illius humoris è sanguine epotarunt , prædam omnem in nervos capillares sibi conjunctos , indeque in ramos eorum majores transferunt : qui cum arteriis associantur , iisdemque quasi capsulam circumstruant ; fit ut , caloris pulsationisque earum adminiculo , liquor ille in nervorum plexum glandulis renalibus adsitum facilius traducatur. Ubi non solum confluxus nervorum eidem excipiendo par in promptu adest ; sed & organum , impuritatibus , è liene fortuito affluxis , alio derivandis idoneum , ibidem adnectitur ; nempe glandulæ renales , quas renes succenturiatos vulgo dicimus.

Glandulæ
renales
humorem
unum ab
alio secre-
runt ;

Quippe certum est , glandulas hasce renales , humoris alicujus ab altero secretioni inservire : est enim iis vas separatorium
pecu-

peculiare, quod in proximam venam majusculam inseritur, à qua illæ onere levantur. Plerumque in dextro latere, deplentur in cavam; in sinistro autem, in venam emulgentem. Vas earum secretorium, in ipsarum meditullio situm, finem quandam præ se fert; non latum quidem illum; sed longiusculum; in quem ab omnibus glandulæ partibus transitus patefcunt. Sinus iste (ut jam diximus) in venam aliquam vicinam aperitur, habetque in ipso ingressus vestibulo valvulam, qua recursus omnes è vena illa prohibetur.

Possunt autem, aîs, à sanguine per arterias suas delato aliquid secernere. Istud vero fieri nequit; quoniam quod illæ segregant, quicquid demum id fuerit, illico in venas recipitur, idemque cum sanguine commiscetur. Putabimusne Naturam Penelopes telam retexere, & mox destruere, quod effecerit? Existimem potius, secretionem hic institutam, non esse liquoris alicujus à sanguine, sed ab alio aliquo succo, isthuc, non per arteriam, sed vas aliud delato. Quodnam autem istud, inquis? Fatendum sane, est, vas aliud nullum hæctenus repertum esse, (quod quicquam ad glandes deferre queat) præter arterias & nervos: ideoque cum arteriæ isthoc munere exciderint, necesse est in nervos devolvatur: eos nempe, qui è plexu jam dicto prosiliunt. Idque vel inde constat luculentius, quia plexus istius nervi,

non tamen à sanguine.

in

in ipsa glandium harum substantia firmiter adeo radican-
 tur; ut, circa præcisionem aut lacerationem, ab eadem nequaquam divelli possint. Quorsum enim nervi adeo conspicui, tam alte in glandulas hæc defigantur? Profecto nec sensui isthic, neque motui famulantur: quapropter reliquum est, ut glandes istæ superflua quædam ab iis excipiant, eademque mox per vas secretorium jam dictum in venas eliminent.

*Quisnam
 usus sit
 plexus
 glandulis
 illis
 vicini.*

Nolim tamen hæc ita accipi, quasi plexus hujus usum eum statuam primarium; ut impuritates aliquas fortuito è liene depromptas, glandularum renalium opera aliorum deflectat; aut immundities illas separet, quæ forte una cum vero alimento admixtæ fuerint; etiamsi plexus iste, glandium dictarum ope, utrunque hoc munus obeat. Sed usus plexus hujus (ut & reliquorum omnium) primarius est, opinor, ut succi nutritii, vehiculique ejus in partes omnes distributionem facili-
 ter prout nempe unaquælibet earum electiva sua attractione humores illos allexerit. Quippe nervorum hac communione fit, ut liquores facile de loco in locum, prout usus postulaverit, delabantur. Sed ut ista nunc missa faciam, redeamque ad impuritates illas, quas è liene exforberi diximus; quæri etiamnum possit, quidnam discriminis inter eas, purasque ejusdem liquoris partes reperiat? Nimirum id
 inter-

interest, quod illarum spiritus ad volatilitatem propius accedant: quo fit, ut vinosi magis ac prædatorii evadant, quam ut succo nutritio ex usu sint: adeoque à mitioribus ejusdem liquoris partibus separandi veniunt. Similiter fieri potest, ut liquor, qui ab initio erat mitis: satis, succoque nutritio deferendo commodum vehiculum præstabat; paulo post tamen à calore vitali plusculum excoctus, acrior evadat ac spirituosior, quam ut huic negotio utiliter inserviat, ac propterea rejiciendus sit. Nihilominus quoniam, ob spirituositatem illam (ut sic loquar) sanguini nutriendo fit accommodatior; licet à nervis repudietur, non ideo tamen è corpore proturbandus est, sed in venas traducendus potius, ad eum nempe modum, quem jam diximus.

Postquam hætenus, quid nervis cum liene sit commercii perpendimus; videndum superest, quid illis cum glandulis necessitudinis intercedat. Vir doctissimus, & amicitiae jure mihi conjunctissimus, D. *Whartonus*, cum anno proxime præterito, ex Collegii Londinensis mandato, *Praeceptoris* munere fungeretur, totius corporis glandulas quam accuratissime explicuit; adeo ut vix quicquam alicujus momenti prætermiserit. Ac propterea in præsentī negotio (quemadmodum & supra à me factum est, cum de glandibus renalibus agerem) necesse habui, nonnulla ab

*Quid
nervis cum
glandulis
sit negotii.*

co tunc tradita huc transcribere : quod sane haud illibenter fateor , ne cum merita laude fraudasse videar.

*Glandula-
rum divi-
sio, respec-
tu habito
ad nervos.*

Nihilominus, quoniam mihi proposi-
tum est, de partibus istis obiter tantum
agere; idque non absolute, sed relative
solum, & in ordine ad nervos; aliam illa-
rum divisionem (licet ab Eo propositæ
haud adversam) in medium afferam. Ori-
tur autem hæc divisio, à variis glandium
officiis, quatenus ad nervos referuntur.
Earum enim aliæ excretioni, aliæ redu-
ctioni, aliæ vero nutritioni famulantur:
hincque adeo divido illas, in *excretrices*,
reductrices, & *nutritias*. est quidem ve-
rissimum, omnibus glandulis id commu-
ne officium esse, ut *secretionem* aliquam
instituant: ea tamen, secundum peculia-
re earundum munus, diversimode se ha-
bet. In nonnullis enim earum, secretio
isthæc tendit ad excretionem, in aliis ad
reductionem, & in aliis ad nutritionem;
& consimiliter materia ipsa, diversis hi-
scæ secretionum modis sejuncta variat.
Prima illarum, est merum excrementum;
altera, quarundum partium respectu, est
excrementum; aliarum vero est liquor
desiderabilis, ac propterea reducendus:
tertia autem est succus vere nutritius.

*Glandula
excretri-
ces, ear-
umque
usus.*

Glandium harum primum genus (ea-
rum nempe, quæ secretioni atque excre-
tioni destinatæ sunt) complectitur in se
testiculos, prostatas, vesiculas seminales,
mammas

mammæ in mulieribus, tonsillas, & glandes maxillares, quæ omnes vase *excretorio* peculiari donantur, per quod excrementum aliquod è *nervis* delatum, alio eliminant. Vasa excretoria, *glandibus maxillaribus* propria, à D. *Whartono* & me primum (uti arbitror) reperta sunt; cum, in eum finem, caput bovinum dissecaremus: nam glandes ipsas aliquanto antea in alia dissectione inveneramus. Horum vasorum accuratam plenamque descriptionem D. *Whartonus* tempore locoque nuper dictis exhibuit: ideoque illa breviter duntaxat perstringam. Sunt (ut & glandulæ ipsæ) bina numero, utrinque unum; inque omnes glandularum partes radices agunt, quæ tandem utrobique in unum truncum desinunt. Trunci isti, sola cute operti, per latera inferioremque linguæ partem deferuntur, donec ad ipsius fere apicem pertigerint; ubi prope duorum inferioris maxillæ incisorum dentium radices, papillarum forma in os aperiuntur. Vasa hæc, *ductus salivales* appellavimus; quia salivam tenuem, pellucidam, & a quosam in os effundunt.

Alterum glandularum genus (humoris nimirum *secretioni*, ejusdemque in corpore denuo *reductioni* inserviens) comprehendit in se, glandulas renales, sive renes succenturiatos dictos, glandes prope anum, atque illas quæ œsophago adjacent, jugulares etiam, parotidas, axillares,

Glandularum reductricum usus.

inguinales, & confimiles alias. Quæ omnes, humorem à nervis accipiunt asperiores, & naturæ sanguinis viciniorem, quam ut partium illarum (quibus nervi prospiciunt) nutrimenti commodum vehiculum esse possint: atque idcirco nervi, glandium harum ope, illum amoliuntur, retinentque solum quod utile est. Et quoniam materia, quam respuunt, sanguini affinis est, eidemque per anfractuosa vasorum provehendo accommoda; haud foras è corpore protruditur, sed in venas glandulis illis *secretricibus* proximas recipitur. Estque hæc (ni fallor) vera ratio, cur glandes istiusmodi, plerumque juxta majores nervorum venarumque divisiones sedem habeant: nempe, ut humorem è nervis depromptum, expeditius in venas transferrent.

*Glandulæ
nutritivæ.*

Tertii generis glandulæ, quæ succi vere nutritii (in usum nervorum) præparationi ministrant, sunt glandes mesenterii, item *Bartholini* glandulæ tres *lumbares*, communi chyli receptaculo vicinæ, atque *rhy-mus* etiam fortasse in junioribus. Et quoniam glandulæ istæ, præ cæteris, ad propositum nostrum maxime spectant; iisdem paulo amplius immorandum censeo.

*Mesenterii
glandulæ.*

Ad mesenterii glandes quod attinet; certum est, venas lacteas (aut magnam saltem earum partem) ad illas tendere, ibidemque in minima usque capillaria distribui: atque alia etiam capillaria in iisdem gland-

glandulis originem nancisci ; indeque ulterius profecta & conjuncta , alterum venarum lactearum genus constituere. Atque ut vasa hæc diversæ speciei non sint ; sunt tamen illis ortus & termini diversi. Primum enim genus earum , ortum ducit ab intestinis , & in glandem aliquam definit : alterum vero ibidem è glande (ubi prius desinebat) exoritur , & in receptaculum commune terminatur. Quæsierim itaque, cur Natura primis venis lacteis terminum hunc constituat ; atque illico in eadem parte, ejusdem generis vasorum novam sobolem producat ? Numnam moram in agendo frustra creat , molestiamque sibi ultro consciscit ? Quorsum enim vasa minutim distribuit, ut è capillaribus aliis denuo novos truncos recolligat ? Si primæ venæ lacteæ (citra distributionem ullam in glandes mesenterii) ad receptaculum recta pergerent ; citius profecto ac minore cum negotio, chylum ab intestinis illorsum transferrent. Ut nunc autem serres habet , illæ chylum in glandem , ad quam pergunt, distribuunt ; quod non, nisi temporis spatio , & labore aliquo perficitur : & postea alterum lactearum genus (specie forsitan à priore minime diversum) chylum illum denuo exhaurit : quod certe factò nequaquam opus esset , nisi priora vasa eundem in glandis parenchyma effudissent. In quem finem , inquam , Natura ambages istas molita est , si chylus hic loci

*Venarum
lactearum
duo gene-
ra.*

*cur pri-
mum eo-
rum in
mesenterii
glandes
termina-
tur.*

non fit id
ob chyli
alteratio-
nem ali-
quam, sed
secretio-
nem po-
tius, quod
autem se-
paratur,
non est
excre-
mentum,
nec mate-
ria in ve-
nas redu-
cenda,

verum
succus
nutritius.

neque *alterationem* aliquam, nec alterius
cujuspiam humoris à se *secrecionem* adipi-
scitu? *Alterationem* vero nullum ac-
quirat; quippe lactis specie, ut advenerat,
effertur. Ideoque in eum finem huc ap-
pulerit necesse est, ut aliquid ipsi commi-
stum ab eo secernatur. Quænam autem
materia hic separanda fuerit? Non est sane
excrementum: quippe vasa excretoria
glandibus hisce peculiariter nulla adsunt;
quæ tamen partibus nullis denegantur,
quarum officium est, excretionem ali-
quam instituire. Neque etiam materia est
ejusmodi, qualis per *reductrices* glandu-
las in venas egeritur. Talis enim si foret;
separatione nulla opus esset; quoniam re-
liquus chylus paulo postea in venam sub-
claviam abit, potuissetq; etiam hic liquor,
sine secretionem intermedia, eundem comi-
tari. Quorsum enim liquorum mox re-
miscendorum laboriosa separatio? An id
agit Natura, ut decurso spatio, à meta ad
carceres recurrat? Ita enim fit, si ambo
humores jam dirempti, in venas denuo re-
gerendi sint. Quamobrem liquor in hisce
glandibus separandus, nec ad primum,
neque ad secundum genus jam dictum
pertinet: tertiiq; adeo generis sit oportet;
nempe ipsemet *succus nutritius*. Hoc
autem concessio, haud repertu arduum est,
per quodnam vas succus iste alibilis ave-
hatur: cum enim istud non contingat per
vas aliquod excretorium peculiare, neque
etiam

etiam per venas; necesse sane est, id fiat *Per quæ*
 per *nervos*, Atque idcirco concludimus, *vasa is*
 nervos succi sui nutritii partem aliquam è *auferatur.*
 mesenterii glandibus depromere.

Quod ad tres glandes *lumbares* attinet, *Tres*
 existimo illas nervis pari pacto ancillari: *glandes*
 idque duplici argumento. 1. Quia venæ *lumbares*
 lacteæ primi generis in glandes istas di- *eidem u-*
 stribuuntur; aliæque secundi generis in- *sui desti-*
 de enatæ, similiter in commune recepta- *natæ*
 culum exonerantur; ad eundemque adeo *sunt.*
 censum cum mesenterii glandulis refe-
 rendæ sunt. 2. Quoniam in iis anima-
 libus, quibus glandulæ mesenterii præ-
 grandes obtigerunt, lumbares istæ vel
 omnino desiderantur, vel perpusillæ sunt.
 In hominibus certe, mesenterii glandes
 exiguæ sunt, & verisimile est, has (utpote
 congeneres) defectui earum supplendo
 majores contigisse; adeoque & succo nu-
 tritio in nervos transferendo inservire.

Thymus quoque mihi videtur esse glan- *atque*
 dula *nutritia*. Nam in embryonibus, atque *etiam*
 animalibus recens natis (quo tempore plu- *Thymus,*
 rimum crescunt, & nutritatu propterea *in juniori-*
 uberiore indigent) magnitudine præcæ- *bis ani-*
 teris omnibus totius corporis glandibus, *malibus.*
 spectabilis est: in senibus vero, quibus ali-
 mento hujusmodi parum opus est, per-
 exigua deprehenditur, & vix conspicu-
 bilis. Præterea, glandula ista vase excre-
 torio caret, neque (majorum glandium
 reductricum more) sinu aliquo exca-
 vatur.

vatur: adeoque illam verisimiliter ad nutritiarum classẽ retuleris. Denique, glans hæc est candida, mollis suavis admodum mitisque saporis, & substantia mammarum glandibus similis: ac propterea, quemadmodum istæ lac infantulo foris præparant, sic illa liquorem nutritium intrus suppediaverit, eumque forsitan è ductu lacteo thoracico exceperit, qui glandulæ huic appropinquans, priusquam in venas exinanitur, in duas plerumque propagines dirimitur.

*Tria ob-
ciuntur in
contra-
rium.*

Possint tamen aliqua afferri in contrarium, quibus videatur à vero alienum esse, nervos liquorem ullum è liene & glandulis jam dictis elicere: quæ breviter per-
censebo. Dices nempe,

*lienis &
glandium
dispari-
tas.*

1.^o Nos partibus dissimilibus munus persimile attribuere: nimirum velle, succum mitem ac benignum nervis administrari à liene pariter & dictis glandibus; quæ tamen toto genere inter se discrepant.

*diversum
lienis offi-
cium.*

2. do Lienem jam olim melancholiæ stabulandæ designatum esse. Is autem humor, præ cæteris omnibus, nutritioni maxime, ineptus est: ideoque minus verisimile, succum, adeo suavem (atque hic requiritur) à liene suppeditari.

*glandula-
rum ac
lienis par-
itas.*

3.^o Lienem, hæcque glandulas minores esse, quam ut liquori nutritio cunctis partibus administrando sufficiant. Imò vero, ne tantum quidem humoris expro-
mere

mere posse, quantum copix illi, quæ in lymphæ-ductibus cernitur, respondeat.

Primæ objectioni respondeo: Licet inter lienem & glandes nutritias plurimum discriminis intercedat; hoc tamen ipsis commune est, quod ambo vase tum excretorio, tum reductorio careant: eademque illa communitas, officii erga nervos similitudinem quandam necessario requirit.

Quoniam enim in liene pariter ac glandibus (ut modo dictum est) secretio aliqua instituitur; cumque, præter nervos, nullum aliud vas illis suppetat, per quod separatus humor amandari queat; necesse est, in eo conveniant, ut materiam suamet opera segregatam, nervis consimiliter impertiant. Addo etiam, permultum interesse inter liquorem illum, quem nervi è liene hauriunt; eumque, quem iidem è glandibus nutritiis proliciunt. Atque istud discrimen, facile constitutiones tam diversas postulaverit.

Quippe liquor è liene eductus, non nisi vehiculum aqueum est veri illius nutrimenti, quod è glandibus nutritiis advehitur.

Hippocrates olim lieni humores aqueos absorbendi munus aliquod attribuit. Non crediderim quidem, voluisse eum id fieri ad modum illum, quem diximus: videtur tamen animadvertisse, humorum aquosorum in corpore redundantiam, à lienis tumoribus atque obstructionibus proficisci:

*Objectioni
primæ re-
spondetur.*

*Quanam
in re
glandule
istæ ac
lien con-
veniant.*

*Latex è
liene pro-
fluens,
differt ab
eo, qui ex
glandulis
promanat.*

quod profecto sententiæ nostræ haud parum favet.

*Ad secundam
objectionem, ne-
gamus, lienem
melancholici
secreta de-
putatum
esse.*

Quod ad alteram objectionem attinet; dico, lienem olim affectuum melancholicorum reum actum esse potius, quam peccatum: neque sententiam illam nuperis experimentis esse consentaneam, plurimi enim istiusmodi affectibus obnoxii, & post obitum exenterati, lienem ab omni tali culpa absolverunt. Quinetiam quilibet, facto periculo, facile cognoverit sanguinem in liene (tum humano, tum brutorum) ejusdem saporis ac dulcedinis esse, cum eo, qui in aliis corporis partibus reperitur; ipseque complurium animalium splen, citra melancholici saporis offensam aliquam, non raro comeditur. Ac propterea, haud mirandum adeo, nervos succo aquoso mitique ex ipso liene prolectando destinari; præsertim, cum attractione electiva sive similari munus suum obeant.

*Tertiæ ob-
jectioni
satis fit*

*Sanguini
vigecuplo
plus ali-
menti im-
penditur,
quam
a tribus
solidis.*

Objectioni tertiæ reponimus; statui per illam multo plus alimenti partibus solidis impendi, quam revera iis opus sit. Quippe in istas, viginti quatuor horarum spatium, succi nutritii vix binæ uncie insumuntur. Et utcunque *Sanctorii* sententiam, limitibus antea dictis circumscriptam, non invitius amplecter; non existimo tamen, ingentem illam impensam, quæ quotidie per insensilem transpirationem contingit, à partibus solidis emanare, imo
vero

vero ne vicesimam quidem illius partem ; sed potius ab halitibus sanguinis proficisci ; qui verus helluo est , & , præ cæteris partibus , jugi instauratione opus habet. Quippe dispendium omne, quod quotidie corpori advenit , à sanguine proficiscitur , dum is , expansivo atque irrequieto motu , fines suos ampliare nititur : quo fit , ut non modo magnam partem sui , humorumque ei commistorum , in halites absumat ; sed & solidarum quoque partium complusculum disperdat. Quoniam igitur sanguis vitalis vaporosum hunc motum orditur ; idque in se primum ; ac secundario duntaxat , & per consensum , eundem in partibus solidis (alioquin ab illo plurimum alienis) excitat ; necesse equidem est , multo plus sanguinis & liquoris admixti , quam solidarum partium , à motu illo dissipari.

Adhæc , licet partes magis volatiles , minus volatiles alias ad eundem motum extimulent ; eadem tamen simul alia ratione motum hunc impediunt , donec ipsæmet ex angustiis illis evaserint : nempe , dum locum ampliorem quærunt , partes vicinas aliquantulum comprimunt , præpediuntque quo minus libere expandantur. Hincq ; adeo fit , ut , si res fugacior cum alia magis fixa commisceatur , hæc ægre admodum fugam paret , donec illa omnis avolaverit. Ita argentum cum stanno aut plumbo mixtum , ignique valido exco-

Z §

ctum ,

ctum, difficulter absumitur, donec metallum omne deterius, minusve fixum, dissipatum fuerit. Ad eundem modum sanguis quoque, licet partes solidas ad expensionem habitumque excieat, easdem tamen aliquatenus remoratur: ac propterea mihi verisimile fit, vigecuplo minimum plus sanguinis, quam solidarum partium indies dispergi. Ob hanc causam, canales, qui sanguine subsidio veniunt, facile conspicui sunt; venæ lacteæ scil. & ductus thoracicus: scaturigines autem, primique ductus, qui partibus solidis nutriendis destinantur, valde obscuri sunt, & cognitu difficiles; glandes nempe nutritiæ, nervique ad easdem perreptantes. Si tamen glandium harum aliquam mediam secueris, facile digitorum compressu succum quendam lacteum emungas (è quo nutrimentum seligitur) etiam si idem in nervis, qui illum exhauriunt, ob causas jam antea dictas, minus compareat.

Quinetiam, solidas partes non nisi parce admodum absumi, ex ipsa *Sanctorii* observatione porro confirmatur. Nam si dimidium eorum, quæ comedimus ac bibimus quotide, per insensilem transpirationem exhalat; non potest certe istud solidarum partium dispendium existimari. Quippe venæ lacteæ, cibum potumque sub lactis specie imbibunt, ac postea in venam subclaviam, corque adeo ipsum derivant; ubi paulatim in sanguinem trans-

mutan-

mutantur. Si itaque tantum sanguinis in dies singulos accudatur, damnosa plethora necessario pro foribus fuerit, nisi & pristinus sanguis pari proportionem diminuat. Ea vero cum non eveniat; fatendum est, sanguinem jugiter dissipari. Sanguinem autem intelligo *concrete* sumptum; nimirum una cum sero & potulenta materia, quæ maximam halituum horum fugitivorum partem constituit. Enimvero, liquidorum assumptorum paulo plus quam dimidium emingimus: unde constat, illa præcipue per insensilem transpirationem disperdi. Fateor quidem, in nonnullis morbis, veluti in dysenteria, febribus, &c. magnam solidarum partium jacturam fieri: id autem diverso modo evenit. Quippe partes hic primum in *cruorem* sive impurum sanguinem resolvuntur; qui postea vel vomitu, vel secessu, vel sudore rejicitur. Sunt autem detrimenta *naturalia*, quæ quotidianam instaurationem postulant. Hujusmodi vero absumptiones reparare nequeunt, donec status corporis præternaturalis immutatus fuerit: & tum quoque lente ac paulatim reficiendæ sunt; non quidem ingenti alimoniarum copia, sed eo solum demenso, quod & à glandulis suppeditari, & à nervis in illas distributis afferri possit. Præterea, partes à morbo detritæ, sunt parenchymata muscoulorum præcipue, quæ, recuperata semel valetudine, facile citoque redintegrantur;

partes autem fibrosæ disperditæ, cum nervorum opera instaurari debeant, non nisi longo temporis spatio (ac præsertim in senioribus) resarciuntur: quia & lenta sit per nervos resectio, & partes ipsæ jam debiles alimentum sibi cunctanter assimilant. Quoniam igitur, dum prospera valetudine utimur, haud multum nutrimenti à partibus solidis decedit; & postquam primum convalescimus, reparatio lento gradu perficitur; si rem recte æstimemus, satis proportionis reperiemus, inter partes solidas deperditas, & organa nutrimentum iisdem restituendis præparantia.

Plus latius à lymphæductibus avehitur, quam à nervis suggeritur.

Verum ubi objicitur, partes jam memoratas, haud tantum liquoris subministrare posse, quantum in lymphæductibus solis reperitur: Dico; neque id facto opus esse: imo vero quadrantem illius fortasse sufficere. Quippe jam antea asserui, partem hujus lymphæ longe maximam, è sanguinis halitibus, roris instar coactis, & per lymphæductus refluus, constitui? & vehiculum solum alimenti per nervos allati, cum ea simul reverti; hincque ipsi crassitudinem majorem, quam alias liquori puro distillato debeat, accedere.

minus tamen, quam prius in facie credas.

Quo concessio, dico porro; nos promptè arbitrari, plus liquoris, quam revera sit, per hæc vasa ferri; quoniam, cum lymphæ hujus motus (& præsertim post obitum) tarde admodum procedat, rivuli

vuli facile majores vero apparent : quemadmodum in tardigradis fluminibus , minor aquæ copia ingentibus alveis implendis satis est. Humorem autem in his vasis lente prorepere , ex numerosis eorum valvulis constat. Nam licet istæ , ubi crebræ reperiuntur , liquoris fluentis regressum præpediant ; eadem tamen & procursus facilitatem simul nonnihil retardant. Quippe valvulæ omnes interdum occluduntur ; humorisque interea fluxionem impediunt , donec aperiantur denuo. Ac propterea , cum remoram toties properanti humori injiciant ; necesse omnino est , is tarde admodum progrediatur. Idemque vel inde porro confirmatur , quia vasa ista , postquam animal expiravit , etiam nullo adhibito vinculo , plena conspiciuntur : quod venis lacteis , in quibus fluxus est citatior , raro contingit.

Denique , in æstimanda liquoris in lymphæ-ductibus copia , facile decipimur : quia rationi consonum est , vasa hæc in denatis , quam in viventibus ampliora conspici. Nam in ipso mortis articulo , nervi (ut antea diximus) cum dolore confluentes , humorem de se omnem in partes , in quas terminantur , exprimunt ; qui jam per lymphæ ductus redux , eosdem magis solito adimplet ; facitque , ut idem quoque in secunda valetudine ita sese habere arbitremur

*Quarta
difficultas,
circa mo-
tum succi
nutritii.*

¶ Quarto loco videndum est, quo pacto liquor alimentarius in nervis moveatur. Nam postquam constitit, unde-nam nervis liquor hic adveniat; inquirendum porro restat, quo motus genere idem postmodum feratur.

*Humores
in vasis,
quinque
modis mo-
ventur.*

Humores quidem in vasis multifariam moventur: Ego vero nonnulla solum motuum horum genera paucis attingam: ea nempe, quæ ad rem præsentem potissimum spectent. 1.^o Est motus, quo humor uno & perpetuo tenore ad eandem metam fertur. 2.^{do} Est motus mixtus, sive quietis interpunctione interruptus. 3.^o Est motus reciprocus. 4.^{to} Est motus electivus. Et denique, datur motus ab irritatione.

*1. instar
fluminis
eodem
semper
properan-
tis.*

Motus eodem semper tenore procedens, est ejusmodi, qualis in fluminibus à mari remotioribus conspicitur, ubi aquæ ab æstu ingruente minime repelluntur. Talis etiam est motus sanguinis in venis, qui continue introrsum versus cor fertur. Liquoris autem hujus nutritii motus ab illo diversus est, uti vinculum nervo injicientibus plane constat; tumor enim atrinsecus à ligamine nullus oboritur: qui certe contingeret, si modo liquor in ligato vase fluxione perpetua aliquorsum decurreret.

*2. inter-
rupte,
cum quie-
te inter-
media.*

Alterum motus genus, nempe cum quietis interventu, est multiplex. Hujusmodi enim est, micatio sanguinis in corde; arte-

artetiarum pulsatio; bilis è vasis selleis per intervalla effluxio; & similiter excrementorum ex intestinis: quæ aliis plenius tractanda relinquimus. Est autem motus quoque succi alibilis in nervis per temporum intervalla interruptio quædam, cæteris jam dictis explicatu difficilior.

Consentaneum profecto est, succum nutritium brevi à pastu nervos paulatim subire, indeque mox sensim ad cerebrum & medullam spinalem ferri. Hinc enim horulis aliquo post epulas, fit sensuum stupor, ad motum ineptitudo, & in somnum proclivitas: quibus excussis, videtur succus ille extrorsum versus artus, aliasque corporis partes nutriendas prorepere. Cui etiam sententiæ optime congruit illa quorundam observatio, afferentium, lymphæductus, quinque aut sex horis abassumpto cibo (utpote tunc temporis repletos magis) facillime dignosci.

Quinetiam verisimile est, cerebrum & spinalem medullam per somnum potissimum nutriri; eoque tempore, liquorem hunc intro ad partes illas fluere, humidificare suis vaporibus easdem relaxare, atque adeo somnum inducere ac protrahere. Indè evenit, ut, diu soporatis, cerebrum vaporibus impleatur, gravetur caput, torpescant sensus, & facultates motivæ enerventur. Novi aliquos, qui à somno insititio, præsertim diuturniore; mox epilepticis insultibus obnoxii fuerint, quibus alias

*Quoniam
alimen-
tum statim
à pastu
feratur.*

*quisnam
sit illius
motus
tempore
somni;*

lias raro tentabantur. Accedit, quod inter dormiendum, fluxiones omnes, ad partes per nervos institutæ, cessare videantur; pituita scil. in tonsillis, eo tempore subsistit, ac densatur; saliva è glandulis maxillaribus nulla profluit; oculi à tenui humore vacui conglutinantur; atque alvus reprimitur. Ipse tamen sanguinis circuitus interea liberior ac citatior est, quam experrectis esse solet; nec propterea cessationum harum causa merito censeri potest. Quoniam igitur, præter nervos, vas aliud nullum, inter quietem ab opere suo feriatur; licebit sane verisimiliter ab eorundem vacatione, cessationum harum causam deducere.

*Et quis,
sopore finito.*

Idque etiam constabit apertius, si modo excusso jam somno, nervorum fluores haud oscitanter pensitemus.

Cerebrum nimirum & spinalis medulla sese contrahunt, ac tensiora evadunt; hinc motus in nervis sit refluus, ferturque pedetentim liquor, partem ad membra nutrienda, partimque ad glandes tum excretioni, tum reductioni famulantes: oculi jam madescunt; nares muco opplentur; palatum & tonsillæ, scretum ac tussim excitant; glandes maxillares, salivæ copiam profundunt; multos laxata alvus ad secesum sollicitat; junioribus ad res venereas calear additur; omnibusque sudatio in proclivi est. E quibus omnibus clare constat, motum in nervis (finito somno)

eo verſum tendere, quo diximus: nempe ad partes exteriores, adque glandulas, emunctrices & reductrices.

Tertium motus genus in vaſis, eſt reciprocum; nempe in iſdem ductibus viciffim prorſum ac retrorſum: atque hoc pacto aër in arteria aſpera cietur, dum ſpiritus alternatim per eoſdem canales recipimus & emittimus: eo tamen forte discrimine, ut duplo plus temporis in expiratione, quam in inſpiratione opus ſit; alteroque tanto amplius expiretur, quam inſpiratu proximo ingreſſum fuerat. Liquor autem in nervis, haud tam crebro reciprocatur: verum, ut diximus, invadente ſomno duntaxat, & jam primum experrectis, ſit illius acceſſus & reſeſſus quidam: quem admodum etiam forſitan in contrariis animi affectibus; veluti in gaudio, ac mœſtitia; amore, & odio; ſpe, metuque; in ira quoque atque erubeſcentia; & ſ. motus in nervis ſit retrogradus: uti etiam in tumorum quorundam metaſtaſi; ex. gr. in ſtrumis, & glandium præternaturalium primordiis; ubi materia à nervis primum ſuppeditata, ab iſdem denuo reſorberi, inque alias partes transferri poſteſt. De iis vero, utpote perceptu arduis, impræſentiarum haud dicam amplius.

Quartum genus, quo liquores in vaſis concitantur, ſit attractione electiva ſive ſimilari. De motu hoc jam antea ge-

3. *Hæmores moventur reciproce, ſcil. acceſſu & reſeſſu.*

4. *electivæ, ſen attractione ſimilari.*

neratim egimus, nec libet dicta repetere. Id nunc solum addam; axiomata illa ab omnibus recepta, *Similia similibus nutriuntur & conservantur*; item, *Simile similibus gaudet*; satis evincere, succum nutritium in nervis huic motus generi obnoxium esse. Monui pridem, humores congeneres in ipsis quoque arteriis quodammodo ad se invicem congregari: est autem nervorum hac in re, præ illis, triplex privilegium: quorum primum, est liquoris in nervis lentus admodum motus: alterum, canalis eorum, ab interjectis innumeris fibrulis, multiplex divisio: ultimum denique, crebræ illorum inter se connexiones, & plexus.

estque attractio
huiusmodi
potentior
in nervis,
quam in
arteriis:

quia humor
in iis
placide
mouetur:

Motus sanguinis in arteriis est rapidus valde, humoribusque vix tantillum otii largitur, ut vel sui similibus associantur, vel ad partes illas abeant, quibuscum iis necessitudo maxima intercedit. Succus vero alibilis in nervis, placide admodum & sine perturbatione prolabitur; partibusque singulis permittitur, quicquid ipsis collibitum fuerit, ad se rapere.

Quia
fibrarum
in nervis
copia facit,
ne
humores
diversi
concurban-
tur.

Præterea, motus in arteriis fit, tanquam in tubo spatiofo atque integro; indeque evenit, ut humores congeneres, licet sibi invicem aliquatenus appropinquent, eodemque properent, non possint tamen à dissimilium consortio plane expediri. Nervorum autem canalis plurimis fibrulis dividitur, è quibus pars nervi media consti-

sti;

Hepatis.

stituitur; ac propterea liquores varii facile, citra permissionem aliquam, inter alias aliasque fibras proreperint.

Postremo, arteriæ raras admodum inter se communionem nactæ sunt; & quæ adsunt, id agunt solummodo, ut, si vas unum vel, à compressu vel aliter occlusum fuerit, alterum illico laboranti auxilium ferat: alias enim humor in quemlibet ramum effusus, per eundem necessario progreditur, donec ad ultima capillaria perventum sit: nec potest è vase uno in aliud transilire. Nervi autem, ob frequentes eorum connexiones (quibus ramus unius cum alterius ramo jungitur) variosque inter se plexus mutuos, & propter motum in eodem vase reciprocum; facile liquores suos ex hoc ramo in illum, partemque adeo quamlibet peculiari humore nutriendam, transfulerint.

Erat profecto iste succi nutritii motus necessarius, quo pars quælibet alimentum sibi peculiare, nullo obstante, seligeret. Quippe ossa, tendines, ligamenta, cerebrum, humores oculorum, &c. singula sibi peculiare nutrimentum postulant quo necessario destituerentur, nisi nutritus ille quoquoersum liberrimè proflueret.

Denique, liquores in vasis cientur ab irritatione aliqua: eademque causa similiter succum nutritium quoque in nervis propellit. Fit autem illa trifariam: nempe, à plenitudine; ab acrimonia; & à vigoratione nervorum.

at denique, quia nervorum, connexiones, plexusque crebriores sunt.

Electivi hujus motus utilitates.

5. Humores concitantur ab irritatione; cujus tres sunt causa:

plenitudo,

Plenitudo oninis, cum ubique molesta sit, necessario partem oneratam plus minusve extimulat; facitque, ut humorem opprimentem, aut ejus saltem aliquid, in vicinam partem vel excernat, vel rejiciat. Inde fit, ut uberior alimenticopia, in nonnullis pinguedinem accumulet; aliis, Veneris sit incitamentum; in aliis, affectionem hystericam exūscitet, ubi plusculum ejus in uterum decubuerit; in quibusdam scrophulas ac strumas producat; & interdum sævos dentium, aliarumque partium dolores inferat; prout nempe prægravati nervi, in hanc illamve partem sese forte exoneraverint.

acrimonia,

Acrimonia humorum, ubicunque adfuerit, facile irritationem quandam producit: succus autem alimentarius naturaliter ab omni mordacitate alienus est; utpote mitis, dulcis, mollisque & nulla acredine partem laceffans. Fit tamen interdum, ut, contracta labe, acris evadat; nervosque vellicando, fluxiones partibus jam debilitates inducat: quemadmodum in arthritide vaga usu venit: in illa, inquam, ubi dolor statim ingruit, articulumque, citra tumorem aut coloris mutationem aliquam, acerrime dilaniat: tumor enim ruborque, à sanguinis per arterias affluxu manifeste proveniunt, & raro à principio conspiciuntur.

et vigoratio nervorum.

Nervorum *vigoratio* (nam sic loqui cogimur) humorem, si quis in iplis fuerit, necessaria

necessario expellit : nam & contractionem una , luctamque in se complectitur ; quæ in robustiore vase, citra liquoris expressionem aliquam , nequaquam evenerint. Tres autem sunt hujus vigorationis causæ : nimirum *perceptio*, sive *sentatio*; *appetitus*; & *motus musculorum*. A sensu *doloris* vigorantur nervi , simulque fluxionem in partem affectam concitant , dum nervus contrahitur , humoremque in se hospitantem abigit. Idem pariter à *voluptatis* sensu contingit ; quo vigentes nervi, humorem alacriter profundunt : sicuti in veneræ rei impetu , liquorem suum prædivitem in generationis organa copiose ejaculantur ; quo absumpto , tristitia subsequitur , atque etiam (si nimium illius factum sit dispendium) macies , cerebri laxitas , &c. *Appetitus* quoque (modo vehemens fuerit) vigorem nervis impertit, eisdemque ad motum irritat : quemadmodum timor trepidationem affert, simulque sudorem frigidum ciet. Et fortassis à reliquis etiam animi affectionibus, nervi variis irritamentis incitantur. *Motu* quoque & exercitatione recalescunt corpora nostra , nervisque tensio ac robur additur. Possunt quidem omnes istæ causæ forte nonnunquam concurrere ; & tunc verissimile est , omnem prorsus succum abbi-lem è nervis excludi ; ut in ipsa morientium lucta (præsertim quorum vitæ vis illata fuerit) plerunque evenit. Eamque cau-

causam esse diximus, cur tum in mortuorum, tum etiam in viventium dissectionibus, succus nutritius in nervis minime reperiatur.

Atque hactenus quidem, quid de generali actione, usuque lymphæ-ductuum, & nervorem quoque (quatenus hi eodem referuntur) conjectem, explicui. Idque à me factum est; haud adeo ut alios sententiæ nostræ adstringerem, quam ut ad grande illud nervorum *mysterium* viam aliquam patefacerem. Qua in re, si susceptus à me labor, aliis ad idem porro faciendum incitamento fuerit, facemque aliquatenus prætulit: tametsi nemini conjecturæ nostræ placebunt, imo vero & erroris posthac manifestæ deprehendentur; operæ tamen exantlatæ nequaquam pœnitibit. Neque enim studia illa male collocata arbitror, quæ intellectui humano, in indagando vero, quomodocunque auxiliatum venerint. Verum, ut ad rem revertar denuo, oportet, quæ à nobis jam dicta sunt, ipsi hepati particulatim applicentur.

Quæ dicta sunt, referuntur ad lymphæductus nervosque qui in hepate reperiuntur.

Asserendum itaque lymphæ-ductus in hepate, non solum halitibus illic in aquam condensatis, sed & succo nutritio superfluo per nervos hepaticos advecto, effe- rendis inservire. Est certe vero perquam simile, liquoris in vasis istis partem maximam ab halitibus jam dictis proficisci. Quippe hepar pars calida est, debentque necessa-


necessario halitus plurimi in eodem exurgere. Ad sunt etiam numerosi lymphæductus, qui haud temere nullumque in finem extructi sunt. Denique, nervi hepatici perexiles sunt; ut dimidio longe minus liquoris afferant, quam à lymphæductibus asportatur. Quamobrem existimem, vasa isthæc (præsertim in hoc viscere) ab ipsis sanguinis halitibus potissimum impleri; & quod è nervis provenit, cum illis comparatum, perexiguum esse. Nihilominus, quoniam liquor in lymphæductibus repertus, aqua mere stillatitia crassior est; fatendum profecto, partem aliquam humoris è nervis emissi cum eodem commisceri. Qui humor, licet partibus illis, ad quas nervi cum amandant, nulli usui sit; quoniam tamen vitalis constitutionis ratione, succus est non illatabilis; haud plane è corpore eliminandus erat, sed lymphæductuum opera sanguini denovo restituendus: ac propterea, quamvis liquor iste *secrementum* dici possit; *excrementi* tamen nomen haudquaquam proprie meretur.

Vasa isthæc ex hepate prodeuntia, venamque Portæ comitata, pancreatis partem perreptant: quamprimum autem illa bifurcatur, ramo mesenterico associantur; pauloque post, facto diverticulo, versus receptaculum commune abeunt, inque ipsum exonerantur; ubi liquor eorum chylo commiscetur, & cum hoc una perdu-

Lymphæductuum progressio, & depletio.

*Liquoris
illius uti-
li as.*

ductum thoracicum in venam subclaviam
transfertur. Dixi sæpe, liquorem hunc
sanguini proficuum esse: nunc addam so-
lum, quam in re utilitas ista consistat.
Nimirum sanguinis coagulationem pro-
hibet: & cum maxima illius pars jam antea
ad volatilitatem sive exhalationem per-
ducta sit, spiritibus vitalibus facile socium
sefe adjungit, sanguinisque micationem
promovet.



INDEX

I N D E X.

A.

Aciditas aliquando dulcedinem precedit. p. 429.
Aciditas dulcedini precedat, in quo fundetur. 424
Acidus liquor quomodo producatnr. 434
Acrimonia est irritationis causa. 548
Actio similis & organica. 355
Actionis & usus partium discrimina. 351
eorum tria genera. 355
Actiones & usus vasorum extra hepar, 12 propositionibus comprehens. 212
Administrationes duæ anatomicæ, quarum opera vasa hepatis innotescant. 253
Administrationem, Spigelii mancarn esse. 257
Administratio Autoris. 259
Adnascentia hepatis. 66
Æqualitas distributionis ramorum portæ. 295
Affluxionis tres cause. 101
Agens naturale num quicquam in usum publicum moliatnr. 352
Albuminis generatio in utero gallinæ. 502
Amaror bilis. 414
Amarities dulcedinē antecedens, in quo fundetur. 427
Amaritiescens consequens, in quo posita sit. 436

Anastomosis nullam inter vasa hepatica inveniri. 323, 331.
Anastomoseon specie quomodo Autores decepti fuerint. 330, 332, 333.
Anatomia subjectum & definitio. 1, 4, 5
Nominis ratio. 1
Differentiæ. 2
Divisiones primæ 7
Observanda in eadem 3
Operationes. 1
Cur Aorta in sinistro, & Cava in dextro sitæ sint. 72
Vide Administrationem Anatomicam.
Aortæ influentia in latus sinistrum. 84
Arteriæ hepaticæ distributio. 313
Ortus ejusdem. 310
Arteriæ lienis. 516, 517
Motus sanguinis in Arteriis est promiscuus. 248, seqq.
Asperitatem, & levitatem, esse accidentia communia figuræ. 54.
Asperitas dulcedinem præcedens. 429
Astrictio dulcedinem præcedens. ibid.
Airabilis. 415
Attractio similis asseritur. 31, 206, 241, 246, 546.
qualisnam ea sit. 245
quibus mediis perficiatur. 241, 242.

A a

a. a

I N D E X.

ad eam tria requiruntur. <u>244</u>	Bilaria vasa sunt bilis receptacula. <u>219</u>
cur dicatur similis. <u>246</u>	Bilis, versus ventriculum & intestina pellicitur. <u>430</u>
potentior est in nervis, quam in arteriis. <u>546</u>	cur ad ventriculum & intestina, antequam ad hepar appellat, circumducatur. <u>452, 453</u>
Attractionis similis alimentis, utilitas. <u>547</u>	eius qualitates. <u>414</u>
Attractionis organica quatuor modi. <u>196</u>	Bilis regurgitatio tandem facit irritationem. <u>230</u>
Vide similitudinem congregationem.	Bilis stimulatio ad excretionem unde fiat. <u>221</u>
B.	C.
Bilis atra. <u>45</u>	Calculi in poro bilario. <u>104</u>
color illius. <u>414</u>	Calor vitalis quomodo bilem producat. <u>415</u>
quomodo ea ad depurationem sanguinis conducatur. <u>241</u>	Caloris vitalis conservatio
Bilis congesta triplex usus. <u>339</u>	Natura magno constat. <u>442</u>
effluxus ejus an cesset, durante coctione. <u>235</u>	Canalis venosus Porta. <u>292</u>
causa. <u>237</u>	Origo capsulae, portae & poro bilario communis. <u>308</u>
Bilis elementa. <u>412</u>	eius dignitas. <u>ibid.</u>
illius productio. <u>415</u>	connexio, & distributio. <u>309</u>
eius genera sunt varia. <u>204</u>	Capsulae usus ad promovendam pulsationem portae <u>465</u>
Bilis non pedetentim, sed collatim effluit. <u>231</u>	Cava, Porta, & pori bilarii communicantes <u>265</u>
est excrementum. <u>412</u>	Cava & Portae proportio. <u>283</u>
non tamen tota excernitur. <u>222</u>	radicem Cavae distributio. <u>297</u>
quomodo è sanguine generetur. <u>436</u> & seqq	ortus. <u>298</u>
motus ejus naturalis quis sit. <u>222</u>	truncus. <u>ibid.</u>
Biliosus humor non nutrit <u>415</u>	rami <u>299</u>
Bilis, obstructionem, & sanguinis coagulationem impedit. <u>240, 241</u>	Cavae usus. <u>475</u>
putredini resistit. <u>259</u>	Cavi hepaticae causa. <u>151</u>
	Cavi

I N D E X.

<i>Cavi hepatis inaequalitates.</i>	<i>Connexio duplex vesiculae fe-</i>
145	<i>lea.</i> 162, 166
<i>quid circa Cavitatem par-</i>	<i>Connexiones Porta, & por-</i>
<i>tis notandum.</i> 48	<i>bilarii.</i> 323
<i>Cavitas hepatis in homine</i>	<i>Connexionum harum usus.</i>
<i>minus profunda, quam in</i>	346
<i>aliis animalibus.</i> 149	<i>Quid circa Continuitatem</i>
<i>An Cerebrum succum nu-</i>	<i>partis inquirendum sit.</i> 47
<i>tritium suppeditet.</i> 510	<i>Continuitas hepatis.</i> 116
<i>Circumductio bilis antequam</i>	<i>Continuitas tunica, ejusdem.</i>
<i>ad hepar appellat.</i> 452	<i>ibid.</i>
<i>hujus circumductionis uti-</i>	<i>& parenchymatis.</i> 117
<i>litates.</i> 455	<i>Contusiones parenchymatis</i>
<i>Clasura insertionis oblique</i>	<i>hepatis.</i> 120
<i>bilem repellit.</i> 225	<i>Cordis positura.</i> 75
<i>Clasura illa a compressione</i>	<i>Cor non sanguificat.</i> 357
<i>fit validior.</i> 227	<i>& quare.</i> 384
<i>Colatura est duplex; vel arti-</i>	<i>Cor in reliquas partes prin-</i>
<i>ficialis, vel naturalis.</i> 470	<i>cipatum quatenus obti-</i>
<i>Colatura naturalis varia ge-</i>	<i>neat.</i> 402
<i>nera.</i> <i>ibid.</i>	<i>Cordi & hepatis diversa sunt</i>
<i>Colatura ad excretionem ten-</i>	<i>munia.</i> 382
<i>dens, triplex.</i> 471	D.
<i>Colaturae naturales inclu-</i>	D <i>extri lateris robur asse-</i>
<i>dunt actionem similem.</i>	<i>riunt.</i> 85, 86, 87, 88
472	<i>hepatis in illud influen-</i>
<i>partes organicae inservien-</i>	<i>tia.</i> 81
<i>tes Colaturae huic.</i> <i>ibid.</i>	<i>In dextro latere Cavam col-</i>
<i>partes similes eidem in-</i>	<i>locari debere.</i> 73
<i>servientes, & quomodo</i>	<i>Discriminatio vasorum he-</i>
<i>operentur.</i> 473	<i>patis utilis.</i> 280
<i>Communitates quinque inter</i>	<i>Discrimina eorum sex.</i> 280
<i>Cavam, Portam, & Porum</i>	<i>ad</i> 283
<i>bilarium.</i> 253 <i>ad</i> 271	<i>Quot modis ab invicem dif-</i>
<i>Congregatio similium asseri-</i>	<i>criminantur.</i> <i>ibid.</i>
<i>tur</i> 448, 449	<i>Dissimilis materia caret</i>
<i>Vide Attractionem.</i>	<i>unionem naturali.</i> 23
<i>Connexiones hepatis</i> 61	<i>Dissimilis partis definitio</i>
<i>Connexiones Cave & Porta.</i>	<i>ibid.</i>
327	<i>distinctio.</i> 18

I N D E X.

Distributio Portæ intra he-	290	Elementi definitio.	31
par.		Elementa intermedia multi-	
Vene Cavae.	297	formia.	32.
Poribilarii.	302	septem modis separantur.	32, 33, 34.
Capsulae, Portæ atque Po-		Elementa ultima.	37
robilario communis.	307	Elementa chymica & Ari-	
Arteria hepaticæ.	313	stotelica inter se compa-	
Nervorum in hepate.	315	rantur.	39
Lymphaductuum.	316	Elementa bilis.	412
Distributionis ramorum Per-	319	Elementorum status triplex.	422
te æqualitas.	295	Exaltationis status.	422, 423
Distributio alimenti nervis		Excitatio quomodo fiat.	241,
tribuitur.	426		242
Divisiones corporis Humani		F.	
tres	7		
illarum consensus.	8	Fallopii sententia exami-	
reductio ad dichotomiam.	8	natur.	199
ibid.		quinque propositionibus	
Divisio quarta.	9	exponitur.	200 seqq.
Ductus communis proportio		Fellea vasa foris conspicua	
ad meatum cysticum &		recensentur.	259
hepaticum.	172	& eorum ab internis dif-	
eiusdem connexionis mo-		ferentia.	ibid.
du.	173	Felleorum vasorum extra he-	
insertio ejus regressum bi-		par positorum actiones &	
lis præpedit.	174, 175	usus.	178, 212
insertionis discrimina	176	Fibrosæ partes.	42
valvulas nullas habet.	175	Figura { externa. }	48
Dulcedinis origo.	428	{ interna }	ibid.
Quomodo dulcia amarescant		Figura interna partes.	ibid.
	437	Figura hepatis externa.	128
Duræ partes.	41	ejus partes, & causæ	150
E.		Figuram hepatis determinan-	
Efluvia possunt excitare		tēs regulæ sex.	131 ad 137
corpora graviora ad		Figura exprimens distribu-	
morum, non autem eadem		tionem Portæ & Pori bi-	
kajulare.	242	larii.	305
		Fissura hepatis.	153

I N D E X.

Fixationis status.	<u>422, 423</u>	Hepatis actio & usus.	<u>409,</u>
Fluxionistres cause.	101		456, <u>460</u>
Forma naturalis definitio propria.	15	Illius Adnascencia.	<u>66</u>
Fracturam ossium glutinatio	502	Anatomia.	55
Fusionis status.	<u>422, 423</u>	Continuitas.	<u>116</u>
		continuitatis huius solutiones	<u>117, 118, &c.</u>

G.

G ibbum hepatis.	150	Hepatis dignitas.	<u>460</u>
Glandularum cum nervis negotium.	<u>527</u>	connexiones.	61
Glandularum divisio, respectu habito ad nervos.	<u>528</u>	Differentia à liene.	<u>107</u>
Glandule excretrices & reductrices.	<u>528, 529</u>	Diminutio.	100
An Glandule mesenterii sint nutritiæ.	<u>530</u>	partem ejus divulsio.	<u>119</u>
Glandule lombares ejusdem sunt usus cum mesentericis	<u>533</u>	Hepatis figura externa.	<u>128</u>
Glandularum & lienis communitates & differentia	<u>535</u>	eiusdem partes, & cause.	150
Glandularum & lienis diversa esse munia.	534	interna figura.	<u>262</u>
Gustandi facultatis vis.	415, <u>416</u>	Hepatis fissura.	<u>153</u>
Gustus à spiritibus præcipue afficitur.	<u>417</u>	flexibilitas minor quam in aliis animalibus.	<u>145</u>
Gustandi facultas, de rerum elementis judicat.	<u>416</u>	Hepatis gibbum.	<u>150</u>
Gustus quomodo promovetur.	ibid	cur non geminum sit.	108
		cur indivisum	<u>138</u>
		insufficiat, in latus dextrum	81
		lateri suo plus roboris affert quam opposito	<u>85, 86</u>
		ligamenta hepatis.	<u>59</u>
		motus illius obscuri.	62
		Magnitudo ejus absoluta & relativa.	50
		magnitudinis differentia respectu ætatis, sexus, castrationis.	<u>25 &c</u> seqq.
		hepatis mensura & pondus.	<u>91, 92.</u>
		munia ejus & cordis diversa sunt.	<u>382</u>
		Numerus partium hepatis.	<u>106, 111</u>
		est unicum.	<u>107</u>

H.

H æmorrhoidalium venarum origo.	288	<u>106, 111</u>	
		<u>107</u>	
		<u>non</u>	

I N D E X.

non sanguificat. 357, 375.

L.

Galenus sensum illi hebetem
tribuens defenditur. 316

hepar toti corporis trunco
conforme est. 139

tumores ejus. 100

vasa 261

hydatides hepatis. 105, 106

hysterica affectionis exem-

plum. 257, 258, 259, 64

Hepatis situs. 57

causa hujus efficiens & fi-
nalis, 78, 79

Tumores illum variant. 58

situm mutatur a corde 74

cur sedem habeat in supre-
mo abdominis loco. 70

cur in dextro hypochondrio
situm sit. 71, 77

L

Julini Iasolini opinio per-
penditur. 203

tribus propositionibus com-
prehenditur 203

Instrumentum infectioni li-
quorum in vasa infer-
viens. 254

Irritatio est vel originalis, vel
per consensum. 470, 478

Irritationis tres causae. 347, 548

Inspiditas immediate dulce-
dinem precedens. 430

Inspiditatis tria genera. 431

Lacteum venarum duo
genera. 378, 531, 532

In latus dextrum hepatis in-
fluentia. 81

in sinistrum, lienis. 82

Laurentii sententia ad tres
propositiones reducitur. 179

Prima perpenditur. ibid.

ejusque fundamentum con-
vellitur. 182

illius observatio enerva-
tur. ibid.

& retorquetur. 189

secunda refellitur. 190

quatuor argumentis. 190
191 &c.

Tertia expenditur. 195

errare ejus occasio. 187, 188

A liene plurimum discrepat
hepar. 107

Lienis bubuli dissectio. 516

Lien quid nervis contribuat.
ibid.

Lieni vas excretorium pro-
prium deest. 519, 520

Cur tot nervi in liene repe-
riantur. ibid.

Lienis & glandium conve-
nientia & discrepantia. 534, 535

Lienis & glandium diversa
esse munia. 534

Lienem non esse melancholia
officinam. ibid.

Lobus hepatis ejusdemque
usus. 156

Cur hepar lobis careat. 109

Longi. udo hepatis. 93
Ln-

I N D E X.

<i>Lubricitas interna hepatis</i>	<i>Meatus partium</i>	42, 50
96	<i>Meatus cystici angustia.</i>	190
<i>Lymphæ ductuum actio & usus.</i>	<i>Meatus cysticus valvulis destituitur.</i>	168
482	<i>ductus ejus amplitudo</i>	ibid.
<i>eos humorem aquosum abducere,</i>	<i>eiusdem annulus fibrosus.</i>	ib.
ibid.	<i>Membranose partes.</i>	42
<i>quoniam eundem transfe- rant.</i>	<i>Mercurius duplex</i>	419
ibid.	<i>Mistorum separationes va- ria</i>	33, 34
<i>unde idem adveniat.</i>	<i>Molles partes.</i>	40
483	<i>Morbi hepatis in situ</i>	64, 65,
<i>partem ejus maximam per arterias advenire.</i>		66
ibid.	<i>Morbi hepatis in magnitu- dine aucta vel diminuta.</i>	100 ad 106
<i>reliquam per alia vasa, & per quæ.</i>	<i>De Morbis hepatis in numero partium aucto observatio- nes.</i>	113, 114, 115
484, 485	<i>Morbi hepatis in continuitate.</i>	118, 119, &c.
<i>non per vas aliquod quinti generis.</i>	<i>Motus hepatis obscuri.</i>	62
486	<i>Motum omnium hepatis par- tium non esse aequalem.</i>	67
<i>Lymphæ ductuum laticem omnem à nervis non suppe- ditari.</i>	<i>Motus bilis naturalis quæ sit.</i>	222
540	<i>Motus sanguinis in radici- bus Cavae.</i>	297
<i>Lymphæ ductuum latices tardiores esse, quam appa- rent.</i>	<i>Motus humorum in vasis quinque genera.</i>	542, ad 548
540, 541		
<i>Lymphæ ductuum primi in- ventores, & descriptio.</i>		
319		
<i>hæc vasa Ascellio errandi- ansam dedisse.</i>		
321		
<i>Lymphæ ductus hepatici</i>		
550		
<i>horum progressio & deple- tio.</i>		
551		
<i>liquoris quem deferunt, u- tilitas.</i>		
552		

M.

M agnitudo partis.	46
<i>Magnitudo hepatis re- lativa.</i>	90
<i>Materie naturalis definitio propria</i>	15
<i>eiusdem divisio.</i>	ibid.
<i>Materia & forma venarum unde.</i>	405

N.

N ervorum hepaticorum ortus.	315
<i>Nervorum in hepatis distri- butio.</i>	316
<i>Nervi hepate usus in pro- movenda Porta pulsatio- ne.</i>	466, 467

I N D E X.

Nervi hepatici usus in Pori- bilarii irritatione. <u>477</u>	eosdem in defunctis inane esse. <u>507</u>
Nervi sexti paris insigne commercium. <u>512</u>	& quamobrem. <u>506</u>
eiusdem plexus, associatio- nes & inosculationes. <u>513, 514</u>	in viventibus transversim sectos nihil liquoris ef- fundere, nec ab injecto ligamine intumescere. <u>504, 505</u>
Nervi sexti <u>paris</u> descriptio. <u>512</u>	& quare. <u>508</u>
Nervos succum nutritium alicubi imbibere. <u>509, 510,</u> <u>511, 515, 516</u>	Numerum partium <u>46, 47</u> Numerus partium hepatis. <u>106</u>
Nervi splenici <u>518</u>	de Morbis hepatis in nu- mero partium ancto, observationes. <u>113, 114,</u> <u>115</u>
Nervorum copia in liene. <u>519</u>	Numerus partium integran- tium hepatis deficiens <u>112</u> redundans. <u>ibid.</u>
Nervosa fibra lienis. <u>ibid.</u>	Nutritii succi motus <u>542</u>
& cur tam numerosa. <u>520</u>	Nutritius succus parce absu- mitur. <u>536</u>
Nervosa fibras usum lienis insinuare. <u>522</u>	Nutritii succi <u>copia</u> minor quam vulgo putatur. <u>536</u>
easdem liquorem à liene elicere. <u>ibid.</u>	Nutritium succum qua par- tes suppeditent <u>509, ad 516</u>
Nervos impuritates suas in glandes renales derivare. <u>524</u>	Nutritium succum distribui per nervos. <u>496, 497</u>
Nervorum cum glandibus commercium. <u>527</u>	Nutritionis inequalitas in Rachitide. <u>503, 504</u>
Per nervos partem lymphæ advehi. <u>485</u>	Nutritius succus statim à pa- stu quo feratur. <u>543</u>
Nervos omnem lymphæ du- ctum laticem non sugge- vere. <u>540</u>	quo, tempore somni. <u>ibid.</u> & quo, somno finito. <u>544</u> O.
Nervorum frequentes conne- xiones. <u>512, 513, 514</u>	Obstructionis tria genera. <u>52</u>
Nervorum vigationem hu- mores concitare. <u>549</u>	tres cause. <u>101</u>
Nervosarum partium vulne- ra extillare liquorem. <u>498</u>	Obstructiones parenchymatis hepatis. <u>122</u> Cf.
Nervis tribuitur alimenti distributio. <u>496, 497</u>	
Nervos cavitate manifestè destitui. <u>505</u>	
& cur. <u>505, 506</u>	

I N D E X.

Officium totius hepatis.	409	Partes excrecentes & in-	
Officii nomen.	ibid.	formata	40
Officium hepatis proprium.	458	Partes spermaticæ, sangui-	
Officium vesiculæ fellæ.	165	neæ, molles, duræ, censiles.	40, 41, 42
Omenti influentia in latus		Permeabilitatis duo genera	
sinistrum.	83		42
Organicæ formæ partes quin-		In Phthisi usus emplastro-	
que.	45, 46, 47	rum cephalicorum.	497
Organicarum partium essen-		Pituuita in intestinis à bile se-	
tia realis.	45	paratur.	451
Organicæ & inorganicæ par-		Plenitudo est causa irritatio-	
tes fundantur in forma 21		nis.	548
Organicæ partes totam par-		Plexus sextiparis.	512
tiem formam absorbent. ib.		Plexus ejusdem usus.	526
Officium fracturæ congluti-		Ponderum hepatis discrimi-	
natio.	502	na.	95, 96
P.		Pori sive permeabilitas par-	
Pancreatis influentia in		tiem.	49
latus sinistrum.	82	Pori biliarii distributio &	
In paralyfi partes absinui		truncus.	302
	497	Pori biliarii distributio intra	
Parenchymata sanguinea &		hepar	302
phlegmatica,	43, 44	Pori biliarii capillares aqua-	
Parenchymatis figura inter-		liter terminantur in toto	
na quomodo dignoscatur.		hepate.	306
	261	Pori biliarii dignitas & ca-	
Parenchyma hepatis egre fert		pacitas.	170
arterie impetum.	453	longitudo & latitudo.	172
Parenchymatis hepatis actio		Porus biliaris valvulis ca-	
& usus.	469	ret.	ibid.
ejusdem dignitas.	ibid.	recta in intestinum aperi-	
idem coli vicē præstare. ib.		tur.	185
Parenchymatis illius partes		Pori biliarii usus.	475
non modo sanguineas, sed		ad Pori biliarii usum quid	
& biliosas dari.	474	contribuat vasorum fel-	
Partium distinctio triplex. 10		leorum irritatio.	476
Partium definitio commu-		Pori biliarii irritatio.	478
nis.	11, 12	irritatione ejusdem per con-	
Partium materia & forma,		sensum causa.	479, 480
ibid.		& usus.	

I N D E X.

<i>& usus</i>	<u>481</u>	<i>Renales Glandes facilitate</i>	
<i>Pori bilarii, Cava, & Por-</i>		<i>secretrice gaudenti.</i>	<u>524,</u>
<i>ta communicataes.</i>	<u>263</u> ad		<u>525</u>
	<u>274</u>	<i>Rubedinis sanguinis</i>	<u>confa.</u>
<i>Porta distributio.</i>	<u>286</u>		<u>362</u>
<i>eiusdem equalitas.</i>	<u>295</u>		<u>S.</u>
<i>Portam esse arteria affinem</i>	<u>463</u>	<i>Sanguinea partes.</i>	<u>43</u>
	<u>246</u>	<i>Sanguis est principium ve-</i>	
<i>Portæ usus.</i>	<u>246</u>	<i>narum efficiens.</i>	<u>403</u>
<i>Portam aliquo modo pulsare</i>	<u>465</u>	<i>Sanguificationis modus.</i>	<u>366,</u>
			<u>367</u>
<i>Ad Portæ truncum quomodo</i>		<i>Sanguificatio est actio simi-</i>	
<i>& sanguis deducatur.</i>	<u>456</u>	<i>laris.</i>	<u>372</u>
<i>Portæ truncus ubi hepar sub-</i>		<i>Sanguinis primus author.</i>	
<i>est.</i>	<u>290</u>		<u>359</u>
<i>Portæ sinus & canalis veno-</i>		<i>Sanguine omnes partes non</i>	
<i>sus.</i>	<u>291, 292</u>	<i>nutriri.</i>	<u>488</u>
<i>Portæ distributio extra he-</i>		<i>quenam ille sint.</i>	<u>495, 496</u>
<i>par.</i>	<u>286</u> ad <u>289</u>	<i>Sanguinem multis partibus</i>	
<i>intra hepar.</i>	<u>290</u>	<i>esse dissimilem.</i>	<u>488</u>
<i>ejus quinque ramorum di-</i>		<i>Ex sanguine quæ partes</i>	
<i>stributio.</i>	<u>293, 294</u>	<i>fiant.</i>	<u>496</u>
<i>Portæ & Cava proportio</i>	<u>283</u>	<i>Ex sanguine partes ab ini-</i>	
<i>Postulata quedam, figuræ</i>		<i>tio habuerant facta.</i>	<u>494</u>
<i>trunci humani utilitatem</i>		<i>Sanguinem minus fixum &</i>	
<i>demonstrantia.</i>	<u>139, 140,</u>	<i>permanentem esse solidis</i>	
	<u>141</u>	<i>partibus.</i>	<u>489, 490, &c.</u>
<i>Principii definitio.</i>	<u>392</u>	<i>Sanguinem partes solidas de-</i>	
<i>ejus variæ significationes</i>		<i>prædari.</i>	<u>491</u>
		<i>ibid.</i>	
<i>tria genera.</i>	<u>393</u>	<i>Sanguis depuratur ex secre-</i>	
<i>Principium continuationis</i>		<i>tione bilis.</i>	<u>411</u>
<i>venarum.</i>	<u>397, 398</u>	<i>Sanguinis motus præmiscuus</i>	
		<i>in arteriis.</i>	<u>248, 249, 250</u>
		<i>Sanguinis motus in radicibus</i>	
		<i>Cava.</i>	<u>297</u>
<i>R.</i>		<i>Sanguinis iter ad Portæ</i>	
<i>l. R. Achitide nutritionem</i>		<i>truncum.</i>	<u>456</u>
<i>esse inæqualem.</i>	<u>503</u>	<i>Sanguinis & chyli discrimi-</i>	
	<u>504</u>	<i>na.</i>	<u>372</u>
<i>Quid circa Ramificatio-</i>		<i>Sanguis biliosus ad ventricu-</i>	
<i>nem partium observan-</i>		<i>lum</i>	
<i>dum.</i>	<u>53, 54</u>		

I N D E X.

lum & intestina fertur	448	Vide Congregationem similium
& quare.	452	Similares hepatis partes 110
Sanguis biliosus non recta deducitur ad hepar per arterias.	453	earum enumeratio. 110, 111
Sanguis biliosus necdum de- puratus non debet ad ca- vam reduci.	456	Sinistri à dextro latere diffe- rentia. 80 ad 88
Sanguine abundantes fre- quenter macilenti	498	in sinistrum latus quæ par- tes influant. 82, 83
Seminis generatio in testicu- lis.	499	Sinus porta. 291
Similaris attractio.		Situs hepatis. 57
Vide Attractionem.		circa situm partium quid inquirendum 45, 46
Similaris partis definitio. 16,		Spermatice partes. 40, 41
Similarium partium natura		Spiritus quid significet. 417,
realis.	31	418
& divisiones.	40	Spiritus sulphureorum dif- crimina & status triplex.
materia partium ultima, est tantum similis.	21	422, 423
Similares & dissimiles par- tes fundantur in materia.	18	Spiritus quibus mediis red- dantur volatiles & fugi- tivi. 433
Similares partes totam par- tium materiam represen- tant.	21	Spiritus dulces quomodo pro- fugiant. 439
usus distinctionis partium similarium & dissimila- rium.	27	Spiritus processus ab as- sumpto alimento ad eorum exhalationem. 440, 441
Similitudo in partibus simi- laribus quæ requiratur.	17	Status tres elementorum quo- modo ad gustum referan- tur. 424
Similium congregatio quous- que in sanguine procedat	449	Stimulatio bilis ad excrecio- nem unde fiat. 221
Similium vis similia ad se congregandi.	34, 35	Strumaram origo. 498, 499

T.

Abulæ duæ hepatis excar- nati.	349, 450
Thymi usus.	533, 534
Transpirationis insignes u- sus.	443, 444
Truncus ramorum Cavae.	298
Trun-	

I N D E X.

<i>Truncus pori bilarii.</i>	<u>302</u>	<i>in vesiculam.</i>	<u>162, 163</u>
	<u>303</u>	<i>connexio.</i>	<u>162</u>
<i>Truncus Porta.</i>	<u>291</u>	<i>annulus fibrosus.</i>	<u>167</u>
<i>figura Trunci in corpore</i>		<i>officium.</i>	<u>165, 166</u>
<i>humano qualisnam sit.</i>		<i>Vesiculam felleam aliquan-</i>	
	<u>139, 140, &c.</u>	<i>tulum dilatarı posse.</i>	<u>215,</u>
<i>eiusdem figura utilitas.</i>			<u>216</u>
	<u>140</u>	<i>Vesiculam felleam natura-</i>	
<i>Tumores hepatici.</i>	<u>100</u>	<i>liter impleri à radicibus</i>	
<i>calidi, frigidi.</i>	<u>101, 102</u>	<i>suis.</i>	<u>216, 217</u>
<i>parenchymati hepatis pe-</i>		<i>Vesiculam felleam semper esse</i>	
<i>culiaria.</i>	<u>103</u>	<i>plenam.</i>	<u>212</u>
		<i>quare.</i>	<u>213</u>
V.		<i>Vesiculam felleam nimis re-</i>	
		<i>pletam ad excretionem sti-</i>	
<i>Valvula nulla in ductu</i>		<i>mulari.</i>	<u>220, 221</u>
<i>communi.</i>	<u>173</u>	<i>quomodo à vesica urinaria</i>	
<i>Valvula Laurentii rejicitur,</i>		<i>discrepet.</i>	<u>213</u>
<i>quam non viderat.</i>	<u>183</u>	<i>Volatilitatis status.</i>	<u>423, 424</u>
<i>Vappa quomodo fiat.</i>	<u>433</u>	<i>Usus duplex, vel activus vel</i>	
<i>Venarum origo.</i>	<u>321</u>	<i>passivus.</i>	<u>351</u>
<i>Venarum materia & forma</i>		<i>Usus activus duplex.</i>	<u>352</u>
<i>unde.</i>	<u>322</u>	<i>Usus est vel similis vel or-</i>	
<i>Vena habent principium con-</i>		<i>ganicus.</i>	<u>355, 356</u>
<i>timationis.</i>	<u>397, 398</u>	<i>Usus proprii cujusvis partis</i>	
<i>scaturiginis.</i>	<u>399</u>	<i>clarum indicium.</i>	<u>521, 522</u>
<i>Vena sanguinem conservant.</i>		<i>Usus publicus ac nobilis, he-</i>	
	<u>390</u>	<i>patis concessus.</i>	<u>410</u>
<i>Vena non sanguificant.</i>	<u>389</u>	<i>Usus distributionis ramorum</i>	
<i>Ventriculi inflatio.</i>	<u>66</u>	<i>portae.</i>	<u>296</u>
<i>Influentia in latus fini-</i>		<i>Vulnera hepatis.</i>	<u>118</u>
<i>strum</i>	<u>83</u>	<i>Vulnera vasorum hepatis</i>	
<i>Vesicula felleae figura.</i>	<u>161</u>		<u>125 & seqq.</u>
<i>radices, earumque insertio</i>			

Totius Libri Finis.

16
15
14
13
12
11
10
9
8
7
6
5
4
3
2
1
0
-
1
2
3
4
5
6
7
8
9
10
11
12
13
14
15
16

88 560 696

12⁰ $x^{12} (\pm x^{1.12}, x^{2.11}) 2x^{12} A - Z^{12} 2A^6$,

(3 gens. 'C4', F7 gens. 'E7',

26 gens. 'Y6'); 2 unrel. ptns,

3 ptns. gen. 1-3 (pp. 3, 44, 102)

ccmp 88



